

სეკსურეთის სალსური ისტორია

სუთ ვიბნად

ვიბნი პირველი

უმოთა არაბული

**ისტორიული
თავგადასავალი
ხევისურთა**

**თბილისი
2006**

ასი წლის წინ ხევსურეთზე წერდნენ: კავკასიის მთებში მომაკვდავი ტომი ცხოვრობსო. ეს არ იყო შემთხვევით ნათქვამი სიტყვები. იმ დროს ხევსურეთში ცხოვრება დულდა, მისი მომავალი კი იმთავითვე გათვლილი ყოფილა.

უსინათლო ქურუმს თარხანათ გაგას უთქვამს: „ჭადუს ბანზე ნადირნი გამოვლენო.“ მაშინ სოფელი ჳადუ ხევსურეთის ერთ-ერთი ყველაზე დიდი და რიცხუმრავალი სოფელი იყო, დღეს კი ნადირთა საბუდრად ქცეულა...

მე ვეძებ და ვწერ ძველ დროზე, ძველ ხევსურეთსა და ხევსურებზე, ვწერ ლეგენდებსა და ლეგენდებად ქცეულ სინამდვილეს.

ვკითხულობ და ვწერ, თუ „რანი ვიყავით გუშინ“.

ნაწერები გამოდის ხუთ წიგნად. მეორე წიგნი – „სისხლის წვიმები, ანუ ერისთობა ხევსურეთში“ არაგვის ერისთავების ხევსურეთში ბრძოლებს ეხება. მესამე წიგნი – „ნარჩევი ხევსურები“, რომელიც უკვე გამოვიდა, ეროვნულ გმირებზე მოგვითხრობს. მეოთხე წიგნი – „სოფლები, გვარები, ჯვრები“ ხევსურული სოფლების, გვარებისა და ჯვრების ანდრეზულ წარმოშობაზე მოგვითხრობს. მესუთე წიგნში – „მითოლოგია, დღეობები, რჯული“, ხევსურეთის შესახებ სხვადასხვა ანდრეზები და წერილები შედის.

*ავტორი წიგნის გამოცემაში თანადგომისათვის
მადლობას უხდის სანდრო შანიძეს*

„ქცხოვრობენ ნაშიურნი კომერისა.“

(გრ. რობაქიძე)

„როგორც ლადოგის ტბის ფსკერზე დევს ისტორიამდელი ხანის ყინული, ისე შემორჩენილან კავკასიის მთებში ხევსურები.“

(ვ. შკლოვსკი)

აღმოსავლეთ საქართველოს მთიანეთში, ჩრდილოეთის საზღვარზე, უძველესი დროიდან დგანან იბერიელთა ძირ-ძველი ტომი – ხევსურები, რომელთა „ქვეყანას“ წინათ „ფხოვი“, მოგვიანებით კი „ხევსურეთი“ ეწოდა.

„ფხოველთა ქვეყნის“ სოციალური ყოფა, რელიგია, კულტურა, ისტორიულ-ეთნიკური საზღვრები და როლი, როგორც იბერია-ქართლის მთიანეთისა და ქართველ მეფეთა გავლენის ქვეშ მყოფი ჩრდილოეთ კავკასიის ტომების მაკონტროლებელი რეგიონისა, შესწავლილი არ არის.

„ქართლის ცხოვრების“ ძველი უამთააღმწერელნი არას ამბობენ „ფხოველთა ისტორიაზე“. ფხოველთ მხოლოდ რამდენიმეჯერ მოიხსენიებენ და მაშინაც, როგორც მოურჯულელებლთ და მეამბოხეთ. სიამაყით აღნიშნავენ, თუ როგორ მოსრნეს და მოსდრიკნეს წარმართი, ურჩი ფხოველნი – „კაცნი იგი მჭეციისა ბუნებისანი“. ფხოველთ კი სამშობლოსა და მამულის ერთგულებაში თავი არასოდეს დაუზოგავთ და არც არასოდეს გამდგარან განზე, უხსოვარი დროიდან პირნათლად იხდიდნენ იბერიის მეფეთა მიერ დაკისრებულ ვალს – ჩრდილოეთ საზღვრის დაცვას და ბრძოლის ველზე მოლაშქრეთა დაუყოვნებლივ გაყვანას.

ფხოველნი თავის საქმეს უხმაუროდ აკეთებდნენ, იცავდნენ საზღვრებს და გადიოდნენ მეფის ლაშქარში. მემატიანენიც, რომელნიც ძირითადად ზედაფენების როლს წარმოაჩენდნენ და წვრილი ერის ცხოვრების ასახვას არ აწარმოებდნენ, დუმდნენ, რადგან მეფეთ ამ მხრივ საზრუნავი არ ჰქონდათ. მაგრამ ფხოველნი, რაღაცაზედ გამწყრალნი, თუ ამბოხდებოდნენ, მემატიანესაც უჩნდებოდა საწერელი, ისიც მეფე-ერისთავთა სასარგებლოდ და განსაღიებლად და არა მომხდარის განსასჯელად. ამას გარდა, მთიელთა ყოფა-ტრადიციები, თქმულებანი, სიმღერენი და ისტორია დაწერის ღირსად არც ითვლებოდა, რადგან „არიან ზღაპარი და ცუდ, ამისთვის უჯერო არს“ მათი აღწერაო. წარმართი ფხოველის არწარმოჩენაში ღიდ როლს თამაშობდა ქრისტიანული იდეოლოგიაც.

ყოველივე ეს – ამბოხიცა და სამშობლოს ერთგულებაც, სიმღერენიც და ანდრეზიც – თითოეული ხეკსურის მიერ ხმლითა და სისხლით ნაწერი ზეპირი ისტორიაა მხოლოდ.

ხეკსურთ წარმომავლობა, მათი ცხოვრება და ბრძოლა, საქართველოს ისტორიის ფურცელია – ჯერ დაუწერელი, რამეთუ „ბნელ და უჩინო არს ცხოვრება და ძნიად გამოსარკვეველი“, – როგორც ვახუშტი იტყოდა.

„ხეკსურთა ისტორიის“ ზეპირ შემატანიან-მეანდრეზეთა ხსოვნაც დაბერდა და თანდათან გაქრა.

„მთაში გამოკეტილმა“ ფხოველებმა, ჯერ კიდევ ქრისტიანობამდელი დროიდან, სიმღერე-ანდრეზებად (ნაქადაგრები, ხმით ნატირლები, მთბლურები, ფერხისულები, თასურები) შეთხზეს და ჩვენ დრომდე ფრაგმენტულად შემონახეს მითოლოგიურ-ისტორიული გადმოცემანი, რომლებშიც „დამარხულ არს“ თვით საყმოს ისტორია. საუკუნეების მანძილზე იქმნებოდა ფხოველთა ზეპირი ისტორია და გადაეცემოდა თაობებს ხთიშვილთა თუ ხორციელ გმირთა სადიდებლად, „ხთიშვილთა გასართობად, სასიამოვნებლად და გულის მოსაგებლად“ (ვ. ბარდაველიძე), რომელიც, ამავე დროს, „ხალხისათვის წარსულის შესასწავლი და აწმყოს ხსოვნის გასამტკიცებელი საშუალება იყო.“ (ქს. სიხარულიძე).

„აქ ყველანი და ყოველივე ზღაპრისა და ლეგენდის ბადით შეხავსულა: დიდი ბუჩქის ძირში ბუნდოვანი მითი ჰფუსფუსებს, პიტალო კლდეზე რაინდული არაკია გაკრული, ხოლო გარინდულ ხეებსა და გალიბულ ქვებზე ჟანგანი ლურსმნით გალექსილი ეპოსია ამოჭრილი,“ – წერდა მ. ჯავახიშვილი ხეკსურეთზე.

ფხოველთა ტროასსადარი მიწა, სადაც ჩამარხული და ჩაფერფლილია უძველესი ქართველური ტომების – „წინა კაცთა“, „ხთიშვილთა“ თუ „დეეკერათა!“ ყოფა-ბრძოლის ისტორია, უცნობია და საკვლევო.

„ჯერ კიდევ ამოუცნობია არაგვისა თუ პანკის-კვეტირისა და წუქეთ-ხუნძახის საეროსთაოში შემავალი კართანა-წინკარის, ჯმალა-შურისციხის, შატილ-ანატორის, მუცოს, არდოტის, არხოტისა და სხვა კართა თუ სიმაგრეთა სახელმწიფო-სტრატეგიული დანიშნულება, რომელთაც მეფეთა მიერ საგანგებოდ ჩაყენებული გვარები მორიგეობით იცავდნენ.

ჯერ კიდევ საკვლევია ფხოველთა უძველესი მსოფლმხედველობა და ღვთაებათა (ხთიშვილთა) პანთეონი, რომელიც, მეტი თუ არა, ნაკლები არ არის შუამდინარეთისა თუ ბერძნულ-რომაულ ღვთაებათა პანთეონისა. ხეკსურული ქადაგობის ინსტიტუტი ხომ ანალოგიაა დელფოს სამისნოსი, ხოლო „სულთანობას“ – მიცვალებულის სათქმელის პირველი პირით გადმოცემის ტრადიციას – შუმერულ-ბაბილონურ კულტურასთან აქვს კავშირი.

საკვლევეია ისტორია ფხოვის ტერიტორიაზე მდგარ „დეე-კერპთა“, რომელნიც ფლობდნენ ლითონის ჭედვის საიდუმლოს და მეგალითური ტიპის სადგომებში „ციხეგორებზე“ სამჭედლოები ჰქონდათ გამართული.

დღეს შეიძლება მხოლოდ კითხვები დაესვათ: რას ნიშნავს აღმოსავლეთ საქართველოს დაბლობში მაცხოვრებლებზე უფრო რიცხვმრავალი, „მეამბოხე ბუნების“ იბერიის მთიელების „ნათესაობა“ სკვითებთან და სარმატებთან და „მათ ყაიდაზე“ ცხოვრება, თუმცა, მათგან განსხვავებით, მიწათმოქმედებასაც რომ მისდევდნენ და „შფოთის ღროს მრავალი ათასი“ მებრძოლი გამოჰყავდათ? მაგრამ, როგორც ხევსური მეანდრეზე იტყვის: „სუყველა ვადით ას“. (ასეთივე წარწერა იყო დელფოს ტაძრის კედელზეც.)

ჯერ არაბებისა და შემდეგ თურქ-მონღოლების კავკასიაში ბატონობისა და რელიგიათა შეჯახების შედეგად „ფხოვის ქვეყანა“ ეცემა. იშლება სტრატეგიული დანიშნულების რეზიდენციები ფხოვში. წარმოებს მოსახლეობის მიგრაცია.

შუა საუკუნეებიდან „წინა კაცთა“ ნადგომზე, ანუ, როგორც ზ. კიკნაძე იტყვის, „ნადევარ ტერიტორიებზე“ დაწინაურდებიან ხევსურნი (ფხიები) და ფშაველნი (შუები), რომელნიც ძველი ფხოვის ღროს მცირედ განსხვავებული თემები უნდა ყოფილიყო.

ეს ნააზრევი და ნაწერები მხოლოდ მცირედია, კომენტარები, ფრაგმენტები და ქრონიკებია ხევსურთა ყოფისა. იგი ერთგვარი შესავალია ხევსურთა ხალხური ისტორიისა, რომელიც მომდევნო წიგნებში იქნება მოთხრობილი.

1991-1997 წ.წ.

კორშა-ჩირდილი

ხევსურთა ხსოვნაში ისტორიული „ფხოვის“ არსებობა წაშლილია, მხოლოდ რამდენიმე სახელწოდებაა („ფსიტუ“, „დინიფხო“, „ფხიჭოუ“, „შუაფხო“, „აფხუშო“, „ფხოველი“, „აფხავი“, „ფხვენისი“, „ფხოწეხი“) შემორჩა მისი არსებობისა როგორც მთაში, ასევე ბარში. მართალია, ანდრეზები შორეული წარსულიდან ცოცხლობენ და გადაეცემა შთამომავლობას, მაგრამ ისინი არა „ფხოველებზე“, არამედ „ხევსურებზე“, რაც მიანიშნებს, რომ ფხოვის შემადგენლობაში ძველი დროიდანვე ერთ-ერთ ძლიერ თემსა თუ ტომს ხევსურნი შეადგენდნენ.

ხევსურული ანდრეზი, რომელიც „მართალ ას“, რომელიც ეპოქაში ნამდვილად მომხდარ მნიშვნელოვან ისტორიულ, მითოლოგიურ ამბავს, შემთხვევას ასახავს, მაგრამ კონკრეტულად რომელ ისტორიულ ხანას ეხება, ხშირად ძნელი დასადგენია. ძნელია ამოვიცნოთ, სად მთავრდება ნამდვილი ისტორია და საიდან იწყება მითი, ან პირიქით.

პრაქტიკაში ხევსურნი ნამდვილი ისტორიული ფაქტებით ხელმძღვანელობდნენ, გარდასული და მიმდინარე ამბების მოყოლისას კი სხვადასხვა მთქმელი სხვადასხვანაირად თხზავდა, უფრო – სიმღერედ და ზოგ რამეს თავადაც ამბებდა. ხევსურნიც უსმენდნენ, იმახსოვრებდნენ, გადასცემდნენ თაობებს და მოდიოდა ასე დასაბამიდან.

დღესაც ხევსური თავისი ყოფის, სარწმუნოების ნორმებს შორეული საუკუნეების არშინით ზომავს და მტკიცედ იცავს ძველ შეხედულებებს. საუკუნეთა მანძილზე უცვლელად მეორდება სოციალური, კულტურული, რელიგიური ყოფის ერთი და იგივე ფორმები. „ეს ასე იყო. ეს ასე უნდა იყოს. ეს ასე იქნება,“ – ამბობდნენ მოკლედ ლაკონიულები და სპარტელები, რომელნიც ოდიოზანვე დადგენილ ლიკურგეს მკაცრ კანონებს მტკიცედ იცავდნენ. ასეთივე პრინციპით ცხოვრობდნენ ხევსურნიც.

ჯერ კიდევ გასულ საუკუნეში ნ. ხიზანიშვილი (ურბნელი) წერდა: „ფშავ-ხევსურნი... ერთიც და მეორეც სცხოვრობს წარსულით, გარდმოცემით. ქართულისათვის გარდმოცემამ დიდი ხანია დაჰკარგა თავისი მნიშვნელობა, თავისი აღმზრდელი ძალა. ფშავ-ხევსურეთისათვის კი ეს გარდმოცემა აქამომდე ღვთიური მადლია, რომელიც ასულდგმულებს, აცხოველებს ამ მუჭისოდენა ხალხს.“ მკვლევარი ძველ გადმოცემას – ანდრეზს „წარსულის ფოტოგრაფიულ სურათს“ უწოდებს და დასძენს: „ამ სურათს მხოლოდ აქ, ფშავ-ხევსურეთში ჰპოვებთ“ –ო. ამის გამო არის, რომ ყველაზე მეტად ხევსურეთში იქნა შენარჩუნებული პირველყოფილი ცხოვრების ძლიერი გადმონაშთები როგორც ყოფაში, ისე მსოფლმხედველობაში.

რამდენადაც ხევსურეთის ტერიტორიაზე სერიოზული არქეოლოგიური კვლევა არავის უწარმოებია, ნივთიერი კულტურული ძეგლები ნაკლებად გვაქვს, მაგრამ ის ფაქტები, რომ ჯერ კიდევ გასული საუკუნიდან დღემდე ხევსურეთში შემთხვევით პოულობენ ბრინჯაოსა თუ რკინის ხანის ძეგლებს, გვაფიქრებინებს, რომ აქ კულტურული ტომები ძველი დროიდანვე იდგნენ.

ფხოვი, რომელიც მდებარეობდა კავკასიონის მთავარი ქედის ჩრდილოეთ და სამხრეთ კალთებზე, მდინარეების – ასას, არღუნისა და არაგვის ხეობებში, პარალელურად განიცდიდა როგორც ჩრდილოური, ასევე სამხრეთული კულტურის გავლენას, უფრო კი სამხრეთულისას, რომელიც არა მარტო ფხოველებზე, არამედ მათ ჩრდილოელ მეზობლებზე – ძურძუკებსა და ღიდოელებზედაც ვრცელდებოდა ფხოვის გზით. ისინი კი ძველთაგანვე ქართლოსიანთა ნათესავად ითვლებოდნენ.

აღსანიშნავია ისიც, რომ კულტურას საფუძველი თავად გორებსა და ხეობებში ჩაეყარა, საიდანაც იგი გავიდა ბარის რაიონებში. ნ. კეცხოველი წერს: „კულტურა სწორედ ხეობებში წარმოიშვა და იქიდან გამოვიდა ველზედ, ვაკეზედ.“

გ. მელიქიშვილის მიხედვით, საქართველოს მთიანეთში ქართველური ტომები ჯერ კიდევ ძველი წელთაღრიცხვის დროს სახლობდნენ. ფხოვის წარმომავლობა, ზოგი მკვლევრის აზრით, უკავშირდება ძვ. წ. XIV ს-ის ხეთურ წყაროებში მოხსენიებულ „ფახუვას ქვეყანას“.

ხევსურეთის ტერიტორიაზე აღმოჩენილ იქნა ბრინჯაოს ნივთები, მცირე ზომის ითიფალური ქანდაკებანი, რომლებიც გამოყენილი იყო „კავკასიის“ მუზეუმის ექსპოზიციებში, რაც უტყუარი საბუთია ფხოვში კულტურული ტომების დგომისა ბრინჯაო-რკინის ხანაში.

ფშავ-ხევსურეთი „ასე თუ ისე, საუკუნეთა განმავლობაში, თავისი განკერძოებული გეოგრაფიული მდებარეობის მიუხედავად, მაინც განიცდიდა ან უშუალოდ ბარის საქართველოდან, ან ბარის საქართველოს გზით მომავალ მძლავრ კულტურულ მიმდინარეობათა ზეგავლენას: ბერძნულ-რომაული კულტურისა, მაზდეანური ირანისა, ქრისტიანობისა, მაჰმადიანობისა, რუსეთის ბიუროკრატიული იმპერიისა, ბოლოს ყველაზე ხანგრძლივად თვით ქართული ფეოდალიზმისა, ამიტომ, ცხადია, ფშავ-ხევსურეთის გვაროვნულ წეს-წყობილებას თავისი დამახასიათებელი ატრიბუტებით – თემური მიწათმფლობელობით, საზოგადოებრივი დიფერენციაციის უქონლობით, საადათო სამართლითა და ანიმიზმით ჩვენამდე არ მოუღწევა შეურყენელად, მაგრამ ანალიზის შემწეობით ყოველთვის შეიძლება, დაახლოებით მაინც შეიძლება გავარჩიოთ ეს ელემენტები, რომელნიც ხალხის შემოქმედებითი ძა-

ლის ნაყოფს წარმოადგენენ და ის ელემენტები, რომლებიც გარედან უნდა იყოს შემოტანილი.“ (გ. ქიქოძე)

როგორც ჩანს, ფხოვი ძველ დროს წარმოადგენდა საკმაოდ ძლიერ ხე-თა გაერთიანებას, რომლის შემადგენლობაშიც შედიოდნენ სხვადასხვა გვარები, რომლებიც დროდადრო შემოიღებოდნენ ხოლმე საქართველოს ბარიდან თუ ჩრდილოეთ კავკასიიდან და სამუდამოდ მკვიდრდებოდნენ აქ და რომელთა შორის კავშირურთიერთობასთან ერთად მტრული დამოკიდებულებაც იყო.

ფსოფალთა სოციალური წარმოება. ფხოველნი ძველი დროიდანვე თანასწორნი იყვნენ როგორც ქონებრივად, ისე უფლებრივად. სოციალური დიფერენცირება აქ არასოდეს ყოფილა. კავკასიის პირველი სახელმწიფოები მთისა და ბარის მეურნეობების ჩამოყალიბებისა და შერწყმის შედეგად წარმოიქმნა, მაგრამ მთაში ბარული ფეოდალიზმის ინსტიტუტმა და მოსახლეობის სოციალურმა, კლასობრივმა დიფერენცირებამ ფეხი ვერ მოიკიდა, რის გამოც მთა სუსტად განვითარებული დარჩა. ხევსურნი დღემდე ამაყობენ, რომ არასოდეს არავის ყმები არ ყოფილან, გარდა მეფისა და „დიდი ბატონისა“ – ჯვრისა. ფხოველთა სოციალური წყობა სამხედრო-რელიგიური დემოკრატიის უმაღლეს საფეხურზე ავიდა. რელიგიური, თეოკრატიული ხელისუფლება წყვეტდა მთიელთა ყოფასა და ერთმანეთზე უფლებრივ დამოკიდებულებას.

„ხევსურეთის გეოგრაფიული მდებარეობისა და გარკვეული ისტორიული პირობების გამო ქართლისა და კახეთის მეფეებს ან, უფრო გვიან რუსეთის ხელისუფლებას, არ შეეძლოთ ხევსურეთის მოსახლეობის ეკონომიური საჭიროების დაკმაყოფილება, არც ისეთი მმართველობის ორგანოს შექმნა, რომელიც მას მეზობელი ტომების თავდასხმებისაგან დაიცავდა და მშვიდობიან ცხოვრებას უზრუნველყოფდა. ადგილობრივი მოსახლეობა იძულებული იყო საკუთარი ძალით გადაეწყვიტა ყველა საჭირობო საკითხი, ამათგან კი მთავარი იყო საარსებო საშუალებათა მოპოვება და შემდეგ მათი დაცვა... ყოველი გვარი ცდილობდა ერთიანობისა და სიმტკიცის შენარჩუნებას თავის შიგნით, რომ არ დაჩაგრულიყო... თემობრივი საზოგადოების ყოველი წევრის უპირველეს მოვალეობად ითვლებოდა საერთო საქმისათვის თავდადება... პიროვნებას არ შეეძლო თემის გარეშე, მისგან დამოუკიდებლად ცხოვრება, ვინაიდან მას არც ადგილ-მამული ექნებოდა და არც თავდაცვის საშუალება.“ (გ. არაბული)

მისი მართლმადიდებლობის მიუხედავად, ფხოვი საქართველოს მეფეთა მუდმივი ყურადღების ქვეშ იმყოფებოდა და განაგებდა მეფის მიერ დანიშნული ერისთავი, რომელსაც რეზიდენციები ფხოვის

სტრატეგიული მნიშვნელობის ადგილებში ჰქონდა და მისი მოხელენი იქიდან აკონტროლებდნენ მთიანეთს. მეფის მიერ დანიშნული ერისთავ-გამგებელნი არ ერეოდნენ ფხოველთა შინაურ საქმეებში. ამას თავად თემი და თემთემის უფროსი კაცნი (ხვეისბერნი) განაგებდნენ. (ძველი ფხოვის დროს მის მმართველად მოიხსენიებიან ძენი ბაკურიანი და ძაგანის ძენი). ფხოვის დაშლის შემდეგ თუშ-ფშავ-ხევსურეთს განაგებენ ჩოლოყაშვილები. ერთ ხანს თუშ-ფშავ-ხევსურეთის მოურავებად იხსენიებიან ჭავჭავაძენიც.

მთის როლი სახელმწიფოსთვის. მთა, რომელიც „სახასო იყო... იმთავითვე იქცა სამხედრო სტრატეგიის ერთ-ერთ აუცილებელ კომპონენტად. ეს მნიშვნელობა მას ყოველთვის ჰქონდა. სხვანაირად არც შეიძლებოდა. საქართველოს პოლიტიკური ისტორიის დიდი ნაწილი მთებში იქმნებოდა.“ (ჯ. სტეფანაძე)

„მთა იყო მოწინავე, მიუდგომელი ციხე სახელმწიფოსი და ამ ციხეში იწვრთნებოდა საუკეთესო ვაჟკაცობა ძველი საქართველოსი.“ (ნ. ხიზანიშვილი)

„მთიელებს... სამამაცო საქმეებსა და ომიანობაზე ეჭირათ თვალი... ოღონდ კი ომიანობის ხმისთვის ყური მოეკრათ და ფიცხლავ მიწას თავს მიანებებდნენ და იარაღს აიღებდნენ ხელში.“ (ივ. ჯავახიშვილი)

ზოგჯერ ხდებოდა, რომ მთა ფუნქციას იცვლიდა: „...საქართველოს ძლიერ მონარქიად ჩამოყალიბებამდე იგი საფრის როლს ასრულებდა. ერთიანი სახელმწიფოს ჩამოყალიბების შემდეგ კი ზურგის ფუნქცია მიიღო. სანამ საქართველო ძლიერი იყო, მთა ზურგში ჰქონდა მოქცეული, მაგრამ განცდილმა მარცხმა (ხვარაზმელებთან, მონღოლებთან) კვლავ მშობლიური სტიქიისკენ აბრუნებიათ პირი. დაიწყო თუ არა საქართველოს პოლიტიკური წარუმატებლობა, მაშინვე აშკარად გამოიკვეთა მთის თავდაცვითი ფუნქცია.“ (ჯ. სტეფანაძე)

მთის ცნობები იმდროინდელი მთიანეთის შესახებ. ბერძნულ წყაროებში გვხვდება ცნობები აღმოსავლეთ საქართველოს მთიელთა შესახებ. მათში ფხოველნიც უნდა ვიგულისხმოთ. სტრატონის მიხედვით, იბერიის მთიანეთი ხალხმრავლი და მჭიდროდ დასახლებული ყოფილა: „დაბლობზე ცხოვრობენ იბერთაგან უფრო მეტად მიწათმოქმედნი. ესენი მშვიდობიანად არიან განწყობილნი, არმენიელთა და მიდიელთა მსგავსად ეწყობიან (იმოსებიან, იჭურვებიან). უფრო დიდი ნაწილს, რომელიც მეტროლი ბუნების არის, უჭირავს მთიანი მხარე და ცხოვრობს სკვითებისა და სარმატების ყაიდაზე, რომელთა მეზობლებიც და ნათესავებიც არიან, თუმცა ესწრაფვიან მიწათმოქმედებასაც და როდესაც ჩამოვარდება შფოთი, თავისი და მათი (ე.ი. სკვითებისა და სარმატებისა) სახსრებით გამოხყავთ მრავალი ათასი (მეტროლი).“

სკვითურ-სარმატულ ტომებში იგულისხმებიან ადიღურ-ჩეჩნურ-ლეზ-გური ტომები. შ. ძიძიგურის მიხედვით, სარმატები (სინდ-ლლიღვა-ლეგ-ალბანელები) და ქართველთა წინაპრები მონათესავენი ყოფილან, რაც მტკიც-დება ენობრივი ანალიზითა და უძველესი ისტორიულ-გეოგრაფიული და ეთ-ნოლოგიური მონაცემებით. თავდაპირველად მათ ერთი ენაც უნდა ჰქონოდათ და გარკვეულ ხანაში კულტურაც საერთო ჰქონდათ.

1920-იან წლებში წინამურში აღმოჩენილი იქნა სამარხი. სამარხში დაფ-ლული იყო მეომარი, რომლის საომარ იარაღებს შორის სკვითური ისრის წვერები იპოვებოდა. ამასთან ერთად, მიცვალებულის გვერდით ცხენის ჩონჩ-ხი აღმოჩნდა. სამარხი მიჩნეულ იქნა სკვითურ სამარხად. ხეცსურეთში დღემ-დეა შემორჩენილი მიცვალებულისთვის „ცხენის დალოცვის“ ტრადიცია. ძველი დროიდან მომდინარე „სულის ცხენი“ გარდაცვლილი მხედრისთვის დღეს უკვე ცხენის სიმბოლურ შეწირვად ქცეულა.

306 იყჳნჳნ ყჩოჳმჳნი. ს. ჯანაშია წერდა: „ფხოველები დღევანდელი ფშავლები და განსაკუთრებით ხეცსურებია“-ო. მაგრამ რომელიმე მხარის ფხოველად მიჩნევა არ იქნება სწორი. რამდენადაც „ფხოველთა ქვეყანა“ ვრცელი და ხალხმრავალი იყო, ამიტომ „ფხოველი“ (ისევე, როგორც „ქართ-ველი“) უფრო კრებითი სახელწოდება უნდა ყოფილიყო სხვადასხვა გვარ-ტომის ხალხისა, რომელთა შორის იქნებოდნენ ფშაველნიც და ხეცსურნიც. ფხოვის დაშლის შემდეგ გამოიკვეთება ორი ძლიერი ხევი, რომლებიც ცალკე ეთნიკურ კუთხეებად ჩამოყალიბდებიან. „აწ უწოდებენ ფშავ-ხეცსურეთსა, რომელთა პირველ ეწოდათ ფხოველი.“

ფხოველთა მეზობელი ქისტები ხეცსურებს გვიანობამდე „ფხიებს“ ეძა-ხოდნენ, ხოლო ფშაველებს „შუებს“¹ (ფშაველების სოფელი „შუაფხო“ უნდა წარმოსდგებოდეს შუების, ე.ი. ფშაველების, ფხოვიდან).

ფხოვთან დაკავშირებული ტოპონიმები გვხვდება ქისტეთშიც: „ფხიჭოუ“ – ფხოველთა ჭალა, ნასოფლარი „ფხოწეხი“ – მითხოს ხეობაში (სოფელი „წიეხი“ გვხვდება შუაგულ ხეცსურეთშიც).

საიდან წარმოდგება სახელწოდება „ფხოვი“, უცნობია. ძირი „ფხ“, „ფხუ“ თბილს, ცხელს ნიშნავს. თუ გავითვალისწინებთ ძველ ანდრეზს იმის შე-სახებ, რომ „წინავ კვესურეთ თოლ არ მამდინარ, სრუ ზაფხულ ყოფილ“, შეიძ-ლება ვთქვათ, რომ ფხოვის სახელწოდება თბილიდან, ზაფხულიდან მოდის.

შხ(ი)ჳის საჳლჳრჳბი. ძველი ფხოვი, სავარაუდოა, რომ დღევანდელთან (ფშავ-ხეცსურეთი) შედარებით უფრო ვრცელ ტერიტორიებს მოიცავდა. მის შემადგენლობაში უნდა ყოფილიყო მოსაზღვრე ცალკეული თემებიც. ისტო-რიკოსთა ცნობით, გუდამაყრის ხეობის აღმოსავლეთით, ფხოველთა მთებზე იყო ფხოეთი, რომელსაც აღმოსავლეთით დიდოეთი, ხოლო სამხრეთ-აღ-

მოსავლეთით თოშეთი საზღვრავდა. დღეს დიდოეთი ხევსურეთს უკვე აღარ ესაზღვრება.

„მოქცევაი ქართლისაი“ გვამცნობს, რომ ალექსანდრე მაკედონელმა დასვა მცხეთის მეფედ არიან-ქართლის შვილი აზო და დაუღო საზღვრებად „პერეთი, ეგრისწყალი, სომხითი და ცროლის მთა.“ ცროლის მთა ფხოვს შუაზე ჰყოფს. ცროლის მთის იქითა ფხოველნი ფარნავაზს უნდა მოეყვანა მორჩილებაში.

ივ. ჯავახიშვილის მიხედვით, საქართველოს ჩრდილოეთი საზღვარი „...ჯა-რიახის ხეობამდე, ცოტა უფრო სამხრეთით ვრცელდებოდა... თუმცა ეს საზღვარი XI-XII ს-ში, საქართველოს ძლიერების ხანაში, ტომობრივი მოსახლეობის საზღვრებს არა ერთხელ გასცილებია.“

სამხრეთით ფხოვის საზღვარი თინვალამდე უნდა გაგრძელებულიყო.

ხევისურთა ნათმასაჳ-წინაპარნი. ხევსურთა ჩაცმულობა, საბრძოლო აღჭურვილობა, დიალექტი, რელიგიისა და ყოფის სხვადასხვა დეტალები მოწმობენ, რომ ისინი ჩამომავლები არიან წინა აზიისა და სამხრეთ-დასავლეთ საქართველოს მკვიდრი უძველესი იბერიული ტომებისა. ქსენოფონტეს მასალებით, იბერია-კოლხეთის მკვიდრნი კვართს ხმარობდნენ და პაჭიჭები ეცვათ. ხევსურული „პერანგი“ თავისი აჭრილობით კვართიდან მოდის. მოსინიკებს კი ტანზე ნაქსოვი პერანგები ემოსათ, რომლებიც მუხლებამდე სწვდებოდათ: „ყველაზე უკეთესად მოსინიკები იყვნენ შეიარაღებულნი; თითვეულს ტყავა-დაკრული დაწნული ფარი ჰქონოდა გაკეთებული, მერე შუბი... ხოლო თავზე ტყავის ჩაფხუტები ესურათ.“ ქსენოფონტე განსაკუთრებით აღნიშნავს ტაოხების მშვენიერ ტალავარ-აღჭურვილობასა და მამაცობას. იგი წერს, თუ როგორ დახარბდა ერთი ბერძენი მეომარი ტაოხის ღამაზ ტანისამოსს ღა მისი ხელში ჩაგდება განიზრახა, მაგრამ ტაოხი გაექცა, უფსკრულში გადაეშვა და ბერძენიც თან გადაიყოლა. (ტაოხონიმი „ტაოხი“ გვხვდება ხევსურეთშიც).

ზემოთ ნახსენები „ტყავადაკრული დაწნული ფარი“, ანუ რკინის გირგ-ელიანი ტყავადაკრული მრგვალი, შავი ფარი, რომელიც დღესაც აოცებს მკვლევრებს თავისი არქაულობით, უცვლელად შემოინახეს ხევსურებმა. დღემდეა ჯვრებში დაცული ფორმა უძველესი საომარი შუბებისა – ჯვრის შუბ-დროშათა სახით, რომელთაც თავზე ჯერ ვაშლი, შემდეგ ბუნი ან ჯვარი აქვს გაკეთებული. ხოლო ტაოხის ღამაზი ტალავარი დღევანდელი ხევსურის ტალავრის წინასახე უნდა იყოს, დღესაც რომ აოცებს მნახველს თავისი მშვენიერებით და გამოფენილია უცხოეთის მუზეუმებსა თუ კერძო კოლექციებში.

ვ. შკლოვსკი წერს რა ქართველ მთიელებზე, აღნიშნავს: ხევსურები „ბრტყელ ჩაჩქნებს იხურავენ, რომელსაც ჩვენთან, რუსეთში, უძველეს

დროიდან იერიზონებს ეძახდნენ – საქართველოს უძველესი სახელწოდები-
დან – ივერიიდან მომდინარე სიტყვას.“

ხევსურთა უახლოეს წინაპრად უნდა მივიჩნიოთ იბერიული და მესხური
ტომები.

ხევსურებმა დღემდე შეინარჩუნეს ხანმეტი და ჯარმეტი კილო, რაც
იბერთათვის ყოფილა დამახასიათებელი, ქართთა ჰაემეტობისაგან განსხვა-
ვებით. ხანმეტი წინ უსწრებდა ჰაემეტს. ხანმეტი კილო იდევნება VIII-IX
ს-დან, მას შემდეგ, რაც დაეცა „იბერთა ბატონობა“ და უპირატესობა ქარ-
თებმა მოიპოვეს.

„ნინოს ცხოვრების“ ავტორი მიანიშნებს აღმოსავლეთ კავკასიელ მთი-
ელთა და ტაო-კლარჯეთის მკვიდრთა ურთიერთობაზე. იგი წერს, რომ ჯავა-
ხეთში არაგველი მწყემსები იდგნენ.

ისტორიიდან ცნობილია, რომ ძნელბედობის ჟამს ჰერ-კახთა, მესხთა,
ტაოელთა, თორელ-არტან-კოლაელთა სახიზარსა და თავშესაფარს აღმო-
სავლეთ საქართველოს მთიანეთი წარმოადგენდა.

ხევსურთა და სამხრეთ-დასავლეთ საქართველოს მკვიდრთა ნათესაო-
ბაზე მიუთითებს ი. გოგებაშვილიც: „შავშელები ლაპარაკობენ წმინდა ქარ-
თულ ენაზედ და გამოთქმით ძლიერ ემსგავსებიან ხევსურებს.“

თუმცა, მოხვევებსა და ხევსურებს ერთი წინაპარი უნდა ჰყოლოდათ.

სთიშვილინი და დეჰ-ჰირანი. ძველი ანდრეზებით ფშავ-ხევსურეთის
დღევანდელ მოსახლეობას საარსებო მიწა ხთიშვილებმა (ნახორციელარმა
გმირებმა) მოუპოვეს დევ-კერპთა წინააღმდეგ ბრძოლაში. აქ უნდა იგუ-
ლისხმებოდეს ორი განსხვავებული ტრადიციისა და სარწმუნოების მატა-
რებელ მოსახლეობას შორის ბრძოლა. სხვადასხვა ლეთაებათა საყმონი ერთ-
მანეთს ებრძვიან. მთქმელებმა დროთა განმავლობაში ეს ბრძოლები კეთილ
და ბოროტ ძალთა, ხთიშვილთა და დევ-კერპთა შორის ბრძოლებად ასახეს,
თუმცა თავად ხთიშვილინიც დევური ნიშნების მატარებელნი არიან.

დევ-კერპნი – მჭედლობის მესაიდუმლე გვარები (კერპებისა და რკინის
საომარი თუ სამეურნეო იარაღის მჭედელნი, რომელნიც თავად ამ იარაღით
ნაკლებ სარგებლობენ), მარცხდებიან და იდევნიებიან ფხოვიდან. (ჩანს, მათ
განდევნაში მნიშვნელოვანი როლი ითამაშა ქრისტიანულმა იდეოლოგიამაც).

გამარჯვებული ხთიშვილინი თანდათან ძლიერდებიან და ითვისებენ და-
მარცხებულის მამულებსა და ყმებს.

აღმოსავლეთ საქართველოს მთიანეთში საურმაგის მიერ ჩამოსახლე-
ბულ კავკასიანებსა და ადგილობრივ მკვიდრთა შორის შინაომები იმთავითვე
უნდა დაწყებულიყო. (ბრძოლები იქნებოდა საქართველოს ბარიდან მთებში
შემოხიზნულთა და ადგილობრივ მკვიდრთა შორისაც.) თ. ოჩიაურის აზრით,

„ხთიშვილთა“ და „დეკ-კერპთა“ ბრძოლა-ურთიერთობაში, როდესაც ეს უკანასკნელნი ფშავ-ხევსურეთის მიწა-წყლიდან იღვენებიან ან მათი ასიმილაცია ხდება, უნდა იგულისხმებოდეს ბრძოლები ჩამოსახლებულ კავკასიანებსა (ბაცბურ-ნახური ტომები) და ადგილობრივ მკვიდრებს შორის. „დეკ-კერპთა სახელს ამოფარებული უნდა იყვნენ სწორედ ის ჩრდილო-კავკასიელთა ტომები, რომელნიც დროის გარკვეულ მონაკვეთში ცხოვრობდნენ ჩვენს მხარეში ქართველ მთიელებთან ერთად.“ (თ. ოჩიაური)

ხევსურეთის აღმოჩენა XIX საუკუნეში

XIX საუკუნის პირველივე წლებიდანვე, რაც ბაგრატიონთა მეფობა გაუქმდა და საქართველომ სახელმწიფოებრიობა დაკარგა, ხევსურეთი დავიწყებულ-მიტოვებული იქნა და იზოლაციაში მოექცა. ამ დროს ხევსურეთში შემთხვევით თუ საგანგებოდ მოხვედრილი უცხოელი თვითმზილველნი, რომელთაც არ იცოდნენ ფხოველთა წარსული, გაოცებულნი რჩებოდნენ ხევსურთა ყოფით, მათი „სარწმუნოებით“, ტრადიციებით და წარმოსახვადნენ მათ ველურ, წარმართ ტომად, რომლისათვისაც უცხო იყო ყოველივე ამქვეყნიური და მთის მეტი არაფერი ენახათ, რომელშიც უცვლელად შემორჩენილიყო უძველეს ხალხთა ყოფის ნაშთები. ამ ცნობებმა დიდი ინტერესი გამოიწვია არა მხოლოდ უცხოელთა, არამედ თვით ქართული საზოგადოებისაც და დაიძრნენ ხევსურეთისკენ პოლიციის რაზმების თანხლებით. რუსეთის სხვადასხვა გამოცემებში ჩნდება ტყუილ-მართალი მასალები ხევსურეთის შესახებ. თავად ხევსურნი ფრთხილობენ, ეჭვით უყურებენ მათ სამყოფელში მოსულ მოხელეებს და სდუმან მათ შეკითხვებზე. მოსულები ცდილობენ საკულტო სამლოცველოებში შეღწევას და გაედინება ხევსურეთიდან თასგანძი და ჯაჭვ-იარაღი.

ა. ზისერმანი, გაკვირვებული ხევსურთა ჯვრიანი ტალავარ-აღჭურვილობითა და რაინდული ტრადიციებით, ცდილობს ხევსურები ევროპულ ჯვაროსნებს დაუკავშიროს. იგივეს გამოთქვამს ალ. დიუმაც ხევსურული ფარის დანახვისას.

მეორე გერმანელი მკვლევარი მ. ტილკე, ხევსურულ ტალავარზე დაკვირვებით, ხევსურთა ინდო-ევროპელებთან კავშირს მიიჩნევს.

ა. გრენი იტყვის: „დუშეთის მაზრის მთიან ნაწილში ბედის განჩინებით შემოინახა იბერიული ტომების ყველაზე წმინდა ნაშთი.“

მოგვიანებით, ხევსურთა სულში ღრმად ჩახედული, ხევსურთა ყოფითა და შორეული საუკუნეებიდან მომდინარე მათი განსწავლულობით გაოგნებული

გრ. რობაქიძე იტყვის: „...საითგან? ვეკითხებოდი ჩემს თავს. ჩემი რწმენა, რომ ხევესურები დანაშთია რომელიღაც კულტუროსანი ხალხისა, აქ თვალნათლივ მტკიცდება, სხვა ახსნა შეუძლებელი იყო.“

ხმისური – „**ხმის ურია**“. ზოგნი ხევესურებს ქართლში ებრაელთა შე-
მოსვლის დროს, მათ ერთ-ერთ მთაში დასახლებულ შტოლაც კი თვლიდნენ.
იაკობ მანსვეტაშვილი წერს, რომ ხევესურთა „ებრაელობა“ ვაჟა-ფშაველას
მამის, ხევესურეთში მოღვაწე პავლე ძღვდლის შეთხზული ანდრეზი ყოფილა.

ანდრეზი ხმისურაშის დაარსების შესახებ. გუდანი „წარსულ საუკუ-
ნეთა ბურუსში, როცა მხოლოდ ლეგენდებსა და ნაკლებ სანდო ადამიანურ
მეხსიერებას თუ შემოუნახავს გარდასული საქმენი და მოვლენები, ძნელია
მიაკვლიო მიდიელ მეფეთა მოდგმის დასაბამს.“ (პეროლოტი)

ძველი ანდრეზებით, „ხევესურეთის“ დასახლების უპირველეს კერად სო-
ფელი გუდანი მიიჩნევა. „თავდაპირველ ხევესურულ გვარებს ჯინჭარაული,
არაბული და გოგოჭური წარმოადგენდა“, დანარჩენი გვარები კი შედგებიან
სხვადასხვა წარმოშობის მთიელებისაგანო.

შეუძლებელია, რომ გუდანის დაარსების დროს ან იმაზე უწინ, ფხოვის
ტერიტორიაზე სხვა გვარები არ მდგარიყვნენ. შესაძლოა, რომ ფხოვში რო-
მელიღაც სხვა გვარების მომძლავრებისას შეეწროვებული რამდენიმე გვარი
გუდანში ერთად იყრის თავს და ძმად შეყრის გზით ერთიანდება გუდანის
ჯვარში ან ფხოვის დასუსტების პროცესში, ძლიერდება რა მისი ერთ-ერთი
თემი „ხევესურეთი“, ითხზება ანდრეზი ხევესურეთისა და სამი ძმის შესახებ. (ზო-
გი ანდრეზით გოგოჭა არაბასა და ჯინჭარას ბიძა ან საერთოდ არ იხსენიება).

არაბას, ჯინჭარას და გოგოჭას გუდანში დასახლებისას მათი კიდევ ერთი
„ძმა“, აფშოელი გელდაური, ლიქოკის ხეობაში სახლდება. დაახლოებით XVII
ს-მდე ლიქოკის ხეობაში დგანან მაგანძურის მოძმე გვარები. დღევანდელი
ლიქოკის ხეობის მკვიდრნი, ბასხაჯაურისა და ვაჩიაურის გარდა, აქ მოგვი-
ანებით დასახლებულან, ნაწილი – „გელდიაურის საქალოზე“ (ზედსიძედ).
„ხევესურებ პირველში ვყოფილართ ლიქოკშია და გუდან, მემრ ზეისტენოში
გადასულან“. (სანათისძეთ ბაჭყურას ანდრეზი, ჩაუწერია თ. ოჩიაურს).

ლიქოკის, გუდანის და შემდეგ გორშელმის ხეობის მკვიდრნი საფუძველს
უყრიან „ხევესურეთის“ ჩამოყალიბებას. აქ იხვეწება და იქმნება დღევანდელი
ხევესურეთის ყოფისა და ტრადიციების მახასიათებელი ნიშნები, როგორიცაა
ტალავარ-ჩაცმულობა, ნაჭრელა, აღჭურვილობა, სახუცო ტექსტები, კაცის
კაცობის მუხლები, ადათობრივი სამართალი, უქმეები და დღეობები.

სახელწოდება „ხმისურაში“. ეს სახელწოდება ხევთან არის დაკავ-
შირებული. ხევეები გორთა გაერთიანების შედეგად იქცნენ მთლიან ხევად,
ისტორიულ-გეოგრაფიულ ერთულად.

ქართული ბოლოსართი „ური“ თვისებას, წარმომავლობას აღნიშნავს და პირველად XI-XIII ს-ის დოკუმენტებში გვხვდება. მაგრამ „ხევსური“ და „ური“ მანამდე უკვე იყო; „საური“? „ხევის საური“? „ერი“ (თავისუფალი ხალხი) – „ხევის ერი“?

რატომ არ მოიხსენიება „ხმსურეთი“ კვილ წყაროებში. თუ რატომ არ მოიხსენიებიან ხევსურები და, არა მარტო ხევსურები, ფხოვის სხვა თემებიც, ამჟამინდელი სახელწოდებით ძველ წყაროებში, ფხოვის შემადგენლობაში თვით „ხევსურთა“ უმნიშვნელო რაოდენობითა და მათი მიწა-წყლის სიმცირით უნდა აიხსნას. „ხევსურებ პირველში ცყოფილორთ ლიქოკშია და გუდან, მემრ ზეისტიწროში გადასულან.“ (იმ დროის ლიქოკში მდგარი მოსახლეობიდან „ხევსურებად“ არ იგულისხმებიან ბასხაჯურები და სხვა ნახურ-ბაცბური გვარები).

ჩანს, რომ „ხევსურები“ არ წარმოადგენდნენ ცალკე ტერიტორიულად გამიჯნულ თემს, ისინი შიგადაშიგ სხვადასხვა წარმომავლობის გვარებთან ერთად მდგარან და ხშირად სამოსახლო ადგილებსაც იცვლიდნენ გუდანის ჯვრის გაძლიერებასთან ერთად.

ხმსურეთი და ხმსურამბი. „ვიწრო გაგებით ხევსურეთი არის მხოლოდ ის სოფლები და მიწა-წყალი, რომელიც მდებარეობს კავკასიონის მთავარი ქედის გადმომლა ხევსურეთის არაგვის აუზში, რომელიც ერთვის არაგვის ორწყალში.“ (აკ. შანიძე)

„ხევსურები მხოლოდ პირაქეთ ნაწილს, არაგვის ხეობაში მოქცეულ მთებს (ბაცალიგო, ბარისახო) უწოდებენ ხევსურეთს.“ (ს. მაკალათია)

„პირაქეთელი ხევსურები თავიანთ თავს თელიან ნამდვილ ხევსურებად და მიწა-წყალსაც ბუდე ხევსურეთს უწოდებენ.“ (ბ. ჯორბენაძე)

დღევანდელი ხევსურეთისა და ხევსურების ამგვარად წარმოსახვა არ არის სწორი და იგი ჯერ კიდევ ძველი ფხოვის არსებობის დროიდან უნდა მოდიოდეს. ხევსურეთი აერთიანებს კავკასიონის სხვადასხვა კალთებზე მდებარე ორ ძირითად თემს – პირაქეთს და პირიქითს. პირიქითა ხევსურეთი გეოგრაფიული მდებარეობის გამო კიდევ ორ თემად იყოფა. ესენია არზოტი და მთასიქით-მიღმახევი.

სამაგანსპუროს ხმსურანი. „ხევსურეთისა“ და ცენტრალური გუდანის ჯვრის – „სახმთოს“ ძლიერების გარანტს წარმოადგენდა სამი რიცხვმრავალი გვარი: ჯინჭარაული, არაბული და გოგოჭური, რომელთაც მეორენაირად „გუდანის ჯვრის მაგანსურნი“ („სამაგანსპურო“) ეწოდებოდა. ძველად სამაგანსპურო უფრო რიცხვმრავალი გვარებისაგან შედგებოდა და ერთიანად მათ „სათაბაკურო“ ეწოდებოდა. რომელიც პერიოდში ხევსურულ გვარებს

შორის მტრობა ჩამოვარდნილა და არაბასა და ჯინჭარას შთამომავლებს გუ-
დანის ჯვრის ძალით დაუმარცხებიათ მოწინააღმდეგენი.

სამაგანძურში შედიოდნენ ფიცხელაური, ლაშქარაული, ყურაული, მა-
რიემული, ქიჩბარაული. გელდიაური, პოხილაური, გორელაური, ბაბკიაური,
ხიმშირაული, ციხელაური, ვეშაგური, წივილაური... შესაძლოა კოკოზა-
ურაც, რომელიც ყველაზე დიდ წინააღმდეგობას უწევს გუდანის ჯვარს.

სამაგანძურის ძმად შეყრილი გვარები იყვნენ ბისოელი-ხახმატელი ქე-
თელაურები და ალუდაურები (საგოგოჭურო), ლულელი ქისტაურები (საჯინ-
ჭარაული), მუცოელი დაიაურები (საჯინჭარაული), არდოტელი მურდუკები
(საჯინჭარაული), ხახაბოელი ხოსიაურები, ხახიაურები და შინდიკაურები
(საგოგოჭურო).

საათაბაგოშრო. გადმოცემით გუდანის ჯვრის ყმა მაგანძურებს უძველეს
დროს საათაბაკურო (საათაბაგურო) ეწოდებოდა. ზოგი ანდრეხით ათაბაკური
არაბას, ჯინჭარას და გოგოჭას მამა იყო, ზოგი გადმოცემით კი იგი მომდინა-
რეობს ბაკურიდან ან ათაბაგიდან. ფარნაეაზიანთა სამეფო სახლში და შემდ-
გომ ხშირია მეფეთა სახელი „ბაკურ“. ცნობილია ისიც, რომ მთიანეთს ერთ-
ხანს განაგებდნენ „შვილნი ბაკურისნი“. რომელიმე ბაკური ან ათაბაგი
ხევსურთა მართვისას უნდა დაყრდნობოდა გუდანის ჯვარს და მის ყმებს, რის
გამოც მოხდა გუდანის ჯვრის შემდგომი აღზევება და მის მიერ ფხოვეში
სხვადასხვა მემამოხე გვარების (მაგ., კოკოზაურებისა და ბადრიაულების)
ძლიერების შესუსტება, შემდგომ კი მათი სრული ასიმილაცია თუ აყრა.

მაგანძურთა შოქში შჰარბში. ხევსურეთის სხვადასხვა თემში სხვადასხვა
ჯვრის ყმა გვარებთან ერთად იდგნენ მაგანძურთა მოძმე გვარები, უმთავრესად
კი ლიქოკის ხეობაში, რომელთა გვარები ნაკლებად ასსოვთ და საცხოვრებელი
ადგილის მიხედვით მოიხსენიებენ (ბაციონი, კვათიონი, ჭეტკოელი,
ბორტვიონი...). ამათ შორის იყვნენ ფიცხელაური, გელდიაური, მარიემული,
პოხილაური... მაგრამ აქ მოგვიანებით (XVI-XVII სს), დასახლდნენ რა
სამაგანძურის ხევსურთა მიერ ბარისახოდან აყრილი ჯმალას ჯვრის ყმა
სისვარები, რომელთაც კავშირი შეკრეს კარატის ჯვრის ყმა რიცხვმრავალ
ბახიჯაურებთან, შეაუწროვეს ლიქოკში მდგარი მაგანძურები და აკყარეს –
„კარატის ჯვარმა გაათავა.“ ნაწილი კარატის ჯვრის ყმებს ძმად შეეყარა.

სამაგანძურის ძმად შეყრილი იყვნენ ლულელი ქისტაურები, რომელნიც
მაგანძურებს ოსერსეველი ბადრიაულების დამარცხებაში დაეხმარნენ. ლუ-
ლელნი საჯინჭარაულში შედიან და მათი ადგილები აქვთ დაკავებული. ისინი
აქ ამოწყვეტილი ან გადახვეწილი მოსახლეობის ადგილზე უნდა დამკ-
ვიდრებულიყვნენ. ძველად ლულიდან თუშეთში გადასული მოსახლეობა თა-
ვიანთ წინაპრებად ჯინჭარაულებს მიიჩნევს.

გუდანის ჯვრის სამაგანშუროსთან ძმად შეყრილი გვარები იყვნენ მილ-მახევის მკვიდრნიც, რომელნიც XX ს-ის დამდეგამდე ჯინჭარაულისა და გოგოჭურის გვარს ატარებდნენ, მაგრამ შემდეგ კვლავ ალუღგენით თავიანთ თავდაპირველი გვარები.

ხამსურული ბჰარამბი. ხევსურეთის სოფლები და მოსახლეობა იყოფა ამა თუ იმ ჯვრის საყმობად. ჯვრის საყმობები იყოფა თემებად, თემები – გვარებად, გვარები – მამიშვილობებად (უფრო დაზუსტებით, გვარები იყოფოდა „ძირად“, „საძმოდ“ და „მამად“). არიან რიცხვმრავალი (ძლიერი) და მცირე გვარები. ძლიერი გვარის სიმრავლის მიზეზი ხშირ შემთხვევაში არის არა მათი საერთო წარმომავლობა, არამედ ის, რომ დროთა განმავლობაში ერთ, რომელიმე სხვებთან შედარებით, ძლიერ გვარს ძმად შეჰყრიან სხვა მცირე გვარები. ერთ გვარში შეიძლება შედიოდეს სხვადასხვა წარმომავლობის მამიშვილობანი, რომელთაც ერთმანეთთან დღევანდელი გვარისა და ჯვრის გარდა არავითარი ნათესაობა არ აკავშირებდეს. მაგ., ერთი სოფლის არცთუ ისე დიდი გვარი ალუღაური აერთიანებს სხვადასხვა წარმომავლობის მამიშვილობებს: მსაველანი – წარმოშობით „ფშავლები“, ბაჩიქვაურნი – წარმოშობით „თუშები“, გამღივარაულნი, რომელთა ძველი გვარი „გილაური“ ყოფილა და ა.შ. ასე, რომ ერთ გვარად გაერთიანებული ზოგიერთი მამიშვილობა ძველად დამოუკიდებელი გვარი იყო და მხოლოდ შემდეგ მოხდა მათ მიერ საერთო გვარის მიღება. მაგ., დღეს წიკლაურის გვარს ატარებენ სხვადასხვა წარმომავლობის თურმანაულნი, ჭოლიკაურნი, ბაჭალაურნი, ლომნიურისძენი და ა.შ.

მონათესავე გვარები და მამიშვილობანი განსახლებულნი იყვნენ ერთ, ზოგჯერ მეზობელ და ტერიტორიულად ერთმანეთთან ძლიერ დაშორებულ სოფლებშიც. მაგ., მარაისძეთა მამიშვილობა (არაბულები) ცხოვრობდნენ სოფ. ზეისტეჩოს, სოფ. დათვისსა და სოფ. ჯუთაში.

ხევსურების ერთმანეთთან სისხლით ნათესაურ ურთიერთობას განაპირობებს მხოლოდ მამიშვილობა, რომელიც წარმოადგენს საერთო წარმომავლობის გენეალოგიურ გვარს. მამიშვილობათა გაყრა-განცალკევება დამოუკიდებელ მამიშვილობად შეიძლება მოხდეს სისხლის აღრევის, მტერთან ურთიერთდგომის, სისხლით ნათესაობის ძლიერ დაშორების, მოკვეთის და ა.შ. შემთხვევაში. შვიდ მამამდე (თაბამდე) სავალდებულოა მათი ერთად დგომა. „შვიდ მამიდგე გვარ გაიყრების.“

ჯიშიანი და შაიშიო ბჰარამბი. ხევსურები სოციალურად თანასწორნი იყვნენ. მათ შორის არსებობდა მხოლოდ პირობითი დაყოფა ჯიშიან და უჯიშო გვარებად (მამიშვილობებად). ჯიშიან გვარს (მამიშვილობას) წარმოად-

გენდა ის მხარე, რომელთა წარმომადგენელიც, როგორც კაცინი, ასევე ქალნი, ძველი დროიდანვე გამოირჩეოდნენ ფიზიკური სიჯანსაღით, სახელიანობით, სიტყვა-პასუხით, სიღარბაისლითა და ტრადიციების შენახვით. („ჩამომავლობა (ჯიში) ძალიან ას. გინდ ბეჩავ კაც იყვას, მაინც მახველავს თავის ჩამომავლობის სიტყვას.“).

უჯიშო გვარებად (მამიშვილობებად) ითვლებოდნენ ისინი, რომელთაც შთამომავლობით მოსდევდა ტან-გვამის რამე დაავადება, იყვნენ მემთურაღენი, უპატიურნი როგორც საქმით, ასე სიტყვა-პასუხითა და ქცევით. თუმცა ამ მამიშვილობაშიც შეიძლება ყოფილიყო სახელიანი და წარმოსაჩენი წარმომადგენელი, მაგრამ, როგორც ხვესურნი იტყვოდნენ, ბოლოს მას მაინც „ჯიში მოხრავდა“.

არიან გვარები, რომელთაც „ქალის ჯიში მოუღის“. ე.ი. კარგი, მეოჯახე ქალები ჰყავს. ამ გვარის წარმომადგენელი კაცები კი უსახელოები არიან.

ჯიშიანი გვარები ჯიშიან გვარებს უმოყვრდებოდნენ. თავის მხრივ უჯიშო გვარიც ცდილობდა ჯიშიანი გვარის ქალი მოეყვანა, რათა შთამომავალი დედულებს დაჰყერებოდა და ჯიში რამდენადმე შეეცვალა. ასეთ შემთხვევაში ქალის წამყვანისაგან მის ცოლეულებს ეძლეოდა „საგვარმეტო“ საკლავი.

ხვესურთა თქმით, ჯიში და უჯიშობა მოდიოდა წინაპრებიდან და ჯვარიდან: „უჯიშობა მაუდიოდ გვარ-ძვალითა და ჯვარით.“

რომორ გაძლიერდა ბუღანის ჯვარი. ფხოვის რამდენიმე გვარი ერთიანდება გუღანის ჯვრის დროშის ქვეშ. ითხზება ლეგენდა სამი დიდი გვარის (არაბული, ჯინჭარაული, გოგოჭური) ძმობის შესახებ, რომელთაც ძმად შეეყრებიან სხვადასხვა წარმომავლობის მცირე გვარებიც და წინ აღუდგებიან განსხვავებული ჩვეულებების მატარებელ მეზობლებს (კიკოზაურებს, ბადრიაულებს, ქიჩბარაულებს...), ნელ-ნელა ავიწროვებენ მათ და იკავებენ მათ ადგილებს.

გუღანის ჯვრის გაძლიერებას ხელი შეუწყო ფხოვში ქრისტიანობის გავრცელებამ და ფხოველთა დიდი ნაწილის ადგილიდან აყრამ. ცნობილია, რომ მარტო თუშეთში ხახმატისა და კარატის ჯვრების უამრავი საყმო გადავიდა. ეს გვარები კი გუღანის ჯვრის სამაგანძუროში არ შედიოდნენ.

გუღანის ჯვრის გაძლიერებას ხელი შეუწყო სამეფო ხელისუფლებამაც. „გუღანის ჯვარის მოძმე“ ბაგრატიონებს ერთი ჯვრის დროშის ქვეშ გაერთიანებული ხვესურები (რაც ადრე ჯერ კიდევ იბერიის მეფეებმა გააკეთეს) უფრო სჭირდებოდა, ვიდრე ცალკეულ სადროშოებად დაშლილი ერთმანეთის მოქიშპე თემები.

ხმის ურთობის თემები. ხვესურეთი ხეობების, გვარებისა და სოფლების მიხედვით დაყოფილია თემებად. თითოეულ თემს, შემდეგ სოფელს და გვარს

ჰყავს თავისი სათემო, სასოფლო და საგვარეულო ჯვრები. თითოეულ თემს, სოფელს, კომლს და საკუთრივ ჯვარს აქვს ოდითგანვე თავისი სამან-სამძღვრით დადგენილი მთა, ბარი, ტყე, გზა და წყალ-ჭალა.

თემსა თუ სოფელს ერთპიროვნული მმართველი არასოდეს ჰყოლია. ურთიერთშორის ყველა სადავო საკითხი წყლებოდა კოლექტიური თავშეყრის დროს (უფრო ჯვარში) და გადამწყვეტი სიტყვა ეძლეოდა იმ დროისათვის თემში სხვებისაგან თავისი ცოდნითა და გამოცდილებით გამორჩეულ კაცებს, რომელთაც თავად მოდავე მხარეები ამოირჩევდნენ როგორც თავისი თემიდან, ასევე მოიწვევდნენ სხვა თემებიდანაც.

მხოლოდ გვარს, მამიშვილობას შინაური საქმეების მოსაგვარებლად, მრჩევლად და მტერ-მოყვარესთან ურთიერთობის დასარეგულირებლად ჰყავდა უფროსი. ძველ დროს ასეთ პიროვნებას ბავშვობიდანვე საგანგებოდ ამზადებდნენ და უფროსი ილდებოდნენ.

ხევსურეთის ერთ-ერთი ყველაზე დიდი გვარი არაბული შიგნით კიდეც ოთხ დამოუკიდებელ თემად (ძირად) არის დაყოფილი (რკინაული, ველგუჯაური, ბიჩინაგური, ჩუჩაყური), რაც სხვა გვარებში არ გვხვდება. ეს დაყოფა არის არა ტერიტორიული ნიშნით, არამედ ჯვარმსახურებისა და წარმომავლობის ნიშნით.

ერთპიროვნული მსახური ჰყავს მხოლოდ ჯვარს და ასეთი პიროვნება ერთდროულად შეიძლება რამდენიმე კაციც იყოს. ჯვრის სამსახურში ჩადგომა (ხევისბერ-დეკანოზობა, ქადაგობა) ჯვრის ნებით ხდება და არა არჩევით, ზოგჯერ შთამომავლობითაც გადადის.

ხევსურეთის თემები და მათი მკვიდრნი ერთმანეთისაგან რამდენადმე განსხვავდებიან ბუნებრივი პირობებით, შინაგანი ხასიათით, ჯვარ-ხთიშვილთა ბუნებით, სახუცო ტექსტებით, ჩვეულებებით, აღჭურვილობითა და ნაჭურელა-ორნამენტით.

ბორშეღვა. გორშელმის ხეობა მდინარე არაგვის სათავეში მდებარეობს და უმთავრესად წარმოადგენს ბუდე ხევსურეთს, საიდანაც მოხდა ხევსურთა შემდგომი განსახლება. გადმოცემით, გორშელმის ხეობის სოფლებში გუდანოდან გაყრის შემდეგ დასახლებულან არაბულები და გოგოჭურების ნაწილი. რომელთაც დროთა განმავლობაში ადგილიდან აუყრიათ აქ მდგარი გვარები (კიკოზაურები, წივილაურები, ვეშაგურები, გურგენაულები, გირაულები...), ნაწილი გვარებისა კი არაბულებს ძმად შეჰყრია (ციხელაური, გორელაური, როსტომაული, ხოშურაული...). გორშელმის ხეობის სათავეში მდგარა ქერაულთა და ზაიელთა ძლიერი გვარები, რომელთაც ჰყავდა მენადირე-მეკობრეთა მფარველი და წულის მიმცემი ღვთაება — „სანება ცროლის წვერისა“ (სოფ. ჯადუ).

გორშელმის ხეობის ცენტრალური სოფლები იყო ზეისტეჩო (არაბულ-თა თავდაპირველი საცხოვრისი, აერთიანებდა ხუთ სოფელს) და ბაცალიგო. სოფ. ზეისტეჩოში მდებარეობს გუდანის ჯვრის მოძმე „სახმთოს“ ჯვარი. სოფ. ბაცალიგოში მდებარეობს ფხოველთა ერთ-ერთი უმთავრესი სალოცავი, მკვდლობის ღვთაება „პირქუში“, რომელიც ღღეს ველგუჯაურთა სათემო სალოცავს წარმოადგენს. სოფ. ატაბეში მდებარეობს ღვთაება „კვირაეს“ (კვირიას) უმთავრესი სალოცავი. სოფ. აყნელში, „მუხათკარს“, არის გუდანის ჯვრის თავდაპირველი საბრძანისი.

გორშელმის ხეობაში შევდივართ ჯარჯოს, ბეგენგორისა და სანეს უღელტეხილის ბილიკებით. გორშელმიდან კავკასიონის მთავარ ქედზე გადადის ბილიკები არხოტსა და მთასიქითში.

საბარაზმო. „საარაგვის“ უწოდებენ ხევსურეთის არაგვის აუზის ტერიტორიებს ორწყლიდან ოხერხევამდე და მასში მოიაზრებენ ცალკეულ დამოუკიდებელ თემებს: „საგალმოს“ (მოწმარ, გველეოი, დათვისი), ლიქოკს და ბარისახოს, ჩირდილ-ბუჩუკურთა-უკანახოსა და ოხერხევს. ამთგან ლიქოკი უფრო ცალკე დგას.

საარაგოზე ძველად სხვა გვარები მდგარან (ცაბაურ-გოგოჭურნი, ბუჩუკურნი, ხიმშირაულნი, გიგაურნი, სისეაურნი, წიკლაურ-ბეკაურნი, ბადრი-აულნი...), რომელნიც ვერ ზურაბ არაგვის ერისთავს, შემდეგ კი სამაგანძუროს ხევსურებს აუყრიათ ადგილიდან და მათი სოფლები გუდან-გორშელმის ხეობიდან წამოსულ ჯინჭარაულებს, არაბულებს და გოგოჭურებს დაუკავებიათ.

სოფელ ბარისახოს ბოლოში, გუდელას, მდგარა არაგველთა უძველესი სალოცავი „კმალა“ და ხეობის ჩამკეტი ციხე-კოშკები, რომელთა ძლიერებაც არაგვის ერისთავების შემოსევებისა და ძველი გვარების აყრისას დაცემულა.

სოფელ უკანახოში მდებარეობს ფხოველთა უძველესი სალოცავი „ფუძის ანგელოზი“, ხოლო სოფელ ჩირდილის მთაში, საჩალის წვერზე არის მითრას კულტის სალოცავი – „პირიმზე“, ანუ გიორგი ოქროსმშვილდიანი, რომელსაც ძველად თურმე „კოჭუკულმართი“ ყმანი ცხენებს სწირავდნენ მსხვერპლად.

ლიმარში. ლიქოკის თემი ლიქოკის წყლის ხეობაში მდებარეობს, რომელიც ბარისახოსთან უერთდება არაგვს. ლიქოკის ხეობა იწყება შურისციხის ახალაღმოჩენილი ძველი სამაროვნითა – და ლიქოკის ჭალით, რომელსაც ძველად „სალაშქრო ჭალა“ რქმევია.

ლიქოკის ხეობაში ძველ დროს „მაგანძურთა მოძმე“ გვარები, „თათარი“ ბასხაჯაურები და ბაცური გვარები მდგარან, რომელთა დიდი ნაწილი ქრისტიანობის გავრცელების ხანებში თუშეთს გადასულან, ნაწილი კი ადგილიდან აყრილა ან მეზობლებს ამოუხოცაეთ („ჯვარს გაუთავებინ“). დღე-

ვანდელი ლიქოკის მკვიდრი „ქისტაური წარმოშობის“ სისეაურები (სისაურები) ერთხანს ბარისახოში მდგარან და ხმალას ჯვარს ეყმობოდნენ. ბარისახოში მაგანძურთაგან შევიწროვებული სისეაურების ერთი შტო ძობილ ბასხაჯაურთან გადადის ლიქოკში და კარატის ჯვრის ყმა ხდება. სისეაურებმა და ბასხაჯაურებმა თავის მხრივ ლიქოკიდან აპყარეს მაგანძურები და სხვა გვარები, მათი ადგილები კი თავად დაიკავეს.

ლიქოკის თემში მდებარეობს ფხოველთა ერთ-ერთი უმთავრესი სალოცავი, დევ-კერპთა მშუსკრელი, კოპალა - კარატის ჯვარი, სადაც აკუშულნი და უძილაურთელი ფშაველები ერთობლივ დღეობას - „ციხეგორობას“ მართავენ.

ლიქოკშივე მდებარეობს წყალ-ჭალის ყარაული შუბნურის ჯვარი, რომელიც გველეშაპის სახით გვევლინება. იგი იმ დროიდან უნდა მოდიოდეს, როდესაც გველეშაპი წყლის ღვთაება იყო. მოგვიანებით იგი დევმა შეცვალა, ბოლოს კი ორივენი ბოროტ ძალებად იქცნენ.

ლიქოკის თემში შედის მეზობელ ხეობაში მდებარე სოფელი აკუშო, სადაც ადრე სამხარაულები და სერაულები მდგარან. უფრო ძველად კი აკუშოს „ციხეგორი“ დევ-კერპთა საბრძანებელი ყოფილა. აკუშოს მთაზე, ქუდნისლაზე, შემორჩენილია თხრილიანი საგუშაგო კოშკები, რომლებიც სამხარაულებს ეკუთვნოდა. ქუდნისლადან მოჩანს პირაქეთ ხევსურეთის სტრატეგიული დანიშნულების ყველა გორი და ციხე.

ლიქოკის თემის მკვიდრი, სხვადასხვა წარმოშობის გვარები დღეს ერთ გვარს - „ლიქოკელს“ ატარებს.

ლიქოკის სოფელ აჭედან არის გადასასვლელი სოფელ ხახმატში.

ღუღაქანი. სოფელი ღული ხევსურეთის ცენტრსა და გზასაყარს წარმოადგენს. იგი საცხოვრებლად ყველაზე ხელსაყრელი ადგილია მთელ ხევსურეთში და საკმაოდ ვრცელი ტერიტორიაც უკავია: ღუღის მთა, არაგვის ხეობა და ოხერხევის ნაწილი. გადმოცემით, „ქისტაური წარმომავლობის“ ღულელნი (ქისტაურები) ამანათად მოსულან ქისტეთიდან და დაუკავებიათ ცენტრალური ადგილები ხევსურეთსა და ფშავეში (სოფ. შუაფხო), რაც, ამანათობის თვალსაზრისით, შეუძლებელია.

ქისტაურნი არიან ფხოველთა ერთ-ერთი უმთავრესი სალოცავის, დევ-კერპთა მშუსკრელის - „იახსრის“ ყმანი. ღულელნი სამაგანძუროს ძმად შეყრილ გვარად ითვლებიან.

ფყალსიქითი. წყალსიქითის თემი როშკის წყლის ხეობაში მდებარეობს და სხვადასხვა გვარებით დასახლებულ რამდენიმე სოფელს აერთიანებს. უმთავრესი სოფლებია ქმოსტი, როშკა და ბლო, რომლებიც კიდევ ცალკეული სოფელ-უბნებისგან შედგება.

როშის გორზე ძველ დროს „დევებს“ სამჭედლოები ჰქონიათ გამართული. როდესაც მაშარიდან მოსულმა ლომნიურისძემ როშკა საკარგეოში აიღო, იგი უკვე გაუკაცრიელებული და ტყით დაფარული იყო.

„ხევიდან მოსულ“ იურმანაულს დაუარსებია ქმოსტელ-როშკიონთა სათემო სალოცავი – დიდგორის ჯვარი.

ძველ დროში როშკაში მდგარან ჩურთაულები, კალაურები, სინდაურები... სხვადასხვა დროს როშკასა და ქმოსტ-ლელისვაკეს მდგარ სხვადასხვა წარმომობის გვარებს ერთი გვარი მიუღიათ – წიკლაური (როშკიენებს) და ბურდული (ბურდვიაული) ან ველთაერი (ქმოსტელ-ლელისვაკიენებს).

სოფელ ლელისვაკესთან ძველ დროს მდებარეობდა ფხოველთა უმთავრესი სალოცავი – „ხთისკარი“.

წყალსიქითის თემში შედის მეზობელ სეობაში მდებარე სოფლები – ბლო და ხორნაულთა, რომლებსაც ცალკე სალოცავები აქვს. სოფ. ბლოს უძველესი გვარებიც, რომელნიც „ოთხრქა, ოთხყურა ცხვარს“ სწირავენ მსხვერპლად, რათა აბუდელაურის ტბიდან დატყვევებული იახსარი გამოიხსნან, ადგილიდან აყრილან (წითელაურნი, მაშენიანნი, ციხელაურნი, კოკიტურისძენი...).

წყალსიქითის ხეობის სათავეში აღმართულა „სინდაურისძის მაღალი“ (ჭაუხების მასივი), რომლის ძირშიც მდებარეობს აბუდელაურის მშვენიერი ტბა.

წყალსიქითის თემის ნაწილი, ოხერხევის ჩათვლით, გუდანის ჯვრის საბეგრო იყო.

ბისოილ-ხახმატშილი და ჭორმეშიონნი. ბისო, ხახმატი და ჭორმეშაყი ცალკე თემებს არ წარმოადგენს, მაგრამ განცალკევებული სოფლებია. ძველ დროს ბისო-ხახმატში მდგარან ბუნოელანი, ფილაურნი, ძალლაურნი, ჳეთეშაურნი, მჭედლურნი, ბევთაურნი და ჳავჳავაძენი. ბისო-ხახმატის დღევანდელ სხვადასხვა წარმომავლობის გვარებს ერთი გვარი – „ქეთელაური“ და „ალუდაური“ მიუღიათ.

ბისოსა და ხახმატს შორის მდებარეობს ფხოველთა უმთავრესი სალოცავი – „გიორგი ნაღვრისპირისა“, ანუ „ნაღვარმშვენიერი“, ღედათა, მესაქონლეობის, მიწათმოქმედების ღვთაება, რომელიც ამავე დროს არის „ქაჯავეთის გამტეხი“, „დიდი ღიდოეთის გამბეგრავი“ და „რჯულიან-ურჯულთა სალოცავი“. ხახმატში მდგარა „თამარ მეფის მიერ აგებული“ ეკლესია.

ბისოელ-ხახმატელნი საგოგოჭუროში შედიან და მათ მოძმეებად ითვლებიან ჭორმეშიონნი, რომელთა ბიძაშვილები სოფელ ბურჳეკურთასაც ღვანან.

ხახმატიდან დათვის ჯვრის უღელტეხილით სამანქანო გზა მთასიქითის ხეობაში შედის.

მთასიქითი. მთასიქითის ხეობა საკმაოდ დიდია და დათვის ჯვრიდან ანატორამდე გრძელდება. მასში შედიან ერთმანეთისაგან დამოუკიდებელი

სოფლები – კისტან-ლებაისკარი, გურო-გიორწმინდა და შატილ-ანატორი. ამ სოფლებში უმთავრესად პირაქეთა ხევესურეთიდან გადასული ჯინჭარაულები და გოგოჭურები ცხოვრობენ. ჯინჭარაულებს სოფელ გუდანთან კისტანში გადაუტანიათ საგვარეულო სალოცავის „ნაჭარელა“ – ხთიშობლის ჯვრის ნიში. სოფელ შატილის საფეხებში კი ამ ჯვრის დასტურს საპატიო სკამი უდგას („კისტან-დასტურის სკამი“).

მთასიქითის სოფლებში შემორჩენილია სიპერდიანი და ქავიანი ციხე-კოშკები. ციხე-ქალაქ შატილში ჯინჭარაულების მოსვლამდე მდგარან ჯალაბაურები და სისვაურები. ჯალაბაურები შემდეგ ჯინჭარაულებს შეპყრიან ძმად, სისვაურები კი ჟამიანობის დროს ამომწყდარან. ვინც გადარჩა, ბარში ჩასახლებულან.

შატილი და ანატორი დიდი მნიშვნელობის სტრატეგიული ცენტრი იყო და საქართველოს ჩრდილოეთ საზღვრის კარებს კეტავდა.

შატილთან ახლოს, შვეულ კლდეზე, ქაჯეთის ციხესავით აღმართულან ქაჩუს ციხე-კოშკები. იქ, სადაც შატილისა და მიღმახევის წყლები ერთდება, „მკვდართა ქალაქი“ – აკლდამებია, რომელთა ისტორიაც ჟამიანობას უკავშირდება.

ანატორიდან არლუნის ხეობით შევდივართ ჩეჩნეთში.

შიღმახევი. მიღმახევი მთასიქითის მეზობლად, მდინარე არლუნის (მიღმახევის წყლის) ხეობაში მდებარეობს. მიღმახევის სოფლებს არ ახასიათებს პირაქეთისთვის დამახასიათებელი ტერასულ-კალიოანი არქიტექტურა. ისინი უმეტესად კლდოვან-კოშკოვანია. ამათგან გამოირჩევა ციხე-ქალაქები – მუცო და არდოტი, რომელთა გაშენებასა და გამაგრებას თორღვა ძაგანისძეს მიაწერენ. მასვე ჩაუსახლება აქ დიდოური და ნახური გვარები – მურლუეები, დაიაურები.

ანდაქ-არჭილოელი ზვიადაურები გიგაურთა გვარის განაყრებად ითვლებიან და აქ დათვის-გველეითიდან მოსულან.

ხახაბოელნი საგოგოჭუროში შედიოდნენ და ფშაველ გოგოჭურებთან ერთად ლაშარის ჯვრის ყმანი იყვნენ.

სოფელ არდოტის თავზე შემორჩენილია მცირე ზომის გუმბათოვანი ეკლესიის ნაშთი.

არდოტის და ანდაქ-არჭილოს ტერიტორიების ნაწილი გუდანის ჯვრის საბეგრო იყო.

ძველად მიღმახევის მოსახლეობის ნაწილი, რომელნიც გუდანის ჯვრის სამაგანბუროში იყვნენ ძმად შეყრილნი, ატარებდა გვარს – ჯინჭარაულს. თუმცა, მოგვიანებით, კვლავ თავდაპირველი გვარები აღუდგენიათ.

მიღმახევიდან არის გადასასვლელები ჩეჩნეთში, თუშეთსა და ფშავში.

არხოტი. არხოტი კაკასიონის ჩრდილოეთით, მდინარე ასას ხეობაში მდებარეობს და ჩრდილოეთი საზღვრის ერთ-ერთ კარს კეტავს, საიდანაც მას ინგუშეთი ესაზღვრება.

არხოტის თემის უმთავრესი სალოცავია სოფ. ახიელის მიქიელ მთა-კარანგელოზის ჯვარი.

არხოტი პირაქეთ საქართველოს მხოლოდ უღელტეხილებზე არსებული საცალფეხო ბილიკებით უკავშირდება და დედასამშობლოს მოწყვეტილი არის.

დღეს არხოტში სამი სოფელია შემორჩენილი. დანარჩენი სოფლები ადრევე აყრილა და გაუკაცრიელებულა. არხოტის უძველესი გვარებიდან „თათარი“ ჯაბუშანურები და ჭოლიკაურები შემორჩენილან. ოჩიაურებისა და ცისკარაულების წინაპარი ჯურჯიაული „ხევიდან მოსულა“. დანარჩენი გვარები (წიკლაური, თეთრაული, ბალიაური, გიგაური) კი პირაქეთ ხევსურეთიდან გადასულან.

არხოტში შემორჩენილანაშთი უძველესი ცისე-სოფლის – ორბეულთის, რომელიც სტრატეგიული ცენტრი უნდა ყოფილიყო და იქ მდგარი ორბელთ გვარის წარმომადგენლები აკონტროლებდნენ არხოტის მხარეს.

ბაქურხევი. ფხიტუს უღელტეხილის იქით, გულამაყარში, ბაკურხევის ხეობის სათავეში, მდებარეობს ორი ხევსურული სოფელი – გორული და საკერპო. ძველად ბაკურხევის ამ სოფლებში „კერპების მჭვდელი“ დევები მდგარან, რომელნიც უკანახოს ფუძის ანგელოზის ჯვარს ამოუხოცავს: „ეგენი ჩემს ყმებს გზას არ აძლევნო.“ შემდეგ ეს ადგილი დაუკავებიათ „ოსებს“, რომლებიც ბაცალიგოდან გადასულ ფიცხელაურებს გაუყრიათ და თავად დამდგარან.

ბაკურხევიდან არის გადასასვლელი ხევში.

ჯუთა და ართხე. რომეიდან საძელის უღელტეხილით ისტორიულ ხევში გადავდივართ. აქ, სნოს ხეობაში, ყოფილი სამთრეხლოს ტერიტორიაზე ორი ხევსურული სოფელი – ჯუთა და ართხე მდებარეობს. (ერთხანს კარკუჩაშიც ხევსურები მდგარან, მაგრამ ღუღუშაურებს აუყრიათ). ეს ადგილები ძველად მთრეხლებისა და დიმიურების ყოფილა. მთრეხლებს დიმიურები გაუძევებიათ, მთრეხლები – ღუღუშაურებს. შემდეგ ეს ადგილები არაგვის ერისთავის შემწეობით დაუკავებიათ ზეისტეჩოელ არაბულებს (ბიჩინაგურებს), მოგვიანებით გადასულან წიკლაურებიც.

ურსიძისა და მარიაშვილის ხეობა. ხეობის უღელტეხილით, ხევსურეთის პირაქეთისა და პირიქითის თემთა მკვიდრნი ცხოვრების წესით და ხასიათით რამდენადმე განსხვავდებოდნენ ერთმანეთისგან, რასაც საქართველოს ბართან და ჩრდილოეთის ტომებთან მათი მეზობლობა და ურთიერ-

თობა განაპირობებდა. პირიქითის ხევესურებს, როგორც საზღვრის უშუალო მცველებსა და შედარებით პირქუში ბუნების შეილებს, უფრო თავისუფლად და ამაყად მოჰქონდათ თავი. პირაქეთა „ბუდის ხევესურების“ სიღინჯეს დასცი-
ნოდნენ კიდევ.

ზამთრის პერიოდში, რომელიც თითქმის ხუთი-ექვსი თვე გრძელდება, არხოტი, მთასიქითი და მიღმახევი მთლიანად მოწყვეტილია პირაქეთსა და საქართველოს. ამა თუ იმ თემში რაიმე უბედურება რომ მოხდეს, მხოლოდ გაზაფხულზე, მთები რომ გაიხსნება, მაშინ შეიტყობენ ხევესურნი. „არხვატს ხარის რქაში სძინავს, კარზე არაფერი მოგვადგება – არც სახელმწიფოს ბე-
გარი, არც თავად-აზნაური, არც ჭირიო,“ – იცოდნენ თურმე არხოტივებმა თქმა. (ნ. ბალიაური)

„ბუდე ხევესურეთში“ გადმოსული პირიქითელნი მასპინძლებს ქისტებ-
თან ბრძოლა-ურთიერთობებსა და ჯიხვებზე ნადირობის ამბებს უყვებოდნენ. პირაქეთა ხევესურები კი უამბობდნენ ქალაქის, მეფეების, ომების ამბებს. პირიქითელებს აინტერესებდათ აგრეთვე, თუ „ვინ როგორ იშულდა და ჭრა ერთიმერე, ან როგორ შერიგდნენ. ქადაგი თუ დასვეს რომელიმე ჯვარში და რა ბრძანება გამოვიდა ხთიშვილისაგან.“ ერთმანეთს უამბობდნენ აგრეთვე ცხენ-
მხედრის, ქალის მოტაცება-გარიგების, ლექსობის ამბებს. (ალ. ოჩიაური).

ამ ხევესურთაგან ყველაზე უფრო განსხვავებული ყოფა ჰქონდათ მიღმახევე-
ლებს და მათი რჯულ-ტრადიციებიც თავისებური იყო, რის გამოც „...სამძახი არ აქვთ. ე.ი. ქალს ვერ თხოულაობენ სხვა ხევესურებისაგან, თუ თავისავე ხეობიდან არ შერთეს. ვინიცობაა მიღმახეველებმა ქალი ითხოვეს სხვა მხარისა, მაშინ ხარი უნდა დაუკლან ქალის პატრონს – „საგვარმეტო“. (ნ. ბალიაური)

ეს განსხვავებანი დღეისთვის უკვე წაშლილია.

როგორ ყალიბდებოდა ხევესურეთი და ფშავი

ისტორიული ფხოვი რომ აერთიანებდა და საერთო სახელწოდება იყო ერთმანეთისაგან განსხვავებული ხევეებისა თუ თემებისა, იქიდანაც ჩანს, თუ დავაკვირდებით თამარ მეფის დროს ფხოველთა აჯანყების ჩახშობის შედე-
გებს, რომლებიც სხვადასხვაგვარად აისახა ფშაველთა და ხევესურთა ყოფა-
სა და გადმოცემებში. სწორედ ეს ამბობება უნდა ყოფილიყო ძირითადი მი-
ზეზი ფშაველთა და ხევესურთა ერთმანეთისაგან საბოლოო გამიჯვნისა.

ფხოვში ქრისტიანობის გავრცელების ხანიდან, რომლის დროსაც ხდება მოსახლეობის გადაადგილება, ფხოველთა უმთავრესი ღვთაება – ხანმატის ჯვარი სუსტდება და, შესაბამისად, ძლიერდება გულანისა და ლაშარის ჯვრები. ძლიერებიან და დამოუკიდებელნი ხდებიან მათი სადროშო-საყმობიც.

ამავე ხანებიდან იწყება დღევანდელი წინაფშავისა და საარაგვოს მოსახლეობის დაქსაქსვა როგორც კახეთის ბარისაკენ, ასევე ფხოვის მთიანეთისკენ. მათ ადგილს კი იკაებენ უკანაფშავიდან ჩასული გვარები. ასევე წარმოებს გორშელმის ხეობიდან საარაგვოზე ჩასახლებაანი.

იქმნება შთაბეჭდილება, რომ დღევანდელი საარაგვოს თემის ნაწილი, რომელიც შემდეგ მაგანძურებმა დაიკავეს, „ფშავლების“ ან „გუდამაყრელების“ იყო, ხოლო უკანაფშავლების მიერ დაკავებული ჩარგალი, აფშო, კაწალხევი და მაშარა-უბისთავი ფხოვის მთიანეთისკენ წასული „ხევსურების“.

ხევსურებსა და ფშავლებს შორის თანდათანობით იცვლება საზოგადოებრივი და ოჯახური ურთიერთობანი, რაც იწვევდა მოსახლეობის თვალსაზრისისა და სულიერი სამყაროს ცვლილებას, რომელიც დაეტყო ადამიბრივ წეს-ჩვეულებებს, კილოს, ტალავარს, აღჭურვილობას და ა.შ. ამ შემთხვევაში ხევსურები უფრო ინარჩუნებდნენ ძველს, ახალი კი ბართან დაახლოვებული ფშავის გზით შედიოდა. მაგ., „მშაურად მღერა“, „მშაური ტალავარი“, რომელსაც უკვე ბარული ელფერი დაჰკრავდა.

ფსოვპლნი ჯჳარის მსახჳრნი. შუა საუკუნეების მატთანეში თითქმის საპირისპირო ცნობებია მოცემული. ერთგან წერია: „ფხოველნი ჯჳარის მსახურნი არიან და ქრისტიანობას იჩემებენ“-ო. მეორეგან ნათქვამია, რომ სამეფო კარმა ფხოველნი „მეჯორედ ყვნა“, ე.ი. ქრისტიანობა მიაღებინაო, ანუ ჯჳარის სამსახური ქრისტიანობადაა მიჩნეული.

ჯჳარი, რომელიც ფართოდ იყო გავრცელებული მთიელებში, ქრისტიანობამდელი ღვთაება-სიმბოლოა და ქრისტიანობის გავრცელების შემდეგ განსაკუთრებული დანიშნულება მიეცა. ფხოვის ვრცელ ტერიტორიაზე „ჯჳარი“ წმენდს ადგილს დევ-კერპთაგან, „ჯჳარი“ ადგილიდან ჰყრის „ურწმუნო“ გვარებს, ნისლისფერ „ბედის ბედაურზე“ ამხედრებული გუდანის ჯჳარი წინ მიუძღვება ხევსურთა ლაშქარს და ამარცხებს მტერს. ქართველი მეფენიც წინ წარიმძღვარებდნენ ჯჳარს – „ჯჳრითა მტრისა მძლეველი მე ღავით ვარ უძლეველი“, – ამოკვეთილია მეფის ბეჭედზე.

ქრისტიანობის გავრცელების ჟამს ფხოველნი „თემურ-გვაროვნულ ყოფას განიცდიან, ასეთ სოციალურ გარემოში ქრისტიანობა, როგორც ფეოდალური რელიგია, ცხადია, მკვიდრად ფეხს ვერ მოიდგამდა. იძულებით შეტანილსაც, გასაგებია, აქ სათანადოდ უნდა გამოეცვალა ბუნება და ფუნქცია. სწორედ ამიტომ ამბობს ფეოდალური ისტორიკოსი, ქრისტიანობას იჩემებენო, ე.ი. მათ ნამდვილ ქრისტიანებად არ თვლის და [ისიც], თუ როგორი გავრცელება ჰქონდა XX ს. დამდეგსაც ჯჳარის ემბლემას ხევსურებს შორის, დავრწმუნდებით, რომ მემატინანის ცნობა მართალია, რომ ჯჳარის სამ-

სახური ჯერ კიდევ ქრისტიანობას არ ნიშნავს, რომ აქ მოხდა თავისებური და სასურველი მოცემული საზოგადოებრივი წრის ინტერესებისათვის გამოყენება ამ ემბლემისა... ჯვარი არის სიმბოლო, რომლის საშუალებით ქრისტიანობა ეგუება წინათვე არსებულ რწმენებს, განწყობილებასა და წარმოდგენებს.“ (ს. ჯანაშია)

ხანისურამის ჯვარი და ფშავლუბის ხატი. ხევსურები თავიანთ სალოცავს „ჯვარს“ ეძახიან („ჯვარი“ – ყოველთვის მრავლობით რიცხვში მოიხსენიებიან), ფშავლები კი – „ხატს“. შემატანე ფხოველებზე წერს, „ჯვარის მსახურნი არიან“ –ო. მართალია, „ჯვარი“ და „ხატი“ სინონიმებია, მაგრამ ამ შემთხვევაში „ხატი“ უფრო გვიანდელი უნდა იყოს. ხევსურეთში „ჯვარი“ წმინდა რელიგიური ტერმინია, ხოლო „ხატი“, ანუ „ნახატი“ (დახატული), „ხატანი“, „ხატულანი“, „სამხატა“, „ხატის ხატა“... ყოფითია, რომელიც ორნამენტის სახით გვხვდება ტალავარზე, ავეჯზე, ჯამ-ბუნაგზე.

ფხოველთა უმთავრესი სალოცავი. ფხოველებს (საერთოდ კავკასიელ მთიელებს) ჰყვდათ საერთო ღვთაებანი – კოპალა, იახსარი, პირქუში, ვმალა, პირიმზე, თერგვაული, ბერი ბაადური – რომელნიც შემდგომ სათემო სალოცავებად იქცნენ და ხშირ შემთხვევაში წმიდა გიორგიდ იწოდებიან. ამ ღვთაებებმა (ხთიშვლებმა) გაწმინდეს ფშავ-ხევსურეთის მიწა-წყალი დეკერპებისაგან. გადმოცემით, ეს ღვთაებანი „ნახორციელარი“ გმირებია, რომელნიც შემდეგ „გახთიშვილებულან“. (ეკპემერისტული შეხედულება, რომ ღვთაებანი რეალური პიროვნებანი იყვნენ).

ძირითადი და ცენტრალური სალოცავი ერთიანი ფხოვისათვის სახმატის ჯვარი – გიორგი ნაღვრისპირისა (ნაღვარმშენიერი) იყო, რომელიც არის „ქაჯეთის გამტეხი“, „დიდი დიდოეთის გამბეგრავი“, „ჟამ-უჟამოთა მოარული“, „ჩილი-ვაკეთ დამთოკავი“, „რჯულიან-ურჯულოთ სალოცავი“.

სახმატის ჯვრის ნიშები გაბნეულია თუშეთში, ფშავში, გუდამაყარში, კახეთში. სახმატის ჯვრის ნიშები ყოფილა ჩრდილოეთ კავკასიის ტომებში. ძურძუკებისა და დიდოელების შთამომავლები გვიანობამდე დადიოდნენ ამ ჯვარში. სახმატურის ჯვარიონნი კი ჩრდილოეთ კავკასიაში გადადიოდნენ და დიდი ძალა ჰქონდათ.

გადმოცემით სახმატში „სამნი ძმანი ესკაისძენი“ მდგარან: გიორგი ნაღვრისპირისა, გიორგი ფიცრულისა და გიორგი ბოსლოვანისა. მათ გაუჩენიათ საარსო, საყმო და გაძლიერებულან.

სახმატის ჯვარი – გიორგი ნაღვრისპირისა (ნაღვარმშენიერი), რომელიც არის მიწათმოქმედების, მესაქონლეობის, ნაყოფიერების და, ამავედროს, მოლაშქრე ღვთაება, აერთიანებს მატრიარქატულ, ტოტემურ, ფალოსის, მნათობთა და ა.შ. უძველეს კულტებს (ხელი სამძიმარი, მწვერის საფლავი,

თამარის კოშკი, დობილნი, ციხიანი...). იგი ვრცელი, რელიგიურ-არქიტექტურული კომპლექსია, რომელთა ნაშთებმა მცირედლა მოაღწია. ხახმატურის დობილი „ხელი სამხიარო“ ჩვეულებრივი ჯვარია, რაც ერთადერთი შემთხვევაა ხევსურეთში.

თუ ფხოველნი თავისი ერთიანობისა და ძლიერების ხანაში ლაშქრობებს ხახმატის ჯვრის დროშით აწარმოებენ, ფხოვის დაშლის შემდეგ ლაშქარში გუდანიისა და ლაშარის ჯვრის დროშით გადიან.

ხოსოსპარი. დიდ ხნის წინ სოფელ ღელისვაკესთან მდებარეობდა ფხოველთა კიდევ ერთი უმთავრესი სალოცავი „ხთისკარი“, რომელიც თავისი ხასიათითა და დღეობათა ნაირსახეობით სრულიად განსხვავდებოდა ხევსურთა სხვა სალოცავებისაგან. აქ ზაფხულის ერთ-ერთ დღეს თავს იყრიდნენ როგორც ფხოვის ყველა ღვთაებათა საყმო, ისევე თუშები, ქისტები, მოხვევები და მთიულ-გუდამაყრელები დედა-წულიანად თავიანთი ჯვარ-დროშებით. იგი წარმოადგენდა ერთგვარ ოლიმპიურ დღესასწაულს, სადაც ხთიშვილნი და მათი ყმანი ერთმანეთს ეჯიბრებოდნენ რელიგიური რიტუალების (ხუცობა-კურთხევანი, ქადაგობა) შესრულებაში (ეს რიტუალი დღემდე შემოინახა ხევსურთა „ღამისთევამ“). სრულდებოდა „ბელლისკრული“, „კარატული“, „ქორბელეა“, „გერგეტულა“. იმართებოდა სპორტული შეჯიბრებანი. „ხთისკარზე შავიყარენით ანჯელოზები თავნია, გადმოდგეს სასწორ-ჩარექი, კვირაჲ დაუგი თვალია, ეზიდებიან იმასა, ვინაც რო ძალიანია...“ გადმოცემით, ბევსურებს, დევებსა და ქაჯავთლებს „ხთისკროვა ერთად სცოდნივ“. ფხოველთა უძველესი ღვთაებანი გვიანობამდე იმუქრებიან ან თავიანთი ძლიერების დაკარგვას ჩივიან: „მაშინ მქონდა ძალი და შაძლება, როცა კოჭუკულმართნი მემსახურებოდნენ, ახლა სადღა მაქვს ის ძალა, მკლავი მკლავს გამისწორეთ და კისერი – კისერს...“ ფხოველთა უძველესი სალოცავის – საჩაღეს „პირიმზეს“ ყმები ყოფილან „კოჭუკულმართნი“, ე.ი. დევ-კერპნი და ქაჯავთელნი, ანუ წარმართნი, რომელნიც თავიანთ ღვთაებას ცხენებსა და კვიცებს სწირავდნენ მსხვერპლად. კოჭუკულმართთა და გაქრისტიანების გზაზე შემდგარ ფხოველთ უკვე განაცალკევეს თავიანთი სალოცავები. „ხთისკარი“ – ეს ერთადერთი ბოლო სალოცავია, სადაც ჯერ კიდევ ერთად იყრიან თავს სხვადასხვა ღვთაებათა საყმონი, როგორც ფხოველნი, ასევე მათი ამიერ და იმიერ მეზობელნიც. სწორედ აქ ხდება ხთიშვილთა და დევებს შორის შეჯიბრი სიმძიმეების აწევაში – ძალოსნობაში, მშვილდოსნობაში, ფარიკაობაში, ცხენთა რბოლაში, ცეკვა-თამაშში, ლექსობა-სიმღერეში, ტალავარჩაცმულობაში, ცოდნით საუკეთესო წყვილი ქალ-ვაჟის გამორჩევა, გამარჯვებულთა დაჯილდოება და ა.შ., როგორც მემატთანე წარმართ ქართველებზე იტყვის, ზუსტად იმგვარად: „...სიმღერენი, სახიობანი და როკვანი...და

განცხრომანი“; „ღამისთევა და როკვა ფერკისისად“; „ნადიმნი და განცხრომანი დიდითა ჭამითა და...სმითა სამს დღეს.“

დაახლოებით XVI ს-დან „ხთისკრობა“ თანდათან მოიშლება და იგი შეცვლილი სახით გადაინაცვლებს გუდანში – სანეს მთაზე და „ბელლისკარს“ (სახმთოს ჯვარში), რომლის გაძლიერებაც დაკავშირებულია სამეფო ხელისუფლებასთან და შედარებით მოქრისტიანებულია. (სწორედ ამის გამო გუდანის ჯვრის რაღაც ფრთა უკვე „აღარ იჭდენს“ ცხენთა რბოლასა და ქალებთან წოლას და ზეისტიწოს გადადის, ხოლო პირქუში სახეს იმახინჯებს, რათა მას მიჯნურმა ქალებმა თავი გაანებონ).

ტერმინი „ხთისკარი“ („ლეთისკარი“) ტამარ-სამლოცველოს მნიშვნელობით მოხსენიებული ყოფილა ურარტუს ეპიგრაფიულ ძეგლებში. ვანის გათხრების დროს აღმოჩენილ III-I ს-ის სამლოცველო კომპლექსს, რომელიც ანალოგიურია ხევსურული ჯვრის არქიტექტურული კომპლექსისა, მკვლევრებმა სწორედ „ხატის კარი“ უწოდეს.

მორიბჟი. ხევსურთა წარმოდგენით, უზენაესი ღვთაებაა მორიგე, რომელიც განაგებს და წესრიგს ამყარებს ქვეყანაზე. თავისი ნების ამსრულებლად მას „დასახული“ ჰყავს დიდი და მცირე ძალისა და შეძლების ხთიშვილები (არა ფიზიკური შვილები), რომელთაც სხვადასხვა საქმე აკისრიათ. ხთიშვილებს თავის მხრივ ჰყვანან დამსმარე ძალები: დობილნი, ლაშქარ-იასა-ულნი, მწევარნი... რომელთაგან ზოგი კეთილის მქნელია, ზოგი ბოროტისა.

მორიგე თავად არ ჩანს. მის სახელზე სამლოცველო აღარ შემორჩა. იგი გუდანის „სახმთოში“ (ბერი ბაადური – წმ. გიორგი) არის გაცხადებული, რომელიც ამბობს: „ჯერ მე დამსახა მორიგემა, ბერი ბუქრაი ბაადური...“ თვით მორიგეს, ხთიშვილებსა და საყმოს შორის შუამავლის როლს ასრულებს „ლეთის მოკარვე“, „წმელთ მოურავი“ კვირაე.

ივ. ჯავახიშვილის მიხედვით, მორიგე ძველი ქართულით „შაბათი“ არის. ხევსურეთში შვიდი საკრალური რიცხვია. დიდია შაბათის ძალა. შვიდი თაობის შემდეგ გვარი იყრება. საინტერესოა „მეშაბათეობის“ ტრადიცია, „შაბათის რიგი“ და ა.შ.

მორიგეს შემდეგ ძლიერებით მეორე ადგილზე დგას „კვირაე“ (კვირა), რომელსაც „მორიგეს გვერდით უდგას კარავი“. იგი არის შუამავალი და შემწე ხთიშვილებსა და უზენაეს ღმერთს შორის. ხთიშვილთა და დევკერპთა ბრძოლა-პაექრობის დროს კვირაეს ხთიშვილთა მხარე უჭირავს და ფარულად ეხმარება, თუმცა მისი „დაქრთაშვაც“ შეიძლება. (კვირა – ბერძ. „უფალი“. ძვ. ქართულად – მზის დღე).

აღმოსავლ. ჯუდა, ანუ ხთიშობელი. მორიგესა და კვირაეს შემდეგ მესამე ადგილზე დგას ხთიშობელი, ანუ ადგილის დედა. ხთიშობელში ხევსურ-

რები გულისხმობენ არა მარამ ღვთისმშობელს, არამედ უზენაესი ღვთაების, ქვეყნიერების დედას. ადგილის დედა – ხთიშობელი, რომელიც ხევსურეთის ყველა სოფელს საკუთარი ჰყავს, ხალხის წარმოდგენით სხვადასხვა სახეს ატარებს. ზოგან იგი მამრობითი სქესის მატარებელია, ზოგან ხარის, ზოგან გველის ან რაიმე არსების „ალითა“. ადგილის დედას ჰყვანან „დობილნი“ (ასევე სხვადასხვა სახის), რომელთაც ცალკე კომპები უდგას და ცალკე სამსახურს მოითხოვენ.

ფხოველთა შიდა მიგრაციების დროს, ხშირ შემთხვევაში ხევსურთა ახალი განსახლების ადგილებში, ადგილის დედა – ხთიშობელი ახლიდან იჩენს თავს „წინა კაცთა“ ნადგომში ან მათ ნაციხვარ-ნაკერპავეში. ჯინჭარაულთა გვარის უმთავრესი სალოცავი „ნაჭარელა“ ადგილის დედა – ხთიშობლის სახელით მოიხსენიება. თუმცა სოფელ ლებაისკარში ნაჭარელა და ადგილის დედა დამოუკიდებელი სალოცავებია.

წმიდა გიორგი. ხევსურთა თემ-სოფლების უმთავრეს სალოცავად და ღვთაებად წმინდა გიორგი უნდა მივიჩნიოთ, რადგანაც თვით პირიმზე, სახმთო – ბერი ბაადური, კოპალა შუბნურის ჯვარი და ა.შ. წმ. გიორგიდ მოიხსენიებიან. ამ ხთიშვილთა ქრისტიანი წმინდანის სახელთან დაკავშირება მოგვიანებით უნდა მომხდარიყო, რომელშიც მნათობთა (უფრო მთვარის) და მითრას კულტიც მოიაზრებოდა. ხევსურული ხთიშვილნი, რომელნიც წმ. გიორგიდ იხსენიებიან, ერთმანეთისაგან სრულიად განსხვავებულნი არიან და სხვადასხვა დანიშნულებაც აქვთ. (ატარებენ სხვადასხვა სახეს – ცხენის, ირმის, გველეშაპის, მშვილდოსნის... ერთი ლაშქრობა-მეკობრობას განაგებს, მეორე – ამინდს, მესამე – მიწათმოქმედებას, მეოთხე – მავნე ძალებს ებრძვის...)

ხაშსურთა ზიბიერთი რქლიზიური წარმოდგენები. ხევსურთა წარმოდგენით სამყარო დაყოფილი იყო სამ ნაწილად – ზესკნელი, შუასკნელი და ქვესკნელი. რომელიც არსებობდა თავიანთი ღვთაებებით, სულებით და საყმობით. სიბოლწურად სამ სკნელს სამი ფერით აღნიშნავდნენ – შავი (იგივე ლურჯი), თეთრი (იგივე ყვითელი) და წითელი. ეს ფერები იყო სუდარაზე, დროშაზე, ტალავარზე, ფლას-ფარდაგზე.

ქვესკნელის მკვიდრნი „მიწრიელნი“ და „ქვეცრიელნი“ – დევ-კერპნი, მეჯალაფენი, უფერნო, ურწყნი, მარხვანი, მაძახურა... ზოგჯერ „ზეპირ გამოდიოდნენ“ და აზარალებდნენ „სამზეოს“ მკვიდრთ.

შუასკნელი, ანუ „სამზეო“, მოკვდამთა და მათი ღვთაებების სამყოფი იყო. „საიქიო“, ანუ ზესკნელი, ერთი და განუყოფელი იყო (იქ არ იყო ქრისტიანული სამოთხე და ჯოჯოხეთ). „საიქიოს“ სულეთის ღმერთი განაგებდა და მისი გავლენა რამდენადმე „სამზეოზეც“ ვრცელდებოდა, რომლის ნებასურვილს „მწერელნი“ ასრულებდნენ.

ადამიანი დაიბადებოდა თუ არა, მისი ბედი მაშინვე „დაიწერებოდა“. („უმწერლოდ არცრა არ იქნების“, – ამბობდნენ ხევსურნი). როცა ადამიანს დაწერილი ვადა გაუვიდოდა, „მწერელნი“ სულეთის ღმერთს შეატყობინებდნენ, რომლის დავალებითაც „მეგვაშენი“ ახალ სულს საიქიოში უწონად გვამს „აუშენებდნენ“ (გამოუძერწავდნენ). სულეთის ღმერთი სულის შესახვედრად გამოავ ზაენიდა „მგებრთ“, რომელნიც ახალ სულს ჯერ დედულებთან, შემდეგ სხვა ნათესავებთან მოატარებდნენ, ბოლოს თავის ანდაბში დააბინავებდნენ. ანდაბის უფროსი მისთვის სულეთის ღმერთისგან კუთვნილ ულუფასა და სამყოფს გამოითხოვდა.

ხდებოდა ისეც, რომ ზოგჯერ „დაწერილი“ იკარგებოდა და „მწერალთაც“ აღარ ახსოვდათ, რა დაწერეს. ამ შემთხვევებში მომაკვდავი „მკვდრებში გაერთოდა“ – მიცვალებულთა სულებს ესაუბრებოდა ან დროებით იმყოფებოდა საიქიოში. ზოგჯერ მომაკვდავს მფარველი სული ან თავისი სალოცავი იხსნიდა და საიქიოში მისთვის აგებულ გვამს დაანგრევდა.

იყო კიდევ ღვთაება თუ სული, რომელიც განაგებდა ადამიანის წინათგრძნობას, მიანიშნებდა მომავალს. იგი სიზმრის, მოლანდების, რაიმე ხილვის საშუალებით ხდებოდა. ამ ღვთაებას ხევსურნი „საოცრის მყენს“ უწოდებდნენ.

ხევსურთა წარმოდგენით თავისი მფარველი სული და „პატრონი“ ჰყავდა საკრალურ საგნებს, ჯვარ-დროშას, განძს, ქვაბ-საკიდელს, კერას, თავხეს, მიწას, ხეს და ა.შ.

ღეჲ-ჰირათა წინააღმდეგ მიზრპოლი ხთიშვილი. ერთხანს ღეჲ-კერპნი აღზევდნენ, ძალი უყვეს ხთიშვილთა და მათ საყმობეს. მორიგემ ღეჲ-კერპთაგან მოსახლეობის გასათავისუფლებლად და წესრიგის დასამყარებლად საომრად აღჭურვა ხთიშვილთა ნაწილი. უბოძა მათ ბედის ბედაური, ცეცხლის ფესვიანი მათრახი, ლახტი, ლახვარი, ნაეთის წყალი, ფარი და მახვილი. ესენი არიან: კოპალა, იახსარი, პირქუში. გადმოცემით ეს ხთიშვილნი „ნახორცივლარი“ ღვთაებანი არიან. ღეჲ-კერპთა წინააღმდეგ ბრძოლაში მათ ეხმარებიან ჳმალა, ფუძის ანგელოზი, შუბნური, რომელიც გველეშაპის ალით არის, ბერი ბაადური, თერგვაული და ა.შ. თვით ეს ხთიშვილნიც რამდენადმე ღეჲური ნიშნების მატარებელნი არიან.

კობალი. უმთავრესი საბრძანისი ლიქოკის ხეობაში, კარატის მთაზე მდებარეობს. ღვთაების ძირითადი ფუნქციაა ღეჲ-კერპთა ალაგმვა, ველზედ მოკლულის, ზეავით ან წყლით მომკვდარის, თვითმკვლელობით გარდაცვლილის სულის ეშმა-მაცილისა და უფრისაგან გამოხსნა. ამავე ჯვარში ხდება ფსიქიკურად დაავადებული პიროვნების „დაკოჭვა“. ტახტის ყმანი არიან ბასხაურები.

იახსარა კოპლას მოძმე, დეკთა ნატყვევარი. უმთავრესი საბრძანისი სოფელ შუაფხოშია. ტახტის ყმანი არიან ქისტაურები.

პირქუშა აქვს სხვა ტაბურებული სახელიც. მჭედელი. იგა ხთიშვილებსა და ყმებს უჭედავს საბრძოლო და სამეურნეო იარაღებს, ვერცხლის თასებსა და სამკაულებს. მის მიერ გაჭედილი თასები შენახულია ჯვარში. „ცეცხლის ალიანი“. უმთავრესი საბრძანისი სოფელ ბაცალიგოშია.

ბერი ბაადური (სახმთო). მოიხსენიება წმ. გიორგიდაც. ხევსურთა უმთავრესი მოლაშქრე ღვთაება. მდებარეობს სოფელ გულანში. ტახტის ყმანი ჯინჭარაულები.

პირიშუე. ციდან სინათლის სვეტად ჩამოსული. მითრას კულტის უძველესი სალოცავი. მოიხსენიება გიორგი ოქროსმშვილდიანის სახელით. განაგებს დარ-ავდარსა და ცა-ღრუბელს. უმთავრესი საბრძანისი სოფელ ჩირდილში, საჩალის მთაზე.

ფუძის ანგელოზი. პირიშუეს მოდე (ღობილი). მდებარეობს სოფელ უკანახოში. ფუძის ანგელოზსა და პირიშუეს ლოცულობენ გულამაყრელნი და ფშავლებიც.

ნაჯარელა. ჯინჭარაულთა სათემო სალოცავი. ძირითადი საბრძანისი სოფელი გულანი.

თეთრი შთის ქორი თვრეკაული. ეს უძველესი ღვთაება პირიქითა ხევსურეთში, ლებაისკარის მთაზე მდებარეობს და კისტნელ-შატილიონნიც ლოცულობენ, მიაბარებენ ბავშვებს. დათვის ჯვარზე ასული მლოცველები მასაც უხდიდნენ ქუდს და მსხვერპლს სწირავდნენ.

გაორგი ნაღვარმშენიერი (ნაღვრისპირისა). ნაყოფიერების, შესაქონლეობისა და მიწათმოქმედების ღვთაება. ძველად მოლაშქრე ღვთაებაც ყოფილა. მდებარეობს სოფელ ხახმატში.

ხელი სამშიმარი. გიორგი ნაღვარმშენიერის მიერ ქაჯავეთიდან მოყვანილი ხთიშვილთა ტოლი ძალისა და შეძლების მქონე ღობილი. მდებარეობს სოფელ ხახმატში.

სომხოს გაორგი. „სომხეთიდან მოყვანილი“ ჯვარი. მდებარეობს სოფელ არლოტში და აქ სრულდება ხევსურეთში სრულიად განსხვავებული დღეობა „დატობა“.

მთავარანგელოზი. ეს ღვთაება, ისევე როგორც გიორგი და ადგილის დედა, სხვადასხვა სახეს ატარებს. აღსანიშნავია, რომ მთავარანგელოზისა და გულანის ჯვრის ყმანი გვიანობამდე ერთმანეთს მტრობდნენ და ზოგიერთ სოფელში ერთმანეთზე ძალმომრეობის გამო ადგილიდან აყრილან კიდევც.

ცროლის სანება. წულის მომცემი და მონადირე-მეკობრეთა ღვთაება. მდებარეობს ჰადუს და კალთანელთა სალოცავიც არის.

ამათ გარდა არის კიდევ სხვა ჯგერებიც: პეტრე ნაღვრისპირისა (სოფ. ხიტალე), ნაბაკური (სოფ. დათვისი), უნჯის ანგელოზი (სოფ. ღელე), ღვეთ ღელა (სოფ. როშკა), ბრო – კარისმეზობელი (სოფ. ჭიშლა) და ა.შ.

„ჯვართ ენა“. ქადაგ-მკითხავეები და მესულთანენი ნაძახინარებში (საკ-რალური ტექსტები, რომლებიც მითოლოგიურ-მაგიურ პოეზიას მიეკუთვნება) წარმოდგენილი წინადადებებს ან ტერმინებს, რომლებიც ყოველდღიურ მეტყველებასა და ყოფაში არ გამოიყენებოდა. ჯვარი „თავის ენაზე“ ამეტყველებდა ექსტაზში შესულ ქურუმებს, რომელნიც ღვთაებათა ნებას გამოცანებით გადასცემდნენ საყმოს.

ამ ტერმინებიდან ზოგი ძველი ქართულის ნაშთებია, რომლებიც სალაპარაკო მეტყველებაში აღარ იხმარება, ზოგი კი ჩრდილოელი მეზობლებიდანაა გადმოღებული.

ხამსურთა უამამბი. ხევსურთა, განსაკუთრებით პირაქეთა მხარის, ყოფა გამოირჩევა უქმე ღღეების სიმრავლით და ნაირგვარობით. გარდა შაბათ-კვირისა, გაზაფხულიდან შემოდგომამდე, მიუხედავად იმისა, რომ ისედაც ბევრი საქმე აქვთ, დათქვამენ უქმედ კიდევ ორ ღღეს – ორშაბათს და პარასკევს. გადმოცემით ეს ღღეები „მეფე ერეკლეს დაუწესებია“ ხევსურთათვის. ამ უქმე ღღეების გარდა ტრადიციულად უქმობენ კიდევ ყველა საჯვარო (რელიგიურ) ღღეობას, ფერისცვალებას, კუმეტს, დიდმარხვისა და ათენგენობის წინა და მომდევნო ორშაბათს, ურწყის ორშაბათსა და ოთხშაბათს, გრძელ უქმს (ფერისცვალების მომდევნო სამშაბათს), რომლებიც „ველუძრავ“ (მძიმე) უქმებად ითვლება. ამ უქმე ღღეების გარდა ტრადიციულად კიდევ მოდის „თაგვთ უქმი“, „ჩიტ უქმი“, „მგელთ უქმი“, „კირკილთ უქმი“, ქარ-სეტყვისა და ნიაღვრის უქმეები, რათა ნადირ-ფრინველმა, მწერმა, ქვეწარმავალმა და სტიქიამ მოსახლეობა არ აზარალოს. ამ უქმეების გამო პირიქითა ხევსურნი დასცინოდნენ კიდევ პირაქეთელებს.

უქმეებში იკრძალება ნებისმიერი სამუშაოს შესრულება, ხელსაქმე, განსაკუთრებით მჭრელი იარაღის ხმარება და მიწის სამუშაოები.

უქმეები არის მძიმე, ანუ „ველუძრავი“ და მსუბუქი, რომლის დროსაც იციან „მუშათ შეყრა“ (ნადი). (მუშათ საქმის ღღეებში ვერ შეყრიან, რადგანაც ყველას თავისი სამუშაო აქვს, უქმე ღღეებში კი თავისუფალნი არიან). ოღონდ ამ დროს ღვთაება კვირაეის მსხვერპლს (თხას) შესწირავენ ან რიტუალურ ღღეს დაამზადებენ, რასაც „უქმის სანათლავი“ ჰქვია.

იმდენად ღიდი შიში და რიდი აქვთ „უქმის შერევისა“, რომ მოსახლეობა საგანგებოდ ჯვარში ან ოჯახში კვირაეის საგანგებო მსხვერპლს სწირავს, რომელსაც „სახთო-საკვირაო“ ჰქვია.

უქმე დღეების სიმრავლე ხევსურეთში იმის გამოც იყო დამკვიდრებული, რომ ბუნებითა და პროფესიით მეომარი ხალხი მძიმე შრომით არ გადაღლილიყო და მუდამ საბრძოლო მზადყოფნაში ყოფილიყო.

ბუნება სემსურეთისა

„ხევსურები კაკასიის მთებში ცხოვრობენ, სამყაროს სხვენზე, სადაც მზე ადრე ამოანათებს, ადამიანები კი გვიან ქრებიან.“ (ნ. კინჩევი)

სველი ანდრეზებით ნადირ-ფრინველთა ბუდე, ხევსურეთის ტერიტორია უღრანი ტყით ყოფილა დაფარული და მისი გაახოება-დასახლება თანდათანობით მომხდარა. „წინაჲ თოღ არ მამდინარ, ზამთრის პირთ ცოტაად მთან შაჭროლდიანაოდ, ეგვიჲჲ თოღიჲ, – თქვიანაჲ.“ „ბანზე ცოცხით გადმოსაწმენდი თოვლი რომ დაედო, იტყოდნენ – მძიმე ზამთარიაო.“ „წინწინ თოღ რო მასულ ნაჯალის წვერისად გაუბამ...“

ეს ანდრეზი ვაჟა-ფშაველასაც დაუწერია: ხევსური „ზამთარს... არ უწუხებია, გამუდმებული ზაფხული ყოფილა.“ მაგრამ „ზამთრის მგ ზაენელი „მხრიანი“ – სულლუმი (თამარ დედოფალს კოლოფში რომ ჰყავდა დამწყვდეული) გაჰფრენია და დედაკაცის ნატყვევარი ძალიან განრისხებული ყოფილა... მზე გაუბრუნებია, აუცივებია, აუტეხნია ქარები, ღრუბლები გადმოუსხამ და მთა-ბარი თოვლით გადუღესია.“ (ვაჟა-ფშაველა)

„ჩვესურეთულ ხთიშვილთ ქაჯუეთ რო ულაშქრავ, თოღის ფიფქნ მამინ მაისტის ხატს გადმაუყოლებიან ვადით ვადამდე...“

გეოგრაფიული მასალებით III-IV ს.ს. ხდება კაკასიონის გამყინვარების „არხიზული შესვენება“, რის დროსაც კაკასიონის მყინვარები, თანამედროვესთან შედარებით, ძალზე შემცირებული იყო და ლანდშაფტური სარტყლები მთიან რაიონებში 100-300 მეტრით მაღლა აწეულა. XIV ს-დან შეინიშნება საგრძნობი აცივება. მყინვარები კვლავ დაბლა მოიწვევენ და შესაბამისად ისპობა მცენარეული საფარი, ნადირ-ფრინველი. XIX ს-ის მეორე ნახევრიდან აცივებას კვლავ დათბობა ცელის და ტყის საფარიც თანდათანობით მაღლა მიიწევს.

ხევსურეთის სხვადასხვა ხეობა და, აქედან გამომდინარე, თვით თემებიც საგრძნობლად განსხვავდებიან ერთმანეთისგან. ბუნებრივი გარემოს მრავალფეროვნება განსაზღვრავს ხევსურთა ყოფის, ხასიათის, ტალღაარზე ფერთა გამის, ნაჭრელას, საშმენებლო ხელოვნების სხვადასხვაობას. არაგვის ხეობა შედარებით ტენიანია, ვიდრე აღრუნიისა და ასას ხეობები. განსხვავებულია მათი ტყის საფარიც. „პირაქეთ ხევსურეთის ჰავა უფრო რბილია, ტყე უფრო მეტია

და ფოთლოვანი, მთები ნაკლებ კლდოვანი, ნაკლებ თოვლ-ყინულით და-
ფარული.“ (თ. ოჩაური). პირიქითა ხევესურეთის კლიმატი უფრო მკაცრია
და ბუნება კლდოვანი.

არის კიდევ ერთი მნიშვნელოვანი თავისებურება: პირაქეთ ხევესურეთში
შემოდგომაზე რომ თოვლი მოვა, გაზაფხულის ბოლომდე აღარ შრება. პი-
რიქით ხევესურეთში კი რაც გინდა დიდი თოვლი მოვიდეს, ორ-სამ დღეში
ქარი ხე-ხუეებში გაფანტავს და შრება, რაც ცხვარ-საქონლის გამოკვების
კარგ შესაძლებლობას იძლევა.

1780 წელს დავით რექტორს უმოგ ზაურია ფშავე-ხევესურეთში და წერს:
„დიდად შეუვალი და საჭირო გზა ყოფილა კაცთათვის სავალად. მომაგონ-
დება იგი სიტყვა, რომელი ჰსწერს კვტოს კურციოს ალექსანდრე დიდის
ცხოვრებასა შინა ალექსანდრე მაკედონელისათვის: ვ-დ შევდიოდით ჩრდი-
ლოეთ კერძო კლდეთა ფრიად იწროთა და მიუალთა კაცთაგან და დავიფარ-
ვოდით ნაპრალთა და დანახეთქთა კლდისათა და მოგვეგებოდიან კაცნი ფრიად
ველურ ქმნილნი.“

„ნეტა არის სადმე სხვა ისეთი ღვთისა და კაცის მიერ დავიწყებული მხა-
რე, როგორც ხევესურეთი?... ეს ღადე-ღუდე, ხრიოკ-ხრიაკი, კლდე-ჭიუხი-
ანი ქვეყანა...“ (ვაჟა-ფშაველა).

„იშვიათია ისეთი მთა სამოსახლო, როგორც ხევესურეთია. თუშეთს, ხევეს,
სვანეთსაც კი აქვს ვაკე ადგილები გაშლილი ქედების ძირში ან ხეობების
გასწვრივ, მხოლოდ ეს კუთხე გაუწირავთ ღმერთებს ციცაბო ფერდობებისა
და ბასრი ჭიუხების ანაბარად.“ (გ. რჩეულიშვილი)

„ვიწრო ხეობებს, ერთმანეთზე მიჯრით მიწყობილ მთებს, თუ ცოტა მალ-
ლა არ ააღწიე, ცისა და გარშემორტყმული მთების ნაკვეთის მეტს ვერას იხი-
ლავ, ვერც სოფელს სადმე მიაღებები ხეობიდან თუ მალლა არ ახვალ... ზოგი
სოფელი ისეთ ციცაბო აღმართის თავზე მოთავსებულა, მიუჩვეველი სულს
ძლივს აიტანს.“ (თ. ოჩაური)

„ხევესური ფრიად ღარიბია... ხევესურეთი ხმელი, ხრიოკი ადგილია... და-
თესილი ქერი ჯერ ჯეჯილშივე ჩაირეცხება ღვარებისაგან და თუნდაც მო-
ვიდეს, სეტყვას მაინც ვერ... გადაურჩება.“ (ვაჟა-ფშაველა)

ამის გამო არის, რომ ხევესურნი დღემდე ლოცულობენ და მსხვერპლს
სწირავენ მიწათმოქმედებისა და ნაყოფიერების ღვთაებებს, სტიქიისა და ნა-
ღირ-ფრინველთათვის, ქვეწარმავალთა და მწერთათვის დაწესებული აქვთ
უქმები - „კნულა“, „მელვარეობა“, „ქარის უქმი“, „თავვთ უქმი“, „მგელთ
უქმი“, „ჩიტთ უქმი“, „კირკილთ უქმი“...

კარტოფილის, კობოსტოს, სიმინდის... მოყვანა ხევესურებმა მხოლოდ
XIX-XX ს-დან დაიწყეს. მეფის არმიამი „ნასალდათარ“ ხევესურს შინელის

ჯობით მოუტანია წიწიბურას თესლი, რომლისთვისაც „კრუმა“ დაურქმევია, ალბათ, „კრუპა“-დან მომდინარე.

ხევსურებს „სხვა ჩვენს მთიელებზე უფრო გასაჭირი ადგილები ამოურჩევიათ საცხოვრებლად... და საქართველოს დამცველი წრე შეუდგენიათ... უგზობისა და დიდის გრძელის ზამთრების გამო ისინი თითქმის მოწყვეტილი არიან მთელს ქვეყნიერებას.“ (ალ. ყაზბეგი)

„ხევსურეთს გარშემორტყმული აქვს მუდამ ცინულოვანი მთები, სადაც არც გზა არის, არც კვალი... ცამდის აღმართულან კლდეები, თითქოს ცულით იყენენ ჩამოჭრილი და მათზედ რძესავით ჩანჩქერნი გადმოქანებულან... ჩინებულთა ზაფხულში ხევსურეთი, მაგრამ ისიც წარმოიდგინეთ, ზამთარი რა უნდა იყოს.

ადრე შემოდგომიდან გვიან გაზაფხულამდე ხევსურეთი თეთრად გადალესილია და ყოველის მხრით ხალხს გზა შეკრული აქვს... არც მიმსვლელ-მომსვლელია, არც მგზავრი! წამდაუწუმ მოდის ძირს თოვლის ზვაკები.“ (ალ. ყაზბეგი)

„ათასგვარ სიბეჩავესთან ერთად ჩვენს მხარეს გზის უქონლობა აწუხებდა. უგზობა იყო მთიელი ხალხის ბევრგვარი ზარალისა და სიღარიბის მიზეზი. მწირნიადგინან ქვეყანას ხშირად ესტუმრებოდა ხოლმე შიმშილი. ფშავლებსა და ხევსურებს ცხოვრება არ შეეძლოთ თბილისის, კახეთისა და ორჯონიკიძის (კაკაკაის) დამოუკიდებლად, საიდანაც ცხენების საშუალებით, ვიწრო ბილიკებით ისინი საზრდოს, პურს ეზიდებოდნენ. საცალფეხო ბილიკები არ აძლევდნენ აქაურ გლეხებს საშუალებას ბაზარს დაკავშირებოდნენ. ეს ბილიკები კიდევ იმით იყო საზარალო, რომ პურისათვის წასულებს ცხენები უცვივდებოდათ კლდეზე, რომელთაც ხშირად ადამიანებიც მიჰყვებოდნენ ხოლმე თან.“ (გ. თურმანაული)

სახლ-ქარი ხმსშრისა. ხევსურთა საცხოვრებლები, სახნავ-სათვისი სავარგულების უქმარისობის გამო, ძნელად მისადგომ, კლდოვან ადგილებში გაშენებული კოშკურ-ქვითკირული იყო, რასაც თავდაცვითი მნიშვნელობაც ჰქონდა.

ხევსურის მიერ საცხოვრებლად ადგილის შერჩევას განსაზღვრავდა ჯვარი და ქადაგ-მკითხავი. ცალკეულ საბრძოლო კოშკებსა და ქავ-ციხეებს (გალაწინან კოშკებს) უფრო ძლიერი გვარები აშენებდნენ. ხშირად კოშკების ქვეშ „დარანიც“ იყო დატანებული, რომელიც წყაროს უკავშირდებოდა და სამალავსაც წარმოადგენდა. კოშკები ძირითადად სიპერდიანი (პირამიდულსახურავიანი) იყო. კოშკის საძირკველში სიმტკიცის ნიშნად იცოდნენ მუხის კუნძის ან რკინის ნაჭრის ჩატანება. ცოდნით ხელოვნური დამცავ-ზღუდიანი (ფლისკინა, ანუ ბირქი) თხრილიანი კოშკების მშენებლობაც (სამხარაულების კოშკები ქუდნისლაზე).

XVII ს-დან, ფშავ-ხევსურეთში არაგვის ერისთავთა ლაშქრობების შემდეგ, კოშკური კულტურა დაქვეითებას განიცდის და იცვლება ქვეითკირული და ტერასულ-კალიონი სახლებით.

ქვის მშრალი წყობით შენდებოდა ხევსურული სახლი, რომელშიც შიგა ტიხრები გამოწნული და თიხით შელესილი იყო. შიგნიდან ქვის კედლებსაც თიხაში ახელილი ჩაღითა და თხის ბაღნით ლესავდნენ.

პირველი სართულის შესასვლელი წარმოადგენდა „ქარიპანს“, სადაც ზაფხულობით საქონელს აბამდნენ. აქვე ალაგებდნენ ქურთს. ქარიპანიდან ჯერ საძროხეში (სახოზდაგე; სახვასტაგე) იყო შესასვლელი, შემდეგ „ნაწვლის კარით“ ოჯახის ძირითად სამყოფო ოთახში იყო გასასვლელი. მაგრამ ამ შესასვლელ-გასასვლელით მხოლოდ ქალები სარგებლობდნენ. მამაკაცები მეორე სართულიდან, ჭერზოდან ჩადგმული კიბით ჩადიოდნენ სამყოფოში. (40-იანი წლებიდან სამყოფოში პირველი სართულიდან შესასვლელი ცალკე კარები გამოიღეს).

სახლის პირველი სართული, სამყოფო და საძროხე, ერთმანეთისგან ტიხრით იყოფოდა. თავდაპირველად ტიხარი ნახევრამდე იყო ამოყვანილი. მოგვიანებით იგი ჭერამდე ასწიეს და ზოგმა ქვის კედელიც ამოაშენა წნელის ტიხრის ნაცვლად. იმდენად შეგუებულნი იყვნენ ხევსურები საქონლის გვერდით ყოფნას, რომ ამბობდნენ: „საქონის ცოხნის ხმა თუ არ მესმის, ვერ ვიძინებ“-ო. საძროხე დაზღუავებული იყო ქვის ბრტყელი სიპებითა და მუხის პლახით, ხოლო სამყოფოში დატკეპნილი მიწის „ქაზღარი“ იყო.

„სამყოფოს“ შუაგულს წარმოადგენდა კერა (ყვერფ-კერა), რომლის თავზე, ჭერში, დატოვებული იყო ღიობი კვამლის გასასვლელად, საიდანაც სინათლეც შემოდოდა. იქვე, ასაყარზე გადებულ ხეზე, ჩამოკიდებული იყო საკიდელი. ასაყარზე გაკეთებულ კავებზე ეკიდა შებოლილი ცხოველის ძვლები და მრგვლად გამოკრული ქონ-დუმა.

ოთახის დასავლეთ მხარეს, კედლის გასწვრივ იდგა გრძელი, ორნამენტირებული სამამაცო სკამი და ოთახის ამ ნაწილსაც „სამამაცო“ ერქვა. სამამაცო სკამზე მხოლოდ მამაკაცები სხდებოდნენ დამსახურებისა და ასაკის მიხედვით. ღიასახლისი მათ გრძელ, ასევე ორნამენტირებულ ტაბლას გადმოუდგამდა. ტაბლის მეორე მხარეს არ სხდებოდნენ. (ძველად ევროპაშიც სუფრასთან დაჯდომის წესი ასეთივე იყო, იქაც გრძელ მაგიდას ცალ მხარეს უსხდებოდნენ. ინგლისური ანდაზა ამბობს: სენიორი პურს მარტოკა არ ჭამს, რის გამოც გრძელი სკამი და მაგიდა სჭირდებათ). სამამაცო სკამის ასწვრივ, ჭერში გადებულ ფიცარზე და ქირჭოვებზე (საკიდებზე), განლაგებული იყო მამაკაცის საომარი, სახელოსნო იარაღები და ნივთები.

სამამაცოს მოპირდაპირე კედელთან იყო „სადიაცო“ მხარე, სადაც იდგა სადიაცო სკამი, კარადა ან გოდორი ჯამ-ჭურჭლისთვის, ტაბლა, ვარცლი, ტაგრუცი და ა.შ.

კერიდან ყველა მხარეს არდაბაგზე – კედლის გაყოლებაზე გადებული იყო ქანდარა, რომელზედაც ეკიდა ტალავარი, ფლას-ფარდაგი, საგებ-სახურავი. კერიდან წინა მხარეს, ყურეში, დგამდნენ სანთებს, ჩირაღს და სხვადასხვა ნივთებსა თუ ჭურჭელს. სამყოფოსგან გადაკედლილი იყო აგრეთვე რძისა და რძის ნაწარმის შესანახი ადგილი, რომელსაც „სენე“ ერქვა.

სამყოფო მეორე სართულს – ჭერხოს კიბით უკავშირდებოდა, რომელიც გამოიყენებოდა აგრეთვე საქონლისათვის საკვების ჩასაყრელად.

ქალები იძინებდნენ სამყოფოში, ჩალაჩაგებულ ჩაფებში. ლოგინში ჩასაფენად ჩალას საღამოობით ჩამოყრიდნენ, დილით კი საქონელს შეაჭმევდნენ.

სამყოფო ოთახს სინათლის შესასვლელად კედლებში დატანებული ჰქონდა ვიწრო შუკუმები. ისინი ისე იყო დატანებული კედლებში, რომ მზის საკულტო ერთგვარ ობსერვატორიას წარმოადგენდნენ. შუკუმიდან შემოსული მზის სხივით ადგენდნენ დღე-ღამის კლება-მატებას. 30-იანი წლებიდან ხევსურული სახლის ფასადზე ვიწრო შუკუმის ნაცვლად ჩნდება შედარებით დიდი ფანჯარა, რომელშიც გისოსებად ქართული თოფის ლულებს სვამდნენ. „როდესაც სოფ. ახიელაში თათია ბალიაურს თავისი ქვიტკირისთვის ვიწრო შუკუმების ნაცვლად ფართო ფანჯრები გამოუჭრია, სტუმრად მყოფ მეგობარ ქისტს უთქვამს: – ეგ ვერ ჰქენი თათიავ კარგად, საიდანაც გინდა, იქიდან დაგკრავს თოფს მტერიო.“ (თ. ოჩიაური)

მამაკაცები ჭერხოში იძინებდნენ ჩალაჩაგებულ ტახტებსა და ლაჭნებში. ზედ გუდანურებს იფარებდნენ.

ჭერხოში იყო აგრეთვე საოჯახო ინვენტარის და მარცვლეულის შესანახი გოდრები, კიდობნები, ტაგრუციები, ხოკრები, თიკრუნები და სხვა სახის ნივთები. ცალ მხარეს საქონლის საკვებ თივა-ჩალას აწყობდნენ.

ჭერხო და ყოველი ღია ტერასა გადახურული იყო ბანით. ძირითად ბანზე, სადაც პურს აკალოვებდნენ, დაშენებული იყო მაღალბანიანი კალო, სადაც ძნას ლეწავდნენ.

ბანი ძნელი მოსაველელი იყო. იგი წარმოადგენდა ხის კოჭებზე განლაგებულ ჩალისა და ხის წვრილ ტოტებზე დატკეპნილ თისა-მიწას, რომელსაც ირგვლივ ბრტყელი ქვის სანაპიროები ჰქონდა შემოწყობილი. ბანს რეგულარული ტკეპნა სჭირდებოდა. ამიტომ უთქვამთ ხევსურებზე: – ეგენი ის ხალხია, მზეში შინ რომ შედიან და წვიმაში გარეთ გამოდიანო. ე.ი. წვიმის დროს ბანებს ტკეპნიანო.

ხევსურულ სახლს კიდევ ჰქონდა ტერასულად მიშენებული მცირე ზომის სათავსები წინგარდა და გვერდითა. სახლის ირგვლივ განლაგებული იყო საჩაღლი, სანეხვე და სამრელო.

„სახლის მთელ მორთულობაში შევიცნე ელემენტური კავშირი ადამიანისა და ოთხფეხისა. ერთმა რამ გამაკვირვა: არსად არ ჩანდა თეთრი ლაქა, არც ტანსაცმელზე, არც უნჯზე, არც მოწყობილობაზე. გამოუთქმელი სევდა სუფიევდა ყველგან.“ (გრ. რობაქიძე)

ტადეაზარი ხუმსპირია. ხევსურის „ახირებული ჩაცმა-დახურვა... განსაკვირებელია და საინტერესო თვით უცხო კაცთათვისაც და მეტადრე ჩვენ ქართველებისათვის.“ (ალ. ყაზბეგი)

რომელ ხალხებსა და ცივილიზაციებს არ დაუკავშირეს მკვლევრებმა ხევსურის ტალავარი – ინდოევროპელებს, რეტენუელებს, შუამდინარეთს, ევროპელ ჯვაროსნებს... ერთი კი ნათელია, რომ კავკასიის მთიანეთის მოსახლეობის ყოფიდან ხევსურული ტოლის (შალის) ტალავარის სახით ჩვენ შენარჩუნებული გვაქვს ისტორიული ხანის ჩაცმულობის იშვიათი, ორიგინალური ნიმუში. იგი გამოირჩევა თავისი არქაულობით, მასალით, აჭრილობითა და ქარგულობით, რაც ცნობილი იყო ქალდეველებში, ურარტუელებში, ხეთებში, ბაბილონელებში, ეგვიპტელებში.

ასე ეცვათ ძველ იბერიელ ტომებს და გვიანობამდე ხევსურთა უშუალო მემკვიდრეებსაც. ლამაზი ტალავარი, რომელიც ოდითგანვე საკუთარი თავის წარმოჩენის დაუოკებელი სურვილით იყო ნაკარნახევი, განსაკუთრებულად სრულყვეს ხევსურებმა. უძველესი კვართი, თავისი შემდგომი აჭრილობითა და ჯვრიდან მომდინარე გეომეტრიული ორნამენტი, უმაღლეს დონეზე აიყვანეს ხევსურმა ქალებმა და ჩაწვდნენ ბუნებრივ ფერთა საიდუმლოს. თუ ფხოვში იყვნენ მჭვდლობის მესაიდუმლე გვარები და გადაშენდნენ, იყვნენ და ჩვენს დრომდე მოაღწიეს ნახატისა და ფერების მესაიდუმლე ოსტატმა ქალებმა.

„კოსტუმები კი ეს საოცარი ხელოვნებით მოხატული, უცხოდ მორთული, მართლაც ანკვიფრებს მნახველს თავის უმდიდრეს ორნამენტთა მრავალფეროვნებით, ფერთა ურთიერთშეხამების მაღალი დონით, თავისი ქარგით. განსაკუთრებით მოხდენილი მამაკაცის ჩაცმულობაა...რაც უნდა ჩიამ გადაიცვას ეს ტანსაცმელი, იგი ვაჟკაურ იერს მიიღებს... იგი საომრად აღჭურვილსა და ბრძოლისათვის მუდამ მზად მყოფს მოგვაგონებდა და ჩაცმულობაც ხელს უწყობდა... კოსტუმის თარგი მოძრაობას არ ზღუდავდა.“ (თ. ოჩიაური)

უმშვენიერესია და ჰაეროვანი (მიუხედავად წონისა) ქალის ჩაცმულობა. „... უხვად დაყრილი ძვირ-ღირებუი ფარავსა და სახელოებზე, ბეჭებზე და თავსაბურავზე, ქათიბისა და ფაფანაგის გაშლილი ბოლო, სადიაცოს წითელ-

ყვითელი ქოქომოები შვენიდა ქალებს და მთელ გარემოს თავისებურ, არსადნახულ ელფერს აძლევდა.“ (თ. ოჩიაური)

„ხევსურულ ქალსაც ფერადად მოქარგული შალის ტალავარი აცვია; მეტადრე ჯუბა და ფაფანავა... მშვენივრად აქვს მორთული, თავზედ კეკლუცურად მანდილი ახვევია. თმა კარგი აქვთ, გრძელი, მრავალ ნაწნავებად იწვნენ და ირგვლივ შუბლზედ იხვევენ, ზოგან კი იკრეჭენ.“ (ნ. ხიზანიშვილი)

„ხევსურს წითელი ჯვრიანი ჩოხა ადვილად საცნობს ხდის.“ (ვაჟა-ფშაველა)

„... თუ ხევსურებმაც თავიანთი ტალავარი ნაყიდ ფარჩისაზე გასცვალეს, მაშინ ყოვლად შეუძლებელია ხევსურეთში ხევსურების არსებობა.“ (ვაჟა-ფშაველა)

ტოლის ტალავარს უდიდესი მნიშვნელობა ჰქონდა ჯანმრთელობისა და ჰიგიენის დაცვის თვალსაზრისით. ფერთა გამა ბუნებასთან შეხამებული, მშვიდი და ჰარმონიულია. ხევსურის ტალავარი, რომელსაც სახმარი დანიშნულება ჰქონდა, იმავ დროს იყო ხელოვნების უნიკალური ნიმუში. ქალები, ბუნებრივ საღებავებთან ერთად, იყენებდნენ საქონლის მწურეს (შარდს), რომელიც ფერებს შესანიშნავ ტონალობას აძლევდა. (ნაცრიანი და შარდგარეული წყლის გამოყენება ქსოვილის გამოყენისათვის შუა საუკუნეების ევროპაშიც იცოდნენ). ხევსურეთში ტალავრის მორთულობისთვის ფერადი სკლატი (მაუდი), სირმა, მძივი და ღალი ევროპელ ვაჭრებს შემოჰქონდათ.

ხევსურეთის თითოეული თემის ტალავარს განსხვავებული ფერადობა და ორნამენტული შემკულობა ახასიათებდა, რაც დამოკიდებული იყო თავად თემების მკვიდრთა ბუნება-ხასიათზე და გეოგრაფიულ მდებარეობაზე. ყველაზე მდიდრული ორნამენტი ლიქოკის თემის ხევსურთა ნაჭრელაზეა. შედარებით ფერადოვანი და მხიარულია არხოტის თემის ხევსურების ტალავარი. არაგვისა და გორშელმის ხევსურების ნაჭრელა და ფერები უფრო აკადემიური და დახვეწილია. ასევეა მთასიქითელთა ტალავრის მორთულობა. მიღმახვეველთა ტალავარი გამოირჩევა უფრო არქაული და პრიმიტიული შემკულობით.

XIX-XX ს-დან, თუ მანამდე, ხევსურული ტალავარ-ნაჭრელა სადა, დახვეწილი იყო, შემკულობის ფორმა უფრო გამდიდრდა და ზედმეტად გადაიტვირთა. ხევსური მელექსე ირონით ამბობს: „ვაჭრობენ სკლატ-აბრეშუმსა, ქალებ აკერებს ძალზედა, როგორ ლამაზა უქდების ვაჟკაცის ტალავარზედა...“

30-40-იანი წლებიდან ხევსურეთში „ბარელთა“ გაელენით ნელ-ნელა მკვიდრდება ე.წ. „ფშაური“ ქათიბი, „რუბაშკა“ და კაბა. ასეთი ტალავარი იოლი დასამზადებელი იყო, ტანსაცმლისთვის აღარც ტოლის დაქსვა იყო საჭირო

და აღარც იძენი ნაჭრელა. მაღაზიაში ნაყიდ ქსოვილზე საკერავი მანქანით ფერადი ძაფებით მოხატავდნენ ორნამენტებს და აკერებდნენ აპლიკაციებს.

და სთქვა ხევსურმა მელექსემ: „შალის ტალავარ დაყვარეთ, ყველამ ჩაიცვა ფართალი. ქალებსაც ჭრელებ კაბები, სუყველას, თეთრი თავშალი. ფეხებზე ძვირფასებ ტუფლებ, ჩულქებ მუხლამდე დამწვდარი.“

„სოფელში შეეხვდით ორ გოგონას, რომლებიც თბილისში სწავლობდნენ და ახალი დაბრუნებულები იყვნენ. მათ ქალაქურად ეცვათ და ამის გამო გაკიცხვას იმსახურებდნენ ძველი თაობის ქალებისაგან. ჩვენ იმასაც კი შევესწარი, თუ როგორ ნერწყვავდნენ და სწყველიდნენ გოგონებს ქალები. თვითონ კი ჯიუტად ჩაბლაუჭებოდნენ ძველებურ ტალავარს და არ იცილებდნენ.“ (გ. ჩიტაია)

ტრადიციის რღვევის ეს პროცესი იმ დროს პროზაშიც აისახა. 30-იან წლებში მწერალი გრ. ჩიქოვანი თავის მოთხრობაში წერს: „ერთხელ, მაისის ნისლიან დილას, ელიბო გაქაფული ცხენი შემოაგდო ზვიადაურის ეზოში. ქალაქურად ეცვა... არ მოეწონა მამას შვილის ჩაცმულობა, წუთით გახარებული სახე მოიღრუბლა... ავად შეიკრა შუბლი. ეზოში დააცდევინა, პერანგი და ჩოხა გამოუტანა...

– ჩოხა ჩაიცვი, ბალო!

...ელიბო არ აპირებდა ქალაქური ტანსაცმლის გახდას...

ზვიადაური აფთარს დაემსგავსა...

– ეს ბაღლი პირველია ხევსურეთში, რომელიც მამის წინააღმდეგ მიდის...“ (მამა შვილს ჰკლავს).

საომარი აღჭურვილობა ხმზსურისა. ხევსურის საომარი აღჭურვილობა, მისივე ტალავარის მსგავსად, მრავალფეროვანი და ლამაზი იყო.

შინაური თუ გარეშე მტრისგან მუდმივი საფრთხე, თავმომწონეობა, საზღვრის სახლოვე, ჩრდილოელ მეზობლებთან ურთიერთობა „ხევსურებს აიძულებდა უფრო ბეჯითად ეზრუნათ საბრძოლო მზადყოფნაზე, ვიდრე საქონლის მოძრავლებაზე.“ (აღ. ყაზბეგი). მამაკაცს ტახტის თათთან ეკიდა ფარხმალი, ჯაჭვი და თოფი, საგანგებოდ გამზადებული საგზალი და ახლად გაბანდული ჯღან-ქალამანი. იგი ნებისმიერ სიტუაციაში მზად იყო სალაშქროდ.

„ხევსურს... გვერდზე ჩამოკიდებული ფარ-ხმალი ადვილად საცნობს ხდის; სადაც უნდა იყოს ხევსური... იმას თან განუყვრელად აქვს იარაღი. იმას, რომ ხევსური მშვიდობიანობის დროსაც კი არ იშორებს ტანიდან იარაღს, არის არა გარეშე მტერი, არამედ ისევ ხევსური.“ (ვაჟა-ფშაველა).

„უცებ მეხუთე თუ მეთათე საუკუნეში გადავსახლდი... დროშისა და დეკანოზის წინ – ოციოდ ლანდი ჟამთა წარსულთა, შეჭვდილი ჩაფხუტებით, პერანგებით, სამკლავებით, სამუხლებით, ძრგვალი ფარებით, ადღზე უგრ-

ძესი დაშნებით, ადლიანი სატევერებით, ბუნგრძელი შუბებით, დალურსმული კომბლებით და ბუნმოკლე სათხედებით. ირგვლივ ჭაბუკები და ყრმები ეხვივნენ, ისინიც ხანჯლებით, მშვილდისრებით, კარპაჭებით, ხის მუზარადებით, კაჟიანი თოფებით და გრძელი ხმლებით ასხმულნი, რომელნიც ტანმორჩილ ბალებს მიწაზე დასთრევენ...“ (მ. ჯავახიშვილი)

„ტანზე ჯავშანი ეცვათ, მკლავებზე სამკლავური, მხარზე ფარი და წელზე ხანჯალი: თავზე ჩაფხუტი ეხურათ, რომლის ქვეჩამოშვებული რკინის წვრილი ძეწკები მხრებამდე სწვდებათ. ფარები აქა-იქ ნაჭდეენი და ჯავშანნი საკმაოდ შეცვეთილნი მოწმობდნენ, რომ მორკინალთ არა ერთი მკაცრი შებრძოლება ხედნოდათ, ბევრ მათგანს ჭრილობის კვალი შერჩენოდა სახეზე: ეს ალბათ „საცერული“ მოხვედროდათ. მეომარნი ფარკაობდნენ, როგორც ვიკინგები...“ (გრ. რობაქიძე)¹

„მე ვიწყე სინჯვა ხრმლებისა და გავოცდი: მათზე ლათინურწარწერიანი დაეინახე. ერთზე ეწერა A.M.D. იყო აქ „Ave mater die?“ მეორეზე – „Genua“. როგორ მოხდნენ ეს ხრმლები ხევსურეთში? – წერს გრ. რობაქიძე და დასძენს: – „სერვანტესი აღნიშნავს: დონ-კიხოტს – როცა ბრძანა ლომის გალია გაეღოთ – ხრმალი მგლის ნიშნით არ აღმოჩნდაო. მე კი აქ, ქვეყანას მოწყვეტილ ხევსურეთში, მეჭირა ასეთი ხრმალი... X-XI სს „შავი მგლის“ სახიანი ხმლები, რომლებიც იჭედებოდა ტაბანისაგან (სპეციალური ქიმიური შემადგენლობის ფოლადი), ჩვენს დრომდე მართლაც ჰქონდათ ხევსურებს. ასეთი ხმალი მხართვეს საქართველოში ჩამოსულ ალექსანდრე მესამეს.

„დღესაც აბჯარ-დაშნა-ჩაფხუტით შეჭედილი ხევსურები ჯერჯერობით ჯაჭვის ხანაში... დაბორიალობენ.“ (მ. ჯავახიშვილი)

„უფრო ძალა, მთებში, ხევსურები ცხოვრობდნენ. თითქმის გაუხდელად ეცვათ ჯაჭვის პერანგი, ქულებში რკინის სქელ რგოლებს იკერებდნენ... მე მინახავს ძველი ფშავ-ხევსურეთი. ხევსურთა ბუნაგებში XVIII საუკუნის ესპანური ხმლები და ჯაჭვები.“ (ვ. შკლოვსკი)

„გვხვდება XIV-XVII ს. ცნობილი იტალიელი ოსტატების ანდრეა და პიერო ფერარებისა და დავით ფერარის ხმლების პირები. აგრეთვე ირანიდან, ჩრდილოეთ კავკასიიდან, აღმოსავლეთის სხვა ქვეყნებიდან შემოტანილი. გვხვდება ქართული ხმლის პირებიც.“ (ვ. ელაშვილი)

პირიქითა ხევსურთ აღჭურვილობა რამდენადმე ჩამოუვარდებოდა პირაქეთელებისას, რაც შენიშნა ხევსურული შეიარაღებისა და ფარკაობის მკვლევარმა ვ. ელაშვილმა. აღ. ჭინჭარაული წერს: „მატილელები ჯავშანს საერთოდაც იშვიათად ატარებდნენ, შესაძლოა, ისინი მეზობელი ქისტების გავლენას განიცდიდნენ. ვაჟა სწორედ შენიშნავს: „ქისტს არ მოუღის რჯულადა მუზარადის დგმა თავზედა“-ო.

ხელისუფლებამ ძალით და დაშინებით აპყარა ხევსურებს ტანიდან ფარ-ხმალი. ერთხანს ხევსურებმა დაწინააღმდეგებლად გადაჭრილი ხმლები და ხანჯლები, წელზედ მალულად შებმული, შარვლის გარღვეული ჯიბით ატარეს.

„ბევრა იარაღ დაუქმდა თოფი, ხმალი და ხანჯარი. აღარცად ვიციონკა-ები, არც სამაზოღნი ნაგანი – ესლა იარაღ აღარ ჭრის, ენა ჭრის, ტვინი მაგარი,“ – იტყვის მოგვიანებით ხევსური მელექსე.

თავად ხმისმირი (აორტირში). „მთიელი ქართველები შმაგები არიან და შეიძლება ითქვას, თითვეული მათგანი თავისთავის ადგილას პაჯი-მურატი.“ (ოსკარ შარია გრაფი)

მკაცრმა გეოგრაფიულმა და ისტორიულმა პირობებმა ხევსურის ხასიათზე, გარეგნობაზე, ყოფაზე გავლენა მოახდინა და ეს ხალხი უფრო გორიანი, მკაცრი, გულჩათხრობილი და მომჭირნი გახადნენ. ხევსურნი არიან ბრძოლისა და სახელის მოყვარულნი, მონადირენი, მპარაენი და მეკობრენი, ამასთანავე ფრიად ინტერესიანნი ქვეყანაზე მიმდინარე მოვლენებისა და სწავლის მოყვარულნი, პოეტნი და მხატვარნი.

„ხევსურების... მეომარი ხასიათი შექმნა იმ მკაცრმა პირობებმა, რომელშიაც ხევსურები ოდითგანვე იმყოფებიან: მიუკალი მთები და ირგვლივ მტრები.“ (გ. დემიდოვი)

„ფიზიკურად ხევსური ჯანსაღია და მაგარი. ამასთანავე ის ამტანია და გამრჯე. ხევსური საშუალო ტანისაა, მხარბეჭიანი და კუნთებმაგარი. სახით შავკრემანია და პირმრგვალი. ცხვირი ხევსურს სწორი მოყვანილობისა აქვს, თვალები დიდი და შავი. ქცევაში ღინჯია, მოქმედებაში კი მარდი. გულადობა და გამბედაობა ხევსურს არ აკლია და თავისი პიროვნების დასაცავად თავან-წირვამდის მიდის. გულზეადი და თავმოყვარე ხევსური ზნეობრივ შეურაცხყოფასა და ფიზიკურ სიმაზინჯეს ვერ იტანს და თვითმკვლელობასაც სჩადის. უცხოთან ხევსური ამაყია, მას ხევსურობით თავი მოაქვს. უცხოური არ მოსწონს და მას არც ბაძავს. ამასთანავე ხევსური ფრთხილია და ეჭვიანი. ის ადამიანს ძნელად თუ დაენდობა. მაგრამ დანდობილს ხევსური სამარემდის ჩაჰყვება და არ უღალატებს.“

ხევსური ქალი ტანით ჯმუხია და ქცევით ღინჯი, მას ქალური სინაზე აკლია და მამაკაცური იერი გადაჰკრავს. ხევსურ ქალსაც ახასიათებს სიმარდე და გულადობა, მაგრამ შრომისა და მძიმე სოციალური პირობების გამო ხევსურ ქალს სეკლიანი და მოლუშული გამომეტყველება აქვს. მრუშობა და გარყვნილება ხევსურს ევაკრება და მას აქ ადგილი არ აქვს.“ (ს. მაკალათია)

„გმირულ, ვაჟაკურ სულისკვეთებას ხევსურეთში აკენიდანვე უნერგავდნენ მოზარდს. ამზადებდნენ იმ მძიმე, ხიფათით სავსე ცხოვრებისათვის, რომელიც

მოელოდა მას გარეშე მტრის თავდასხმისას, შინაგან მტრებთან ბრძოლაში. ცხოვრების მძიმე პირობებთან ჭიდილში, ჭირთა თემნაც უნდა შეძლებოდა მას, უმძიმესი ფიზიკური და სულიერი ტკივილების სხვისთვის გაუმჟღავნებლად გადატანაც, სიკვდილთან გაღიმებული შეყრაც.“ (თ. ოჩიაური)

„მომეტებული წილი ხევსურებისა არიან შუატანისა, ჩასხმულნი და მხარბეჭიანნი: არიან პირხმელნი, მუდამ წვერმოპარსულნი და სახეზედ დაჭრილობის ნიშნები ეტყობათ. სიარულით თითქოს უხერხულად დადიან, მაგრამ რაკი მთის ბილიკებს შეუღებებიან და შეხვდებიან სახტომ ალაგებს, განაცვიფრებენ ადამიანს თავიანთი სიმარდითა და მოუღლელობით.“ (ალ. ყაზბეგი)

„ხევსურები არიან ამაყნი, ლაპარაკობენ მკაცრად და მოკლედ. თვალები აქვთ დიდრონი, მაგრამ მუდამ მოხუჭული, რადგან მზის შუქის თოვლზედ ბრჭყვიალს ვერ უძლებენ. ეს უნდა იყოს მიზეზი, რომ ხევსურების შემოხედვა უფრო ბლევრასა ემსგავსება. ხევსურებას ყმაწვილ-ქალებზედ ეს არ ითქმის. იმათ ხშირად ისეთივე კეკლუცი შეხედულება აქვს, როგორც საუკეთესო სახლებში გაზრდილებს.“ (ალ. ყაზბეგი)

ხევსურ მამაკაცთა სახელებიც მათი ხასიათისა და ყოფის გამომხატველია. ქალებს კი პირიქით, ნაზი და სათნო სახელები ჰქვიათ. (ხევსურს რამდენიმე სახელს არქმევდნენ – ჯვარის, სულის, ნათლიის, სხვადასხვა თიკუნ სახელებს, რომლებსაც ეძახოდნენ სოფლელი ქალ-რძლები.)

„თვალს ხედება სიმჭლე მისი სხეულისა. შუბლი მაღალი, ძვლები საფეთქლებთან თხელი და ბრტყელი: ნიკაპი წამახული, ყურები ოდნავ წამოშვერილი, სახეს მისას გადაპკრავს ფერი გამომწვარი აგურისა; ღაწვთა ძვლებს ეტყობათ სიძლიერე; სახის კუნთები მაგრად დაჭიმული ტყავით ცხადყოფენ ძალასა, საკუთრივ საკვანეტი კუნთები; თვალები დიდრონი და ღეგა; ზედა ქუთუთოები ნაღვლიანად ძირს დაშვებულნი – თოვლიან ველთა მოლურჯო ციალის გამო?.. უნდობლობა და ამაყი თავდაჭერა, მზადყოფნა გამოწვევისათვის და უშიშრობა, თავნებობა და გულოვანობა, უნდობლობა მასში შეწყვილებულია ბავშვურ რცხვენასთანა თუ კდემასთან. სიტყვა მისი სრულხმოვანი, თქმა მოჭრილი და მკვეთრი.“ (გრ. რობაქიძე).

ხევსურმა შეიძლება ერთი ფრაზით გამოთქვას თავისი სათქმელი. ამ მხრივ ისინი ძლიერ წააგვანან ლაკონიელებს. „ლაკონური გამოთქმა აქ უკიდურესობამდეა დაყვანილი.“ (გრ. რობაქიძე). „ხევსურს უყვარს პოლიტიკაზე საუბარი, ცნობისმოყვარეობით გააკვირვებს.“ (ვაჟა-ფშაველა). „საქართველოს არც ერთ კუთხეში არ მისდევენ ისე გულმოდგინედ მჭერმეტყველებას, როგორც აქ, ხევსურეთში, სადაც ჩვენი ძველებური მდიდარი სიტყვიერება აქამომდე ხელუხლებლად დარჩენილია და შენახული.“ (ნ. ხიზანიშვილი)

„მატილელებში მე ვპოულობ წმინდა ადგილობრივი ტიპის სახეებს: ასეთი დაკუნთული, ხშირად ძალიან გამხდარი ფიზიონომიები ველური გამო-

მეტყველებით მე ხევსურეთში სხვაგან არსად შემხვედრია. სმისას ქუდმოხ-
ლილი თავები უმრავლესობას მოპარსული ჰქონდა. მე მათში ვერ შევაძინე
ვერც ერთი ამკარად წაწვეტილებული თავის ქალა, სამაგიეროდ შესამჩნევია
მაღალი შუბლები და ჩაწყლელი საფეთქლის ძელები. ყურები განზე გაშ-
ვერილი აქვთ, ღაწვის ძელები ძალიან განვითარებული. ჭარბი სიგამხდრის
მიუხედავად, სასეს აქვს კარგად განვითარებული კუნთები, რომლებზედაც
კანი მაგრად არის გადაჭიმული, ამასთან ერთად მკვეთრად გამოიყოფა სა-
ღეჭი კუნთები. ყველას ძალიან კარგი კბილები აქვს... ზოგიერთი არც თუ
აგრეივად ხნიერი მამაკაცი ისეა გამხდარი, რომ გგონია წინ გიდგას ცოცხა-
ლი ჩონჩხი ღრმად ჩაცვენილი თვალებით...“ (გ. რადე)

„ეს ტომი მეტისმეტად უხეში, ამპარტავანი, შარიანი და ამაყია. მამაკა-
ციები სრულიად უდარდელ-უზრუნველები არიან, ისინი თავს ყველა ხალხზე
მაღლა აყენებენ.“ (ალ. ყაზბეგი)

„ხევსური არ არის ხელგაუძრავი, როგორც ზოგსა ჰგონიათ. ხევსური
ჯანსაღა ღონეს არ დაზოგავს... მაცხოვრებელი იარაღი ცელია. გროვა-გრო-
ვად, მხარზე ცელ-გადაკიდებულნი მიდიან კახეთს სათიბად. ცოცხებითაც
კი ვაჭრობს ხევსური. კალოობას მიაქვთ არყის ცოცხები ბარში პურზე გა-
საცვლელად. ცოცხებით მოვაჭრეთ 40-60 კაცსა ნახავთ ერთად. ხევსურის
დანახვა ამ დროს საცინელია: ჯორს იმდენი ცოცხები ჰკიდია, რომ ყურის
წვერების მეტი აღარაფერი უჩანს; ზედ თვითონ ეს ფარ-ხმალიანი რაინდი
შესკუპულა... ხევსურები ამასთან განთქმულნი არიან ქართლ-კახეთში, რო-
გორც ჯამბარის მწვენელები.“ (ვაჟა-ფშაველა)

მიუხედავად იმისა, რომ ხევსურს ღილი ჯაფა-წვალემა ადგა სარჩოს
მოსაპოვებლად თავისთვისაც და ოთხფეხისთვისაც, თავს საქმეს არ მიუყ-
რიდა, ძლიერ არ დაიჯაფებოდა, არ გადაიღლებოდა. ყოველთვის შემართუ-
ლი იყო და ფხიზლობდა იმ მიზეზით, რომ ვაითუ ხვალ მტერი დაეცეს, ვინმე
მოეშაროს, უეცარი გამგ ზაერება მოუხდეს სადმე ან სხვა რამ მნიშვნელოვანი
საქმე გამოუჩნდეს.

თუ ხევსურს წლის სარჩო მომარაგებული აქვს, ზამთრს არხეინად ატა-
რებს. „მთელი ზამთარი უსაქმურად უნდა იხდნენ და ასე ატარებდნენ ხევ-
სურები თავიანთ დღეებს, ათასში ერთხელ „შზორისაკენ“ თუ წავა ვინმე „ნა-
ღირობ“ და იმით გაირთობს სევდიან გულს, თორემ სხვა დროს გატარებას
ვინ აღირსებს.“ (ალ. ყაზბეგი). ამ დროს სხედან ხევსურები ფეხონში და მე-
რამდენედ ყვებიან გარდასული დროის საგმირო ამბებს, „ან კიდევ კერის პირად
დამჯდარი მძიმე-მძიმედ ჩიბუხს აბოლებს, წრინტავს და ცოლსა სტუქსავს:
აითარ მანდით! მალე მიქენ სისხლ-დუმის კეცეულნ და მამართვ, თორე
აგადენ ტყრაშთ, ხო იცი...“ (ვაჟა-ფშაველა)

ხევსური რამდენადაც სულიერად მდიდარია, იმდენად ეკონომიურად ხელმოკლეა. „ხევსური ფრიად ღარიბია... კიდევ ამ სიღარიბეს და გაჭირვებულს ცხოვრებას უსწავლებია ხევსურისათვის სარჩოს გამოზოგვა... ხევსურმა ზომიერად იცის ქონების ხარჯვა... ხშირად იმას ერწო-თიანეთიდან და კაკავიდან ზურგით მოაქვს ჯერი.“ (ვაჟა-ფშაველა)

„ფშავ-ხევსურები საერთოდ ძალიან ღარიბად ცხოვრობდნენ და სიღარიბემ, ამ გაჭირვებამ ასწავლა მათ მომჭირნობით, დაზოგვით ცხოვრება, რაც შემდეგ თანდათანობით ჩვეულებად გადაექცათ.“ (ვ. აკობაშვილი)

„ხევსურებს სძულთ ყველაფერი, რაც იარაღს, ომს, ნადირობას და მეზობელ ტომებთან ფიცხელ შეხლა-შემოხლას არ ეხება.“ (ა. ზისერმანი) „...უფრო სწრაფად აგროვებდა ამ ხალხს ომის ყიჟინა, საერთო მტრის წინააღმდეგ დაძახებული. მათი სხვა დანარჩენი დრო მიჰქონდა მარტოკაცის ბრძოლას ბუნებასთან და საკუთარ კერპ ხასიათ-ვნებებთან...“ (გ. რჩეულიშვილი)

„ცარცვა და თავდასხმა რომ არ ყოფილიყო, მთიელი სიცოცხლეს სიცოცხლედ არ ჩათვლიდა. ეს არის იმისი პოეზია, ლაზათი მისი არსებობისა. მარტო ვეფხვეს შეუძლია მთიელზე უკეთ მიეპაროს მძინარე სოფელს ბნელსა და ქარიშხლიან ღამეში.“ (ს. მენჩი)

„ლაშქარ რო ქისტეთ წავიდოდ, მაშინის ყოფილას თავ-თავ ხალხი. იმათ ჩამომავლობა ეხსლა კაის ჩამომავლობისად ითვლების.“ (გ. დოლიძე)

ხევსურებს მკაცრად შემუშავებული ჰქონდათ ყოფა-ცხოვრებისა და ქცევის ნორმები. „კაცის კაცობის“ კოდექსი ნამუხლისაგან შედგებოდა, რომელთაგან პირველი სამი იყო: პურადობა, მამაცობა და ნადირობა.

„ძალაუნებურად თქვენ თვალწინ წარმოგიდგებათ ერთი საუკეთესო თვისება აქაურის მთიელისა. ეს თვისება ის არის, რომ აქ კაცი უფრო მეტად იცავს თავის პიროვნულ ღირსებას, თავის თავისუფლებას, ვიდრე ბარში... აქაური თავისუფალი ბუნების შვილი ამპარტავეანია, თავის თავის ყადრი იცის, ყველასთან და ყველგან თავისუფლად უჭირავს თავი, თავისუფლად იქცევა, თითქოს ყველანი ერთნი იყვნენ... მთიელს ვერ შეაშინებს ვერც ძალა და ვერც უფლება, იგი კაცად გრძნობს თავის თავს და კაცურად გიქცევა.“ (ნ. ზიზანიშვილი). სწორედ ეს თავისუფლება განაპირობებდა სრულ წესრიგს მთაში.

ხევსური ბუნებით უკიდურესი კონსერვატორია, ვერაყითარ სიახლეს ვერ იტანს. უფროსნი სასტიკად მოითხოვენ ძველის უცვლელად დაცვასა და განმტკიცებას. მაგალითები წარსულიდან მოჰყავს და თავის კაცობასაც ძველი არშინით ზომავს. ამასთანავე, ხევსური გამოუსწორებელი ფატალისტია, ღრმად სჯერა ბედისწერის. როგორც ხევსურები იტყვიან, „უმწერლოდ არცრა არ ხჭდების. მისი რწმენით კაცის ბედი დაბადებიდანვე „დაწერილია“ და „წერა-მწერელი“ წარმართავს მის მომავალს.

„ხევსური უალრესად მკაცრი რეალისტია, მას ლათაიებითა და ლექციებით ვერ დაარწმუნებ, მუდამ უკუაგდებს თქვენს მტკიცებას და ჩიჩინს, სანამ საქმით არ დაუმტკიცებთ და რეალური ფაქტებით არ დაუდასტურებთ თქვენს სიტყვას.“ (ა. ყამარაული)

„როგორც საზოგადოდ ქართველები, რომელათთვისაც კი სხვადასხვა ტომების დაახლოვებას ვერ მოუსწვრია გარყვნილების დაღის დასმა, ხევსურები არიან გულწრფელები, პატიოსნები და სტუმრის მოყვარულნი, არას დროს იხინი თავის სიტყვას არ გადავლენ.“ (ალ. ყაზბეგი)

რუსთა დამკვიდრებამ, ქართველთა მდგომარეობისა და ხელისუფლების შეცვლამ, მოხელეთა უსამართლობამ და თავსედობამ, ხევსურები, რომელთაც ბატონი არ ჰყოლიათ და შეფესთანაც თავისუფლად იქცეოდნენ, დააფრთხო და შეაშინა.

„უცხო ადგილას ხევსური ფრთხილი და მშვიდარაა... მე და თორღვას სიამამაცე მხოლოდ ორწყალს ზევითა მრისხანებს, ხოლო ქვემოვე მხარისა ჩამოდავრიშება და „იავაშ-იავაშით“ ვიცით ხოლმე... ხევსური მაშინ არის სანახავი, როდესაც ბარიდან მთაში მიდის: იგი გაცოცხლდება, დაიწყებს ყვირილს, სიმღერას: მთელს არაგვის ჭალას ააქოთებს და ააზრიანებს.“ (ვაჟა-ფშაველა)

სტუმარ-მასპინძლობის წესები და დახვედრაც თავისებური და გამორჩეული ჰქონდათ ხევსურებს. „თუნდაც არც გცნობდეთ, მაინც წავიძღვებათ, თავის სახელში მიგიყვანთ და მოგიდულებთ ხავიწს, რომელიც საპატიო საჭმელად ითვლება.“ (ალ. ყაზბეგი)

ქეიფის დროს ძველად სამ არყიან ყანწზე მეტი არ უსვამს. მთელი დრო საუბარსა და დროსტარებას მიჰქონდა. თავად ყანწის მიწოდებასაც თავისი „თავაზა“ ჰქონდა: ქუდის მოხდით და ცალ მუხლზე ჩავჯდომით. „ვისხედით ცალცალკე... ქალები ოდნავ განზე... მგელიკა იჩოქებდა ერთს მუხლზე და გვაწვდიდა სტუმრებს არაყით სავსე ყანწებს.“ (გრ. რობაქიძე). „ტაბლასა ზედა სჭამდიან და ნადიმობდიან. სკამთა ზედა სხდიან ბოდიშობდიან ქუდის მოხდითა,“ – წერს შემატთანე ძველ ქართველებზე.

თამადა არ იცოდნენ ხევსურებმა, არც ცოცხალთა სადღეგრძელო და მეტი წილი ძველების მოგონებას უნდებოდნენ. ყველა თავის სასმელს ხარჯავდა ქინთიდან (ტიკიდან) და ასმეკდნენ ერთმანეთს. სვამდნენ ნება-ნება, სასმისის გამოცლას კარგა ხანს ანდომებდნენ, საუბარ-საუბრით გაჰყავდათ დრო, იგონებდნენ ძველს, ახალს. ხასიათით ფიცხი პირიქითელი ხევსურები – არხოტლები დასცინოდნენ პირაქეთელ ხევსურებს: „ჩვესური ყანწს ხელში გაათბობსო,“ – ე.ი. დიდხანს უკავია სასმისი ხელშიო.

სმის დროს იცოდნენ ფანდურზე მღერა, სტუმარი და მასპინძელი უმღე-
როდნენ ერთმანეთს საგმირო სიმღერებს მოპირისპირის სახელიან წინაპარზე.
(თავისი წინაპრის საგმირო საქმეებზე სიმღერის თქმა სირცხვილი იყო. იგი
სხვას უნდა შეეფასებინა.) იმართებოდა ცეკვა-თამაში. ცეკვას აყოლებდნენ
გამომშრალ ფიცარზე ჯოხების რიტმულად დარტყმის ხმას. იყო „უამ-კარის
არეკაც“ – შარი და შულლი, მაგრამ შულლის მიზეზი რომ სასმელს და
სიმთვრალეს დაბრალებოდა, სირცხვილი იყო. შულლიც რაინდული უნდა
ყოფილიყო. მემთვრალეთა და შარიანებს ყურს არავენ უგდებდა და არცრა
პატივი ეღო.

ხევსურთ საღმის თქმაც თავისებური აქვთ: „ყველა ქართველთა ნათე-
სავნი, მთიელნი თუ ბარელნი, გარდა ხევსურისა „გამარჯობას“ ვეუბნებით
ნაცნობსა და უცნობს... ხევსური ხევსურს მიესალმება ამრიგად: „ხელ მავი-
მართოსო“. მეორეც პასუხად ამასვე ეუბნება: „შენაც ხელ მოგიმართოსო“.
ორმა ცხოვრების საღსარმა უძველეს დროინდელმა, მონადირეობამ და ლაშქ-
რობამ გამოიწვია... ხევსურისა... „ხელ მავიმართას.“ (ვაჟა-ფშაველა)

ხევსურის მისალმება-დამშვიდობება და „ჭირის წყენაც“ (მისამძიმრება)
ერცელი ტექსტია, რომელიც მთიელის მთელ ყოფას მოიცავს; ჭირ-ლხინს,
ძველ-ახალს, მარცხ-ფათერაკს, შულლ-შერიგებას, საქონ-ნაქონს, დიდ-
ცოტას, მტერ-მოყვარეს, წვრილფეხ-მსხვილფეხს... და კარგა ხანიც სჭირ-
დება, სანამ ესენი შეხვედრისას ერთმანეთს დარბაისლურად მოიკითხავენ.

ხამსურის აონება და სიმფიდრა. ხევსურული ძროხა. „ტანმორჩილ
ძროხას ხევსური ენღო, კერიის მკეებავეს, ოჯახის ფუძეს... (ს. ჩიქოვანი)
ხევსურის სიმდიდრე და ცხოვრება ფლას-ფარდავით, სპილენძით, ქონ-
ღუმითა და ერბოთი განისაზღვრებოდა. ყოველივე ამის წყარო და შემომტანი
– ჭრელი ხევსურული ძროხა პატრონით შეგუებულია მთის კლდოვან ფერ-
ღობებსა და მწირ საკვებს.

ჯერ კიდევ არისტოტელე წირდა: „ფასიდზე არის პატარა ძროხები, რო-
მელთაგანაც თვითიული ბევრ რძეს იძლევა“. ეს ქართული ჯიშის ძროხა,
პატარა ტანისა, მაგრამ კარგი მეწველი, დღემდე არის ჩვენში შემონახული,
მაგალითად ხევსურეთში.“ (გ. მელიქიშვილი)

„ხევსურული ძროხა თვალად შეუ- აავია, მაგრამ საუკეთესო ღირსე-
ბითაა შემკული: კვების მხრივ ნაზინუზო: არ იცის, მოს ლელადაც იოლია,
ამავე დროს საუკეთესო ხარისხის რძეს ლევა, დღე-ღამეში 15-დან 50
კრუჟკამდე. მისი ცხიმოვანობა 1% უდრის. ხევსურული ჯიშის ძროხის მაღალი
ღირსებები დადასტურებული იყო სასოფლო-...მეურნეო გამოყენაზე ტფი-
ლისში 1924 წელს. გამოფანაჲ იყო ხევსურული ძროხა მოქალაქე კაშიასი.

ძროხა იწონიდა 8 თუფსა და დღე-ღამეში 1 ფუფსა და 5 გირვანქა რძეს იწვევლიდა. ეს ძროხა ოქროს მედლით იყო დაჯილდოვებული.“ (ა. ყამარაული)

„ფშავლისა და ხევსურის ერთადერთი მისატანი ერობა, რაც მისი ოჯახის ერთადერთი საარსებო წყაროა. ერობითი ყიდულობს ყველაფერს, ყველაფერს ერობზე ანგარიშობს, ერობ არის მისი ავლა დიდება, მისი დოვლათი, გადასახადი, ვალი და ვაზში ერობითი უნდა გაისტუმროს, ტანისამოსიც ერობითი უნდა იყიდოს, მკვდარსა და ცოცხალს ერობითი უნდა გაუძღვეს.“ (ვ. აკობაშვილი)

ერბოსგან ამზადებენ ხევსურები ხაიწის, რომელიც ძლიერ ნოყიერი და მაწიერი საჭმელია. იგი „საპატო საჭმელად ითვლება“ (ალ. ყაზბეგი) და ჭირ-ლხინი ხაიწის გარეშე ხევსურისთვის წარმოუდგენელია.

ძროხას თავისი მფარველი ღვთაებები ჰყავს, რომელთა სახელზედაც ხდება ძროხის „გასახელება“ და მსხვერპლად ამ ძროხის ხბო ეწირება. ძროხის გასახელება ხდება ხახმატის ჯვრისა და ადგილის დედა-ხთიშობლისთვის. ჯვრის სახელზე გასახელებულ ძროხებს ჯვრის სახელები ერქმევა: „ჭაჭმატა“, „ხთიშობელა“, „ანგელოზა“, „პირიმზე“, „მთავარია“, „მასკელია“, „კვირისა“...

ხარი. უღელი ხარი ყოველ ოჯახს ჰყავდა, რადგან იგი უმთავრესი მარჩენალი და გასაძლოლი იყო ცოცხლისაც და მკვიდრისაც. ხარი წმინდა, „ხთის გაჩენილი“ ცხოველია, მტერი ავი სულისა და ეშმა-მაცილისა. იგი ღვთაების უმთავრესი და „ღირეული“ მსხვერპლია. („ჭარი ჯვარის საკვებური ზღვენია“. — მ. ბალიაური). გარდა იმისა, რომ ხარები ჯვრის სახელზე იყო „გაშვებულნი“, ზოგ ჯვარს საკუთარი ხარებიც ჰყავდა. როდესაც ხარს ჯვრისთვის გასახელებდნენ, რქაზე სამჯერ „დაუჭკდევდნენ“, მას უკვე ჯვარი ეპატრონებოდა და მფარველობდა. განსაზღვრულ დროს, დიდი დღეობისას, ხარს ჯვარში მიიყვანდნენ, რქებზე საგანგებოდ გამომცხვარ „სარქეებს“ ჩამოაცმევდნენ და მსხვერპლად შესწირავდნენ.

ცხენი. ცხენი მნიშვნელოვან როლს ასრულებდა ხევსურთა ყოფაში. კარგი ცხენი-უნაგირით ფასდებოდა კაი ყმა. თითოეული ცდილობდა, სხვაზე მეტი (უკეთესი) ცხენი ჰყოლოდა, რადგან მათთვის იგი არა მხოლოდ საიმედო საფერზე, არამედ ქონების შემომტანი და მკვდრის გასაძლოლიც იყო. განსაკუთრებით უვლიდნენ და უფრო ხილდებოდნენ სადღე („დღევში სარევ“) ცხენებს, რადგან მათი საშუალებით ხევსურები მოიპოვებდნენ სახელსა და მცირეოდენ ქონებასაც. ცხენებს ყელზე და ფაფარზე ნალოც ურძნის ძძივებს დაკიდებდნენ, რათა ავი თვალი არ მიკარებოდა. ცხენებს მიცვალებულის სულისთვის „აკურთხევიდნენ“, რათა იგი საიქიომიც მომსახურებოდა პატრონს.

ცხენსაც თავისი მფარველი ღვთაება ჰყავდა — ხახმატის ჯვარი, სადაც ხდებოდა ცხენების მიბარება, იკვლოდა „სარემაო“ საკლავი, რათა ცხენ-კვიცს

არ ეზარაღა. იკვლოდა ცხენ-მხედრის სანათლავეც. ძველ დროს ცხენი უმთავრესი მსხვერპლი ყოფილა "პირიმზისა", რომლის ნიში საჩაღეს მთაზეა.

ხევსურებს საბარგელ და საფერხედ საგანგებოდ ჰყავდათ „ჭდალ“ (ჭაქი) ცხენი და ჯორი. მათგან ჯორი უფრო ძვირად ფასობდა.

მიწა. ხევსურთა ეკონომიკა უმთავრესად ემყარებოდა მიწათმოქმედებასა და მსხვილფეხსა შესაქონლეობას. მიწა თავიდანვე ცალკეულ გვარებს ჰქონდათ დასაკუთრებული და მემკვიდრეობით გადადიოდა. რომ იტყვიან, გოჯითა და მტკაველით იზომებოდა მიწის თითოეული მონაკვეთი და სისხლის ფასი ჰქონდა. ხევსურეთში მიწა, საერთოდ, ცოტა და ისიც მცირემოსავლიანი იყო. გვიანობამდე ერთ სულ მოსახლეზე 1-1,5 დღიური სახნავი მიწა მოდიოდა. ასევე, არც სათიბი და საძოვარი ჰყოფნიდათ საჭირო რაოდენობის საქონლის შესანახად. მ. მანაბლის ცნობით, პირობები იმდენად მძიმე იყო, რომ მოსახლეობის გამრავლებას ხელოვნურად ზღუდავენდნენ საარსებო წყაროს უქონლობის გამო. ხოლო დანაკლისის შევსებას ცდილობდნენ თემისა და გვარის გარეთ სხვა მიწების მიტაცებით ან ნადავლით. მიწის მოპოვებისთვის ბრძოლას ხშირად რელიგიური ხასიათი ჰქონდა. გვარები ერთიანდებოდნენ ერთი რომელიმე სალოცავის დროშის ქვეშ.

პოეზია და სიმღერა ხმავსურისა. „თამამად შეიძლება ითქვას, რომ აქ პოეზიის სამეფოა.“ (აკ. შანიძე)

„რა საჭიროა ლექსისთვის ტაში, ყველა ხევსური, ვიცი, დანტეა.“ (გ. ლეონიძე)
„მო, ნახე: ვსური მონა ხევსური!“... ამბობდა არჩილი თავისი პოეზიისა და ლექსთაწყობის ფორმაზე და მას ხევსურულს ადარებდა. „ხელში ფანდურის მპყრობელი, მოშაირე ვარ ხევსური...“ – იტყვის გალაკტიონი.

„ძნელია წარმოიდგინო ხევსურეთი პოეზიის გარეშე. ლექსი ისმის აქ ყველდღიურ ჩვეულებრივ საუბარში სიტყვის თუ აზრის გასამაგრებლად. ლექსის მიშველებით იჭრებოდა ზოგჯერ სადაო საკითხი; აქ ყველამ იცის ლექსის ყადრი.“ (თ. ოჩიაური)

„ხევსურული პოეზია გამორჩევა თავისი მითოლოგიური ხილვებითა და ჭეშმარიტი პოეტური შთაგონებით ნასაზრდოები ხატოვანებით.“ (მ. ჯორბენაძე)

„პოეზია კი პირველი კერპი იყო ამ კუთხეში. პოეზია ბატონობდა ცხოვრების ყველა სფეროში – სამამაცო ასპარეზზეც და საღიაცო ხელსაქმეშიც... ხოლო რაც შეეხება სიტყვიერ პოეზიას, სიტყვის კულტი აქ ლამის ანტიკურ დონემდე იყო მისული; ისე უფროხილდებოდნენ სიტყვას, როგორც თოფის-წამალს... ამ სიტყვის ძალით აქ – „მზე წითლდებოდა, ცხრებოდა, მთვარე უკულმა დგებოდა...“ ამ სიტყვის ძალითვე – ვეფხისა და მოყმის დედა ერთად ისხდნენ და ტიროდნენ...“ (კ. არაბული, ა. არაბული)

ხევსურული პოეზია სამ ჯგუფად იყოფა. თავის დანიშნულებითა და შინაარსით ერთმანეთისგან განსხვავდება „სიმღერე“, „ლექსნი“ (ანუ „კაფიანი“) და „შაირი“. თუ ხევსურული სიმღერე სახელოვან წინაპართა ცხოვრებასა და ბრძოლას ასახავს, ლექსი, ხევსურთა გაგებით, მისი საპირისპირო ჟანრია.

„მღერა ძველად თამაშობას აღნიშნავდა (და არა გალობას). სიმღერე ხევსურეთში უფრო იმას გულისხმობს, რომ ჯარზე უფროსები დასხდება, ხელში ლუდიანი თასები უჭირავთ, უმცროსები კი ქუდმოხდილებია და ცალ მუხლზე დაწოქილი. ერთ მათგანს ფანდური აქვს და ამღერებს საგმირო შინაარსის სიტყვებს, შემდეგ ფანდურს მეორეს გადასცემს და ახლა ის დაამღერებს, შემდეგ იგი მესამეს გადასცემს, იგი კიდევ სხვას.“ (ა.კ. შანიძე)

„ხევსურის ფანდურის სიმები ძლიერ იშვიათად უმღერენ „საამიკო, სალალოზო, ამხანაგთა სათრეველად...“ მეტადრე ძველის დასის მომღერალნი სასტიკად ძრახავენ და ჰკიცხავენ სალალოზო ლექსს... ხევსურის ზნეობა, შეხედულება ეწინააღმდეგება საარშიყო პოეზიას...“ (ნ. ხიზანიშვილი)

„ამ დარგში (სატრფიალო პოეზია) ხევსურები ჩამოუვარდებიან ფშავლებს, მაგრამ ჩამოუვარდებიან არა იმიტომ, რომ ხევსურებს არ შეეძლოთ ფშავლებივით მოხდენილად თქმა ლექსისა სიყვარულის შესახებ, – არა, ეს დარგი პოეზიისა არ არის ხევსურის მეომრული ბუნებისათვის მაგრე მიმზიდველი.“ (ა.კ. შანიძე)

„მელექსია“ თორღვას არ მოსწონს... ლექსებში ესენი ან თავის საკუთარ ხალხურ გმირებს აღიღებენ, ან მტერთან ბრძოლის ამბებს მოგვითხრობენ.“ (ვაჟა-ფშაველა)

„მკვახედ მღერიან ხევსურები, მათი ლექსი კაჟიანია, ეპიური, ხმა რიხიანი, ძარღვიანი, კილოში და სიტყვაში ისმის ფოლადის ჟღარუნი, სისხლის თქრიალი, ბრძოლის კიჟინი და იარაღის ჩხრიალი, ერეკლე ნეფე და კრწანისის ველი.“ (მ. ჯავახიშვილი)

„ეუსმენდი მელოდიას: ეს პირდაპირ ტირილი იყო ნამდვილი, შედარებით სხვა ქართველ ტომებთან ხევსურები ჰგოდებენ, ვიდრე მღერიან. აქაც სიმღერაშიც სეველა...“ (გრ. რობაქიძე)

განსაკუთრებით დიდი იყო ხევსურული პოეზიის ჩამოყალიბებაში ქალის როლი, რომელთა მიერ ნატირლები ხევსურებს ყოფაში გადაჰქონდათ და სრულდებოდა „მთიბლურებისა“ და „ფერხისას“ სახით, რასაც თან ახლდა როკვა და რიტმული მოძრაობა, რაც მისტერიებში გადადიოდა.

დღეს კი „გამწყდარა ამალლებული, საღვთოდ გასაგონი პოეზიის ჯაჭვი და ამხანაგთა სათრეველ, საყოფაცხოვრებო ლექსების უბადრუკ ნარჩენებად გაფანტულა...“ (კ. არაბული, ა. არაბული)

„თანამედროვე ფშავ-ხევსურულ პოეზიაში, ჩემი აზრით, ყველაზე მეტად დაწინაურდა გალექსება-გაკაფიანების ჟანრი... ასეთ პოეზიას არა აქვს ჭეშმარიტი

პოეტური გზების, მაღალმხატვრული ხედვის, შემოქმედებითი სრულყოფის პრეტენზია... ამკარად იგრძნობა ხალხური შემოქმედების დაქვეითება, სუსტი მხატვრული ღირებულება, თემატიკის სიღარიბე.“ (თ. ოჩიაური)

მეურნეობის განვითარებამ, ხევსურის ტანიდან იარაღის აყრამ, თანდა-თანობით გამოიწვია საგმირო-სამონადირეო თემატიკის დაქვეითება და სა-ყოფაცხოვრებო პოეზიის დამკვიდრება, რასაც ხევსურნი „მშაურად მღერას“ უწოდებენ. „ყრმა ხევსურებმა ხარივით დაკლეს ბებერი, მაგრამ გამზრდელი ლექსი“, – იტყვის პოეტი.

ხმჰსურული ღიღალჰმღი. ხევსურთა კილოს დაცული და შენახული აქვს ძველი ქართულისთვის დამახასიათებელი ფორმა და მათი მეტყველება ძლიერ განსხვავდება ბარის ქართულისგან. ბ. ჯორბენაძის მიხედვით, ხევსურულ დიალექტში, რომელიც ძლიერ ახლოს დგას მოხეურთან და თუშურთან, შემონახულია არქაული ფენა IX-XII საუკუნეების ქართულის ნიშნებით, სადაც ჩანს მთის იბერიულ-კავკასიური წყების კვალი. აკ. შანიძე ხევსურულ, მოხეურ და თუშურ დიალექტს აერთიანებს „ფხოურ“ ჯგუფში.

ხევსურული დიალექტი შეიძლება დაიყოს ორ კილო-კავად: ერთია შა-ტილ-მიღმახეური, მეორე – პირაქეთულ-არხოტული.

განსაკუთრებით საინტერესოა ხევსურთა ხანმეტი და ჯარმეტი კილო, რაც იბერიისთვის ყოფილა დამახასიათებელი, ქართთა ჰაემეტობისგან განსხვავებით.

სწორფრობა. ხევსურეთში გვიანობამდე მოაღწია ჩვეულებამ, რომელიც წარმოადგენდა ვაჟისა და ქალის ერთმანეთთან ურთიერთობის უჩვეულო, სასიყვარულო, რაინდულ ფორმას. ვაჟი და ქალი, რომელთაც მოსწონდათ ან მოეწონებოდათ ერთმანეთი (არა მომავალი შეუღლების მიზნით) ხდებოდნენ სწორფერნი (ძმობილნი) და ხშირად სიკვდილამდე უყვარდათ ერთმანეთი იმ წმინდა სიყვარულით, რაც შეიძლება იყოს მოტრფიალე კაცსა და ქალს შორის. ხევსურული სწორფრობა იყო „... ქართულ სინამდვილეში (და შესაძლოა მსოფლიოშიც) თავისი კერძო გამოხატულებით უნიკალური წესჩვეულება... რომლის წარმოშობა და საზოგადოებრივი ფუნქცია იღუპალებით არის მოცუ-ლი.“ (ზ. კიკნაძე). ვაჟსა თუ ქალს თუ სწორფერი არ ჰყავდა და „წოდდგო-მის“ გამოცდილება არ ჰქონდა ან ამ ტრადიცი-ის წესებს არ იცავდა, ხალხის თვალში არავითარი სახელი და პატივი არ ჰქონდათ. სწორფერნი ერთმა-ნეთისთვის უსაყვარლესი არსებანი იყვნენ და მათ ურთიერთობაში არსებული ზღვრის გადალახვა თითოეული მათგანისთვის მეტად მტკივნეული იყო, რის გამოც ზოგი ქალი თვითმკვლელობითაც ასრულებდა სიცოცხლეს.

სწორფრობას მკაცრად დაგენილი წესები ჰქონდა, რომელთაც ყმაწვი-ლობიდანვე ეცნობოდნენ და სწავლობდნენ. თავდაპირველად ქალსა და ვაჟს

შორის შუამავლის როლს „ელჩი“ ასრულებდა, რომელიც ბოლომდე მესაიდუმლე რჩებოდა ქალისა და ვაჟის ურთიერთობის.

მიუხედავად იმისა, რომ, ხევსურთა თქმით, „სწორფრობა ხთის გაჩენილი იყო,“ გულანის ჯვრის მოძმე ზეისტეროს ჯვარი „არ იცდენდა“ წოლა-დგომას, რის გამოც იგი გულანიდან გამწყვადლი ზეისტეროს გადასულა.

რატომღაც დამკვიდრდა შეხედულება, თითქოს ხევსურთა სწორფრობა და ფშაველთა წაწლობა ერთი და იგივეა. ჯერ კიდევ ვაჟა-ფშაველა წერდა: „წაწლობას ხევსურეთში ნიადაგი არა აქვს; მაშინ, როდესაც მათი თანამომენი და მესობლები ფშავეში წაწლობის თაყვანისმცემელნი ყოფილან წინათ და დღესაც არიან...“ ალ. ოჩიაური წერს: „... სიტყვა წაწალი ხევსურეთში არ არის. ხევსურს სიტყვა „წაწალი“ მიაჩნია დიდ შეურაცხყოფად“-ო.

ს. მაკალათიას მიხედვით, „წაწალი“ უნდა წარმოდგებოდეს „წაწოლი-საგან“, რადგანაც თვით ეს წესი წოლასთან არის დაკავშირებული. გ. თედორაძის მიხედვით, „წაწალი“ წარმოდგება „წანწალისაგან“, როგორც უპატიოდ მავალის, მექალთანის აღმნიშვნელი.

მომზარობა. ხევსურთათვის მიჯნურობის გამოხატვის ერთ-ერთი ფორმა იყო „სწორფრობა“ („მომბილობა“), მაგრამ ქალის გათხოვების შემდეგ ეს ურთიერთობა მთავრდებოდა. მათ არ შეეძლოთ შეენარჩუნებინათ იგი და სამუდამო ბედნიერებად ექციათ, რადგან „სწორფერთა“ შეუღლება იკრძალებოდა. მათი ურთიერთობა დროებითი იყო. ქალს არ შეეძლო „მომბილის“ გამო არასასურველი საქმროს დაწუნება.

მიჯნურობა დაფარული იყო. ქალ-ვაჟი არ ამჟღავნებდნენ ერთმანეთის სიყვარულს, თუმცა ზოგჯერ ქალი ახერხებდა ლექსად გამოეხატა თავისი სურვილი, სიყვარული, ტანჯვა, წუხილი. მაგრამ ესეც დაფარულ იყო, ვინაიდან ისინი თავიანთ ლექსებს სხვის ნათქვამად ასაღებდნენ, აკეთებდნენ მიწინებებს და ფარავდნენ თავიანთ პიროვნებებს.

„...ხევსურეთის ახალგაზრდობა მოკლებულია ერთმანეთის ტრფობასა და გამიჯნურების რომანტიკას, რომლის გამჟღავნება თემური ადრითით სასირცხოდ ითვლება და აკრძალულია. ქალ-ვაჟს მიჯნურობა უნამუსობაში ჩაეთვლება, მიჯნურთ თემში აძაგებენ, მაგრამ ერთმანეთის მოტრფივალენ ცდილობენ, თავიანთი სიყვარულის გრძნობები დაფარონ სწორფრობის ნებადართული წესებით.“ (ს. მაკალათია)

ჭრა-ჭრილობანი და მამლალობა. ხევსურს უყვარდა და შესანიშნავად ფლობდა იარაღს. შინაური შუღლის დროს ბლაგვწვერა მახვილს (დაშნას, ხმალს) ხმარობდა, ხანჯალს ერიდებოდა, რადგან შეიძლება მოწინააღმდეგეს ან გამშველებელს შემთხვევით წვერით მოხვედროდა. მოწინააღმდეგეს მძიმედ არ დაჰკრავდა, ნაჭრევი (ჭრილობა) მსუბუქი უნდა ყოფილიყო, ისეთი,

რომ მასში თმის ღერი ძლივს მოთავსებულიყო და მხოლოდ სისხლის ნამი გამოსულიყო. მოწინააღმდეგის მძიმედ დაჭრა დიდი სირცხვილი იყო. შუღლშიც დარბაისელნი უნდა ყოფილიყვნენ, არ აჩქარებულებიყვნენ, „გონით არ გამოსულიყვნენ“, ჭრილობას და სისხლს არ უნდა გაეაყვებინა. თითოს რომ დაჰკრავენ, მახვილს ჩააგებდნენ, „ხმალმა გაძლომა არ იცის, მუდამ მშინერიაო“. (ნ. ბალიაური)

„ძნელადა ნახავთ ისეთ ხევსურს, რომელსაც პირისახე... იარაღით დასახინრებული არა ჰქონდეს.“ (ალ. ყაზბეგი)

„არა მგონია, დედამიწამ მთელ თავის მცხოვრებთა შორის, ვინც კი იმის ზურგზე ჰკიდია, რა ტომისაც უნდა იყოს ის ადამიანი, თუნდაც ველური, – ნახოს ისეთი თავის პატრონი, როგორც ხევსური მიცვალებული. საფლავში არც ერთი ტომის მამაკაცი არ ჩაიყოლებს, როგორც ხევსური, გადაკორტნილს თავს, ვინ დაჭრა, ვინ დაკაფა მისი თავი? რამ გადაკორტნა? ისევ მისი თანამოძმის, ხევსურის ხმალმა და ხანჯალმა. ზოგიერთი ხევსურის თავზე მე დამითვლია 50 ნაჭრევი, ზოგი მსუბუქი, მაგრამ ზოგიც ისეთი, შიგ ცერიც ჩავადება.“ – წერს ვაჟა-ფშაველა და დასძენს: – „ხევსურების საქმეები რომ ახალ კანონს ჩაეგდო ხელში, აქამდის ხევსურეთი კამჩატკაში დაარსდებოდა. ყველა ხევსურმა ეს კარგად იცის და კიდევ იმიტომ ფრთხილობს, რომ დაჭრილობის ამბავი „კანონის“ ყურად არ მივიდეს.“

ხშირად ხევსურთა შუღლისა და ჭრა-ჭრილობის უმთავრესი მიზეზი სწორფერი ქალი იყო. შუღლის მიზეზი იყო აგრეთვე ერთმანეთის გალექსება და უფრო ნაკლებად – სიმთვრალე, რადგან სასმელის ძორევის გამო, სიმთვრალეში მომხდარი შუღლი დიდი სირცხვილი იყო.

„...რა არის სისხლი ხევსურისათვის. როცა ხევსურებს უცქერ, ნაჭლევებით სახეზე და ტანზე, მუდამ იარაღსხმულთ და მზადმყოფთ შეტევისათვის, გონიათ, სისხლი სწყურიათ მათ მხოლოდ, მაგრამ ეს ასე არ არის. არავის ეშინია სისხლის დაღვრისა ისე, როგორც ხევსურს: არც ერთ ხალხს, არც ერთ ტომს. მკვლელს ხევსურეთში „ლაჩარის“ სახელით სდალავენ. გმირი მათთვის ის მორკინალი კი არაა, ვინც სახიფათოდ დასჭრის მოპირდაპირეს, ჭრილობა კანის გაკაწურა უნდა იყოს მხოლოდ, თვით გააყებულ შებმაშიც კი. – აი, უტყუარი ნიშანი ხევსურისათვის ნამდვილი ვეჟაკობისა.“ (გრ. რობაქიძე)

მკვლელობა ხევსურეთში ძლიერ იშვიათად ხდებოდა, უფრო შემთხვევით, მაგრამ მკვლელს და მთლიანად იმის გვარს არავინ აბატიებდა, სამაგიეროს მიუზღავდნენ და მთელ საგვარეულოს დედაწულიანად ადგილიდან აყრა უწევდა. ამის გამო იყო, რომ კაცის კვლას ერიდებოდნენ. ვაჟა-ფშაველა, წერს რა ხევსურთა ხშირ ჭრა-ჭრილობაზე, აღნიშნავს: – „მკვლე-

ლობა კი ძლიერ იშვიათი მოვლენაა. („შენ თუ სხვა მოჰკალ, შენც მაგკვლენ, მკვლელს არ შარჩენს გვარია“. ვაჟა-ფშაველა)

სისხლის ძიების („თავ-მეთავეობის“) მკაცრი რჯული, რომელიც საუკუნეობით გადადიოდა თაობებში, ხევსურებს აიძულებდა, „არა კაც ეკლა“. ყველაზე წინ ეს გრ. რობაქიძემ დაინახა (ისევე, როგორც სწორფრობის იღუმალი არსი და ხიბლი): „სისხლით შურისგება ხევსურეთში მკვლელობის ასაცდენად სჯულდებად მესახება.“ (გრ. რობაქიძე)

„პარახტიანი“. ხევსურთა ერთ ნაწილს ჰქონდა არც თუ ვაჟაკური და მოსაწონი ჩვეულება: ცენტრალურ გზასთან მდებარე სოფლის მკვიდრნი უქმე ღლეებში გამოდიოდნენ გზისპირა ჭალებზე და ვისაც მოიხელთებდნენ, მიმოვალ-მომავალ მგზავრს, აბუჩად იგდებდნენ, სცემდნენ. ამ მხრივ ყველაზე მეტად გამოირჩეოდნენ დათვისელ-გველეეთელი, რომელთა ხეობაზეც გადადიოდა ფშავ-ხევსურეთის უმთავრესი სამიზოსვლო გზა. (ძველად ასეთივე მდგომარეობა ყოფილა ღულის ჭალაზეც. აღზევებულ ღულელთა შიშით ხევსურებს გველაურთის გზითა და სანაგის საჯარის გზით უვლიათ.) გიგაურთის ველსა და ორწყლის ჭალაში ჩადგებოდნენ საგაღმოს ხევსურნი და „შეკრავდნენ კარახტინს“ – ბილიკზე ან ხიდზე გააბამდნენ წნელს, რომლის ქვეშაც უნდა გამძვრალიყო მგზავრი. ეს ყველამ კარგად იცოდა და ამ ადგილებზე გამვლელნი მზად იყვნენ თავი დაეცვათ, რათა შეურაცხყოფილნი არ დარჩენილიყვნენ. იყო დაუსრულებელი ჩხუბები და ხმალ-ხანჯლის ტრიალი. ხშირად ყოფილა შემთხვევა, გამვლელი არად ჩააგდებდა დამხვდურთ, გაივლებდა ხმალზე ხელს, გაჰკვეთდა წნელს და თამამად გაივლიდა. აბა, ღადგომოდა წინ ვინმე, თუ ვაჟაკი იყო.

„შეშინარაბლაობა ხეშინარაბლაობა“. ხევსურები წარმართები იყვნენ და ქრისტიანულ შემწვარებლობას მათი ცხოვრების წესი ვერ ეგუებოდა, რაზედაც ზოგჯერ სამეფო ხელისუფლებაც განგებ თვალს ხუჭავდა, რათა მათში მეომრული სული არ ჩაეკლა და გაჭირვების ჟამს მუდამ გვერდით ჰყოლოდა ეს „ომში მეტად გამოსადეგი ხალხი.“ მაგრამ ამ ხალხის მტერთან თუ მოყვარესთან ურთიერთობაში რალაც განგებით მოქმედებდა ჰუმანიზმის ის დაუნერელები კანონები, რომლებსაც ქადაგებდა ქრისტიანობა და მხოლოდ ჩვენს ეპოქაში ჩაუყარეს საფუძველი მსოფლიო სამშვიდობო ორგანიზაციებმა.

მიუხედავად იმისა, რომ ხევსურები ცხოვრობდნენ პრინციპით – „სისხლი სისხლის წილ“, ყველაზე მეტად ეს „სისხლი“ აკავებდათ და გაურბოდნენ, რადგან მათთვის თითოეული ადამიანის სიცოცხლე ღირდა ფასობდა. მათი ვაჟაკური ბუნებისთვის სავალდებულო იყო, პატივი ეცა მოწინააღმდეგისთვის, შეეფასებინა მისი აკარგაინობა, ბრძოლისას გაფრთხილებოდა მშვიდობიან მოსახლეობას, თავიდან აეცილებინა ზედმეტი მსხვერპლი, შეეწყ-

ნარებიან დამარცხებული (თუნდაც მომხედური), ყოფილიყო მისი მკურნალი, ადამიანურად მოპყრობოდა ტყვეს. ამასთანავე, პატივი ეცამტრის სარწმუნოებისთვის (სალოცავისთვის), რაც არასოდეს ყოფილა ხეკსურებსა და მათ ჩრდილოელ მეზობლებს შორის მტრობის მიზეზი. ორივე მხარის ურთიერთობას არეგულირებდა ყოველივე ზემოთ ჩამოთვლილი, ვაჟკაცობის („კაცის კაცობის“) კანონები, რომლის დაცვა სავალდებულო იყო თითოეულისთვის.

თავის დროზე ეს აღნიშნა ვაჟა-ფშაველამ, ხოლო ხალხურმა მთქმელმა გიორგი ჯაბუშანურმა დააგვირგვინა, როდესაც „ვეფხისტა და მოყმის ბაღადაში“ მოყმის დედა შეილთან ერთად ვეფხისტა გლოვობს და ვეფხისტის დედას სამძიმარს უთვლის.

მტრისთვის მარჯვენას მოძრაზე. ასეთი ტრადიცია ხეკსურებს არ ჰქონიათ. მკლავის, თავის მოკვეთის და საფლავზე დაკვლის წესს ხეკსურთა მეზობლები მისდევდნენ და მათი გუკლენით ხეკსურეთში მოწინააღმდეგისთვის მარჯვენა ხელის მტვენის მოკვეთის მხოლოდ რამდენიმე შემთხვევა ცნობილი და ისიც, როგორც გადამთიელ მტერზე შურისძიების, მისი მოკვლის დამამტკიცებელი საბუთი (ნივთმტკიცება) და არა როგორც ჩვეულება. ამას მოწმობს ძველი ხეკსურული ლექსიც: „...ლეკსა ვოცს, კვლს კი არა სჭრის: – ვეკსურის წესი არ არსა...“

ვაჟიშვილის (მამაშვილის) შმსახაზ. ყოველ ხეკსურულ ოჯახს უნდა ჰყოლოდა ვაჟიშვილი. ქალიშვილი შემკვიდრედ არ ითვლებოდა. (ზედსიძეობის, გათხოვილი ქალის ვაჟიშვილის შემკვიდრედ გამოცხადების ტრადიცია ხეკსურეთში არ არის.) ეს იყო ხეკსურთა მრავალცოლიანობის მიზეზი. თუ შვილი (ე.ი. ვაჟი) არ ეძლეოდა, რაც გინდა ბევრი ქალიშვილი ჰყოლოდა, მოჰყავდა მეორე ცოლი. ზოგ შემთხვევაში ეს პირველი ცოლის ხელშეწყობითაც ხდებოდა. ორივე ცოლი ქმრის სახლში ერთად, თუ შესაძლებელი იყო, ცალ-ცალკე ცხოვრობდნენ.

ვაჟიშვილის ყოლის აუცილებლობა გამოწვეული იყო იმით, რომ საზღვრის მცველსა და მოლაშქრე ხეკსურს ცვლა უნდა ჰყოლოდა. ხოლო თუ ხეკსურეთში ასეთი ცვლა არ იქნებოდა ან შემცირდებოდა, სამეფო ხელისუფლება მათ ადგილას სხვას ჩააყენებდა, მათი მამული სხვას გადაეცემოდა, რასაც ხეკსურნი ვერ ეგუებოდნენ.

ხმისურული ლული. ხეკსურეთში გამეფებულია ლულის კულტი. ლული აქ ღვთიური სასმელია და ღვთაებათა სადილებლად ღულს. ხეკსურთა თქმით, არაყი „ემშაკის ნაორთქლია“ (გაფუებული პურის მარცვლის არაყს ევროპაშიც „ემშაკის არაყს“ ეძახდნენ).

ჯერ კიდევ ძვ. წ. IV ს-ში ქსენოფონტეს ხალიბთა სოფლებში უნახავს ლული – „ქერის ღვინო.“ ფშავ-ხეკსურულ ხთიშვილებს ქაჯავეთი რომ დაულაშქრავთ, იმის მერე გაუმწესებიათ ჯვრებში ლულის ღულილი.

„აღბათ, რაც ხევესურეთი არსებობს, სულ იყო ლუდიც, ლუდის კულტი აქ ძლიერად ბატონობს. ეს სჩანს გვარ-სახელებიდანაც და ხალხური პოეზი-იდანაც... ლუდი რიტუალური სასმელი იყო და მისი მოდულება საღალაობო-საღრეობოდ არ ხდებოდა.

ლუდს ხევესურები მხოლოდ დიდ დღეობებში (მთიბელ-მამკალში ჯვარ-თად) წურავდნენ, წურავდნენ ჭირსა და ლხინში...

ყველაზე პატივდებულ და შეძლებულ ოჯახს შეიძლება „დიდი ლუდიც“ ედულა, საგანგებოდ, გამოსაჩენად, ძველი ხევესურეთის კაი ყმათა მოსაკრებად.

ხევესურთა თქმით, ლუდი ჯანის სარგოა...

ხევესური კაცისათვის ლუდი კეთილშობილი, საღვთო სასმელია. „მხოლოდ ლუდიან თასზე დანთებული სანთლები ანათებენ საიჭიოსო... დღერთი მხოლოდ ლუდით იდიდების. სანთლები მარტო ლუდიან ეკვრისო.“ (ე. არაბული, ა. არაბული)

ხევესურებმა „...კარგი ლუდის დაყენება და სიძლერები იცოდნენო,“ – უთქვამს ილია ჭავჭავაძეს.

„დიდი ლუდი“. ძველი ხევესურული ჩვეულება – „დიდი ლუდი“ – ნიშანი იყო გვარის ეკონომიური სიძლიერისა და აღზევებისა. ასეთი გვარის წარმო-მადგენელი ყოველწლიურად ან წელგამოშვებით ადულებდა საქარწინოდ გან-საზღვრულ ლუდზე ათჯერ უფრო მეტს. ასე რომ, ხალხის დამლის შემდეგ რამ-დენიმე კოდი კიდევ გასასხნელი უნდა დარჩენილიყო. „დიდი ლუდის“ დროს მო-იწვევდნენ უამრავ სტუმარს, მხოლოდ მამაკაცებს, რომელთათვისაც გამზადებული უნდა ჰქონოდათ საკუთარი ლოგინი, შიბიანი მძივ-ლილით შემკული ამოკერე-ბული თათინი და საგანგებოდ დაკერილი, მოსასხამი ტყავი. დიდი სმა რამდენიმე დღე გრძელდებოდა. სმაზე მოწვეულს ერთი კონა შემა უნდა მიეტანა მხოლოდ.

„დიდი ლუდი“ უდულებია გველეთელ ბიზინიგას („ბაგრატიონთა ნაბიჭ-ვარს“), ოხერხეველ ბადრიაულებს, ლიქოკში – ჭეტკოელებს (წლისთავად) და ნებიერულს (წელშუ), გუდანს – ჯამშა-ყურაულებს... ეს აღზევებული გვა-რები დროთა განმავლობაში ან „ჯვარმა გაათავა“, ან მეზობლებმა ამოხოცეს.

მაჟღერის კულტი ხმზსურშიში. დიდი ტრაგედია იყო ხევესურთათვის ნებისმიერი პიროვნების გარდაცვალება, რადგან სოფლისთვის თითოეული ხევესურის სიკვდილი მჭრმის სიკვდილი იყო. რაც გინდა ბეჩავი ყოფილიყო იგი, სახელიანი ვაჟკაცის დარად, უებრო გმირის სახელით დაიტირებდნენ, ცხენ-იარაღს, სასმელ-საგ ზალს, ტალავარს, წყალს, ცეცხლს დაულოცავდ-ნენ საიჭიოსთვის, რადგან ხევესურთა წარმოდგენით მიცვალებული სულეთშიც განაგრძობდა ცხოვრებას.

როგორც ცოცხლებს ჰქონდათ სააქაოს მტკიცედ ჩამოყალიბებული ინსტი-ტუტები ღვთისმსახურებისა, სტუმარ-მასპინძლობისა, მლოცაე-მკითხავთა და

ა.შ., ასევე მიცვალებულთათვისაც არსებობდა ცალკე ინსტიტუტი სულის ხუცესის, მესულთანისა და ჯმით მატირალის. არსებობდა სულის მოსახსენიებელი განსაკუთრებული დღეები – „სულამაის დღე“, „წყალკურთხევა“, „ხალარჯეობა“, „თიბის შამშაბათი“, „სულთაკრეფა“, „სანთელნი“, „შაბათის რიგი“...

ჭირ-ლხინისა და ჯვარში დღეობების დროს საგანგებოდ იცოდნენ ძველი და ახალი მიცვალებულებისთვის სასმელის დალოცვა. გარდაცვლილთა სულების მოსახსენიებლად საგანგებოდ ადულებდნენ ლუდს, აკეობდნენ სახელსადებებს, არ ივიწყებდნენ არავის. ცალკე კოდსა და ტაბლას უდგამდნენ იმ პიროვნებებს, რომელთაც მომგონი (შთამომავალი) არ დარჩათ.

განსაკუთრებით მნიშვნელოვანი იყო მიცვალებულისთვის საგანგებოდ მორთული სასმისის (ყანწი, ჭურჭელი), წყაროს და ცხენის დალოცვა, რომლებიც სამუდამოდ რჩებოდა გარდაცვლილის მოსაგონებლად.

ამას გარდა, „სმულოვის“ (ქეიფის) დროს ხევსურები უფრო მეტ შესანდობრებს სვამდნენ, ვიდრე სადღეგრძელოებს და ყოველი ოჯახი პურობას მიცვალებულისთვის „მანდობის თქმით“ იწყებდა.

„სულის ცხენი“. სულის ცხენის კულტი იმ დროიდან მოდის, როდესაც მხედართან ერთად ცხენსაც მარხავდნენ, რათა მას საიქიოშიც ჰყოლოდა საფურხე. დღეს ხდება მიცვალებულისთვის ცხენის სიმბოლური შეწირვა და იმართება „დოღვი“ (დოღი). მხედრები ჯილდოვდებიან.

„სულის წყალნი“. მიცვალებულისთვის იციან წყაროს აშენება და დალოცვა, რათა იგი არ იყოს მწყურვალი. ყოველ წყაროს ჰქვია ამა თუ იმ პიროვნების სახელი, რომელიც მიცვალებულის სამუდამო ხსოვნის სიმბოლოა.

„ღაბაკი“. ჯილდოდ გამოიტანენ მიცვალებულის რაიმე ნივთს და იმართება შეჯიბრი მიზანში სროლაში. გამარჯვებულს ეძლევა ჯილდო.

„სულის სახელი“. ხევსურს ესპანელივით რამდენიმე სახელი ჰქვია, რომელთაგან ერთ-ერთი არის „სულის სახელი“ – გარდაცვლილი წინაპრის ან სხვა რომელიმე ხევსურისა. „სულის სახელის“ დარქმევა მესულთნის სამუალებით ხდებოდა.

ღაშარისპის შშსი. როგორც თემები იყოფოდა გვარად, ძირად, მამებად, ასეთივე წარმოდგენა ჰქონდათ „საიქიო“ ცხოვრებაზეც, რაც გამოიხატებოდა სასაფლაოების „ანდაბებად“ დანაწილებაში, სადაც კვლავ ცალკე გამოიყოფოდა გვარის, ძირის და მამიშვილობათა საფლავეები. ხალხის წარმოდგენით, საიქიოშიც გრძელდებოდა ცხოვრება და ამა თუ იმ გვარის მკვდრები ერთად უნდა ყოფილიყვნენ.

ხევსურთა გორშელმის ხეობიდან საარაგოვზე განსახლებისა თუ ერთი რომელიმე სოფლიდან საცხოვრებლად მეზობელ ადგილებში გადასვლის

შემდეგაც კი მიცვალებულს კვლავ წინაპართა სასაფლაოზე მარხავდნენ, ტერიტორიულად რაც არ უნდა შორს ეცხოვრათ ამ ადგილიდან. მაგ., ბაკურხეველი, მოწმაველი, გველეთელი და ა.შ. თავიანთ მიცვალებულებს ბაცალიგოს მარხავდნენ, ჩირდილელი – ხიტალეს, ბარისასოელი და უკანახოელი – გუდანში. უფრო ძველ დროს კი თავად ბაცალიგოელთ და ხიტალიელებს ზეისტეჩოს სასაფლაოზე უმარხავთ მიცვალებულნი, რადგან არაბულთა თავდაპირველი საცხოვრისი ზეისტეჩო იყო. თუ ადამიანი ზამთარში მოკვდებოდა და მისი გადასვენება უგ ზოობის გამო შეუძლებელი იყო, დროებით ადგილზე მარხავდნენ, გზის გახსნის შემდეგ კი ხდებოდა მისი გადასვენება. სცოლნიათ მიცვალებულის მუცლის დრუს ამოსუფთავება. საფლავი დახურული იყო. მიცვალებულს ქვის ფილებით ან მუხის ფიცრებით შემოზღუდავდნენ, მაღლიდანაც დააფარებდნენ და შემდეგ დააყრიდნენ მიწას. ზოგან მიცვალებულებს ცალ-ცალკე მარხავდნენ, ზოგან კი სცოლნიათ „საფლავის აკდა“ – რაც მცირემიწიანობით იყო გამოწვეული. ზოგან საფლავებზე დაშენებდნენ ყრუ კოშკებს. არსებობდა სიმბოლური საფლავებიც: შორეულ ლაშქრობაში დაღუპულს ახლობლები სასაფლაოზე მიწას მიუზომავდნენ და ჩვეული წესით დაიტირებდნენ.

სეპსურები და მათი მემოზღუებები

ხევსურებს ჩრდილოეთის მეზობელ ტომებთან ურთიერთობა თავიანთი წესებით ჰქონდათ დარეგულირებული. თუკი მტრობა ჰქონდათ მეზობლებთან, ისიც უფრო პირადი, საგვარეულო ინტერესებით იყო გამოწვეული, ვიდრე პოლიტიკურით. მართალია რელიგიურმა დაყოფამ ისინი დააპირისპირა, მაგრამ „მოსაზღვრე ტომებთან ურთიერთობის რეგულატორი იყო არა სარწმუნოება, როგორც ხდებოდა ქრისტიანულ და მაჰმადიანურ ტომებში, არამედ ვაჟკაცობა.“ (დ. ბენაშვილი)

„უნდა ვთქვათ, რომ ძველისძველად კავკასიის მთის სხვადასხვა სოფელში, სადაც ცხოვრობდნენ ლეკნი, დიდონი, ქისტნი, ხევსურნი, თუშნი, ჩვეულებად დაედოთ, რომ ერთი თემი მეორე თემს მოციქულებს მიუგზავნიდა, ჩვენში ზავი დავდოთ და რამდენი წლითაც ორივე მხარეს სურდათ, ზავს დასდებდნენ და შეცვლიდნენ ტყვიასა და ქუდს, რომელიც ნიშნავდა: ტყვია ვაჟკაცობასა და ქუდი ნამუსს. ეს იყო მაშინ მათი შერიგების ნიშანი. და ესე ზავის დამდებნი ისე იყვნენ შეკრულნი მტკიცე პირობით, რომ არც ერთ მხარეს

არ შეეძლო დანიშნულ ვადადის მიხედვით, ტყვეების მოტაცება და სისხლის ღვრა. ერთმანეთში მშვიდობიანად დადიოდნენ.“ (ბ. ერისთავი-ჯორჯაძე)

მიუხედავად მშვიდობიანი ურთიერთობისა, მიიღელთა შორის ხშირი იყო „ზავის აშლა“ – ქურდობა, მზირობა, ნადირობა-მეკოპრობა („მენადირეთ წინავე კაცის მკოცელთ ძახნილან, იმათ უდენავ, ხალხ უკოცავ.“). 3-10 და ზოგ-ჯერ მტეტი კაცისგან შემდგარი რაზმები მალულად გადადიოდნენ მეზობელ თემებში, უსაფრდებოდნენ მგზავრს, მწყემსებს, თარეშობდნენ მათზე და იტაცებდნენ ნადავლს, ტყვეებს.

ხევსურებმა ამგვარი თარეშის აღსაკვეთად იცოდნენ უღელტეხილებისა და გზა-ბილიკებზე „ვეშავის“ ჩაყენება, რომელნიც მტრის გამოჩენას მოსახლეობას შეატყობინებდნენ ან თავად შეებებოდნენ მომხვედურს.

მთიელებს ერთმანეთთან აკავშირებდა ხელოსნობა. სხვადასხვა საქმის ოსტატნი (ქვითხურონი, მჭედელნი, ღურგალნი, მქსოველნი) გადადიოდნენ ერთმანეთში, ვაჭრობდნენ, ცვლიდნენ, გაჰქონდათ ერთმანეთში იარაღი, ფლას-ფარდაგი, სპილენძისა და ვერცხლის ნაკეთობანი, მარილი, ტყვია-წამალი და ა.შ.

ხაშისურიანი და მისტაბი. ხევსურებსა და ქისტებს შორის, რომლებიც გვიანობამდე ერთი სარწმუნოებისანი იყვნენ, ჩვეულებრივი მეზობლური დამოკიდებულება იყო. თუმცა ეს დამოკიდებულება ხევსურეთის ცალკეულ თემსა და ქისტებს (ჩეჩნებსა და ინგუშებს) შორის სხვადასხვანაირი იყო: „ქისტებსა და არხოტივნებს ხანდახან ჩამოუვარდებოდა შური და მესისხლეობა, შეიკვროდა გზა. ე.ი. მიმოსვლა შეჩერდებოდა, მერე კაც-შუაკაცი ასტყდებოდა და ისევ შერიგება ხდებოდა.“ „...მესისხლეობა ქისტებსა და შატლიივნებსაც ქონდათ, მაგრამ ისე მწვავედ შურიანობა მათ შორის არ იყო, როგორც არხოტივნებსა და ღილღვებს შორის. ამათ უფრო ხშირ შემთხვევაში ქონდათ ზავი და ერთი-მეორესთან მისვლა-მოსვლა. იშვიათად აიშლებოდა ზავი და ისიც ცოტა ხნით.“ (აღ. ოჩიაური)

შატლიელ ხევსურებსა და ჯარეგოელ ქისტებს ერთმანეთთან პირობა ჰქონდათ დადებული, რომ ყოფილიყვნენ შუამავალნი და თავდებნი რომ ქურდობა-მეკოპრობისგან დაეცვათ როგორც ერთმანეთი, ასევე ხევსურეთისა და ქისტეთის სხვა თემები. პირაქეთა ხევსურებისა და ქისტების ურთიერთდამოკიდებულება უფრო მტრული და აგრესიული იყო, ამიტომ ერთმანეთთან ურთიერთსახსაც ერიდებოდნენ. „ქისტებს დაბუღე ხევსურებს შორის შატლიივნები ასრულებდნენ შუამავალის და მყიდველ-გამყიდველის როლს.“ (აღ. ოჩიაური)

ქისტთა წინაპრები – ძურძუკები, ანუ კავკასიანები, ჯერ კიდევ ძვ.წ. დროიდან იხსენიება ქართულ მატრიანეში, როგორც ქართლოსიანთა მეზობელ-ნათესავნი და იბერია-საქართველოს მეფეთა გავლენის ქვეშ მყოფი,

ჩრდილოეთის საზღვრის მცველი ტომი. ძვ. წ. IV-III ს-ში იბერიის პირველმა მეფეებმა – ფარნავაზმა და საურმაგმა – სწორედ ძურძუკები გამოიყენეს ქართული სახელმწიფოსა და ტახტის განმტკიცება-გაძლიერებისთვის ბრძოლაში. ეს ტრადიცია შუა საუკუნეებშიც გრძელდებოდა.

საქართველოს მეფეებმა ძურძუკთა ნაწილი ჩამოსახლეს კიდეც ქართლის მთიანეთში და მათ შორის ფხოვეში. საქართველოში ქრისტიანობის გავრცელების პირველ ხანებში ფხოველნიც გადახვეწილან ძურძუკეთში, თუმცა მოგვიანებით ორივენი მოქცეულან და ქრისტიანული კულტურა ქისტეთში ფხოვის გზით შესულა.

ხევსურებსა და ქისტებს ერთნაირ პირობებში უხდებოდათ ცხოვრება, რის გამოც ტრადიციები, ღვთაებები, რიტუალები, ადათობრივი რჯულ-სამართალი და ა.შ. თითქმის ერთნაირი აქონდათ. ორივენი ლოცულობდნენ ხახმატის ჯვარს (ნაყოფიერებისა და დოვლათ-ბარაქიანობის ღვთაებას), ანატორისა და ცროლის ჯვარს (ნადირ-მენადირეთა მფარველსა და წულის მომცემ ღვთაებას), მაისტის ჯვარს (ცა-ღრუბელთა და დარ-ავდართა ღვთაებას).

XVIII ს-ის 70-იან წლებში გიულდენშტედტი აღნიშნავს ქრისტიანობის ღრმა კვალს ქისტეთში და დასძენს: ქისტებს „სწამს ერთი ღმერთი, რომელსაც დალას უწოდებენ.“ ღვთაება „დალა“ („დალი-ხაჯი“) ხევსურეთშიც არის შემორჩენილი.

ალ. ყაზბეგი წერს: „მთის ქისტებში ეხლაც ისეთივე დეკანოზები არიან, როგორც მთის ქართველებში. ნიშები, დროშები და წმინდანების სახელები დღევანდლამდის ქრისტიანული აქვთ დარჩენილი, თუმცა დროშის თავებად ჯვრები აღარა აქვთ და ან მარტო შუბს ამოუყვია წვერი, ან მერდინით არის შეხვეული.“

ალ. ყაზბეგი ქისტებსა და ხევსურებს შორის მტრობის წარმოშობას მუსულმანობის გავრცელებასა და შამილის გამოსვლას უკავშირებს, მაგრამ მთიელნი ამ მტრობასაც დიდი სიფრთხილით ეკიდებოდნენ: „ქისტები და ხევსურები ერთმანეთთან სრულის თანხმობით სცხოვრობდნენ, აძლევდნენ ერთმანეთს ქალებს და თუ მტრობა ჩამოუყვარდებოდათ რამე ერთმანეთში, ეს მტრობა კერძო საქმე იყო – ორის პირისა, ან ორის გვარეულობისა. ხალხი კი არამც თუ ერეოდა ჩხუბში, ყოველსავე ღონისძიებას ხმარობდა იმათ შესარიგებლად. ესეთი მტრობა ორის თემის მტრობად არ ჩაითვლება, და როგორც კერძო შემთხვევა, თვით ხევსურებს ერთმანეთშიც მოუხდებათ ხოლმე.“

ჩრდილოკავკასიელ ტომებსა და ქართველ მთიელებს შორის სერიოზული მტრობა მონღოლთა და სპარსთა პოლიტიკის გავლენით დაიწყო. დამპყრობლებმა ყველაფერი იღონეს, რათა კავკასიის ხალხები ჯერ ერთმანეთისთვის გადაემტერებინათ, შემდეგ კი საქართველოს წინააღმდეგ გამოეყვანათ.

...გადმოდიოდნენ ქისტებიც, ოღონდ დოდოელთაგან განსხვავებით ისინი დიაც-ყმაწვილს არ აწიოკებდნენ – არც ხოცავდნენ და არც ტყვედ მიუდიოდათ. თუ მარჯვედ მოიხელთებდნენ, პირუტყვს მოიპარავდნენ, ან დაფქულს წაიღებდნენ. ეგ იყო და ეგ. უპატიურობაი-ღ წარამარობა ქისტებს არ სჭირდ, მაგ მხრივ არ გეშინოდის...” – წერს თუში გ. ცოცანიძე. იგივე ითქმის ხევსურებისა და ქისტების მტრობა-ურთიერთობაზეც.

ქისტებმა მონაწილეობა მიიღეს 1813 და 1922 წლებში ხევსურეთის ამბოხებებში.

გასაბჭოებამდე ქისტების რამდენიმე თემი ადმინისტრაციულად თიანეთის მაზრაში შედიოდა. ვაჟა-ფშაველა წერდა: – ქისტი იმიზეზებს, თიანეთში „ნაჩაღნიკთან“ ვარ დაბარებული და შინ რომ დაბრუნდება, დიდი სირცხვილია ხელცარიელი მივიდეს მითხომი: უნდა მოიპაროს ცხენი ან ძროხა“-ო. ამ ჩვეულებას არც ახლა ღალატობენ ქისტები.

... მაგრამ ამ ხალხზე მაინც მაღალი აზრი ჰქონდათ, მოსწონდათ მათი სიჩაუქე, სიმარჯვე, თავდაცურის დიდი უნარი, ყმაწვილობიდან ვაჟკაცურად გაზრდის ტრადიცია. ახლო მეზობლობით ურთიერთგავლენაც დიდი იყო მეურნეობის, ნაგებობის, ჩაცმულობისა თუ ენის მხრივ...” (თ. ოჩიაური)

სამსურობი და თუშუბი. მეზობელი ტომებიდან ხევსურებს ყველაზე ახლო ურთიერთობა თუშებთან ჰქონდა. მათ „შორის თითქმის ნათესაური დამოკიდებულება სუფევს... თუშნი და ხევსურნი ურთიერთს ბიძაშვილებად მოიხსენიებენ... ერთმანეთში ფშავლებსა და ხევსურებს კინკლაობა ჰქონიათ, თუშებთან კი დიდი კავშირი.“ (თ. ოჩიაური)

ფშავლებთან შედარებით ხევსურები თუშებს უფრო ზრდილობიანად ეკიდებოდნენო, – აღნიშნავს ვაჟა-ფშაველაც. ხევსურებისა და თუშების ახლო ურთიერთობის უმთავრესი მიზეზი, ფხოვეში ქრისტიანობის გავრცელების უამს ფხოველთა თუშეთში გადასვლა და იქ დამკვიდრება არის. „თუშეთის ტერიტორიაზე ხევსურები უნდა იყვნენ ჩასახლებულნი.“ (თ. ოჩიაური, ვ. ბარდაველიძე). მემატინანე პირდაპირ ამბობს: „...ხოლო ფხოველთა დაუტყვევს ქვეყანა მათი და გარდავიდეს თუშეთს.“

ხევსურული და თუშური კილო, სიმღერა ითქმის განურჩეველია ერთმანეთისგან.

თუშეთში „საკულტო სალოცავენს შორის, რომლებიც რამდენიმე იყო თითოეულ სოფელში, ერთი აუცილებლად „სახევსურო“ უნდა ყოფილიყო. არ არის თუშეთში ერთი სოფელიც კი, სადაც ამჟამადაც არ მიუთითებდნენ „ხევსურთ სალოცავის“ ადგილსამყოფელზე.“ (გ. ცოცანიძე). ესენი ხევსურთა ფხოვიდან თუშეთში გადასვლის დროს თან წაყვანილ ღვთაებათა ნიშები არის,

სადაც ხაზმატისა და კარატის ჯვრების მსახურნი ჯვარ-დროშებით წელიწადში ერთხელ მოივლიდნენ და დღეობებს მართავდნენ თუშებთან ერთად.

ძველ დროს თუშები და ხევსურები დიდოეთის მიჯნაზე ერთად დგებოდნენ საგუშაგოდ.

ხმისშორები და ბუღაჩაყარაღნი. ისტორიული ფხოვის საზღვარს გუდამაყრის ხეობაში, ოსაგის ხეზე უნდა გაეგლო. ოსაგის ხევის ზემოთა გუდამაყრელნი (ბაკურხეველნი) გვიანობამდე გუდანის ჯვარს „ადგილის ბეგარას“ აძლევენ. ამ გუდამაყრელთა ანდრეზით – „ჰევსურები ვართ, იქით ვართ გადმოსულნი, მანამდე ბაკურხევეში დევ-კერპნი, მჭედლები მდგარან.“

ჯერ თამარის და შემდეგ არაგვის ერისთავების ფხოვეში ლაშქრობების შემდეგ ფშავ-ხევსურეთისა და გუდამაყრის საზღვრები საბოლოოდ ყალიბდება. გუდამაყრის საზღვარმა ფხიჭუმდე აიწია, სადაც მოექცა ორი ხევსურული სოფელი (ბაკურხევი – გორული და საკერპო).

გუდამაყრელნი დღესაც ლოცულობენ საჩალეს წმინდა გიორგი ოქროსმშვილდიანის (სოფ. ჩირდილის მთა-ჯვარი) მოდე-მოძმე ჯვრებს – „პირიმზესა“ და „ფუძის ანგელოზს“, რომელთა ნიშები გუდამაყარშიც აქვთ გადატანილი. წელიწადში ერთხელ, მარიამობა დღეს გუდამაყრელნი თავისი ჯვარ-დროშებით გადმოდინან სოფელ უკანახოში და „ფუძის ანგელოზში“ მართავენ დღეობას, რომელსაც ხევსურები „გუდამაყრელთ მარიანობას“ ეძახიან. (ამ ჯვარს ლოცულობენ ფშაველნიც.)

ხევსურები, ქალაქისკენ სხვადასხვა საქმეებზე მიმავალნი, ხშირად გუდამაყრის გზით მგზავრობდნენ, რის გამოც ცდილობდნენ, კარგ ურთიერთობაში ყოფილიყვნენ გუდამაყრელებთან. თუმცა ხევსურეთში სადღეობოდ გადასულ გუდამაყრელებსა და ხევსურებს შორის ხშირი იყო შუღლი და კინკლაობა, რის გამოც გუდამაყრელებმა დღეობა „მარიანობა“, რომელსაც ძველად ორივე მხარე ერთიანი ძალით მართავდა, ხევსურებისგან დამოუკიდებლად, ერთ კვირის სხვაობით დააწესეს. ერთ-ერთ სოფელში კი საერთოდ მოშალეს.

ხმისშორები და მოხმევეები. ხევსურები და მოხევეები ზოგი რამით ენათესავენებინან ერთმანეთს და წააგვანან კიდევ. ამაყი ხასიათის გამო ხშირად შუღლობდნენ. მართალია, ტერიტორიულად საკმაოდ დაშორებულნი იყვნენ, მაგრამ ახლო ურთიერთობაც კქონდათ, რისი მიზეზიც იყო ხევსურების ხშირი მგზავრობა ხევსა და კავკაეში, საიდანაც ოჯახისთვის საჭირო საქონელი შემოქქონდათ. ხდებოდა ისიც, რომ, როგორც მოხევეები, ასევე ხევსურები, თავიანთ ტერიტორიაზე გავლილ მგზავრებს უხვდებოდნენ, ეშარებოდნენ და ძარცვავდნენ, თუმცა ორივე მხარე ცდილობდა დამნაშავე გამოეეკლინა და მეგობრული ურთიერთობა აღედგინა. (ხევის ტერიტორიაზე ორი ხევსურული სოფელია – ჯუთა და ართხმო).

ხევისურამბი და შუაწყლამბი. ხევისურები ფშავს „მშავს“ ეძახიან, ხოლო ფშავლებს – „მშაველებს“. მიუხედავად იმისა, რომ ხევისურები და ფშავლები ახლო მეზობლები არიან, ძლიერ განსხვავდებიან ერთმანეთისგან. მართალია, ძველ ფხოველთა ერთიანობისა და ნათესაობის დამადასტურებელი ნიშნები დღევანდელი ხევისურებისა და ფშავლების ხსოვნაში უკვე წაშლილია, ხევისურეთის რამდენიმე გვარი თვლის, რომ მათი წინაპრები ძველ დროს დღევანდელი წინაფშავის ტერიტორიაზე იდგნენ. ფშავშიც გვხვდება გაფშავებული ხევისურული გვარები.

სხვა ხევისურებთან შედარებით, ფშავლებთან უფრო ახლოს არიან მათი უშუალო მეზობლები – აკუშელნი, მოწმაველნი და მიღმახევენი ხახაბოელნი, რომელთაც საერთო სალოცავებიც აკავშირებთ. ძველად კი ერთმანეთის მოძმენი ყოფილან პირქუშის ყმა ბაცალიგველნი და ახადელნი, იახსრის ყმა ლულელნი და შუაფხოველნი, არხოტიონნი და ხოშარელნი, ფშაველი და ხევისური გოგოჭურები.

ფშავლები, ხევისურების სხვა მეზობლებთან შედარებით, უფრო მშვიდობიანი ხალხი იყო და, შესაბამისად, უსაფრთხო იყო ფშავის ხეობაზე გამავალი გზაც, რომელსაც ხევისურებისთვის სასიცოცხლო მნიშვნელობა ჰქონდა. მაგრამ ამას ხევისურნი როდი უფასებდნენ, თავადვე ეშარებოდნენ შემხვედრ ფშავლებს, ძარცვავდნენ. ფშავლებიც სამაგიეროს იარაღით თუ ვერა, მოსწრებული ენით უხდიდნენ და ხევისურებს „ციცაებს“ ეძახოდნენ.

ხევისურამბი მორჩილებენ მხოლოდ მეფეს

მიუხედავად რთული გეოგრაფიული მდებარეობისა, მთიელთა თავისუფლებისმოყვარე და მეთაბოზე ბუნებისა, სამეფო ხელისუფლება მაინც ახერხებდა ფხოველნი თავისი გავლენის ქვეშ მოექცია და საქართველოს ჩრდილოეთი კარი საიმედოდ ჰქონოდა დაცული. უკმაყოფილო ფხოველებს შეიძლება თავად გაელაშქრათ ხელისუფლების წინააღმდეგ, მაგრამ ერთიანად გაწყდებოდნენ და საქართველოს შუაგულისკენ მიმავალ მტერს თავის მიწაზე არ გაატარებდნენ. ქუდზე კაცის დიხახებისას კი, მეფეზე რაც გინდა გამწყრალნი ყოფილიყვნენ. უკლებლივ ცხადდებოდნენ ბრძოლის ველზე, რადგან სამეფო ბეგარა – „ვაშქარ-ნადირობა“ მათი ერთადერთი ხელობა და წმინდა ვალი იყო.

„ნებაყოფლობით ხევისური ერთ მოვალეობას პირნათლად ასრულებდა. ეს მოვალეობა იყო მტერთან ბრძოლა. შეატყობინებდნენ თუ არა, მტერი შე-

მოესია ქვეყანას და გელითო, ხევსური იმ წუთშივე აისხამდა ხმალ-აბჯარსა და მიეშურებოდა ბარისაკენ“. (ვაჟა-ფშაველა)

ისტორიას არ ახსოვს ფხოველთაგან ღალატი. გასაჭირის ჟამს მეფეთა გვერდზე იდგნენ. ხევსურული რჯულით ყველაზე მძიმე სასჯელი – „სამძახის დაკეთა“ – სამშობლოს მოღალატესა და იმას ედებოდა, ვინც ბრძოლაში მტერს ზურგს უჩვენებდა ან ლაშქარში არ გავიდოდა.

XIX ს-ის შუა ხანებშიც კი ა. ზისერმანი და სხვა მკვლევარნი მთის ხალხებს „მეომრულ საზოგადოებებს“ უწოდებდნენ.

ამიტომ იყო, რომ მეფეებს ფხოველნი სხვებისგან გამორჩეულად უყვარდათ, პატივისცემასა და ყურადღებას არ აკლებდნენ. ღიდი იყო ფხოველთა რისხვა და წყრომა, თუ მეფე მათ უყურადღებოდ დატოვებდა, მათ მაგივრად ლაშქარში მეწინავედ სხვას ჩააყენებდა ან ბრძოლაში არ მიუხმობდა. მეფეს უმაღლ მტრად მოეკიდებოდნენ ან ამბოხდებოდნენ.

„ქეშიკად მეფისა, ანუ ღვარდიად არიან აღრიდგანვე დაწესებულნი თუშნი, ხევსურნი და ფშაენი. ესენი არიან მთის კაცნი და ერთგულნი მეფეთანი... ესენი არიან მამაცნი, ერთგულნი... და არა უტკვებენ ესენი სხვათა ღვარდიად მეფეთა, არამედ მსწრაფლ მიილტვიან ამბოხისადმი, უკეთუ სხვათაგან ვინმე დააწესა მეფემან ღვარდიად.“ („ქართლის ცხოვრება“)

ფხოველებს მეფის ლაშქარში განსაკუთრებული ადგილი და დავალება ჰქონდათ. ეს „ფოლადის გეარდია“ საკუთარი სალაშქრო დროებით ცხადდებოდა ბრძოლის ველზე. ბრძოლის ჟამს იშვიათად ემორჩილებოდნენ მეფის სარდლებს და თვით მეფესაც კი უბედავდნენ ამის თქმას: „შენი შენ იცი, მეფეო, ჩვენ ჩვენი გადაგვხდებისა.“ თითოეული მათგანი სარდალიც იყო და რიგითი მეომარიც.

„ქართველ მეფეთ ხევსურები ყოველთვის თან ახლდნენ და ისინი გამორჩეოდნენ არა მხოლოდ მამაცობით, არამედ იმიტაც, რომ დაძახებისთანავე ხევსურები ჩამორბოდნენ მთებიდან და თბილისის კარიბჭეებს იჭერდნენ და ამაგრებდნენ.“ (გენერალი დ. ვაჩნაძე)

„...უფრო სწრაფად აგროვებდა ამ ხალხს ომის ყაენა, საერთო მტრის წინააღმდეგ დაძახებული. მათი სხვა დანარჩენი დრო მიჰქონდა მარტო კაცის ბრძოლას ბუნებასთან და საკუთარ კერა ხასიათ-ვნებებთან...“ (გ. რჩეულიშვილი)

ხევისურთა ლაშქრის წინამძღვარი. „არსიად სჩანს, რომ ხევსურებს ბრძოლებში რაღაც ბელადის მსგავსი, მუდმივი მეთაური ჰყოლოდეთ. თავდაცვისა თუ გალაშქრებისას, ყოველგვარ კონკრეტულ სიტუაციაში, მთავარი მბრძანებელი და მომწოდებელი იყო თვითონ არსებული მდგომარეობა, რომელსაც ყველა მეომარი ემორჩილებოდა და მის შესაბამისად მოქმედებდა. თუ ხატის სახელით არა, ისე არავის ჰქონდა უფლება თავისი განკარგულებები

და სურვილები ეკარნახა მეომრებისათვის. კონკრეტულ სიტუაციაში და გარემოში უკეთესად გარკვეულ მეომარს რჩევა-დარიგებას თვითონვე სთხოვდნენ. სალაშქრო გზისა და ადგილმდებარეობის მცოდნე სახელოვან მეომარსაც თვითონვე ირჩევდნენ ე.წ. „გამძლობარედ“, მაგრამ ეს გამძლობარე არც მბრძანებელი იყო და არც ბრძოლის შედეგებზე პასუხისმგებელი. იგი მხოლოდ გამოცდილი მრჩეველის ფუნქციას ასრულებდა. ცალკეულ კერძო დავალებათა შესრულება კი, მაგალითად, დაზვერვა, თარეშად ჩასვლა და სხვა კენჭის ყრით ხდებოდა. ასე რომ, ხევსური მეომარი რწმენისა და საკუთარი სინდისის მიხედვით მოქმედებდა.“ (დ. გოგოჭური)

ქადაგი - უშაბაპალი ლაშქარისა და საყმოს შორის. საოცარი იყო ფხოველთა საომარი სამზადისი და ლაშქარში გასვლა. ჯაჭვი-იარაღში ჩამჯდარი ხევსურნი, ძველი ბერძნებით ჯერ თავიანთ სალოცავს, უმთავრეს მონაშქრე ღვთაებას, დიდ სახმთოს - გუდანის ჯვარს (წმინდა გიორგი - ბერი ბაადური) შესწირავდნენ სანათლავ-სამეშვლო მსხვერპლს, აბაძდნენ სალაშქრო დროშათ, რომელთაც ასევე „სისხლს უწევდნენ“ (დანათლავდნენ). დასვამდნენ ქადაგს, რომელიც მომავალ ლაშქრობას განჭვრეტდა. „გარნა აქუსთ სასოება ქადაგისა ზედა, რომელი წამოდგების კაცი უცები და ვითარცა ხელქმნილი, და ლაღალებს მრავალსა მაგიურად წმინდისა გიორგისა და რასაც იგი იტყვის სთნავთ და ჯერ ირინენ უმეტეს ჭეშმარიტებისასა.“ (ვახუშტი)

მოუწოდებდა რა ქადაგი ჯვრის სახელით ლაშქრობისკენ, დაარისხებდნენ მოლაღატეს და ზეავივით დაიძვროდნენ მტრისკენ. წინ „გუდანის ჯვარი მიუძღვებოდა, მორიგესაგან ნაბოძებ ბედის ბედაურზე ამხედრებული.“

ქადაგი - ქურუმი სიმღერედ გადასცემდა ჯარს ღვთაების ნება-სურვილს. ქადაგები „ჯვარის ენაზე“ მეტყველებდნენ. „თუ ბრძანებდა ბაადური: „მორიგე ღმერთმა სისხლის შამანი მომაცოლაო“, ან „მორიგე ჯიკვის თავრქანი გადმამაცოლნავ...“ - ძრწოდნენ ხევსურნი იმ წელიწადს, სისხლიანობას ელოდებოდნენ. თუ კი მეინე დაიძახებდა: „ქერ-ოქრონი უკლებარნი გამავიტანე მერიგისგანო“, - კარგი მოსავლის იმედი ჰქონდათ...“ (თ. ოჩიაური)

ქადაგები ჯვრის ნებით აყენებდნენ სალოცავში ხევისბერ-დეკანოზებს, დასტურ-ხელოსნებს, მედროშეს, განსაზღვრავდნენ რელიგიურ დღეობათა კალენდარს.

„ომის დროს ან მტრის შემოსევისას, ხალხის სარდლობა ეკისრებოდა მთავარი ხატის დეკანოზს.“ (გ. თედორაძე)

„ძველად ფშავ-ხევსურნი, როდესაც სალაშქროდ გაემზადებოდნენ, ოთხ დროშას ძიბარძანებდნენ ბზინანაში (მალაროს კარში) ლაშარის ჯვრის, გუდანის ჯვრის, კარატის ჯვრის და ჭაჭმატის ჯვრისას... მათ სწამდათ, რომ აქ

გაქადაგებული ხევისერის პირით რასაც გამოუცხადებდნენ დროშის მყოლი ჯვრების ანგელოზები, იქითკენ წავიდოდნენ...“ (ივ. ხორნაული)

ს. მაკალათიას მიხედვით, „ომისა და ლაშქრობის ჟამს თუშეთში იწვევდნენ ხახმატის დეკანოზებს, რომლებიც ლაშქარს თურმე წინ უძღოდნენ.“

სცოდნიათ ერთდროულად რამდენიმე ქადაგის დასმაც: „სამი დასვიან ქადაგი...“

მისწობა (ხსოვნა მთა მობანოშვი). ქადაგ-მკითხავთა გარდა, რომელნიც მორიგეს ნება-სურვილს გადასცემდნენ საყმოს, ხევსურებმა იცოდნენ ცხოველთა სხვადასხვა ორგანოებზე მკითხაობაც. განსაკუთრებით მნიშვნელოვანია ბეჭზე მკითხაობა. ბეჭზე, უფრო თიკნისაზე, მისანი ამოიცნობდა სიკვდილს, დაბადებას, ზარალს, სარგებელს, მტრის მოსალოდნენ გამოლაშქრებას – „მთის გატეხას“, ნადავლის გატაცებას და ა.შ. მკითხაობდნენ აგრეთვე ცხოველის არჭინაზე (ელენთა), რომლითაც უფრო მოსალოდნელ დარავერიანობას შეიტყობდნენ.

ცხოველთა ორგანოებით (ღვიძლი, გული, ფილტვი) მკითხაობდნენ ძველ ბერძენთა ქურუმებიც. ღვთაებისადმი მსხვერპლშეწირვის შემდეგ ცხოველის ორგანოთა ფორმებით განსაზღვრავდნენ მომავალს.

სამსურთა დროშა. ხევსურები მეფის ლაშქარში არა რომელიმე გამგებელი ერისთავ-მოურავის (საერისთაოს) დროშით გამოდიოდნენ, არამედ საკუთარი „სალაშქრო დროშით“. ეს დროშა გუდანის ჯვარში ინახებოდა და მას მეორენაორად „ბორაყსაც“ უწოდებდნენ. საერთოდ ხევსურეთის ჯვრებში დროშები სამი სახის იყო: „მოლაშქრე დროშა“, „მგ ზაერი დროშა“ და „სამწყალობო-სამრისხველო დროშა“. სალაშქრო დროშის „აბძანება“ გუდანის ჯვრის ნება-სურვილზე იყო დამოკიდებული. დანარჩენი დროშები კი ხევსურეთის ყველა თემ-სოფლის ჯვრებს საკუთარი ჰქონდა და დღეობების დროს ხდებოდა მათი აბმა.

ფსოველთა სალაშქრო დროშა „თეთრი“, „წითლის ატლასის“, „წითელ-ყვითელი“ ფერის ალმებისგან შედგებოდა. ვერცხლით მოჭედილი, წმინდა ხისგან (იფნისგან) დამზადებულ, ორნამენტირებულ ტარს თავზე ვერცხლის „სფერო“ ჰქონდა დამაგრებული, რომელიც შუბით ან ჯვრით ბოლოვდებოდა. დროშის ტარი, ზარი და ფერადი ალმები ცალ-ცალკე ინახებოდა და საჭიროების ჟამს ხდებოდა მათი აბმა („აშენება, „შეკაზმვა“).

ისტორიული წყაროების მიხედვით, თამარ მეფის დროშასაც ჯვარი ჰქონდა თავზე დამაგრებული. საერთოდ, როგორც წესი, ქართველ მეფეთა დროშებს ალამი მიღურსმული კი არ ჰქონდა, არამედ შებმული. „აბეს დროშა სვიანად ცხებული“, „დიდი დროშა ააბან“, – წერენ მემამტიანენი. ამასთანავე,

აძირსპასხლარს დროშასთან ერთად ხელში აუცილებლად უნდა სჭეროდა ლომისთავიანი არგანი. ხევსურ მედროშე-ხევისბერს დროშა მარჯვენა მხარზე ჰქონდა გადებული, მარცხენა ხელში კი აუცილებლად რიტუალური ყავარჯენი ეჭრა. ყავარჯენები მხოლოდ ცენტრალურ ჯვრებს ჰქონდა და დროშის ტარებთან ერთად ინახებოდა.

ხევსურული დროშა-შუბი ზოგჯერ მახვილდაც გამოიყენებოდა. (ვეროპელ რაინდთა ძირითადი იარაღი შუბი, რომელიც ლაშქრობისას მარჯვენა მხარზე ჰქონდათ გადებული, მზადდებოდა იფნის ხისგან და რკინის ბუნიკთან პატარა ალამსაც ამაგრებდნენ, რომელსაც პრაქტიკული დანიშნულება ჰქონოდა: შუბი ღრმად არ შეჭრილიყო მოწინააღმდეგის სხეულში.)

ხევსურთა სალაშქრო დროშა-ბორაყი „გაჟეკაურა“ ახლაც გუდანის ჯვარში ინახება. („გაჟეკაურა“ მცირე ზომის, მწკეპრი ხმის მქონე ზარ-ზან-ზალაკს ჰქვია, რომელსაც დროშას ააბამენ აღმებთან ერთად. დროშისთვის ზარიც ისეთივე აუცილებელი ატრიბუტია, როგორც ალამი.) სშირად დროშაზე აბმული ზარის ხმა წინასწარ განსაზღვრავდა მოლაშქრეთა წარმატება-წარუმატებლობას. გადმოცემით ეს დროშა და ზარი „ქაჯავეთური განძის“ ნაწილია.

ჯვრის დროშა („დროშანი“) წმინდა, საკრალურ საგანს წარმოადგენს და მას მხოლოდ საგანგებო განწმენდისა და რიტუალის ჩატარების შემდეგ „ჰკადრებენ ხელს“ და ისიც მხოლოდ ჯვრის ყმა-ხელოსანი, რომელსაც „სახელო“ აქვს გაკეთებული და, ამავე დროს, განძის მცველიც არის.

სალაშქროდ გამართული ხევსურნი დროშის ტარზე „ჭკდეს“ დასვამდნენ: „ასე ამოვარდეს ჩემი გვარი, როგორც ეს ჭკდე ამოვარდა, თუ მე მტერს ზურგი ვუჩვენო.“

საბედისწერო ბრძოლებში გმირულად დახოცილ ხევსურებთან ერთად უთუოდ დროშასაც მოიხსენიებდნენ. განსაკუთრებით სამწუხარო იყო დროშის დაკარგვა: „ვაუებო, საწყინარია დარჩომა ბორაყისაო, აღარ ზვიოდას დროშაი, ლალის გუდანის ჯვრისაო.“ ან „ღმერთმა იცოდის, მეწყინა სიკვდილი ერეკლისაო, დარჩომა ნაროვანზედა მედროშე ბლარაისაო...“ – დროშის დაკარგვა მეფის სიკვდილის ტოლფასია.

ბარდაველიძის მიხედვით, მთიულთ- დროშა გენეტიკურად ხის კულტს უკავშირდება. აღმართული დროშა, რომელიც ზედაც ფერადი სამკადრეოები – აღმები მხოლოდ ერთი კუთხით მაგრდება და, დახრილტიოტიანი ხის სიმბოლოს წარმოადგენდა. ზანსალაკი და შუბი: ზეციური ხმის, ჭეკა-ქუხილის სიმბოლოები იყო. ჯვრიანი ბურთულა კი სხივმყენ მნათობს განასახიერებდა).

ლაშქრობა-მამოპრობა. მთაში ჩვეულებრივ მოვლენას წარმოადგენდა სხვადასხვა ტომებს შორის ურთიერთთავდასხმები ნადავლის მოპოვებისა

და სამაგიეროს გადახდის მიზნით, თუმცა მათ მცირე მასშტაბები ჰქონდა და ცდილობდნენ სისხლიც ნაკლები დაღვრილიყო, რადგან სისხლს ხანგრძლივი საგვარეულო მტრობა მოჰყვებოდა ხოლმე. ხევსურები მომხვდურებსაც ხვდებოდნენ და თავადაც ესხმოდნენ. სახელის მოპოვებისა და არსებობისთვის ყოველგვარ საშუალებას იყენებდნენ: მზირობდნენ, მეკობრობდნენ, თარეშობდნენ, ქურდობდნენ, ძალმომრეობდნენ ერთმანეთზე. „ბევრ ლაშქრობას... სწორედ უმიწაწყლობით გამოწვეული მდგომარეობა აქვს საფუძვლად, ლაშქრობამ უნდა შემოსავალი მისცეს, ქონება შექმატოს, ეკონომიურად გაამდიდროს, შეუვსოს ის ნაკლი, რომელსაც მესაქონლეობა და ხენა-თესვა არ აძლევს.“ (აკ. შანიძე). ამას გარდა – „ცარცვა და თავდასხმა რომ არ ყოფილიყო, მთიელი სიცოცხლეს სიცოცხლედ არ ჩათვლიდა. ეს არის მისი პოეზია, ლაზათი მისი არსებობისა...“ (ს. მეჩი)

„აქაური თავდასხმები ეწყობოდა თუმცა მარტივი, მაგრამ ადგილობრივი რელიეფური პირობების შესაბამისად, საკმაოდ გონივრულად გააზრებული „სტრატეგიულ-ტაქტიკური“ გეგმის მიხედვით. ჩამოყალიბდა სპეციალური ტერმინოლოგია: „ველობა“, „ჯარი“, „მეკობარი“, „დაზვერი“, „მზირი“, „მეწვერე“, „თარეში“, „მებაკე“, „საბაკე“. (გ. ცოცანიძე)

მოუთმენლად ელოდნენ ხევსურნი გაზაფხულის დადგომას: „რახან გაზაფხულ მავიდას, მარტია ველად გაგვივა“-ო, ამობდნენ და სწუხდნენ ჭორმეშიონი ქალები. შუა საუკუნეების ევროპულ კალენდარზე გაზაფხულის თვეს, მაისს საომრად აღჭურვილი მხედრის სახით გამოხატავდნენ. „ველობა“ და ლაშქრობა-ფათერაკები იყო ევროპულ რაინდთა პროფესია. მშვიდობას ვერ ეგუებოდნენ. ბრძოლა მათთვის შემოსავლის წყაროც იყო. თუმცა რაინდთა ხასიათი უფრო იმპულსური იყო, ყაირათიანი ცხოვრება მანცაღამანც არ იზიდავდათ და აცხადებდნენ: „დასაგროვებლად კი არ ვიტაცებ, დასარიგებლადო.“ ასევე ათქმევინებს ვაჟა-ფშაველა ქისტების რისხვას – ვირჩლა ბაბურაულს ჯვარში ნადავლის განაწილებისას. იმ დროის ევროპელი მგოსნებიც ხოტბას ასხამდნენ რაინდთა მიერ ჩადენილ გმირობებს. ლეგენდებით ამკობდნენ მათ მახვილებს, რომელთაც პატრონები, ხევსურთა დარად, სახელებს არქმევდნენ და შთამომავლებს გადასცემდნენ.

ნადავლის განაწილება და ჯილდოები. „თემის მესვეურნი და ხატის მსახურნი დასჯისა თუ წახალისების სხვადასხვა საშუალებებს იყენებდნენ. ხალხის საბრძოლო სულისკვეთების შენარჩუნებისა და განმტკიცებისთვის ჯილდოს თავისებურ სახეს წარმოადგენდა: საკარგყმო, სალოცავი, პატივი, საგვარამეტო და სხვა. ზემოქმედების ერთ-ერთი ძლიერი საშუალება იყო პოეტური სიტყვა – ლექსი, რომელშიც ფასდებოდა როგორც პიროვნება, ისე

მთელი გვარის მოქმედება. მათი ღირსება და დამსახურება თაობიდან თაობას გადაეცემოდა.“ (გ. არაბული)

მეფის ლაშქარში წარმოჩენილი ხევსურნი თავისი სურვილით ძირითადად ნადავლს, იარაღს იღებდნენ, თუმცა მეფეები სიგელებს, წყალობის ქაღალდებსა და ბარში მამულებსაც უბოძებდნენ ხოლმე.

ლაშქრობა-მეკოპრობით მოპოვებულ ნადავლს კი ხევსურები სამ ნაწილად ყოფდნენ: ერთი ნაწილი მოლაშქრე ჯვარს ეწირებოდა, მეორე – მეფის მოურავს ეგ ზაენებოდა, მესამეს კი თავად ლაშქარი ინაწილებდა. (მეფის ლაშქარში ხევსურნი გუდანის ჯვარის დროშით გადიოდნენ, მეზობელ თემებზე ლაშქრობა სათემო ჯვრების დროშებით ხდებოდა.)

ნადავლი ყველა მოლაშქრეზე თანაბრად ნაწილდებოდა. ზოგჯერ კი „გამძლობარეს“ ეძლეოდა „სამეტო“ – ძვირფასი რაიმე ნადავლიდან (ხმალი, ხარი...). ხოლო მეომარს, რომელიც ბრძოლაში განსაკუთრებულ სიმამაცეს გამოავლენდა, „ჯარზე“ სათავეში დასვამდნენ და „საკარგყმოს“ დაუდგამდნენ. ეს რიტუალი გუდანის ჯვარში სრულდებოდა, სადაც სახელიან ხევსურებს საკუთარი „საკარგყმო სკამიც“ ედგათ.

საკარგყმოები გმირის სიკვდილის შემდეგაც ეძლეოდათ მის შთამომავლებსა თუ გვარს.

ბრძოლაში გმირულად დაღუპულის პატივის მისაგებად ჯვარში ლუდიან ჩხუტას დალოცავდნენ მოკლულის სულის მოსახსენიებლად. ეს ჩხუტაც გმირის ახლობლებს ეძლეოდა. სცოდნიათ ვერცხლით მორთული „ჯვარის ყალიონის“ გაწყობა და ცეცხლის დაგზება (დანთება), რომელთაც აგრეთვე გმირის სულისთვის დალოცავდნენ. ბოლოს კი „ჯვარის ფანდურს“ მოიტანდნენ და იტყოდნენ გმირის სადიდებელ სიმღერას.

ამას გარდა, სოფლისთვის სამაგალითო საქმის მოქმედი კაცისა თუ ქალისთვის, თავშეყრის დროს იცოდნენ „პატივის მიტანა“ – ტაბლაზე სახალხოდ დაუდგამდნენ ლულიან საწდეს, რომელსაც ადრესატი თავისი ნებით დახარჯავდა.

სახელმწიფო ბეზარა-ბაღასახაღი. ფხოველთა ამბოხის ერთ-ერთი უმთავრესი მიზეზი ხელისუფლების მიერ ხარკის დამძიმება იყო. ელინისტური ხანიდან ფხოველნი მოსახლეობის იმ ფკაას ეკუთვნოდნენ, რომელთაც „ერი“ ერქვა. ეს იყო დამოუკიდებელ ტერიტორიულ თემებში გაერთიანებული თავისუფალი მოსახლეობა, რომელიც მიწას თავისი ნყით ამუშავებდა, ეწეოდა მესაქონლეობას და სახელმწიფო ლაშქრის ძირითად ბირთვის შეადგენდა. ისინი ვალდებულნი იყვნენ ემსახურათ „სიკვდილითა, სისხლის დათხვეითა...“ ამ სახელმწიფო ხარკს „ლაშქარ-ნადირობა“ ეწოდებოდა. როგორც ჩანს, შუა საუკუნეებიდან, მათში ქრისტიანობის ძალით გაავრცელების

ხანაში, ფხოველნი დაბეგრეს „კიდევ სხვა რიგის სამსახურით“, რასაც ცხვრისა და საქონლის სახით იხდიდნენ. მოგვიანებით კი ამას ზედ დაერთო დამპყრობელთათვის „სათათროს“ („ყალანის“) გამოღება, საიდანაც დღემდე შემორჩა ფშავ-ხევსურეთში ძროხის სახელი „ზონთქარა“ და „საყეინოს“ რიტუალი.

სახელმწიფო ბეგარა-გადასახადს ფხოველნი ძირითადად ჯვრის საბეგარი ადგილებიდან შემოსული „საბალახე“ შემოსავლით ისტუმრებდნენ. ამ საქმეს გუდანის, ხახმატისა და კარატის ჯვრები აგვარებდნენ. ამ პროცესების დარეგულირება ერთობ რთული იყო. ღარიბი მთიელები, რომლებსაც გადასახადის გადახდა არ შეეძლოთ ან არ სურდათ, ჯანყდებოდნენ, მეზობლებს თავს ესხმოდნენ, მეკოპრეობდნენ და თავის მხრივაც მცირედ ბეგარას ადებდნენ ძლეულთ, რათა თავიც ერჩინათ, სახელმწიფო გადასახადიც გადაეხადათ და სახელიც მოეხვეჭათ. (ცნობილია თუხაკ ჩუჩაყეურისა და ჳირჩლა ბაბურაულის მიერ მითხოვლი ქისტებისთვის დადებული ბეგარა. ასევე, ქისტ აჳვათ მიერ ხევსურთათვის დადებული ბეგარა.)

მეფე ფარნავაზი და ფხოველნი

ძველი წელთაღრიცხვის VI-VI სს-ში ჯერ მიდიელთა, შემდეგ სპარსთა და ბერძენთა მომძლავრების შედეგად, საჭირო ხდება აღმოსავლეთ ქართველური ტომების გაერთიანება ერთ სახელმწიფოდ.

მომხვდურებთან ბრძოლაში მოკლეს მცხეთის მამასახლისი სამარა. მისი ძმისწული ფარნავაზი დედამ კავკასიის მთიანეთში გახიზნა. დავაჟაკებულმა ფარნავაზმა, რომელიც ძურძუკებსა და ფხოველებს შორის იზრდებოდა, სიძე იყო ძურძუკებისა და შვილსაც ქისტური სახელი – საურმაგი დაარქვა, დამპყრობელთა წინააღმდეგ ქართველი მთიელები, დაქირავებული ოსები და დიდოელები გამოიყვანა.

მანამდე კი ითხზებდა ანდრეზები „სანადიროდ მყოფი“ ფარნავაზის მიერ საიდუმლო გამოქვაბულში განძის აღმოჩენისა და ამ განძით ქართლის სახელმწიფოსთვის საძირკელის ჩაყრისა. ეს ანდრეზები გვიანობამდე გაჳყვება ხევსურთა ისტორიას. სახელმწიფოს ფუძემდებლის, „ობოლი ფარნავაზის“ ლეგენდების პარალელურად თხზავენ ხევსურნი ხევსურეთის აუთვისებელ მიწებზე მოსული მონადირეების, ზთონურ გამოქვაბულებში მოპოვებული განძის საფუძველზე ჯვარ-ხატთა დამაარსებელ პიროვნებათა ანდრეზებს.

„ობლობით ამოზრდილი ბაგრატიონთა ნაბიჳვარი“ თორღვა ძაგანისძე ნადირობის დროს „თეთრ ჯიხვსა“ თუ „თეთრმხრიან ყორანს“ გაუღევნება,

გამოქვაბულში ჩავარდება, სადაც „ძმობილი ვეშაპი“ ძვირფას თვალსა და მცურავ ჯაჭვს ანუქებს („მცურავ ჯაჭვს“ პარალელები აქვს აგრეთვე ვახტანგ გორგასლის სასწაულებრივ ჯაჭვთან და თვით ნადირობასთან დაკავშირებული თბილისის დაარსების ლეგენდაც საყურადღებო ფაქტია.) სანადიროდ მყოფი თორღვა აღმოაჩენს თბილ სამკურნალო წყაროს და თუშ-ფშავ ხევსურეთში საფუძველს უყრის ძლიერ საერისთაოს. ლეგენდის მიხედვით, ფარნავაზი მზის სხივს გამოჰყავს გამოქვაბულიდან. ხევსურული ანდრეზებითაც „ჯვარის მკადრე“ ირეალური სამყაროდან გამოსვლისას, საიდანაც განძი გამოაქვს, შუქის სვეტს გამოჰყავს. ჯვარ-ხთიშვილნი ნაპოვნი განძის საფუძველზე მოიპოვებენ მამულებსა და ყმებს. თანდათანობით ყალიბდება ეთნიკური კუთხე-ერთეული მისთვის დამახასიათებელი ყოფით, სარწმუნოებით, ტრადიციებითა და საზღვრებით. მომავალი ხუცეს-დეკანოზნი სიზმრებში ეზიარებიან კულტმსახურების ფორმებსა და სახუცო ტექსტებს, ისევე, როგორც ფარნავაზს ეზმანა მომავალი გაძლოდა ერისა და ღვთისა.

ძვ.წ. III ს-დან ქართლ-იბერიის სამეფო დიდ სიძლიერეს აღწევს. მისი ჩრდილოეთი საზღვარი კავკასიონის გადაღმა გადის და პოლიტიკური გავლენა ჩრდილო-კავკასიულ მთიელებზეც ვრცელდება. მეფე ფარნავაზი, რომელიც უმნიშვნელოვანეს რეფორმებს ატარებს ქართველი ერის ჩამოყალიბებისთვის, საქართველოს ტერიტორიაზე მდგარი ტომებისთვის ძირითადად ენად ქართულს ამკვიდრებს და უმთავრეს ღვთაებად თავის მოსახელე „არმაზს“ აარსებს. ამ დროისთვის ფხოვეში უკვე მტკიცედ არიან დამკვიდრებული ქართველური გვარები, რომელნიც სამეფო ხელისუფლების დასაყრდენ ძალას წარმოადგენენ.

„აღმოსავლეთ ქართული სახელმწიფოს – ქართლის (იბერიის) სამეფოს წარმოქმნას (ძვ.წ. VI ს.) დიდი მნიშვნელობა ჰქონდა აღმოსავლეთ ქართული ეროვნების ჩამოყალიბების საქმეში. ქართლის ძლიერი სახელმწიფოებრივი წარმოქმნის სათავეში ქართველი იდგნენ, რომლებმაც სწრაფი ტემპით დაიწყეს ქართლში შემავალი არაქართული ტომების ასიმილაცია. ეს პროცესი მთიან რაიონებსაც სწვდებოდა, თუმცა მთა დიდხანს ინარჩუნებდა თავის თავისებურებებს.“ (ნ. ასათიანი)

ფარნავაზის დროის ღმთააზვანნი ფხოვეში. საქართველოს პირველმა მეფემ თავი ღვთაებად გამოაცხადა და ზ: აზე ჰოსახელე კერპი – „არმაზი“ აღმართა. („არმაზი“ ხეთურიდან მოდის – ჰთვარე ღვთაეკა.) ძველ ხალხებში მნათობებსა და მთას განსაკუთრებული ადგილი ეჭირა. მთა იყო არა მარტო ღვთაების სამყოფელი, არაჲ: ღვთაებად განსახიერებდა ღვთაებას, ხოლო მთვარე და მზე უმთავრეს ღვთაებად მიაჩნდათ. ხეთების მეფე თავის თავს „ჩემ მზეს“ უწოდებდა. „დიდება მზესა, მზის მყოლთ არგელოზთა...“ – ასე იწყებს დღესაც ხევსური ხევისბერი ჯვართა სადილებელს.

მზე-ლეთაებას ძველი ხალხები ცხენებს სწირავდნენ. ხევსურეთში საჩალეს მთას, უძველეს სალოცავს – „პირიმზეს“ (გიორგი ოქროსმშვილდიანო, „საჩალეს სვეტად ჩამოსულო, სამკიბალ შუქის დამკრავო...“) ფხოველნი „ზღვენ-კურეტად ჩლიქმირგვალთ“ – ცხენებს სწირავდნენ.

ხევსურთა წარმოდგენით მთის მწვერვალები ხთიშვილთა სამყოფელია, სადაც ისინი „ციდან სინათლის სვეტად ჩამოვიდნენ“ და სადაც „შუქი დაჰკრეს“, ხალხმა სალოცავ ადგილად აქცია.

სავარაუდოა, რომ არმაზის, კერპის აღმართვამდე ქართლში და, მათ შორის, ფხოველში ფარნავაზის რელიგიას საფუძველი უკვე ჰქონდა.

მემატიანეთა ცნობით, ქართველები ქრისტიანობამდე „მთათა მაღალთა თაყუანისცემდეს“, „ცეცხლსა და ქუათა და ძელთა თაყუანისცემდეს.“ „ცა-სა... მზესა... მთვარესა... მფრინველთა... მკეცთა და ნადირთა და ხეთა...“ მსახურებდნენ. მათი ძველი ღმერთები იყვნენ „ღმერთნი ღიდთა ნაყოფთა მომცემელნი და სოფლისა მპყრობელნი, მზის მომფენელნი და წვიმის მომცემელნი...“ ქართველთა ქრისტიანობამდელი რწმენის შესახებ მემატიანის ნათქვამი სიტყვები დღესაც მეორდება ხევსურული სახუცო ტექსტების პირველ ნაწილში, როცა რიტუალის დროს ხუცესი-ხევისბერი „ჯვართ გაადიდებს“.

ძველი ქართველნი და მათ შორის ფხოველნი უპირველეს ღეთაებად, როგორც ხევსური იტყვის, „ქვეყნიერების გამჩენ, მორიგე ღმერთს“ მიიჩნევდნენ. მემატიანე აღნიშნავს, რომ ქართველნი მნათობთა და სხვათა თაყუანისცემამდე აღიარებდნენ „ღამბადებელ ღმერთს“, რომელიც ერთხანს დაუვიწყებიათ, – „დაივიწყეს ღმერთი და მბადებელი მათი და იქმნეს მსახური მზისა და მთოვარისა და ვარსკულათა სხუათა“, მაგრამ ფარნავაზის მეფობის დროს კვლავ აღუდგენიათ „ღმერთი და მბადებელი ყოვლისა.“

ფხოველთა ღამშრობანი სამხრეთ-დასავლეთ საქართველოში („მაჯაჰეთის ღამშრობა“). ფარნავაზის დროს ფხოველი ძლიერ მხარეს წარმოადგენს. „მაშინ მქონდა ძალი და შამლება, როცა ჩლიქმირგვალნი ზღენად მომიდიოდარ“, – ამბობენ იმ დროის ფხოველთა ღეთაებანი. ფხოველნი მონაწილეობას ღებულობდნენ მეფე ფარნავაზის მიერ საქართველოს გაერთიანებისთვის გამართულ ბრძოლებში. მეფის მიერ იბერიელთა ძლევამოსილი ღამშრობანი სამხრეთ-დასავლეთ საქართველოში: კლარჯეთს, არტანუჯს, ეგრისს, ნიქალაქებს, რომელნიც „იპყრა კეთილად“, ხელთ იგდო „სიმდიდრე გარდარეული“ და „ხუასტაგი აზონისაცა“ მრავალი, ასახულია ხევსურულ ხთიშვილთა მიერ „ქაჯეთის დაღამქერის“ ანდრეხებში.

მოგვიანებით ხევსურ მთქმელებს ფარნავაზის დროინდელი ღამშრობანი ჩრდილოკავკასიელ ტომებთან ბრძოლების ამბებთან („ღიდი დიდოეთის გაბეგერისა“ და „მაისტის გატეხის“ ანდრეხები) დაუკავშირებიათ. ჩანს ვახტანგ გორგასლის ჩრდილოეთ კავკასიის მთიელებთან ღამშრობათა კვალიც.

„ქაჯავეთური განძი“ და ნახირი ფხოველებს სამხრეთთან უფრო უნდა აკავშირებდეს, ვიდრე ჩრდილოეთთან. ლაშქრისთვის „წყლის მოწყურების“ ამბავიც სამხრეთში უნდა მომხდარიყო და არა კავკასიის მთიანეთის წყალუხვ ხეობებში. გადამწყვეტი ბრძოლა არტანთან გაიმართა, სადაც ფარნავაზმა დაამარცხა კლარჯეთის მფლობელი აზონი. არტანს, მემატინის ცნობით, „ერთ-ქუა ქაჯთა ქალაქი“. (კლარჯეთი-ქაჯეთი, კლარჯნი - ქაჯნი.)

მავანთი განძი. განძი, რომელიც ფხოველებმა დავლა-ალაფში წამოიღეს, არის სარწმუნოებისა და ყოფისთვის საჭირო და აუცილებელი საგნები: „ზარი“, „დროშა“, „თასი“, „ჯაჯვ-საკიდელი“ „ფანდური“, „მშვილდი“, „სალესველი“, „სასწორ-საწყაო“, „გრდემლი“, „მარწუხი“, „კვერი“, „სამართებელი“... ყოველივე ამას ხთიშვილნი თანაბრად ინაწილებენ. ამას გარდა, მოკვავთ ტყვე ქალები (დობილები), რათა ღვთაებისთვის შესაწირი ქადა-პურების დამზადება ისწავლონ (?). არმაზისთვის ძირითადი შესაწირი ხომ პური იყო. ცენტრალურ ჯვრებში გვიანობამდე შემორჩენილი „ჯვარის დიასახლისის“ კულტი აქედან უნდა მოდიოდეს.

მოკვავთ აგრეთვე ნახირი (ხუასტაგი). არისტოტელე წერდა, რომ ფასიდზე არის პატარა ტანის ძროხები, რომელთაგან თითოეული ბევრ რძეს იძლევაო. მკვლევართა აზრით არისტოტელეს ნახსენები ქართული ძროხა ჭრელი, პატარა ტანისა, დღევანდელი „ხევსურული ძროხის“ წინაპარია.

და რაც მთავარია, ფხოველებს სამჭედლო იარაღებთან ერთად „ქაჯავეთიდან“ მოკვავთ ტყვე მჭედლებიც, რომელნიც ხანგრძლივი დროის მანძილზე მჭედლობის საქმეს საიდუმლოდ ინახავენ. ფხოველთაგან განსხვავებული ტრადიციების მატარებელნი, მოგვიანებით „დეე-კერაებად“ არიან მოხსენიებულნი. ცხოვრობენ რა ფხოველთა შორის, თავის სადგომებში სამჭედლოები აქვთ გამართული, მეგობრობენ და მტრობენ კიდევ მეზობლებთან. უყვართ ლუდი (ბერძენთაგან საქართველოში „ქერის ღვინოდ“ წოდებული), რომელიც ფხოველებს ასევე საპირთიდან უნდა აქონდეთ შემოტანილი.

მოგვიანებით, როდესაც დავით აღმაშენებელმა სამჭედლო ცენტრები მთებიდან დიდ ქალაქებში გადაიტანა, მჭედლობის მესაიდუმლე გვარებიც ნელ-ნელა ქრებიან ფხოვიდან. თუმცა ხევსურული ხთიშვილნი გვიანობამდე მოითხოვენ მჭედლებს და მოკვავთ ისინი ხვადასხვა მხრიდან და, როგორც „ჯვარის დაჭერილი“, სამუდამოდ სახლდებიან ამა თუ იმ აოფელში.

მეფე საპრმაზი და შხ. ივანე (მამასკინანების წამსახურება). მეფე ფარნავაზის მემკვიდრეს საურმაგ მეფეს (ძვ. წ. III ს.) უკმაყოფილო ერისთავები განუდგნენ და ბრძოლა გამოუცხადეს. საურმაგმა მუამხოხე ერისთავთა წინააღმდეგ „კავკასიანები“ გამოიყვანა, რომელნიც ხაზართაგან შე-

ვიწროვებულნი საქართველოსკენ ილტვოდნენ. მეფემ წესრიგი დაამყარა და ჩრდილოეთ კავკასიელი მთიელები საქართველოს მთებში ჩამოასახლა: „განმრავლებულ ყვნა დურძუკნი, ნათესავნი კავკასიანნი... ვერვინ წინ აღუდგა მას... და მოსრნა განდგომილნი მისნი...“ „წარმოიყუანნა ყოველთა კავკასიის ნათესავთა ნახევარნი და რომელნიმე მათგანნი წარმოჩინებულ ყუნა და სხვანი დასხნა მთიულეთს.“

როგორც ჩანს, მეფე საურმაგის წინააღმდეგ მოწყობილ ამბოხებაში იბერიის მთიელებსა და მათ შორის ფხოველთაც უნდა მიეღოთ მონაწილეობა. ფხოველთა ამბოხის მიზეზი მეფე ფარნავაზის მიერ მთიანეთში გატარებული მკაცრი რეფორმები უნდა ყოფილიყო.

საურმაგი კავკასიანებს, თავისი დედის ძმებს მეაზხოხეთა შორის, ფხოვში ასახლებს. ფხოვის ქართველურ ტომებში ფეხს იკიდებს ბაცბურ-ნახური ელემენტი. მკვლევართა მიერ გამოთქმულია მოსაზრება, რომ ხევსურეთის ტერიტორიაზე ერთ დროს მდგარი „კიკვოზაურების“ („კავკაზაურების“) ძლიერი გვარები, რომლებიც გუდანის ჯვრის ყმათა წინააღმდეგ ილაშქრებენ და ბოლოს რაღაც მიზეზის გამო ქრებიან („ჯვარი ათავენს“), საურმაგ მეფის მიერ ჩამოსახლებულ კავკასიანთა შთამომავლები უნდა ყოფილიყვნენ.

მირვან მუჟი ჯმუნის კაპასიანებს და იმორიძეებს კაპასიის ჰომილუმს. კავკასიანთა გადმოსვლა და დამკვიდრება საქართველოს მთიანეთში საურმაგის შემდეგაც გრძელდებოდა. თითქმის ჩვეულებრივი მოვლენა იყო ჩრდილოეთ კავკასიის მთისპირეთში მცხოვრებთა ლტოლვა ქედის სამხრეთისკენ.

ფხოვში ჩამოსახლებული მოსახლეობა ავიწროვებდა ადგილობრივ მკვიდრთ და მათ შორის ყოველთვის ბრძოლა-შუღლი სუფევდა. ერთხანს აღზევებულან კიდეც კავკასიანნი და მეფე მირვანს გაულაშქრია გადამთიელთა წინააღმდეგ (ძვ.წ. II ს.), კავკასიონის იქით გადაურეკავს გაორგულებული ძურძუკები, რომელთაც „დაივიწყეს სიყუარული ფარნავაზისი და საურმაგისი: და გაერთნეს თანა ჭართალთასა მსხდომნი კავკასიანნი მოტყუენეს კახეთი და ბაზალეთი. მაშინ მირვან მეფემ მოუწოდა ყოველთა ერისთავთა ქართლისათა და შემოიკრიბნა ყოველნი სპანი...“

მირვანმა შეაბა კარნი ჩრდილოეთ საზღვართ და „ქმნა სიმაგრე ხაჩართა და ოვსთათვის“. იმ დროიდან შემორჩა ფხოვის ტერიტორიაზე ნახურ-ბაცბური ტოპონიმები.

ამ ხანებში ქართლის მეფეთა ყურადღება განსაკუთრებით გამახვილებულია ჩრდილოეთ კავკასიაში გამავალ გზათა და ხეუთა ხელში ჩასაგდებად. 162-112 წ.წ. (ძვ.წ.) მეფე მირვანმა დაიმორჩილა კავკასიის მთიანეთი. ხელთ იგდო დარიალანი და ჩრდილოეთთან დამაკავშირებელი ყველა გზა-ბილიკი.

მეფემ ადგილობრივი მკვიდრნი დააყენა მცველებად ჰუნების, პაჭანიკების, ხაზარების და სხვათა შემოსევების მოსაგერიებლად.

მოგვიანებით მეფე ამაზას კარსმანის ძეს (III ს.) კავკასიის მთიანეთში, „არავის ამიერ და იმიერ“ ათი ათასი მხედარი განუმწესებია საზღვრების გასამაგრებლად. „ქართლის სამეფოსთვის მეზობელ მთიანეთზე გაბატონებას სასიცოცხლო მნიშვნელობა ჰქონდა. მხოლოდ ასეთ შემთხვევაში შეეძლო მას ჩრდილო კავკასიიდან სამხრეთში გადმომავალი გზების... გამაგრება და დაცვა. ამით ქართლის მმართველები დაიცავდნენ თავის მიწა-წყალს ჩრდილო კავკასიაში და რუსეთის ველებზე მცხოვრები მრავალი მომთაბარე ტომის შემოსევისაგან. კიდევ უფრო მეტი, რაკი კავკასიონის გადმოსასვლელები მათ ხელში ექნებოდათ, საშუალება ეძლეოდათ, საჭიროების ჟამს შემოეშვათ ჩრდილოეთის ეს მეომარი ტომები და გამოეყენებინათ ისინი თავისი მტრების წინააღმდეგ ბრძოლაში... ქართლის მმართველებს იმიერკავკასიის ტომები ზოგჯერ მარტო დროებით კი არ გადმოჰყავდათ ამა თუ იმ მტრებთან ბრძოლის მიზნით, არამედ გადმოჰყავდათ სამუდამოდ და თავის მიწა-წყალზე ასახლებდნენ.“ (გ. მელიქიშვილი)

ფხოველები იპსაზა იფოის ბავლანის ძემ. ფხოველებზე უკვე მტკიცედ ვრცელდება სამეფო ხელისუფლების გავლენა და როგორც მეფის „უნჯი ყმა-ნი“ გარკვეული შეღავათებითაც სარგებლობენ.

„უკვე ძვ.წ. III ს-დან აღმოსავლეთ საქართველოს მთიანეთი ქართლის მეფეებმა თავიანთი დამოკიდებულების ქვეშ მოაქციეს, თუმცა ეს დამოკიდებულება ძირითადად გამოიხატებოდა მხოლოდ ხარკის გადახდაში და სამხედრო დახმარებაში.“ (ნ. ასათიანი)

მაგრამ შესუსტდებოდა თუ არა სამეფო კარის გავლენა, მთიელნი ან ერთმანეთს დაერეოდნენ, ან კოშკებში იკეტებოდნენ და დაუმორჩილებლობას უცხადებდნენ ხელისუფლებას. თუმცა ხელისუფლებისთვის ფხოველნი გაჭირვების ჟამს მთიანეთში ერთ-ერთ ძირითად დასაყრდენ ძალას და სამშობლოსთვის თავდადებულ, ერთგულ ყმებს წარმოადგენდნენ.

ფხოველნი - კავკასიის ძარის მცველნი. „უხსოვრი დროიდან ხევსურები შექცედილნიან კავკასიონის ქედს. არწივისავით გაუკეთებიან ბუდეები მთა-გრებილიების უბე-კალთებზე და სდარაჯობენ ჩრდილოეთ საქართველოს. მტერს, რომელიც კი გაჰხედავდა აქეთ გადმოსვლას, სიცოცხლეს უმწარებდნენ. ფრინველი რა არის, იმასაც კი არ შეეძლო გადმოფრენა ჩრდილოეთიდან საქართველოში სკესურის ნება-დაურთველად.“ (ვაჟა-ფშაველა). მეფე ფხოველებს აყენებს საზღვრის მცველებად, სამაგიეროდ მათ აძლევს თავისუფლებას და მფარველობს. ხევსურს ჩვეულებად არასოდეს ჰქონია სხვაგან ქირით წასვლა და მწყემსობა. ეს გამოწვეული იყო არა მხოლოდ

ხევსურის ამაყი ხასიათით, არამედ იმით, რომ იგი თავად იყო სახელმწიფო სამსახურში, როგორც საზღვრის მცველ-ვეშაგი. მხოლოდ XIX ს-დან, როდესაც ხევსურეთმა დაკარგა საზღვრის ფუნქცია, ხევსურებმა დაიწყეს მუშად სიარული, უფრო კახეთისკენ.

რამდენადაც ხევსურთა უმთავრეს სამსახურს საზღვრის დაცვა შეადგენდა, ცნება „სამან-სამძღვარი“ წმინდა იყო მათთვის და თითოეულ გოჯ მიწას ღიღად უფრთხილდებოდნენ. უფროსები უმცროსებს გადასცემდნენ და ასწავლიდნენ, რომ „ეს ხევსურთა მიწაა, ის კი უცხოთა, ღიღდევლთა... უნებართვოდ საზღვარს არც უნდა გადასცილებოდნენ, სხვათა ადგილებში არც მოეთიბა, არც საქონელი გაეშვა და არც ენადირა, პატივი ეცა როგორც თავისი, ასევე მეზობლის მიწებისადმი.“ (ნ. ბალიაური)

ფსოფილიზი და პოპაჟუსი. პომპეუსმა, რომელსაც ქართლის სრული დამორჩილება სურდა, გადავიდა მტკვარზე და იბერთა ლაშქარს არაგვის ხეობაში შეებრძოლა (ძვ.წ. I ს.). გადმოცემით მას ფხოველებმა გზა შეუკრეს. როდესაც „პომპეიმ გამოიარა ურიცხვი ჯარით, მაშინ „ფხოველნი“ რიცხვით სამასი კაცი დაუხვდნენ წინ ანანურში და გზა შეუკრეს. პომპეის გაუკვირდა ამ ერთი მუჭა ხალხის გამბედაობა, მიიწვია თავისთან, გამოჰკითხა ვინაობა, ვინა ხართ? მეფე გყავთ თუ არაო? ფხოველთ უპასუხეს, რომ თვით მეფისაგან არიან ისინი დაყენებული მეფის კარის მცველად. როგორ იომებდითო, ჰკითხავდა პომპეი, რომ ვინიციობა მომესია თქვენთვის ჩემი ჯარით? მაშინ ფხოველთ გაიძვრეს ხმლები, იფარეს ფარები და დაერივნენ ერთმანეთს. პომპეი გაკვირვებული დარჩა მათის ხელმარჯობით, იარაღის ხმარებით, დაასაჩუქრა, აღუთქვა თავისუფლება და გამოისტუმრა მშვიდობით.“ (ვაჟა-ფშაველა)

ქართლის მეფე რომაელთა მეკავშირე ხდება. მას დაევალა კავკასიონის უღელტეხილების შეკვრა და იმიერკავკასიიდან მეომარი მომთაბარე ტომების შეკავება.

ქრისტიანობის გავრცელება ფსოფში

ფხოვის „...მტკიცედ დაპყრობა და აქაური მოსახლეობის სოციალური დაქვემდებარება ქართლის გაბატონებულმა წრეებმა უფრო გვიან სცადეს. ამ მხრივ აქტიური ნაბიჯები იქნა გადადგმული ქართლში სახელმწიფო რელიგიად ქრისტიანობის გამოცხადებასთან ერთად (ახ.წ. VI ს.).

ეს იყო უაღრესად დიდი სახელმწიფოებრივი მნიშვნელობის მქონე ღონისძიება... ქრისტიანობის შემოღებას თან მოჰყვებოდა მთიელთა რელიგიური გათანაბრება ბარის მოსახლეობასთან. ამასთან ერთად, მთაში სახელმწიფო ენად ქართული ენა დაინერგებოდა, დაიწყებოდა ყველა იმ თავისებურების ლიკ-

ვიდაცია, რაც მთიელებს ასხვავებდა ბარელებისაგან. ამით კიდევ უფრო წინ წაწეოდა მიის არაქართული მოსახლეობის ასიმილაციის პროცესი.“ (6. ასათიანი)

სამეფო ხელისუფლებისთვის ფხოველთა გაქრისტიანება იმდენად საჭირო, მნიშვნელოვანი და, ამავე დროს, საშიში ყოფილა, რომ იქ საქადაგებლად წასული თვით წმინდა ნინოსა და საბერძნეთიდან მოწვეული მღვდლისთვის მირიან მეფეს თავისი ერისთავიც გაუყოლებია ლაშქრით. „ერისთავი ერთი, წამოვიდა და დადგა წობენს და მოუწოდა მთეულთა ჭართალელთა და ფხოველთა და წილკანელთა და უქადაგა სარწმუნოებაი ქრისტესი.“

არის გადმოცემები იმის შესახებ, რომ ჯერ კიდევ ანდრია პირველწოდებულს, სიმონ კანანელსა და ბართლომე მოციქულს უმოღვაწიათ კავკასიის მთიანეთში ქრისტიანობის საქადაგებლად (I ს.). ყოველივე ეს მიანიშნებს იმაზე, რომ იმ დროისთვის კავკასიის მთიანეთსა და, მათ შორის, ფხოვის მნიშვნელოვანი ადგილი ეკავა საქართველოს სამეფოში. ამასთანავე, ქართლის მეფე კახეთზე უწინ ფხოვის მოქრისტიანებას ცდილობს. (როდესაც სხეულზე ჭრილობა ან წყლული განკურნებას დაიწყებს, ხევსურები იტყვიან: „მოუქრისტიანდაო.“)

„მაგრამ მთეულთ არ აღმოაჩნდათ საჭირო სათნოება“, „ხოლო მათ პირუტყუ-სახეთა (ე.ი. პირუტყვის მსგავსი) განუყარეს თავი და პირნი გარე მიიქცივნეს და იღრეჭნდეს კბილთა მათთა წმიდისა ნინოსათვის.“ მაგრამ ნინოს ერისთავი ტყუილად კი არ ახლდა — ქადაგების გარდა სხვა მეთოდების გამოყენების საჭიროება იმთავითვე იყო გათალისწინებული. „ხოლო ნინო უბრძანა ერისთავსა, რათა წარმართოს მცირედ მახვილი მათ ზედა. და ერისთავმან მცირედ წარმართა მახვილი, და ვითარცა შებმა უყვეს, შიშით მოსცნეს კერპნი მათნი დალენად.“

„მცირედ წარმართული მახვილი“ იმდენად მჭრელი ყოფილა, რომ ძღვეულ მთიელთ, როცა “იმედი აღარა ჰქონდათ თავის გამარჯვებისა, შამა-პა-პეული მიწა-წყალი მიატოვეს და გადაიხვეწნენ.“ (ს. ჯანაშია). „ხოლო ფხოველთ დაუტევეს ქვეყანა მათი და გარდავდეს თუშეთს... და რომელნიმე მათგანნი დარჩეს წარმართობასაგა შინა დღესა აქამომდე.“

ეს იყო ფხოველის უდიდესი ტრაგედია, რასაც საუკუნეების მანძილზე ვერ შეურიგდა. ამ დღიდან მცირედ თუ მძლავრად წარმართული მახვილი დაუნდობლად ანგრევდა მეფე ფარნავაზის, ფარნავაზამდელ და ფარნავაზის შემდგომ ღვთაებებსა და წარმოდგენებს. იმდენად ულმობელი და სისხლიანი ყოფილა მთაში ქრისტიანობის დამკვიდრების პირველი ცდა, რომ ქრისტიანობის იდეოლოგი მემატრიანე წმინდა ნინოს ათქმევინებს: „არა ბრძანებულ არს უფლისაგან მახვილის აღება, არამედ სახარებითა და ჯუარითა პატიოსნითა უწვევით გზა ჭეშმარიტი.“

ფხოველთა მთლიანად გაქრისტიანება კარგა ხანს მაინც ვერ მოხერხდა. ფხოვეში ახალგაქრისტიანებული და წარმართი მოსახლეობა კარგა ხანს ცხოვრობს ერთმანეთის გვერდით და მათ შორის ურთიერთობა თანდათან მწვეკვდება, რაც ნაწილობრივ ასახულია ხალხურ გადმოცემებში ხთიშვილთა და დევკერპთა ბრძოლების სახით.

ხთიშვილნი და დევ-კერპნი ქრისტიანობის ბაზრცაულუბის ხანაში.

ზ. კიკნაძე ფშავ-ხევსურეთის ტერიტორიას „ნაადრევ“ მიწა-წყალს უწოდებს, რომელიც დევ-კერპებთან (ათანდილი, მუზა, ბოსელა, ბელელა, ვმალა...) ბრძოლაში მოიპოვა მოსახლეობამ. მორიგე მდევ-კერპთაგან საყმოს გასათავისუფლებლად ხთიშვილნი გადმოუშვა მიწაზე. ღვთაებათა და მათ საცობებს შორის იმართება ხანგრძლივი ბრძოლა, რომელიც ჯერ კიდევ ქრისტიანობის შემოღებამდე კარგა ხნის წინ წამოიწყო. მოქრისტიანებული კობაღლას, იახსრის, პირქუმის, გიორგის ყმანი იმარჯვებენ და დევნიან დევ-კერპთ.

IX ს-ის ჰაგიოგრაფიულ ძეგლში – „კოლაელ ყრმათა წაჩება“ – აღწერილია საქართველოში ქრისტიანობის გავრცელების ადრეული ხანა. ტაოში, კოლას ხევე ქრისტიანები და წარმართები ერთ სოფელში ცხოვრობენ, მათი ბავშვებიც ერთად იზრდებიან. მართალია, ქრისტიანნი და წარმართნი მშვიდობიანად მეზობლობენ, მაგრამ რიცხვით მრავალი წარმართნი მაინც მძლავრობენ მათზე და წინ აღუდგებიან ქრისტიანობის შემდგომ განმტკიცებას. ასევე უნდა ყოფილიყო ფხოვეშიც. დევ-კერპთა და ხთიშვილთა საყმობში სხვადასხვა სარწმუნოების გეარები უნდა ვიგულისხმოთ. გაქრისტიანებულ ფხოველს ღვთაებანი ემუქრებიან და აფრთხილებენ: „აღარად მაგდებთ, მკლავი მკლავს გამისწორეთ და კისერი კისერს, მაგრამ ისეთივე ძლიერება მაქვს, მორიგეს შევთხოვ და შეგმუსრავთ.“

ძალადაკარგული და დღეობამოშლილი საჩაღეს „პირიმზე“ აზობს: „ძალი და შაძლება მაშინ მქონდა, როცა ჩლიქმირგვალნი (ცხენები) ზღვენ-კურატად მომიდიოდა, ხოლო კოჭუკულმართნი (დევ-კერპნი და ქაჯნი) მლოცავად.“ წარმართულ ღვთაებათა ყმანი ქრისტიანობის გზაზე შემდგარი ფხოველისთვის უკვე „კოჭუკულმართნი“ არიან.

უნდა აღინიშნოს ისიც, რომ ფშავ-ხევსურული ხთიშვილნი თავადაც „დეკური“ ნიშნების მატარებელნი არიან.

შ. ამირანაშვილის მიხედვით, ახალი ქრისტიანული რელიგია შეეჯახა ქართულ წარმართულ მნათობთა ღვთაებებს, მაგრამ როგორც მაზღეიზმი, ისე სხვადასხვა სახის რელიგიები საქართველოში დიდი ხნის განმავლობაში არსებობდა ქრისტიანობასთან ერთად.

„წარმართობასავე შინა“ ღარჩენილთ მირიან მეფემ მძიმე ხარკი დაადო. მას შემდეგ საქართველოს მეფენი და ეკლესია კარგა ხნის განმავლობაში ძა-

ლითა თუ ფხოველთა ქრისტიანი ნაწილის დახმარებით ცდილობდნენ გაე-
ქრისტიანებინათ მთიელთა ის ნაწილიც, რომელიც ჯერ კიდევ წარმართულ
სარწმუნოებას მისდევდა. ამ დროიდან ფხოვში, ძურძუკეთსა და დიდოეთში
უკვე შენდება მცირე ზომის ეკლესია-სამლოცველოები. ხევსურეთის ტერი-
ტორიაზე, მიუვალ მოათა მწვერვალებზეც კი, პირიქით და პირაქეთ შემორ-
ჩენილია ნაშთები ძველ ნაეკლესიართა, რომელთაც არქეოლოგები VIII-IX
საუკუნეებით ათარილებენ.

მთიანეთში ქრისტიანობის გავრცელება იყო მათი ტრადიციაც და პროგ-
რესიც. როგორც ილია იტყვის: „ქრისტეს რჯული ქართველობისათვის მარტო
სარწმუნოებითი აღსარება კი არ იყო, იგი ამასთან ერთად პოლიტიკური ქვიტ-
კირიც იყო საქართველოს მრავალი ნაწილების გასაერთიანებლად და შემო-
საკრებად.“ თუმცა „საქართველოს სამეფო ხელისუფლების ერთგვარი წაყრუ-
ების გამოც, თავისუფალ მთიელებს არა და არ გაუჯდათ ძვალ-რბილში ქრის-
ტიანიზმი – მოთმინებისა და მორჩილების რელიგია. ისინი ძირითადად წარ-
მართებად დარჩნენ და ურყევად შეინარჩუნეს მეომრული სული.“ (ჯ. სტეფნაძე)

ფხოველნი გაქრისტიანდნენ, მაგრამ მათი სარწმუნოება დარჩა ქრისტი-
ანობის პირველ ეტაპზე წარმოშობილ რწმენათა ერთგული და ამ ეტაპზე
წარმოქმნილი ქრისტიანობის რომელიღაც განშტოებაც (უფრო სპარსულ-
მაზდეანური ტიპის ქრისტიანობა), რაც დიოფიზიტების გამარჯვების შემდ-
გომ შეჩვენებულ და აკრძალულ იქნა, როგორც მწვალებლობა.

ხევსურთა უმეტესი რელიგიური ტრადიციები ძველქრისტიანულია, რო-
მელიც დღევანდელ ქრისტიანობასთან ძლიერ დაშორებულია.

აკაკასის მთიელებმა როგორც ქრისტიანობა, ასევე მაჰმადიანობა ბო-
ლომდე ვერ მიიღეს. („არიან მისიცა უმეცარნი“-ო, აღნიშნავს მემატიაზე). ამ
ორი, სხვადასხვა სარწმუნოების ხალხს დღესაც ჰყავს უძველესი მონათესავე
ლვთაებანი და აკავშირებს ისიც, რომ ერთ დროს ორივენი ქრისტიანები იყვნენ.
ზოგ შემთხვევაში კი ძურძუკნი უფრო ქრისტეს ერთგულნი იყვნენ, ვიდრე
ფხოველნი. (XVIII ს-ში გულდენშტედტი ქისტებზე წერს, რომ „ქრისტიანო-
ბის კვალი მათ ყველაზე მეტად შემორჩათ“-ო.)

მარსტიანაული მშენებლობა ფხოვში. საქართველოში ქრისტიანო-
ბის გავრცელების მიზნით მირიან მეფემ საბერძნეთიდან გამოიწვია „მღვდელნი
მრავალნი... და ქვით ხურონი აღშენებისათვის ეკლესიათა“. ხევსურული გად-
მოცმანი ძველი დროის ციხე-კოშკთა თუ ეკლესიათა მშენებლობას „ბერძ-
ნებს“ მიაწერს. უფრო სწორად, ციხეთა გვერდით ეკლესიანი აღუშრთავთ
და ერთიანი არქიტექტურული ანსამბლი – ციხე-ეკლესია უშენებიათ. „...იტყო-
დის წინავე ბერძენთა ველ ხქონდა საკვირელია, კვივისბერთ აკურთხებდეს,
მაშინ არ იყო მღვდელია...“ – ნათქვამია ბარისახოში ვჰალას ციხე-ეკლესიის

მშენებლობაზე. ზეისტეროს „საარაბულოს ციხის“ მშენებლობაც, რომელიც ჯვარში, ნაეკლესიართან დგას, ბერძენ ოსტატს მიეწერება.

მეფე მირიანი ანდერძად უტოვებს მექვიდრებს, ცეცხლითა და მახვილით დაიცვან და განამტკიცონ ქრისტიანობა მთაში. მეფე ბაქარსაც (ბაკურს) უბრძოლია მთიელთა მოსაქრისტიანებლად: „მოაქცივნა უბრაველსი კავკასიანნი, რომელნიც ვერ მოექცივნეს მამასა მისსა.“

სამეფო ხელისუფლების მიერ დაწყებული ლტოლვილი ფხოველების ძებნა და კვლავ უკან დაბრუნება: „რომელიმე უკანასკნელ იპოვნეს: თრდატ მეფემან მოიყვანნა და მონათლნა.“ ამის გამოძახილია ძველი სვესურული ლექსი: „...თუშებს უბრძანა გიორგიმ: – მსურს იყვნეთ ჩემი ყმანიო. იუკადრისეს წოვათა, დიდი დაადგა ძალიო...“ მაშინ ხახმატის ჯვარმა წმ. გიორგიმ ფხოვიდან გადასულ თუშთა წინაპრებს და მათ საქონელს, დამორჩილების მიზნით, სხვადასხვა სასჯელი მოუვლინა: „...გაიგეს თუშთა წოვათა, ესაა ხატის ძალიო, აქეთ-იქითად იდინეს, სადაც დიდი ქონ გზანიო...“ თუშთათვის სასჯელი მოუვლენია კარატის ჯვარსაც: „რისხვის ნიშნად გველ-მყვართ მოუხიბლეს (მოუწამლეს) საძოვრები.“ (თ. ოჩიაური)

იმდენად მნიშვნელოვანი ყოფილა კავკასიის ქვეყნებისთვის და საერთოდ ქრისტიანული სამყაროსთვის ფხოველთა მოქცევის პრობლემები, რომ იმ დროის (V-VII ს.ს.) სომხურ წყაროებშიც არის მოხსენიებული.

იბრძოდნენ რა ქართლის მეფეები ფხოვეში ქრისტიანობის დასამკვიდრებლად, აღსანიშნავია, რომ „ქართლის მმართველებს ამ შემთხვევაშიც ქრისტიანობის განსაკუთრებული სიყვარული კი არ ამოძრავებდათ, არამედ სახელმწიფოებრივი ინტერესები. ქრისტიანობის გავრცელება მთაში საუკეთესო საშუალება იყო მთის ნახევრად დამოუკიდებელი მდგომარეობის მოსაპობად და მის გადასაქცევად სამეფოს ჩვეულებრივ შემადგენელ ნაწილად, მთა ჯერ კიდევ დიდად განსხვავდებოდა ბარისაგან. ხალხი აქ ძირითადად კვლავ გვაროვნული წყობილების ტრადიციების მიხედვით ცხოვრობდა. მას საკუთარი სატომო ლეთაებები ჰყავდა და მათი სამლოცველოები ჰქონდა, ბარის წესები მისთვის უცხო იყო. ქრისტიანობის გავრცელება ამ ზღვარს სპობდა. კულტურულ-რელიგიურად მთა და ბარი ერთგვაროვანი ხდებოდა, ყველაფერ ამას მოსდევდა აგრეთვე მთაში პატრიარქალურ ურთერთობათა ნგრევა და კლასობრივი ურთიერთობის დამყარება. იქ უკვე მტკიცედ იკიდებდნენ ფეხს ფეოდალებად გადაქცევის გზაზე მდგარი დიდმოხელეები-ერისთავები, რომელთაც სოციალური ჩავკრის მძიმე უღელი მოჰქონდათ მთიანეთის მოსახლეობისათვის. ამიტომ იყო, რომ მთა სასტიკ წინააღმდეგობას უწევდა ქრისტიანობის გავრცელებას.“ (გ. მელიქიშვილი)

მანუალები უსოფი. ნახევრად ქრისტიან მთიელებს მალე სპარსმა დამპყრობლებმა კვლავ მანუალება — ცეცხლთაყვანისმცემლობა მოახვიეს თავს. მითრას კულტის გავრცელებას საქართველოში და მით უმეტეს ფხოვეში, ხელი შეუწყო აქ უკვე არსებულმა მნათობთა კულტმა. სპასეთის ხელისუფლებამ მანუალებაზე მოაქცია არა მხოლოდ მათი მოხელე ქართველი დიდებულები, არამედ წვრილი ერიც. „წერილი ერი მიიქცია მრავალი ცეცხლის მსახურებასა“—ო, აღნიშნავს მემატინე.

მზისა და ცეცხლის კულტი ფხოვეში უმაღლეს საფეხურზე აღის. V-VI სს-ში. სამეფო ხელისუფლება (არჩილ მეფე და აბიბოს ნეკრესელი) ამოდ ცდილობს მთიანეთში ქრისტიანობის განმტკიცებას. VII ს-დან საქართველოში მითრანობით თანდათანობით იღვენება და მხოლოდ დავით აღმაშენებლის დროს გაიწმინდება ეკლესია-ცეცხლტაძრები წარმართული ჩვეულებებისგან. შკატრად იღვენება იგი როგორც ერში, ასევე ლაშქარში. დაბადებიდან მოლაშქრე ფხოველი უკმაყოფილო და განაწყენებულია და აღარ მოიხსენიებს დიდ მეფეს.

მანუალების კვალი მაინც შემორჩა ხვესურეთში. სახუცო ტექსტები ასე იწყება: „დიდება მზესა, მზის მყოლთ ანგელოზთა დიდება დღე დღესინდელსა...“ (ივ. ჯავახიშვილის მიხედვით, ძველად „მზე“ და „დღე“ ერთი და იგივე მნიშვნელობით იხმარებოდა.)

მზე და ცეცხლი გვხვდება „მანდობის“ თქმისას: „ცეცხლიმც მგ ზეი გაქეთ...“; „...ცეცხლითა — სითბოთ, მზითა — შუქით, სანთლითა — კელაატრით...“ მანდობის თქმისას, როდესაც ხვესურები მიცვალებულთა სულებს განსაკუთრებულ ტაბლას დაუდგამდნენ, იცოდნენ ცეცხლის დანთებაც, რომელსაც ასევე მიცვალებულის სულისთვის დალოცავდნენ. მზეს იფიცებდნენ: „ჩემმა მზემ“, „ჩემ ძმის მზემ...“ მანუალების გამოვლინებაა ხვესურული საშობაო („საქრისტო“) რიტუალი, როდესაც ოჯახის უხუცესი გამდნარ ერბოს კოვზით სამჯერ ჩაახსამს შუაცეცხლში, ცეცხლის აღს ცხიმით ააბრდღვიალებს და „დმეროს უძახებს“. (ეს რიტუალი ჯვარშიც სრულდება „ქრისტე წუხრას...“) ცეცხლის, სანთლის აღის ენით, მისი მოძრაობით, სიკაშკაშით განსაზღვრავდნენ მომავალს. თავად ხვესურული ჯვარი არქიტექტურულად მანუალებურია თავისი შუაცეცხლით და „ღირეული ზღვენით“ — ხარით. უფრო ადრე კი საჩალის ღვთაებას „პირიმზეს“ ცხენებს სწირავდნენ მსხვერპლად. ხთიშვილნი „პირქუში“, ანუ „პირცეცხლი“ — „ცეცხლის აღიანი“, „კოპალა“ და „იახსარი“, რომელთაც „ნაოთის ქოთანი“, „ცეცხლიანი“ ლახტი, მათრახი და ლახვარი აქვთ, მანუალებზე მეტყველებს. ასევეა ხვესურული სახელები: მზია, მზექალ, მზისო, მზევინარ, საძიმარ (სამზევარ), ხვარამზე, შუქია, ნათულა, ნათია, მთვარისა, პირიმზისა... (აფხაზურად მზეს „მარ“/„მარა“ ერქ-

ვა. აქედან, „სამძიმარა“, „ძიმარ“, „მარა“, „კმარა“, „თამარა“, „ყამარ“, „მარეზი“. და კიდევ, სპარსულ-მაზდეანურია სახელი „ბაკურ“. გუდანის ჯვრის ყმებს ძველად „სათაბაკურო“ ეწოდებოდა. ბაკურხევში არის სოფელი „საკერპო“, სადაც ძველად დევ-კერპნი კერპებს ჭედავდნენ. „კერპი“ მაზდეიზმიდან მოდის, ისევე როგორც „ტაზარი“, „დროშა“, „ანდრეზი“.

ტოტემიზმი **წმინდა**. ასევე ძლიერი ყოფილა ტოტემიზმი ფხოვეში, სადაც ღვთაებანი სხვადასხვა ცხოველის, ფრინველის, მცენარის (დათვი, გველი, ქორი, მუსა, იფანი, მტრელი...) სახეს ატარებდნენ. ნადირ-ფრინველს უკავშირდება ზოგიერთი უქმე დღეებიც („მგელთ უქმი“, „თაგვთ უქმი“, „ჩიტთ უქმი“...) ამ მხრივ საინტერესოა ანდრეზები დათვზე, მტრელზე, გველემპაზე, კერაში იფნის ხეს ამოხეულ გველზე, შუბლზე თეთრნიშნიან ნადირზე...

ყველაზე მეტად გავრცელებული ყოფილა დათვის ტოტემი, რომელიც იმდენად ძლიერი ყოფილა, რომ ეკლესიას მის წინააღმდეგ სპეციალური კანონიც კი მიუღია და აუკრძალავს დათვთა როკვანი და მემღერენი.

ხევსურეთში გვიანობამდე შემორჩა საქორწილო რიტუალი „დათუნაობა“ (ფშავში „სამაია“ ერქვა) და მთიბელ-მომკლის დროს სიმღერე „დათვიანი“. ამას გარდა გავრცელებული იყო საკუთარი სახელები: „დათვია“, „დათვა“, „ჩაჩაური“ („ჩა“ ნახურად დათვს ნიშნავს), ტოპონიმები – „დათვისი“, „დათვის ჯვარი“...

ასევე სხვა სახელები – „მგელიკა“, „მგელა“ (გავიხსენოთ „მგლისთავიანი“ ვახტანგ მეფე), „ძალლიკა“, „ნადირა“, „კურდღელა“, „ლომიკა“, „კეფზია“, „ფოცხვერა“, „ქორია“ და ა.შ. ტოტემიზმზე მიაჩნებებს.

ვახტანგ შორბასალი და **წმინდა**. ვახტანგ მეფის ხელისუფლება საქართველოს მთიანეთში მტკიცეა და ჩრდილოეთის საზღვრები საგულდაგულოდ გამაგრებული. შენდება ეკლესიანი და სადარაჯო ციხე-კოშკები. გორგასალი უმთავრესად ხალხის ძალას – „წვრილ ერს“ ეყრდნობა და მფარველობს მათ როგორც სპარსელების, ასევე მათი მოკავშირე ქართველი დიდებულებისაგან. ხალხს ვახტანგ მეფე ზეკაცად და მხსნელად მიაჩნია. თუ ხევსურმა მთქმელებმა არ შემოინახეს უფრო გვიანდელი დავითისა და თამარის სადიდებელი ლექსები, რადგან ვერ ეგუებოდნენ ბაგრატიონი მეფის მტკიცე ხელს, შემოინახეს სიმღერე ვახტანგ გორგასალზე: „პირდაპირ შამავედევდი ციხეს გალაგნის პირსაო, ნეფე ყოფილა გორგასლამ, მშვილდ უჭეხებევი გმირსაო...“

ვახტანგ მეფემ ჩრდილოეთში ლაშქრობისას პაჭანიკებისა და მათი მოკავშირეების წინააღმდეგ ფხოველნიც გამოიყვანა. სალაშქროდ გამართული მეფე ერთხანს თიანეთს გაჩერებულა, სადაც მოკავშირეები შეერთებინა. აქ უნდა გამოცხადებულიყვნენ ფხოველნიც.

ვახტანგ გორგასალი, როგორც ჩანს, ფრთხილად ეკიდება ნახევრად ქრისტიან, წარმართ მთიელებს (მისი მემკვიდრე დაჩი უჯარმელიც მოლაპარაკებით, და არა ძალით, ცდილობს მოაქციოს მთიელნი: „მეფემან დაჩი დაჰპატიჟა მთიულთა კახისათა, რათა აღიარონ ქრისტიე...“).

საინტერესოა ვახტანგის დამოკიდებულება „ჯვართან“. „...მოიყვანეთ ჯუარი და წარვიძღვანოთ, რათა რომლითა გუძლევდნენ, მითვე იძლივნენ...“ – იტყვის მეფე სპარსელებთან ბრძოლის წინ და ბრძანებს თაყვანისცენ ჯვარს, ხოლო ვინც ურჩობას გაბედავს, მოკლან: – „და მოიყვანა პეტრე მღვდელმან ჯუარი... და ქადაგი ჳმობდა ძლიერად: „რომელმან არა თაყვანი-სცეს ჯუარსა, მოკუედინ.“ („ქართლის ცხოვრება“)

ვახტანგ გორგასლის ხანაში და შემდგომ კახეთის მთიანეთის მმართველებად იხსენიებიან „შვილნი ბაკურისნი“. ფხოვი შედის წუქეთის საერისთაოში. „ფხოველთა, თუშთა და ხუნზთა და ყოველთა წარმართთა მთისათა“ არჩილ მეფის დროს მართავს ერისთავი აბუხუასრო.

სპარსულში და შსოში. სპარსეთის ძლიერების ხანაში (V-VI სს) საქართველოს მთიანეთში ასეთი მდგომარეობა იქმნება: სპარსელებმა „... ქართლი უმეტესად დაიპყრეს და კავკასიანთა შევიდეს და კარნი ოვსეთისანი აიგნეს და ერთი დიდი კარი ოვსეთისავე და ორნი დვალებს. და ერთი პარჭუნს ღურძუკეთისასა იგი მთიულნი გომარდადა დაადგინეს, და სხუაი ვინმე კაცი დაიდგნეს მთავრად წანარეთისა ჳვეისა და მორჩილებაი დასდევს მისი...“

ს. ჯანაშიას მიხედვით, ძურძუკეთის კარი ფშავე-ხევსურეთიდან ჩეჩნეთ-ქისტეთში მიმავალ გზას იცავდა და აკონტროლებდა.

მთიელთა „გომარდად დადგინება“ ნიშნავს, რომ კავკასიის მთიელთა ტომების მიერ ეს გზა დაცული და შენახული უნდა ყოფილიყო, რისთვისაც ისინი გარკვეულ საფასურს მიიღებდნენ სპარსელებისგან.

„სპარსელებმა ხანგრძლივი გამოცდილებით იცოდნენ, რომ ქართველებს მთეულებითა ჰქონდათ ზურგი მაგარი: გამოიყვანდნენ პირიქითელ ხაზარებსა და ჰუნებს და მიუსევდნენ სპარსეთს, იმთავც მეტი არა უნდოდათ რა. ეხლარაკი სპარსელებმა ამიერკავკასიის ყველა გზის კარები ხელში ჩაიგდეს და ხელთ ეპყრათ, ჩრდილოელთა შემოსევისაგან უზრუნველყოფილნი იყვნენ. ქართველებსაც ამ გზით მესველნი და მოკავშირენი მოაკლდებოდათ.“ (იოთ. ჯავახიშვილი)

ამ დროისთვის წუქეთის საერისთაოში შემავალი ფხოველნი წანარეთის მთავარს ექვემდებარებიან. მოგვიანებით არაბებმა, სპარსელები რომ დაამარცხეს, ზემოთ აღნიშნული კარ-სიმაგრენი თავად დაიჭირეს.

სპარსელები საქართველოში აგრცელებდნენ ცეცხლთაყვანისმცემლობას – მაზღევანობას. მახვილის ძალით მოქცეული ფხოველნი კვლავ უბრუნ-

დებიან წარმართობას. უფრო სწორად, ფხოვეში ერთდოულად სამი სარწმუნოებაა: ქრისტიანობამდელი, ქრისტიანული და მათ გვერდით „საგზებელი ცეცხლისაი.“ მზის კულტი კიდევ უფრო წამოიწევს.

ამრაქლე კაისარი, საზარამბი და ფხოვე. ბიზანტიის კეისარი ამარცხებს სპარსელებს და იმორჩილებს აღმოსავლეთ საქართველოს. ძალითა და მახვილით ცდილობს წარმართ ცეცხლმსახურთა მოქრისტიანებას. ვინც ნათლიდება არ ინება, „მოისრნენ“. „...ყოველთა ზედა წარმართთა მახვილი და ეკლესიათა შინა მდინარენი სისხლისანი დიოდეს.“

საქართველოს მთიანეთსა და ქართლ-კახეთს ჩრდილოეთიდან ლაშქრავენ პერაკლე კეისრის მოკავშირე ხაზარები, რომელთა კვალი ხევსურებზეც ჩანს. იოანე საბანისძე წერს, ხაზარნი „სისხლის მჭამელ“ არიანო. დაკლული საქონლის მოხარშული სისხლისგან დამზადებულ საჭმელს ხევსურნიც იყენებდნენ.

არაბობა და შანარამბი. საქართველოში, არაბების ბატონობის ხანაში, დამპყრობლებს მართალია გაჭირვებით, მაგრამ მაინც დაუმორჩილებია მთიელები. ამ პერიოდის არაბული წყაროები მოიხსენიებენ „სანარიას“ (წანარეთს), რომელიც მათ დიდ წინააღმდეგობას უწევდა.

წანარებად მკვლევარნი მიიჩნევენ არაგვის აუზის ზემო წელის მოსახლე მთიელებს. ნ. ასათიანი წანარებს ფხოველთა წინაპარ-ნათესავებად მიიჩნევს და მოჰყავს X ს-ის სომეხი ისტორიკოსის ცნობა: წანარები „მთის სიმაგრეებში ცხოვრობენ უზრუნველად, დამშვიდებულნი გარეშე მტრის საფრთხისაგან, სამეფო ხარკი მათვე რჩებათ. თავის გამგებლად მხოლოდ ერთ კაცს აყენებენ თავიანთი სურვილის მიხედვით. ისინი ერთსულოვნად და ერთობით არიან: და ცხოვრობენ ერთმანეთის გვერდით.“ ზოგი ისტორიკოსის აზრით წანარები დღევანდელი ხევის ტერიტორიაზე იდგნენ.

643-645 წლებში არაბების მიერ აღმოსავლეთ საქართველოში წარმოებული ლაშქრობების შესახებ არაბი ისტორიკოსი ბელადორი გვაუწყებს, რომ მაშინ არაბებს დაუმორჩილებიათ მთელი აღმოსავლეთ საქართველო და მათ შორის „...ბაზალეთი, დარიალანი, წანარნი და დიდოელნი.“ არაბი ისტორიკოსის მთარგმნელი დ'ოსონი და ლაზარიანი წერენ, რომ არაბებმა ხევსურეთიც დაიმორჩილეს, თუმცა ივ. ჯავახიშვილი თვლის, რომ „ხევსურეთის“ ამოკითხვა არაბულად შესაძლოა გადამწერთა მიერ არის დამახინჯებული.

ამ ხანებში ფხოვი ძურძუკებთან და დიდოელებთან ერთად, შედის პანკის-კვეტერისა და ხუნძახის საერისთაოში. ფხოველთა სამწყსო ხარჭაშოს საეპისკოპოში შედის: „თიანეთის წყლის სათავესა და საშიშს თვალავის იქით თეთრი არაგვის მჭვრეტად არის ხარჭაშოს ეკლესია გუნბათიანი, კეთილშე-

ნი, ზის ეპისკოპოსი, მწვემსი ერწო-თიანეთისა, ფშავ-ხევსურეთისა და თუშეთისა.“ (ვახუშტი)

არაბი დამპყრობლების წინააღმდეგ ქართველთა ბრძოლის ისტორიაში დიდი მნიშვნელობა ჰქონდა აღმოსავლეთ მთიელთა აჯანყებას (770 წ.), რომელთაც წანარები ჩაუდგნენ სათავეში. წანარებმა კახელებთან შეკრეს კავშირი და ერთიანი ძალით შეებრძოლნენ დამპყრობლებს. არაბებს აჯანყების ჩასახშობად ორი წელიწადი დასჭირდათ.

ძლეული წანარები გადადიან კახეთში და წარმოქმნიან ახალ სამთავროს, კახეთის საქორეპისკოპოსოს, რომელშიც შედიან ფხოველნიც. კახეთის საქორეპისკოპოსოს ანალოგიური სტრუქტურული მართვის ფორმებია ფხოველიც – ჯვრისა და ჯვრის ყმათა (ხევისბერ-ქურუმათა და ჳელოსანთა) სახით, რომელიც ჯერ კიდევ ელინისტური ხანის იბერიის სამეფოში იყო.

წანარებს მართლაც აქვთ რაღაც შეხება ფხოველთან. თუ გავიზიარებთ იმ მოსაზრებას, რომ წანარები დარიალის ხეობიდან გადავიდნენ კახეთში, მაშინ მათ რომელიღაც ნაწილს ფხოვის გზით უნდა გაეელო. ძველი ანდრეზებით ხევსურულ ხტიშვილთა ნაწილი ხევიდან (გერგეტიდან) არის მოსული (მაგ., გუდანის ჯვარი, რომეის ჯვარი). ამ ჯვარ-ხატებს თავის ყმებიც უნდა მოჰყოლოდნენ და დამკვიდრებულიყვნენ ხევსურეთში.

წანართა დიდი როლისა და აღმოსავლეთ საქართველოს მთიელთა, მათ შორის ფხოველთა, ძლიერების მაუწყებელია ისიც, რომ ყველაზე უწინ, VII ს-ში, მდინარე არაგვისა და ივრის ხეობების ზემო წელში ჩამოყალიბდა კახეთის სამთავრო, რომლის ცენტრი თიანეთშია. კახეთის ქორიკოზის (ნაცვლის, მთავრის) მფლობელობაშია მუხრანიც, რომელიც სამოხელეოდ თავის ვასალებს – ძაგანიძეებს გადასცა.

გაძლიერებული წანარ-კახნი აგრძელებენ ბრძოლას არაბების წინააღმდეგ: „საკმარისი იყო კახეთის ხეობებში არაბები გამოჩენილიყვნენ, რომ უშიშარი და ამაყი მთიელები მათ თავს ესხმოდნენ და მუსრს ავლებდნენ... არაბული ცნობით, კახელები ამ დროს ყველაზე საშიში მტრები იყვნენ არაბებისათვის ამიერკავკასიაში.“ (გ. მელიქიშვილი)

არაბების გავლენით საქართველოში დამკვიდრებული არაბული გამოთქმა და საკუთარი სახელები ხევსურეთშიც შეიშალა: დუნია, ყისმათი, ხანჯარი, იამანი, დავლათი, მანდილი, ხალიზი, ჯურუმი, ამანათი, აფშინა, საღირა, ამირა, ჯაფარა, აბა, აბაშა...

არაბთაგან შევიწროვებული ბარის მოსახლეობა მთის რაიონებში მკვიდრდება.

ბრძოლა საქართველოს გაერთიანებისათვის

VIII ს-ის მეორე ნახევრიდან იწყება ბრძოლა ქართლისა და კახეთის მთავრებს შორის. კახეთის ქორიკოზმა მთიელთა დახმარებით შიდა ქართლი მიითვისა, მაგრამ აშოტ კურაპალატმა კვლავ განდევნა.

IX-XI ს.ს. საქართველოს გაერთიანებისთვის ბრძოლას წინ აღუდგებიან კახეთის მეფე-მთავარნი, რომელთაც არ სურთ ძალაუფლების დაკარგვა. ფხოველნი, ძურძუკებთან ერთად, კახეთის მთავრების სამსახურში ღვანან.

პანკის-კვეტერის ერისთავად იმ დროს იხსენიება სტეფანოს, რომელიც კვირიკე მეფესთან ერთად ებრძოდა ჯერ ბაგრატ მესამეს, შემდეგ ბაგრატ მეოთხეს. ბაგრატ მესამემ 1010 წელს კახეთის მეფე შეიპყრო და მის სამფლობელოში თავისი მოხელეები ჩააყენა.

1014 წელს კახეთის ქორიკოზმა კვირიკე II კვლავ დააბრუნა ტახტზე და ახალი საერისთავოები დააწესა. „... მეორე (ერისთვი) დასვა კვეტერსა და მისცა უჯარმას ზემოთ ორთა მთათა შორის, რომელ არიან კახეთსა და კუხეთსა, ვიდრე კავკასამდე და გარდაღმად. ეს არს ერწო-თიანეთი, ფხოველნი, ძურძუკი და ღლიღვი...“

მეფე გიორგი პირველმა 1014 წელსვე ჰერეთ-კახეთი კვლავ დაიპყრო და მეამბოხეთა ხელმძღვანელები დასაჯა. მეფე ახერხებს ფხოველთა შემორიგებას: 1021 წელს წანარნი და ფხოველნი თრიალეთში მეფე გიორგი I-ს ეხმარებიან ბასილი კეისრის წინააღმდეგ ბრძოლაში.

მეფე გიორგი I-ის სიკვდილის შემდეგ კახნი და ფხოველნი კვლავ ამბოხდებიან და დროებით ინარჩუნებენ დამოუკიდებლობას. 1040 წელს ბაგრატ IV ლაშქრავს კახეთს, სხვა ერისთავებთან ერთად შეიპყრობს მეამბოხე სტეფანოზ ერისთავსაც და ააოხრებს კახეთის მთავართა საბრძანებელს თიანეთს, გადასწვავს კვირიკე მეფის სასახლეს.

კახელნი და კახეთის მთიელნი კვლავ აგრძელებენ ამბოხს.

1067-1068 წლებში ბაგრატ მეფე დიდძალი ჯარით ლაშქრავს კახეთს. კახთა მთავარმა და სხვათა „ყოველთა დაყარნეს ციხენი მათნი და იელტოდეს კავკასიად.“ მაგრამ იმავე წელს კახთა მეფე აღსართანმა კავშირი შეკრა სპარსეთის სულთანთან და კვლავ დაიბრუნა ბაგრატ მეფის მიერ დაპყრობილი ციხენი.

„ღიღი იუსაროზა“ და უსოჴი. 1080 წლიდან საქართველოში იწყება თურქთა შემოსევები, რომელნიც არაბებზე უფრო დიდი და საშიში მტერი იყო. მომთაბარე, ველური თურქული ტომები მოდიოდნენ თავიანთი ოჯახებით, ბარგი-ბარხანით, ჯოგებით და სახლდებოდნენ დაპყრობილ მიწებზე. თურქნი „მეზობლობით მოეახლნენ საზღვართა ჩვენთა. გავრცელდა შიში და

ჭირი მათგან ჩუენ-ზედა, რამეთუ იწყეს მიერთგან რბევად, ტყუენვად და მოოხრებად, წუად, სრვად და ტყუეობად ჩუენ ქრისტიანთა...

...მოჭამეს ქუეყანა და მოსწყვიტეს, თუ სადღა ვინ დარჩომილი იყო ტყეთა, ქუაბთა და ხურელთა ქუეყნისათა... ხოლო ვინმე მთიულეთს ანუ სიმაგრეთა სადმე ვინ დაშთა კაცი ზამთრისა სიფიცხითა, უსახლობითა და შიმშილითა ევრეცა მოისრა.

და განგრძელდა ესეეთიარი ჭირი ქრისტიანეთა ზედა, რამეთუ არესა თანა გაზაფხულისასა მოვიდიან თურქნი და მათვე პირველთა საქმეთაებრ იქ-მოდიან, და ზამთარს წარვიდიან და არა იყო მათ ჟამთა შინა თესვა და მკა: მოოხრდა ქუეყანა და ტყედ გარდაიქცა.“ („ქართლის ცხოვრება“)

„დიდი თურქობის“ ხანაში თურქნი იკავებენ ფხოვის მოსახლვერე ტერი-ტორიებს. მათგან ლტოლვილი ქართლ-კახეთის მოსახლეობა „მთათა და სი-მაგრეთა შინა“ იხიზნება. ბევრი სამუდამოდ მკვიდრდება ფხოვში.

თურქულიდან არის ხევსურეთში დამკვიდრებული დოღვი, ბერდია, თარ-ხანა... (შესაძლოა, „თარხან“ ზაზართაგანაც მოდიოდეს).

დავით აღმაშენებელი და ფხოველი. დაახლოებით VIII-XIII საუ-კუნეებში ფხოვს განაგებენ კახეთ-პანკისის, „ზედაზნისა და მუხრანის მფლობელნი“, ერისთავთ-ერისთავნი ძაგანისძენი. მათი გავლენა ვრცელდება დიდოეთსა და ძურძუკეთზეც. ეს გვარი, რომელიც „ერისთავთ-ერისთავობით იწერვიან და გუარნი არ წარიწერებიან ცხადად და საცნობლად“, იმდენად აღზევებული იყო, რომ საუკუნეთა განმავლობაში არ მორჩილებდნენ მეფეებს, თვით დავით აღმაშენებელს და მის მემკვიდრეებს დავით ულუმდე...

ტახტზე ადის დავით IV აღმაშენებელი, რომელიც თურქთაგან წმენდს საქართველოს მიწას. ამასთანავე, სასტიკად უსწორდება და სჯის სამეფო ხელისუფლების მოწინააღმდეგეთ, მათ შორის, ძლიერ ფეოდალებს ძაგან აბულეთის ძესა და მის ძმებს.

დავით აღმაშენებელი, რომელმაც ჩრდილოეთის ყველა კართა ციხენი ხელ-ში ჩაიგდო, წესრიგს ამყარებს საქართველოს მთიანეთში და, როგორც ჩანს, ფხოვის მეზობლადაც ასახლებს ყიფჩალთა ნაწილს. („შამამეყარა ყინჩაი სამძლ-ვარსა სამუხისასა...“; ყიფჩაყი - ყიფჩაყი - ყაჩალი - ყინჩა - ვინჩლა - ვირჩლა).

1104 წელს დავით აღმაშენებელმა კახეთ-ჰერეთი საქართველოს შემო-ურთა. ფხოვი კახეთის ერისთავის გამგებლობაში რჩება. თუმცა ქართლის დიდებულებსაც სურთ მისი ხელში ჩაგდება.

ფხოველნი თავიანთ სიმღერე-ანდრეზებში არ იხსენიებენ დავით აღმა-შენებელს. ამისი მიზეზი უნდა იყოს მკაცრი რეფორმები მოსახლეობის ყო-ფასა და რელიგიაში. სამეფო კარმა მორჩილებაში მოიყვანა თავისუფალი მთი-ელი და შეეცადა დაეწვრია არსებული წარმართული, ტრადიციული ყოფა-

წარმოდგენები. მეფემ სასტიკად აკრძალა „საეშმაკონი სიმღერანი, სახიობანი და განცხრომანი და გინება ღმრთისა საძულელი და ყოველი უწესობა...“ აკრძალვა ვრცელდებოდა როგორც ერში, ასევე ლაშქარში. ნახევრად წარმართი, თავისუფალი მოლაშქრე ფხოველნი კვ ვერ ურიგდებოდნენ იმის უცებ აკრძალვას, რასაც საუკუნეების განმავლობაში მტკიცედ იცავდნენ.

სამეფო ხელისუფლება განსაკუთრებით ებრძოდა წვრილი ერის აგარულ ტრადიციებს, როკვა-თამაშობებს, ხალხურ სიმღერე-ანდრეზებს, ფერხისებსა და ღვთაებათა ტაძრებში ღამისთევებს, რომლებიც რელიგიურ რიტუალებთან ერთად სრულდებოდა. მაგრამ, მიუხედავად დევნისა, გლახურმა ყოფამ მთიანეთში შემოინახა არქაული, ქრისტიანობამდელი რწმენა და ჩვეულებანი, წარმართულიცა და ქრისტიანულიც ახლებურად გაიაზრა და დღემდე შემოინახა.

დავით აღმაშენებლის დროიდან, როცა საქართველომ ჯვაროსანთა მსგავსად წმინდა გიორგის მფარველობა მიიღო, ფხოველნი განსაკუთრებით გაძლიერდა წმინდა გიორგის კულტი, რომელმაც შეცვალა ფხოველთა წარმართულ ხთიშვილთა სახელები, როგორც ღვთისმშობელმა შეცვალა „ადგილის დედა“. საქართველოში ეს მოვლენა სახელმწიფო დროშაზე სიმბოლურად გამოიხატა წითელი ფერის სწორტოტა ჯვრით. „ჯვარის მსახურ“ ფხოველებში ფართოდ გაეხსნა გზა სწორტოტა წითელ ჯვარს: „ხევსურს წითელი ჯვრიანი ჩოხა... ადვილად საცნობს ხდის“-ო, წერს ვაჟა.

რუის-ურბნისის კრების დადგენილებით, საქვეყნოდ აიკრძალა წარმართობის დროიდან მომდინარე ყოველგვარ სახალხო ჩვეულებათა შესრულება და მათი დაკავშირება საეკლესიო ცენტრებთან.

ფხოველთ კიდევ ერთხელ მოუწიათ მახვილის ქვეშ ნათლისღება.

მ:ჩ:მ:ლ:ო:ი:ბ:ის მ:მ:ს:ა:ი:ღ:უ:მ:ლ:ე მ:პ:არ:მ:ბ:ის (ა:მ:მ-ა:მ:რ:ა:თ:ა) ა:მ:რ:ა უ:ხ:ო:ვ:ი:ა:ნ.

ხევსურული ანდრეზით, ფხოვის ტერიტორიაზე სხვა გვარებთან ერთად იდგა რომელიღაც გვარი თუ ტომი, რომელიც ფლობდა ლითონის ჭედვის საიდუმლოს და მას მეზობლებს არ ასწავლიდა. კავკასიის მთიანეთის მოსახლეობა ვერ კიდევ უძველესი დროიდან იცნობდა და იყენებდა სპილენძს, რომლის საბადოებიც უხვად იყო კავკასიონის სამხრეთ ფერდობებზე და აქედან მადანი სხვა ქვეყნებშიც გაჰქონდათ.

ძველად ეროვნული საჭურველი ლითონის საბადოებთან ახლოს, მთიანეთში და მათ შორის ფხოველნი იჭედებოდა. სამჭედლოები ყოფილა გამართული როშკის გორზე, აკუმოს ციხეგორზე, უკანახოს, ბაკურხევს... „კვერო უკუნაჲვოს დაჰკრიანავ, ძგარ-ძგურ გუდამაყარ მადლიოდისავ.“ მჭედლობა ფხოველთა ღვთაებრივ საქმედ იყო მიჩნეული. რკინა და ნახშირი მაგიურ საგნებად ითვლებოდა. ჰყავდათ თავისი მჭედელი-ღვთაება — პირქუშის ჯვარი. სა-

ჭირო გახდა ამ წარმოდგენათა ნგრევაც და დავით მეფეს ფხოვეში არსებული სამჭედლო სახელოსნოები, მჭედლობის მესაიდუმლე გვარებთან ერთად, დიდ ქალაქებში გადააქვს.

მჭედელი პირქუშის ჯვარი ფუნქციას იცვლის და ძალით იმორჩილებს ახალ ყმებს.

უმჭედლოდ დარჩენილი ფხოველნი ნელ-ნელა თავად ითვისებენ ამ საქმეს, თანაც ყოველი თემის თუ სოფლის ჯვარი მოვალეა ჰყავდეს მჭედელი, ზოგჯერ ჯვარს იგი ძალითაც მოჰყავს სხვა მხრიდან და საარსო მამულს აძლევს. XVII ს-ში ხევსურეთში უკვე მოღვაწეობს ხმლებისა და „ბუნას“ კალიბრის თოფების მჭედელი, ქმოსტელი სამხა ბურდვიაული (ბურდული).

დავით აღმაშენებლის შემდგომ საქართველოს მთიანეთში კარგახანს ყოფილა წესრიგი: „მპარავი, ავისმოქმედი აღარ იყო... ოვსმან, მთიულმან, ყიფჩაყმან და სუნამან ვერ იკადრიან პარვა“-ო, გვაუწყებს შემატრიანე.

ბანძის მოტანის ანაღრუში. მეფე დავითის, გიორგი III და თამარის დროს ფხოველებს მონაწილეობა მიუღიათ ქალაქ განძას ლაშქრობებში, საიდანაც გუდანის ჯვარში განძი მოუტანიათ და ამიტომაც დაერქვა ამ ჯვრის ყმებს „მაგანძურები“.

ორბაქალაქი აბშონი და ფსოვში. გიორგი III მეფობის ბოლო წლებში საქართველოს ჯარის ამირსპასალარმა ივანე ორბელმა და დემნა ბატონიშვილმა (გიორგი III-ს უფროსი ძმის, დავით V-ს შვილი), დიდგვაროვანი აზნაურები მიიმხრეს და აჯანყდნენ. გაერთიანდნენ ორბელთა მთელი საგვარეულო, სამცხელნი, ჰერნი, კახნი და „...სადაცა ნათესავი და ნატამალი მსმენარი მათდა იყო, იქმნა განდგომა, ბრძოლანი, კლვანი და რბევანი.“

მეფე გიორგი III-მ აჯანყება ჩაახშო და განდგომილები სიკვდილით დასაჯა. განსაკუთრებით მკაცრად გაუსწორდა ორბელთა გვარს. რეპრესიები ფხოვეში მდგარ ორბელთა თანამოძმეებსაც შეხებია, ისინი საქართველოდან გაუძევებათ. „აღგეს, წავიდეს ორბელნი, იმერეთს წყალსა გაჰდესა, იმას კი ვერავინ იტყვის, არ იყენეს, იმით წაჰდესა,“ – სინანულით ამბობს ხევსური მთქმელი.

აკ. შანიძე გ. თედორაძეს იმეორებს და წერს: „...ახიელისა და კალოთანის წყლის შესართავთან მოჩანს ძალიან კლდეზე ქვის შენობათა ნანგრევები, სადაც ოდესღაც სოფელი ყოფილა, არხოტიენები დანამდვილებით ამბობენ, რომ ეს ნანგრევები ორბელიანთა (ასეა!!!) ნასახლარიო. ისინი გვარწმუნებდნენო, თითქოს ორბელიანები ამ ადგილიდან გადასახლებულიყვნენ, რადგანაც მათ თოვლი არ ასვენებდათ.“

როგორც ჩანს, ციხე-ქალაქი „ორბეულთა“ სტრატეგიულ ცენტრს წარმოადგენდა, სადაც იდგა მეფის ხელისუფლების წარმომადგენელი ორბელთა

გვარიდან, რომელმაც ამოხეხულთა მხარე დაიჭირა და შემდეგ ხელისუფლებისგან დევნილი გადაიხვეწა „იმერეთს“, ე.ი. კავკასიონის იქით.

საფიქრებელია, რომ ორბელთა წარმომადგენლების ხევსურეთიდან განდევნა შეიძლება მომხდარიყო უფრო მოგვიანებითაც, როდესაც ნაზარალი-ხანმა ორბელიანების რეპრესიები განახორციელა.

ჯვაროსნობი და შხიშხიანი. ავსტრიელი მეცნიერი ფ. პეერი წერს: „1147 წლის ჯვაროსნული ლაშქრობა იწყება, როგორც ჯადოსნური ზღაპარი, მაგრამ მალე იქცევა კატასტროფად. ხევსურებმა, კავკასიურმა ტომმა, დღემდე შეინარჩუნეს მისი ცოცხალი მოგონება. შუა საუკუნეების იარაღით შეჭურვილნი მართავენ ორთაბრძოლებსა და ტურნირებს და წამოსძახებენ ძველ სიმღერას: „ფრანკ მეომრებს ჰყავთ დედოფალი ელეონორა, ელეონორა!.. (ახალგაზრდა დედოფალი ელეონორა წინ მიუძღოდა ჯვაროსანთა ერთ-ერთ ლაშქარს.)“

1119 წელს მაჰმადიანთაგან შევწროვებული იერუსალიმის მეფე ბალდუნი II „მოვიდა იდუმალ ქართლსა შინა“ და დახმარება სთხოვა დავით მეფეს. მართლაც, მომდევნო წელს ქართველებს გაულაშქრიათ ჯვაროსანთა მთავარი მტრის ილღაზის წინააღმდეგ.

იღებდნენ თუ არა ფხოველნი ჯვრისა და ქრისტეს სახელით მოწყობილ ლაშქრობებში მონაწილეობას, უცნობია, მაგრამ რაღაც საერთო ხევსურებს მართლაც აქვთ ჯვაროსან რაინდებთან. ქართული წყაროები არას ამბობენ ქართველთა ჯვაროსნულ ომებში მონაწილეობაზე, მაგრამ თავად ჯვაროსანი რაინდები იბრძოდნენ ქართველთა ლაშქარში. ალბათ, აქ უნდა გაეცნოთ ერთმანეთი ევროპელ რაინდებსა და ხევსურებს.

ჯვაროსანთა ლაშქრობებმა ევროპისა და აზიის ხალხები ერთმანეთს გააცნო და დაახლოვა. ერთმანეთისგანაც ბევრი რამ ისესხეს. ხევსურებს ევროპელ რაინდებთან აახლოვებს ჯვრიანი ტალავარი, მასიური ჯაჭვ-იარაღი, მუზარადის ტარების გამო თმა-წვერის სუფთად პარსვა, წინ ქოჩორი და მოპარსულ კუჭულაზე ცოტაოდენი ომის დატოვება.

ჯვაროსნული ლაშქრობის მონაწილეებს პაპის წინადადებით ურიგებდნენ წითელი ნაჭრის ჯვრებს, რომლებსაც სამოსზე უხვად აკერებდნენ. ხევსურულ ტალავარზე წითელი მაულის ჯვრები აპლიკაციის წესით არის დაკერებული.

ალ. დიუმა „კავკასიაში“, როდესაც კავკასიის მთიელებზე წერს, აღნიშნავს, რომ ქართველი მთიელები ჯერაც XIII საუკუნის ფარებით აღჭურვილნი დადიან და არ იციან, რომ ამ ფარებით იღებდნენ მათი წინაპრები ჯვაროსნებთან ერთად იერუსალიმსა და სხვა ქალაქებსო. ალ. დიუმა უთუოდ უძველეს ხევსურულ ჯვრიან ფარს გულისხმობს.

გერმანიაში, ქ. ბერლინის ცოიგჰაუზის (იარაღის) მუზეუმში დაცულია XIII ს-ის ჯაჭვ-ჯავშანი როგორც რაინდის, ასევე ცხენის. ეს საჭურველი XIX ს-ში გაუტანიათ ხევესურეთიდან. ქ. მიუნხენში, კერძო კოლექციაში დაცულია საჭურველი, მუზარადზე თარიღით – 1253 წ. და ხევესურული დავითფურლები. ეს კოლექცია გერმანელთათვის უსახსოვრებია ნიჟეგოროლის დრაგუნთა პოლკის მეთაურს ბაგრატიონს. ნიჟეგოროლის დრაგუნთა პოლკმა 1813 წელს ააოხრა და გაძარცვა ხევესურეთი. სწორედ ამ დროს უნდა გაეტანათ აღნიშნული ჯაჭვ-იარაღი ხევესურეთიდან.

ქ. ჩოლოყაშვილის კვლევით, გერმანიის კოლექციებში არსებული ხევესურეთიდან გატანილი საჭურველი არ არის ქართული წარმოების და ევროპულია. საიდან მოხვდა შუა საუკუნეების ევროპელი რაინდების აღჭურვილობა ხევესურეთში? ან რატომ არის პოპულარული ვადაჯვრიანი ხმლები ხევესურეთში, რომელთაც ჯვაროსნები ატარებდნენ?

ფსოვალთა აჰბოხაბა თამარ მეფის დროს. თამარ მეფის დროს ფხოვი, ძურძუკეთთან და დიდოეთთან ერთად, საკმაოდ ძლიერი მხარეა. აქ თითქმის უკვე მოიკიდა ფეხი ფეოდალურმა წყობამ, მიმდინარეობს სოფელ-სიმაგრეთა გაძლიერებული მშენებლობა. ფხოველნი ვერ ურიგდებიან თავისუფლების დაკარგვას. ციხესიმაგრეებს და იარაღს ფარულად ამზადებენ თამარ მეფის წინააღმდეგ. ფხოველებს უერთდებიან დიდოელნიც.

1212 წელს ფხოველნი და დიდოელნი აჯანყდნენ და სამეფო ხელისუფლებას სრული ურჩობა გამოუცხადეს. მემატინე არას ამბობს ფხოველთა ამბოხის მიზეზებსა და ამბოხის ჩახშობის შედეგებზე, მის ისტორიულ მნიშვნელობაზე. არ ამბობს მთავარს: – რა იყო მიზეზი ფხოველთა და დიდოთა, ამ სხვადასხვა გვარ-ტომის ხალხთა უკმაყოფილებისა თუ ერთიანობისა. (ჩანს, რომ იმ დროს დიდოთა რაღაც ნაწილი ფხოველთა უშუალო მეზობელი იყო და ხევესური მენდრეზე ხახმატის ჯვრის მიერ „დიდოეთის გაბეგვრაში“ ამ დიდოელებს უნდა გულისხმობდეს.)

ამბოხის მიზეზი უნდა ყოფილიყო მთაში ფეოდალურ-ბატონყმური ყოფის დამკვიდრების მცდელობა, რაც ფხოველთათვის მიუღებელი იყო და რასაც ყოველთვის დიდ წინააღმდეგობას უწევდნენ. ამბოხის მიზეზი უნდა ყოფილიყო აგრეთვე ხელისუფლების მიერ ხარკის დამძიება და ქრისტიანობის განმტკიცება-გავრცელება, რასაც მეფის მოხელეთა თუ ეკლესიის მესვეურთა მხრიდან მთიელთა შევიწროება მოხდებოდა.

ფხოველთა აჯანყება სამეფო კარისთვის იმდენად სერიოზული და საშიში ყოფილა, რომ თამარ მეფის მიერ გაგზავნილ ცნობილ სარდალს მხარგრძელს სამი თვე დასჭირდა მის ჩასახშობად. მხარგრძელმა ალყაში მოქცეული ფხოველები, მათივე მეზობელი მთიელების დახმარებით, ზურგიდან მოვლით

სასტიკად დაამარცხა, დასაჯა და აიძულა გადასახადის გადახდა და მათზე დაკისრებული ვალდებულებების შესრულება.

„... მათ უკეთუ ჟამთა იწყეს მთეულთა განდგომად კაცთა ფხოველთა და დიდოთა...“ გარეგნულად ქრისტიან, „ჯვარის მსახურ“ ფხოველთა მეზობელი და თანამებრძოლი დიდოელები უფრო კერპთმსახურნი და ველურნი ყოფილან. მათში სხვადასხვა ღვთაებებთან ერთად გავრცელებული ყოფილა ძაღლის თაყვანისცემაც. აღსანიშნავია, რომ „რჯულიან-ურჯულოთა სალოცავში“ – ხახმატის ჯვარში შემორჩენილია სალოცავი ნიში „მწევრის საფულავი“. დიდოელნი ჭამდნენ უსულოდსა და უხარშავ ხორცს, ხოლო რამდენიმე ძმას ჰყავდა ერთი ცოლი. „დიდონი არის მოსავი ემშაკისა და ძაღლისა. დაუწყეს რბევა ფხოველთა, უფროსთად მქნელთა ძაღლისა, განუღგეს მეფეს სიბრძივით, აღარ მომცემნი ძაღლისა.“ (მეფე არჩილი)

ფხოველებმა და დიდოელებმა შეკრეს კავშირი, ამოხოცეს მეფის მოხელეები, მიუხტნენ მეზობელ მთიელებს, დაარბიეს, ამოხოცეს, გაძარცვეს და დაატყვევეს ხალხი.

თამარ მეფემ სასწრაფოდ შეპყარა ლაშქარი მთიულთა, დვალთა, ცხრა-ზმელთა, მოხვევთა, ჯადელთა, ცხავატელთა, ჭართლელთა და ერწო-თიანეთელთაგან, რომელთაც არ გაუჭირდებოდათ შეუვალ მთებში ბრძოლა და ამოხებულებთან მათი მიმხრობაც გამორიცხული იქნებოდა.

სამეფო ლაშქრის სარდალმა ივანე ათაბაგმა ფხოველებთან ბრძოლის „გონიერი“ გეგმა შეადგინა, „რომელი არავის ექმნა არცა პირველ, არცა შემდგომად.“ გაიყვანა ლაშქარი ჯადის ქედის გავლით მთებზე და ზურგიდან მოუარა ამოხებულებს. მიეგებნენ ივანე ათაბაგს ქურძუქნი საჩუქრებით, მისცეს ლაშქარი და გვერდში დაუდგნენ.

ზურგიდან მოულოდნელად დაცემული მეფის ლაშქარი სამი თვის განმავლობაში შეუბრალებლად ებრძოდა, არბევდა, ხოცავდა, ატყვევებდა, წვაავდა და ანგრევდა ამოხებულებსა და მათ სადგომ-სიმაგრეებს: „მოსწყვიდნეს ურიცხვი კაცი დიდო და ფხოვი.“

მხარგრძელის ზურგიდან დაცემულმა ლაშქარმა მემოხეებს გადაუკეტა გზა ჩრდილოეთისკენ, უკანდასახევი გზა-უღელტეხილები და მოუსპო სახიზრები.

ამოხებულებმა ვერ გაუძლეს მეფის ლაშქრის დაწოლას, იძლიენენ და არაგვის ხეობისკენ დაიწყეს ჩამონაცვლება. ფხოველებმა ჯმალას ციხესიმაგრეში მოიყარეს თავი და იქ გამაგრდნენ. ეს ციხე კი მათ საგანგებოდ ჰქონდათ გამაგრებული, რადგან ლაშქრის შემოსვლას ფშავის არაგვის ხეობით ვარაუდობდნენ.

მხარგრძელმა ჯმალას ციხე რომ ვერ აიღო, მაშინ მის მოპირდაპირე მხარეს, კლდის თავზე „შურისციხე“ ააგებინა, საიდანაც ისარს ჩაესროდნენ

ამოხებულიებსა და გამოსვლის საშუალებას არ აძლევდნენ. („შურისციხეზე“ ნათქვამია: „...ციხემ თქვა ერთი სიტყვაი ძალიან გასაკვირია: — შალვაის ანაგები ორ სინის ჩამიდვა ძირია...“ ვინ იყო ეს „შალვა“? იქნებ სარდალი და გამგებელი შალვა ახალციხელი, რომელიც ისტორიულ მასალებში მეჭურჭლეთუხუცესად და მანდატურთუხუცესად ივარაუდება?

სამი თვის განმავლობაში სისხლისმღვრელი ბრძოლებით „შეიწროებულთა ათაბაგისათა“ ხელისუფლებას მორჩილება განუცხადეს. ათაბაგმა ამოხებულითა თავკაცებს თავები მოკვეთა და გვამები მდინარე არაგვში ჩაყარა.

დამარცხებულმა ფხოველებმა მისცეს მძევლები, დაიდგეს სახელმწიფო ბეგარა და აღუთქვეს მსახურება.

ვახლა გამარჯვებული ათაბაგი მეფეს და მოახსენა: „ძლიერო მეფეო! იქნბა ბრძანება შენი, მოვაოკრენ ურჩნი შენნი ღიღოეთი და ფხოეთი.“

რატომ წერს მემატინან ასეთი რიხითა და სიამაყით ფხოველთა მოხრებაზე? გავიხსენოთ მეფე მირიანის ერისთავის მიერ ფხოველებზე აღმართული მასვილიც. „ფხოველთა ქვეყანა“ ორივე შემთხვევაში ღიღი და ძლიერი მხარეა. თვით თამარ მეფისთვისაც კი, რომელსაც უზარმაზარი სამფლობელოები მორჩილებენ, ფხოველნი, ღიღოელებთან ერთად, საშიშ ძალად წარმოჩნდნენ. ამიტომ დასჭირდა ამბოხის ჩასახშობად მეფის სახელოვან სარდალს სამთვიანი ბრძოლა, რომლის დროსაც მიწასთან გაასწორა ფხოვის ციხესიმაგრეები.

წმინდა სმთა კუალტი უსოვში. თამარ მეფის ფხოველში ლაშქრობის დროს (და უფრო ადრეც) უნდა მომხდარიყო ვმალას ციხე-სალოცავში წმინდა ალვის ხის მოჭრა. (ასევე ლაშარის ჯვარში ბერმუხის მოჭრა). ეს ისტორიული ფაქტი მთქმელებმა მოგვიანებით ზურაბ არაგვის ერისთავის ფშავხევსურეთში ლაშქრობებს დაუკავშირეს, რადგან არაგვის ერისთავებიც ცდილობდნენ მთაში ქრისტიანობის განმტკიცებას და წარმართულ ღვთაებათა თაყვანისცემის აღმოფხვრას.

წმინდა ხეთა მოჭრის ლეგენდას შორეულ წარსულში აქვს ფესვები და საქართველოში ქრისტიანობის გავრცელების პირველ ხანას მიეკუთვნება. I ს-ში ანდრია მოციქულმა მეგრელთა მოქცევისას „ღიღი ჭყონი“ („ღიღი მუხა“) მოჭრა, IV ს-ში მირიან მეფემ მცხეთაში ტაძრის აშენების წინ „მოკუეთა ნაძვი იგი“, რომელიც „სიცოცხლის ხის“ უძველეს კულტს წარმოადგენდა. წმინდა ხის მოჭრამ მცხეთელებზე ღიღი ზემოქმედება მოახდინა.

წმინდა ხეთა მოჭრა, მასთან არსებულ წარმართულ სამლოცველოთა თუ ციხეთა დარბევა ფხოველში და მათ ადგილას ქრისტიანული ეკლესიის მშენებლობა მირიან მეფის დროიდან უნდა მოდიოდეს. ხალხის რწმენით, ვმალას ჯვარი „სვეტიცხოვლის მოძმეა.“ (ანდრეზით ვმალადან შურისციხემდე ოქ-

როს თუ ვერცხლის შიბი ყოფილა გაბმული. ანალოგიური გადმოცემა სე-
ტიცხოვლისა და ჯვრის მონასტერზე.)

მართალია, ფხოვში წმინდა ხეები მოჰკვეთეს და მათ ადგილას ჯვარი
აღმართეს, ხალხში ხეთა თაყვანისცემა მაინც ვერ აღმოფხვრეს. გუდანის
ჯვრის უპირველეს საბრძანებელს სოფელ აქნელთან „მუხათკარი“ ჰქვია. ბლო-
ელნი ასე მოიხსენიებენ თავის ჯვარს: „...გიორგი ბერმუხას დაარსულ“-ო.
ამას გარდა, ხევსურეთის ყველა სოფლის ჯვრის ტერიტორიაზე დღესაც და-
ცულია მრავალსაუკუნოვანი ხეები (იფანი, მუხა, წიფელი, ალვის ხე), რომ-
ლებიც წმინდა და შეუვალია.

ხეთა კულტ ზე მოწმობს ანდრეზები ფხოვში, ამა თუ იმ მოსახლის კერაში
ამოსული იფნის ხეზე, რაც ნიშანია იმისა, რომ ადგილი ჯვარმა დაიჭირა.

УСЛОВИЯМИ АМХОУСИ СЕМЕЛ. ფხოვში და დიდოეთში თამარ მეფის გა-
ლაშქრების შემდეგ დაიწყო ფხოვიდან გადამთიელთა გადაღვენა. პარალე-
ლურად შიგ ფხოვში წარმოებდა გვარების შიდა გადაჯგუფებანი. ამასთა-
ნავე, ამოხების დროს ამოწვეტილი გვარების მამულებში ხელისუფლების
მიერ საიმედო და მორჩილი გვარების ჩასახლება, როგორც ბარიდან, ასევე
ქურძუკეთიდან, რომელთაც მონაწილეობა არ მიუღიათ ამოხებაში და თა-
მარის ლაშქარს დაუდგნენ მხარში. ცხადია, ისინი სამოსახლო ადგილებს
მოითხოვდნენ საქართველოს ტერიტორიაზე. ამ დროს უნდა დამკვიდრებუ-
ლიყვნენ ფშაე-ხევსურეთის ცენტრალურ და საუკეთესო ადგილებში, სოფ.
ღულსა და სოფ. შუაფხოვში, ქისტაურთა ძლიერი გვარები, „მოსულნი ქის-
ტეთის სოფელ ღულ-ცხორეგოდან“.

თამარ მეფისა და ლაშა გიორგის შემდეგ ფხოველებზე საძეფო კარის
გავლენა სუსტდება. ფხოვში იწყება შინაომები ადგილობრივ, მკვიდრ მო-
სახლეობასა და ჩამოსახლებულთა შორის, რომელთაც მითვისებული აქვთ
ხევსურთა მამულები. ხევსურეთის არაგვის ქვემო წელში გაჩნდნენ სოცი-
ალურად დაწინაურებული პიროვნებანი, რომელთაც შევიწროვება დაუწყეს
მეზობლებს.

გაძლიერდნენ ჯმალას, მთავარანგელოზის, პირიმზეს... ჯვრების ყმანი,
რომელნიც დაუპირისპირდნენ გუდანის ჯვრის ყმებს და ნელ-ნელა შემოიმ-
ტიციეს მითვისებული მამულები, თუმცა ჯერ კიდევ ადგილის ბეგარას აძ-
ლევენ გუდანის ჯვარს.

საარავგოდან შევიწროვებული გუდანის ჯვრის ყმანი, რომელთა ადგ-
ილები დაიკავეს ფხოვეური წარმოშობის ბარიდან მოსულმა გვარებმა, გორ-
შელმის ვიწრო ხეობაში შეიხიზნენ. მათ მოგვიანებით „ძმად შეყრის“ გზით
უერთდებიან სხვა მცირე თუ დიდი გვარებიც. კიდევ უფრო განმტკიცდა ლე-
გენდა სამაგანბუროს გვარების შესახებ. შეკავშირებული გვარები გუდანის

ჯვრის დროშით ცდილობენ გავლენის შენარჩუნებას ყოფილ მამულებზე. XVI ს-ში სამაგანძუროს ხევსურნი ბარისახოში მდგარ „ქისტური წარმოშობის“ სისვაურებსა და სხვებს უკვე ემუქრებიან: „...გაწირე ჩვენი ადგილი, თორე დაგაღვრევთ სისხლსაო.“

თამარ, მამე სიხსუროთა ბაჟმოცამეზში. ანდრეზები თამარ მეფის შესახებ ხევსურეთში თითქმის არ არის. შემორჩენილია ძველი ლექსი, რომლის თანახმადც მეფეს ხახმატში „სიონი“ აუგია, შიგ „ბერ-მღვდელნი“ დაუყენებია და განძიც შეუწირავს. ამასთანავე, მეფეს შატილსა და ანატორის საიმედო ხალხი ჩაუყენებია და ეს კარი საგულდაგულოდ გაუმაგრებია.

ჰყვებიან თამარ მეფის ლელისვაკეს, სანესა და აკუშოს გორზე ასვლის ამბებსაც. მას ხევსურეთში ციხე-კოშკებიც უშენებია, მიუთითებენ კიდევ ციხეთა ნანგრევებზე. ციხე-კოშკები, მართალია, თამარის დროს უშენებიათ ფხოველთ, მაგრამ ისინი თამარის საწინააღმდეგოდ გამოიყენეს და მეფის სარდალმა კი ამბოხის ჩახშობისას დაანგრია და მიწასთან გაასწორა. ფხოვის დალაშქვრიდან ერთ წელიწადში მიიცვალა თამარ მეფე და ციხე-კოშკთა აღშენებლობას ვეღარ მოასწრებდა.

ფხოვის ტერიტორიაზე მდგარ ზოგიერთ ციხე-კოშკზე ნათქვამია: „...თამარ მეფემ აშაშენა, სისხლის წვიმის წინა წელსა.“ „სისხლის წვიმის“ წლად კი 1212 წელი უნდა მივიჩნიოთ.

გადმოცემით გუდანის მთაზე აღმართული სანეს ციხე „თამარის აგებულა“. (ასევე, ქვემოთ, ნაჭარელასაც მდგარა „თამარის ციხე“). მაგრამ ისიც ვიცით, რომ სანეს ციხე კივკოზაურების ძლიერ გვარებს აუგიათ „გუდანის ჯვარის სამუქაროდ“. სავარაუდოა, რომ კივკოზაურებს, ბადრიაულებს, ქიბარაულებს, ბაციონებს... ციხეები „თამარ მეფის სამუქაროდ“ უშენებიათ. ჩანს, რომ ამბოხებულთა რაღაც ნაწილი თამარის მხარეს დადგა, რამაც შემდგომ შესაძლებელი გახადა მათი გამარჯვება კივკოზაურებსა და სხვა აღზევებულ „ურწმუნო“ გვარებზე.

თავად ხევსურებსა და ფშავლებს სხვადასხვაგვარი შეხედულება ჰქონიათ თამარ მეფეზე. „აღსანიშნავია, რომ ხევსურებმა არაფერი იცოდნენ დედოფალ თამარზე, მაშინ, როცა მთელი კავკასიის ქრისტიან ხალხებში მასზე უთვალავი თქმულებებია.“ (ა. რადე)

თ. ოჩიაური წერს: „მთელი საქართველოს სათაყვანები დიდი თამარის შესახებ რომ ხევსურეთში შემონახულა გადმოცემები, სადაც თამარი დიდი პატივით არ იხსენიება, ერთ შეხედვით გიკვირს და გწყინს, მაგრამ როდესაც მათიანე ჰყვება ამბავს, თუ რა უღმობლად მოაოხრა თამარის მიერ წარგზავნილმა ათაბაგმა ურჩინი ფხოველნი, გასაგებია, რად ვერ ასახა ხევსურთა ზეპირსიტყვიერებამ დიდი თამარი ღირსი ღიდებით: ერთი მხრივ იგი

ღვანულმოსილი მეფე იყო საქართველოსი, მეორე მხრივ კი პატარა კუთხის ამოხების ცეცხლით ჩამხშობი. ბუნებრივია, რომ ხალხურმა სიტყვაობამ შემოინახა ამ მტრობის გამოძახილი.“

ვაჟა-ფშაველა აღნიშნავდა: „ხოლო ესაა საკვირველი, რომ თამარი ფშაველებსა და ხევსურებს ერთნაირად არ მიაჩნიათ...“

ხევსურთა და ფშაველთა გადმოცემებში მეფე თამარზე სხვადასხვა შეხედულება მიანიშნებს იმას, რომ ძველი ფხოვის დროს ხევსური და ფშაველი (ხევსურეთი და ფშავი) განსხვავებულად ერთმანეთისგან და დამოუკიდებელ თემებს თუ ხეკვებს წარმოადგენდა. ფშავი, რომელიც ხევსურეთთან შედარებით ადვილი მისაწვდომი იყო ბარისთვის, უფრო ქრისტიანი და ერთგულ-მორჩილი იქნებოდა ხელისუფლებისთვის და ამიტომ ფხოველთა ამბოხის ჩახშობაც ნაკლებ ნგრევასა და მსხვერპლს გამოიწვევდა მათში. ალბათ ამის გამო ჩაისახა ფშავში თამარის, ლაშა-გიორგის, ივანე მხარგრძელის კულტი. დროთა განმავლობაში უძველესი სალოცაუები გაიგივდა მათ სახელთან, რომელთაც ფშაველი ხევისბერი დღესაც მოიხსენიებს. სავარაუდოა ისიც, რომ ფხოველთა ამოხის ჩახშობის შემდეგ დღევანდელი ფშავის ტერიტორიაზე საქართველოს ბარიდან მოსახლეობის ახალი ნაკადი შევიდა, რომელთაც დაამკვიდრეს თამარისა ლა ლაშას კულტი.

შინაოიმიზი შსოიშში. მონღოლ დამპყრობთა პოლიტიკის გავლენით საქართველოს თანდათან განუდგნენ ძურძუკნი და დიდოეღნი, რომელნიც პირიქითა ხევსურეთის მამულების მითვისებას ცდილობდნენ.

საქართველოს ძლიერების დაცემით სუსტდება ფხოვიც. ფხოვის დაშლის პროცესში ნელ-ნელა ეცემა ხახმატის ჯვრის ძლიერება, რომლის რიცხვმრავალი ყმები ჯერ კიდევ წმ. ნინოს დროიდან დაიფანტნენ. ხახმატის ჯვარს ერთმევა ფხოველთა სალაშქრო დროშა და რჩება როგორც ნაყოფიერების, მიწათმოქმედების ცენტრალური სალოცავი „რჯულიან-ურჯულითა“, რომელსაც მაინც ლოცულობენ თუშ-ფშავ-ხევსურნი, გუდამაყრელნი, დიდოეღნი, ძურძუკნი. „ლაშქარ-ნადირობა“ – სალაშქრო დროშის გაძლიერება, ადათობრივი რჯულის დადება-გამოტანა გუდანისა და ლაშარის ჯვრებს ხვდა წილად.

ხევსურები ცდილობენ სხვათა მიერ მითვისებული ადგილ-მამულების დაბრუნებას. ზოგ შემთხვევაში „მოსულები“ ძმად შეეყრებიან გუდანის ჯვრის ყმებს და უნჯად იმკვიდრებენ ადგილებს.

ხევსურეთის სხვადასხვა ადგილის მკვიდრნი მტრობენ და ავიწროვებენ ერთმანეთს. ზოგჯერ ერთიანდებიან კიდევ და მეზობელ ტომებზე თავდასხმებს აწყობენ. ამ ხანებში ხდება „დიდი დიდოეთის გაბეგვრა“ და „მაისტის გა-

ტეხა“, პირიქითა ხევსურეთის შემომტკიცება და იქაურ მოსახლეობაზე ჯვრის მიერ გავლენის მოპოვება, ზოგან მაგანძურთა გვარების ჩასახლებაც.

„დიდი დიდოეთის გაბეგვრის“ დროს ფხოვი ჯერ კიდევ ერთიანია და ლაშქრობა ხახმატის ჯვრის დროშით წარმოებს. „მაისტის გატეხა“ მოგვიანებით ხდება. ხევსურები გუდანის ჯვრის დროშით იბრძვიან, ფშავლები – ლაშარის ჯვრის დროშით. ამ ლაშქრობების დროს უკვე იგრძნობა ფხოველთა უთანხმოებანი. ლაშქრობაში მონაწილეობას არ ლებულობენ ცროლის სანების და უკანაფშავის წყაროსთაულის ჯვრის ყმანი.

შინაომები და ურთიერთთავდასხმები განსაკუთრებით გამწვავდა XIII ს-ის მეორე ნახევარსა და XIV ს-ში, რაც აღმოსავლეთ საქართველოს მთელ მთიან მხარეს მოედო, „ღევ-კერპნ ზეპირ გამავიდეს“. თემები, ხეკები, გვარები ერთმანეთს გადაეკადა და ქვეყანა ქაოსმა მოიცვა, რამაც თვით სამეფო კარიც აღაშფოთა და შეაშინა. ასეთ ვითარებაში მთაში ჩაყენებული მეფის მოხელენიც განუდგებოდნენ ხოლმე მეფეს და მთიელებზე გაბატონებას ცდლობდნენ, რაც საერთო არეულობით და ამბოხით მთავრდებოდა.

გადმოცემებითა და დაკვირვებებით იქმნება შთაბეჭდილება, რომ ხევსურეთის თემებს ერთგვარი რკალი ჰქონდათ გაკეთებული გუდანის ჯვრის ყმათა ირგვლივ, რომელთაც იცავენდნენ და ზოგჯერ ავიწროვებდნენ კიდევ. ამას გარდა, გუდანის ჯვარს მთელი ხევსურეთის ტერიტორიაზე და ცენტრალურ გზებზე ჰქონდა „ჯვართი დაჭერილი“ თუ ბრძოლით მოპოვებული გზა-ადგილები, ე.წ. „სამაგანძურო მამულები“, სადაც ისინი შეუსხებელნი იყვნენ.

ხმარაიჩიშაღი ღა მონაწილეები. 1225–1231 წლებში საქართველოში გამოჩნდნენ ხვარაზმელები. მათმა სულთანმა დაიპყრო საქართველო და მოაოხრა მიწა-წყალი. რუსუდან დედოფალმა შეკრიბა ქართველთა ლაშქარი, მოიშველია ოსები, ძურძუკები და „ყოველი მთიელნი“, მაგრამ ქართველები დამარცხდნენ. ხვარაზმელთაგან დევნილი მოსახლეობა „ივლტოდეს... ტყეთა და სიმაგრეთა კაკასიანთასა და მთიულეთსა.“

ხვარაზმელებს მონღოლნი მოჰყენენ და დიდხანს ბატონობდნენ საქართველოში.

1254 წელს მონღოლებმა თავიანთ სამფლობელოებში აღწერები ჩაატარეს. აღწერების მიზანი იყო გადასახადების მოწესრიგება და ომში გამსვლელი ქართველთა ლაშქრის რაოდენობის დაზუსტება. დამპყრობლებმა ყველა და ყველაფერი დაბეგრეს. აღწერა ფხოველშიც ჩატარებულა და ბარიდან მთაში შეხიზნული მოსახლეობის უკან დაბრუნებაც დაუწყიათ.

თორღაუა ანაქალი ღა ფხოველთა ამბოხი. მართალია მეფემ ფხოველნი დაიმორჩილა, მძევლებიც აიყვანა, მაგრამ დაახლოებით ორმოცი წლის შემდეგ ფხოველნი ხელისუფლებას კვლავ განუდგნენ და ამბოხდნენ.

მეფე დავით ულუს მონღოლეთში ყოფნის დროს ქვეყანას დედოფალი ჯიგდა ხათუნი და სამეფო კარის გამგებელი, მესტუმრე ჯიქური მართავენ. ჯიქურმა სამეფოში წესრიგი დაამყარა, მაგრამ კახეთის ერისთავი თორღუა პანკელი ძაგანისძე, რომელმაც „ჰონა არღა-რა მოსვლა მეფისა ყაენიდგან“, განდგა და კასეთი „თავისად დაიჭირა“. თორღუა პანკელს ფხოველნიც გვერდში ამოუდგნენ და დედოფალს დაუპირიძეებლობა გამოუცხადეს.

დედოფალმა ვერაყერი ავნო პანკისის ციხეში: გამაგრებულ თორღუას და ფხოველებზე იყარა ჯაერი: მესტუმრე ჯიქურის საშუალებით დალაშქრა და დაბეგრა ფხოვი: „ფხოველნი მოხარკე და მეჯორედ ყვნა კაცნი იგი მკვეცისა ბუნებისანი“.

ფხოველთა განდგომისა და ამბოხის მიზეზი ჯერ თამარ მეფის დროინდელი, შემდეგ კი მონღოლთაგან დადებული ბეგარის სიმძიმე და, ამსთანავე, კახელი დიდებულების დამოუკიდებლობისკენ ლტოლვა იყო. მართალია, ჯიქურმა კვლავ აკისრებინა სახელმწიფო გადასახადის გამოღება და ქრისტეს რჯულის აღიარება, მაგრამ შემდგომი მოვლენების გამო ფხოველებმა კვლავ აღიდგინეს გვაროვნული თავისუფლება და მიაღწიეს დამოუკიდებლობას.

მეფე დავით ულუ მონღოლთა ყაენიდან რომ დაბრუნდა, თორღუა პანკელმა ფხოვის მთებს შეაფარა თავი. ციხე-ქალაქი მუცო, სადაც თორღუა დადგა, საქართველოს ჩრდილოეთ საზღვარზე კარგად გამაგრებული ერთ-ერთი სტრატეგიული ცენტრი იყო, რომელიც ჩრდილოეთ კავკასიის ტომებს აკონტროლებდა. ერთხანს აქ „დიდოეთიდან მოსული“ მაღალი ჩამომავლობის ჩოლოყაშვილებიც იდგნენ, რომლებიც მუცოს პოლიტიკური როლის დაქვეითების შემდეგ კახეთის მეფემ მატანში დაასახლა.

მუცოს შეხიზნულ თორღუა პანკელს ცუცქიაურების ქალთან ვაჟიშვილი, ერთადერთი მემკვიდრე შეეძინა. მეფე სხვადასხვა დაპირებებით ცდილობს თორღუას ჩამოყვანას ფხოვის მთებიდან და ახერხებს კიდევ. მეფისაკენ გზად მიმავალი თორღუა გრძნობს აღსასრულის მოახლოვებას და მეფის შუამავალს ეუბნება: „თუ იმედი არა გაქვს, რომ შენის შუაკაცობით სიკვდილს გადამარჩენ, მაშინ უკეთესია თავი დამანებო“ და სინანულით დასძენს: „...რამეთუ მარტო ვარ და სიკუდილითა ჩემითა უმკვიდრო იქნების მამული ჩემი.“

მოტყუებით ჩამოყვანილი თორღუა დედოფლის ბრძანებით სიკვდილით დასაჯეს – კლდიდან გადააგდეს.

მემატიანე არას ამბობს თორღუა პანკელის ფხოვში მოღვაწეობაზე, მასზე მხოლოდ ხალხური მთქმელები მოგვითხრობენ. გადმოცემებში თორღუა პანკელის საქმენი დაკავშირებულია მისი უკანონო მემკვიდრის თორღუა ძაგანის (ძაგანისძის) ცხოვრებასთან, რომელიც აღზევდა თუშ-ფშავეხეცურეთში და ბოლოს ფშაველებმა დალატით მოკლეს.

მუხრან-არაგვის, კახეთ-პანკისის ერისთავთ-ერისთავების ჩამომავლის, კონტასთავის შეთქმულების მონაწილე, მეამბოხე თორღუა პანკელის ხევსურეთში დაბადებული შვილი, რომელსაც „დიდებულობის ნიშანი“ დაბადებიდანვე დაჰყვა, აღზევდა თუმ-ფშაგ-ხევსურეთსა და დიდოეთ-ძურძუკეთში. მას ნებაყოფლობით მორჩილებენ მთიელნი და „კახეთსაც გადაეჩვია“. იგი ცდილობს შამის მემკვიდრეობის დაბრუნებას: „თორღუა იკვლევდა ადგილსა, ბატონის ნაბიჭვარია“, ან „...თავად მიმართეს ვალია“.

თორღუა ამაგრებს თავის მცირე საერისთაოს. ხევსურეთსა და თუშეთში აშენებს შეუქალ ციხესიმაგრეებს, რომლებიც ღღესაც გვაოცებენ თავისი გრანდიოზულობით.

მონღოლები და უსოფლნი. საქართველოში მონღოლთა ბატონობის ეპოს ქართველ მთიელებს ჩრდილოეთ კავკასიელ ტომებისა და თოხთამაშის რაზმების თარეშის ალაგმვაში მონღოლებიც ეხმარებიან. მაგრამ ამ შემთხვევაში მონღოლებს მთიელთა ბედი კი არ აწუხებთ, არამედ ბეგარის მათი წილი რომ სწორედ მოთარეშე ტომებს მიჰქონდათ.

ქართველი მემატთანე არ უარყოფს მონღოლ ჯარისკაცთა და მათი ბელადების ვაჟკაცობას. ქართველები მონღოლებს საქართველოში გამოჩენამდე ქრისტიანებადაც კი მიიჩნევდნენ და შემდგომაც მათ „ცუდ ქრისტიანებს“ უწოდებდნენ. ამ მხრივ წარმართ მთიელებს შამან მონღოლებთან, რომლებიც თავად ცახცახებდნენ ყოველგვარი კერპისა და ღვთაების წინაშე და ქართველთა სარწმუნოებას არც შეხებიან, საერთო უნდა გამოენახათ. (მონღოლები თავყვანს სცემდნენ მიწას, წყალს, ხეს, რკინას, ცეცხლს).

საქართველოში მონღოლების მრავალწლიანმა ბატონობამ ფხოველიც დატოვა თავისი კვალი. მონღოლური წარმოშობისაა სახელები: თარხანა, ბადური, ბალათერა, ბათირა, ხათუთა, ბათურა, ამლა, არღუნი, სიმური...

მონღოლებმა საქართველო ღუმანებად დაჰყვეს. ფხოვი, რომელიც ჰერეთ-კახეთისა და კაშხეოვანის ღუმანში შევიდა, ეგარსლან ბაკერციხელის (ცოტნე დადიანთან, თორღუა პანკელთან და სხვა დიდებულებთან ერთად კონტასთავის შეთქმულების მონაწილე) გამგებლობაში მოექცა. იგი იმდენად აღზევდა, რომ მეფესაც კი აღარად აგდებდა და თავის თავგასულობას შეეწირა.

მუშადნის ჯვარი – „ბერი ბაადური“. ხალხური გადმოცემით, გუდანის ჯვარი – „ბერი ბაადური“ ფხოველთა თავდაპირველი სალოცავია. „პირველად დასახა მორიგემა ბერი ბუქნაი ბაადური...“ „...შვიდმეტ ათას წელ წავიდა ჩემ დასახვიდე...“ (მას მოჰყვებიან თერგაული, კოპალა, იახსარი...) სახელწოდება „ბაადურ“ რომელიდაც უძველესი ღვთაებიდან მოდის. იგი ინდურ და მონღოლურ ენებზე უმაღლეს სამხედრო ტიტულს, წოდებას აღნიშნავდა. ხევსურთა „ბერი ბაადურიც“ ხომ მოლაშქრე ღვთაებაა. (ხევსურ-

რეთში დღესაც გვხვდება საკუთარი სახელები: ბათურა, ბათირა, ბალათურა, რომლებსაც კავშირი უნდა ჰქონდეს კავკასიელთა ძველ სახელთან – ბაყათარ.)

მონღოლთა ბატონობის უმჯობესი. მონღოლების ბატონობამ გამოიწვია ქართველ და კავკასიელ ტომთა შორის მტრობა, ურთიერთთავდასხმა, ყაჩაღობა, მოძმეთა დაქცევა–განადგურება, რაც გამარჯვებული მხარისთვის საქებიანი და საამაყო შეიქნა. ყველაზე საველადლო მდგომარეობა მთიანეთში – ქსნისა და არაგვის საერისთაოებში იყო. თუ მანამდე ქართული სამართალი ერთმანეთისგან განასხვავებდა განზრახ და შემთხვევით მკვლელობას, XIV ს-ის პირველი ნახევრიდან სამართალი მკვლელს ორივე შემთხვევაში ერთნაირად მიუზღავს – სისხლით. მონღოლებმა შემოიღეს დამნაშავეის ადგილზე მოკვლა, გამოუძიებლად და განუსჯელად.

რაც ყველაზე სამწუხაროა, მონღოლთა ბატონობამ გამოიწვია ის, რომ კავკასიელი ტომები ჯერ ერთმანეთისგან გათიშეს, მერე კი საქართველოს დაუპირისპირეს. კავკასიელი მთიელები გამუსულმანდნენ და ფხოველიც გააქტიურდა ბრძოლა ეკლესიის წინააღმდეგ. თათარ-მონღოლთა ხელში აღმოჩნდა კავკასიონზე გამავალი გზა-ბილიკებიც და სიმაგრეებიც.

გვიანი დროის ხევსურმა მთქმელებმა საქართველოს სამხრეთით გადახდილი ადრინდელი ბრძოლები ჩრდილოეთის გამუსულმანებულ ტომებთან ბრძოლებს დაუკავშირეს. კლარჯეთ-არტანის ლაშქრობა („ქაჯავეთის დალაშქერა“) დაკავშირებული იყო ძურძუკეთსა და დიდოეთში ლაშქრობებთან („მაისტის გატეხა“, „დიდი დიდოეთის გაბეჯერა“).

ხევსური შეკითხვაზე – „საურუმო სად არის?“ ასე უპასუხებს: – „აიქისკე ეძახიან, ოვსეთისკე.“ (ურუმნი საქართველოს სამხრეთით მცხოვრები თურქული ტომები იყვნენ.)

მონღოლების შემდეგ ფეოდალური დაქუცმაცებულობისა, ცენტრალური ხელისუფლების გაუღუნის შესუსტებისა და ეკონომიკური მიზეზების გამო დაიწყო ფხოვის დაშლა, ფხოველი ტომების, გვარების შიდა გადაჯგუფებანი და მიგრაცია, რის გამოც შეიცვალა მათი საზოგადოებრივი და ოჯახური ურთიერთობა, ამან კი თავის მხრივ გამოიწვია ხალხის თვალსაზრისისა და სულიერი სამყაროს ცვლილება, რაც დღევანდელ ხევსურთა და მათი უმუალო მეზობლების ადათობრივ ტრადიციათა, კილოს, ტალავარის, ალჭურვილობის სხვადასხვაობაში ჩანს.

არაუწილბანი მთიანეთში. „კეზლის დაღიბა“. მონღოლთა ბატონობის შემდეგ გაუარესდა თავისუფალ გლეხთა მდგომარეობა. მთიანეთის კუთხეების მმართველებმა დაიწყეს ბრძოლა მთიელთა დასამორჩილებლად. მთიელებმაც მახვილი შემართეს ხელისუფლების მოხელეთა წინააღმდეგ,

ზოცავდნენ მათ, არბევდნენ მათ ციხე-კოშკებს, უწევდნენ სახლ-კარს და აძევებდნენ მთიდან.

იმ დროის აღმოსავლეთ საქართველოს მთიელთა ყოფაზე ნათელ სურათს გვაძლევს „ძეგლის დაღება“ მთიულთათვის. „ძეგლის დაღებიდან“ ჩანს, რომ თამარის შემდგომ მთიანეთი ამზოხისა და ბრძოლების კერად იქცა. მეფე გიორგი V ბრწყინვალემ, აღრეული ყოფა-ცხოვრების მოწესრიგების მიზნით, მთიულეთში განსაკუთრებული რეფორმები გაატარა და მათთვის სპეციალური სამართალი შეადგინა. ანალოგიური სამართალი უნდა გავრცელებულიყო ფხოვშიც. თუ შევადარებთ ხევსურთა დღევანდელ ადათობრივ სამართალს, „ძეგლის დაღებასთან“ ბევრ საერთოს აღმოვჩენთ. ეს მიანიშნებს იმას, რომ თავად „ძეგლის დაღებასა“ და ხევსურთა რჯულს უძველესი ქართული სამართალი ელო საფუძველად. ხევსურეთში დღემდეა შემორჩენილი უძძიმესი სასჯელი „ძენგლი“ („ძენგლის დაღება“), რომელსაც ჯვარი ადებდა ღამნაშავეს.

* * *

მეფე გიორგი V ბრწყინვალეს მეფობის წინ, მონღოლთა ბატონობის შედეგად საქართველო იშლება, მკვიდრდება მონღოლური წესები, ასპარეზზე გამოდიან გაძლიერებული ერისთავები და დიდმოხელენი.

„გამწვავდა მთისა და ბარის ურთიერთობა, ამიერ და იმიერ კაკკასიის მთის მოსახლეობა, რომელიც ადრე საქართველოს ძლიერი მეფის ხელისუფლების მორჩილების ქვეშ იყო მოქცეული, მონღოლთა წაქეზებით ურჩობა დაიწყო. მთიელებმა ამოხოცეს ან გამოაძევეს მეფის მოხელეები და ეკლესიის მსახურნი. ბოლოს შეტევაზეც გადმოვიდნენ და დაიწყეს მონღოლთა მიერ გაპარტახებული საქართველოს ბარის ტერიტორიაზე ჩამოსახლება.“ (გ. მელიქიშვილი)

საჭირო გახდა საქართველოს მთიანეთში სტაბილურობის აღდგენა და საქართველოს დამცავი ჩრდილოეთი ზღუდის გამაგრება. გიორგი V ბრწყინვალე ახერხებს საქართველოს მთა-ბარში წესრიგის დამყარებასა და გათავხედებული გადამთიელების გადადევნას.

მთიულთა არეულობაზე საუბრისას მემატიანე ფხოველებს არ მოიხსენიებს. თუმ-ფშავ-ხევსურეთში აღზვევებულ თორღვა ძაგანისძეს თავის „მცირე საერისთაოში“ მკაცრი წესრიგი აქვს დამყარებული.

ბიორბი V ბრწყინვალე და ხამსურაზი. საქართველოს მიწა-წყლის გაწმენდას გადამთიელთაგან მეფე გიორგიმ სამი წელი მოანდომა. ხევსურები მთლიანად იკავებენ და ისაკუთრებენ პირიქითა ხევსურეთს. ამასთანავე,

ისინი მონაწილეობას ღებულობენ ქსნელ და არაგველ მთიელებთან ერთად ქართლში დამკვიდრებული ოსების წინააღმდეგ ბრძოლებშიც.

რამდენადაც მთიანეთისადმი მიდგომა თამარის შემდგომ ხანაში კვლავ შეიცვალა (დაკარგა ზურგის ფუნქცია) და მთა საქართველოსთვის კვლავ სასიცოცხლო თავდაცვითი დანიშნულების მატარებელი გახდა, მეფემ ხევ-სურები, სხვა მთიელებთან ერთად, საბოლოოდ გაათავისუფლა ყოველგვარი ბატონობისა და ფეოდალური უღლისგან. „ისტორიიდან ვიცით, რომ გიორგი ბრწყინვალემ მე-14 საუკუნის საქართველოში მთის ხალხი განთავისუფლებულ ჰყო, როგორც ბატონების ყმობისაგან, ასევე მათ მოხარკეობისა და მონობისაგან. ასე განთავისუფლდნენ თუშნი, ფშავნი, ხევსურნი, მოხეკენი, მთიულნი, ზოგნი ოსნი და კახეთისაკენ ქიზიყნი.“ (ზ. ჭიჭინაძე)

ამასთან, მეფემ კახეთის სოფელი მატანი და მისი მიმდებარე ტერიტორიები ხევსურებს უბოძა, სადაც ხდებოდა ჭარბი მოსახლეობის ნაწილის ჩასახლება.

* * *

XIV ს-მდე, რომელიდაც პერიოდში, ფხოველნი ფეოდალიზმის გავლენის ქვეშ იყვნენ, თუმცა აქ მოსახლეობის სოციალური დიფერენცირება არ ყოფილა და სახელმწიფო კანონებიც ნაკლებ ვრცელდებოდა. განსაკუთრებით ძლიერი იყო ძველი დამოუკიდებელი სასოფლო ტერიტორიული თემის იურიდიული სტატუსი, რომლითაც ისინი სახელმწიფოსგან დამოუკიდებლად მართავდნენ ყოფა-ცხოვრებით ნორმებსა და აე-კარგს. მათ სახელმწიფოსთვის მხოლოდ საკალდებულო ხარკი და ლაშქარი უნდა ეძლიათ. მართალია, თამარ მეფემ და დავით ულუმ მთა მძიმედ დახარკეს, ფხოვემა მაინც შეინარჩუნა თემის იურიდიული სტატუსი და არ მიიღო კერძო საბატონო-მემამულური ფეოდალიზმი, კერძო მებატონე-ფეოდალთა ბატონყმური დამოკიდებულება. „შესაძლოა, სამეფო ხელისუფლებამაც უკან დაიხია და ფხოვეთან ძველი დამოკიდებულება-ურთიერთობა არჩია.“ (დ. გოგოლაძე)

„ბატონყმურ ურთიერთობაში შეუსვლელი მთიელები ურყევად ინარჩუნებდნენ თავისუფლებისა და მისი უმთავრესი გარანტიის – თავისუფალი თემის სიყვარულს, ვაჟკაცურ სულს. ამას ემატებოდა ბავშვობიდანვე შექნილი სიყვარული იარაღისადმი (რაც სხვა პირობათა შორის აღნიშნული თემის წევრთა თანასწორუფლებიანობით იყო განპირობებული) და წარმართული სარწმუნოების დიდი გავლენა.“ (ჯ. სტეფანაძე)

სამსურამთი თორღვა კახანისძის ღროს. XIII-XVI ს-ში ქართული კულტურის გავლენა ჯერ კიდევ ძლიერია ჩრდილოეთ კავკასიის მთიანეთში

და ძურძუკეთში იგი ფხოვის გზით შედის. ამ ხანებში ხდება ზოგიერთი თავადის აღზევება, რომლებიც სამეფო ხელისუფლებასთან დაპირისპირებით ცალკეულ თემებს იმორჩილებენ, რაც მანამდე საქართველოში არ ყოფილა. ეს გამოწვეული იყო, ერთი მხრივ, მეფის ხელისუფლების დასუსტებით, მეორე მხრივ კი მონღოლთა პოლიტიკის გავლენით.

ამ პერიოდს ემთხვევა ჯერ კახეთ-პანკისის ერისთავის თორღვა პანკელის, შემდეგ მისი უკანონო მემკვიდრის, მუცოს დაბადებული თორღვა ძაგანისძის თუშ-ფშავ-ხევსურეთში აღზევება-გაბატონება. თორღვას გავლენა ვრცელდება არა მარტო ფხოვზე, არამედ ქისტებსა და დიდოელებზეც.

ხევსურნი, რომელნიც თავს მხოლოდ ჯურისა და მეფის ყმად მიიჩნევენ, მაგრამ თვით მეფეთაც ხშირად არ ემორჩილებიან, სიამოვნებით იგონებენ თორღვა ძაგანისძესა და იმის დროს: „გამიგონიან ჳევსურნი, თორღვას რო ჳყვანდეს ყმანია...“ – ამაყად ამბობს ხევსური მელექსე. თორღვას დროს ხევსურეთი ძლიერია. მთიელთა დახმარებით თორღვა ცდილობს წინაპართა მემკვიდრეობის დაბრუნებას ქართლ-კახეთშიც. მაგრამ მეფე გიორგი V ბრწყინვალეს მიერ მთიანეთში გატარებული რეფორმებით საფუძველი შეიქმნა თორღვა ძაგანისძის დაცემისა. მეფემ აღზევებული და განდგომილი ერისთავები „ჳერ-კახთა და სომხითის ერისთავნი... კახეთს ცივზედ მიიწვია და ამოსწყვიტა.“

თორღვა მეფესთან არ გამოცხადებულა, მიუხედავად მიწვევისა: „თორღვა გიბარებს ბატონი, კახეთს ჩამოდი ბარადა...“ მაგრამ მას მოსყიდული ძმობილი, ფშაველი ჩოთა ღალატით კლავს.

გათავდა ერისთავთ-ერისთავთა, ძაგანისძეთა გვარი და დასრულდა მათი ბატონობა, რომელნიც ხალხურმა მთქმელებმა ბაგრატიონთა გვარში გაურიეს და მოგვიანებით ზურაბ არგვის ერისთავის პიროვნების წარმოსახვისას კვლავ გაიხსენეს.

„შამნი“ ხაშსურამთში. XIV ს-ის პირველ ნახევარში საქართველოში შავი ჭირი გაჩნდა, რომელიც ისტორიაში „დიდი სიკვდილიანობით“ არის ცნობილი. იგი საქართველოში ოქროს ურდოდან შემოვიდა, საქართველოდან კი ეგვიპტე-ვეროპამდე გააღწია. ეს პერიოდი ხევსურეთში „ჳამთ მოსვლის“ („ჳამიანობის“) სახელწოდებით მოიხსენიება. იგი რამდენიმე წელს მძვინვარებდა.

ანდრეზები „ჳამებს“ გადმოგვცემენ, როგორც მორაულ რეალურ ხალხთა და ადგილობრივი მოსახლეობის მათთან კონტაქტს. „ჳამნი ზაფხულში მავიდიან, ზამთარში კი მაიკარგნიან“. (როგორ გავს მემატიანის სიტყვებს, მომთაბარე დამპყრობლებზე რომ წერს: „გაზაფხულზე მოვიდიან თურქნი და... ზამთარს წავიდიან.“

შავი ჭირის ეს ეპიდემია ვეროპაში „შავი სიკვდილის“ სახელწოდებით არის ცნობილი და ამ ავადმყოფობისგან დასაცავად ერთადერთ წამალს იყ-

ნებდნენ: cito, Longe, tarde („რაც შეიძლება სწრაფი გაქცევა სახიფათო აღ- გილიდან, რაც შეიძლება შორს გადახვეწა, რაც შეიძლება გვიან დაბრუნება“). მკურნალობის ევროპული ფორმა ხევესურთათვისაც ცნობილი ყოფილა. ხევესურეთში ჟამნი რომ მოსულან, ვინმე ანთასა თუ ველთას ტანსაცმელი გაუხდია და შიშველი გაქცეულა. ჟამნი თურმე უყურებდნენ და იცინოდნენ: „ანთა გავარდა ველათაო, ტიტველი მიიქნევს ყვ...თაო“.

ზოგიერთ თემში ჟამნი „ჯვარმა არ ჩაუშვა თავის ყმებთან“ და დაავადებამ იოლ ფორმებში ჩაიარა. დაავადება სამი კატეგორიის ყოფილა, ანუ „სამი ფერის ისარს ესროდნენ ჟამნი: შავს, წითელს და თეთრს“. დაავადებულის მორჩენა ნასროლი ისარის ფერზე ყოფილა დამოკიდებული. (სამედიცინო კარაბადინიც ჟამიანობის დროს ავადმყოფის ტანზე გაჩენილი სამი ფერის მუწუკს აღნიშნავს. მონღოლ მეომრებს სამი სახის ისარი ჰქონდათ შეიარაღებაში).

გადმოცემით არხოტის თემში „სტვირნ რო აძრახდებოდეს“, მაშინ მო- ვიდოდნენ ჟამნი. ბოლოს არხოტივებს სტვირი მიწაში ღრმად დაუმარხავთ და ჟამნიც აღარ მოსულან.

სამ წელს ყოფილან „ჟამნი“ ხევესურეთში. მესამე წელს თოვლი რომ გამშრალა და ურნატა მოფრენილა, „ჟამთაე ერცხვას უთხრესაც, ეეხლა ვადა გაგვივიდავ“ და გადაკარგულან.

ზამსპირი აჰიმ-მჰურნალნი. ხევესურთა წარმოდგენით ავადმყოფობას იწვევდნენ ღეთაებანი, დობილნი და ა.შ. და მკურნალობაც ძირითადად მაგი- ასთან და სარწმუნოებასთან იყო დაკავშირებული. მაგრამ ტრადიციული ჭრა- ჭრილობა და ფიზიკური ტრავმები ხევესურებს აიძულებდათ ჰყოლოდათ გა- მოცდილი აჰიმ-მკურნალნი, რომელნიც ფლობდნენ მკურნალობის საიდუმ- ლოებებს და იყენებდნენ მცენარეებს, ქვებს, თაფლს, სანთელს, კარაქს, ცხო- ველთა და ფრინველთა ცალკეულ ორგანოებს, სისხლს, შარდს („გარბოლის წყალს“)... ყოველ დასტაქარს ჰქონდა მკურნალობის საკუთარი, გასა- იდუმლოებული მეთოდი და საშუალება. უმთავრესი სამკურნალო საშუალება, რაც ყველამ იცოდა, იყო მწარე არაყზე დაყენებული წამალი. ამას გარდა იცოდნენ სისხლის გამოშვებაც. თითქმის ყველა ხევესური ატარებდა ქამარზე დაკიდებულ სპეციალურ დანას – „ნესტარს“.

ხევესურ დასტაქარებს უმაღლეს დონეზე ჰქონდათ დაყენებული ჭრილო- ბების მკურნალობა და თავის ქალას ტრეპანაცია, რომელსაც თვითნაკეთი პრიმიტიული იარაღებით აკეთებდნენ. თავის ქალას ტრეპანაცია, რომელიც ცნობილი იყო ჯერ კიდევ უძველეს დროს და იცნობდნენ აზიის, აფრიკის, სამხრეთ ამერიკის უძველესი ხალხები, ჩვეულებრივი მოვლენა იყო ხევესურ დასტაქართა პრაქტიკაში და გვიანობამდე მხოლოდ ხევესურთა ყოფამ შემო- ინახა. თუმცა მკურნალობის ეს ფორმაც ღეთაებებზე იყო დამოკიდებული და

თვით აქიმებსაც „ჯვარი პატრონობდა“. მკურნალობის დაწყების წინ და ბოლოს აქიმს საგანგებო რიტუალი უნდა შეესრულებინა, რამეთუ აკადმყოფთან შეხებისას თავადაც უწმინდურდებოდა და აუცილებლად უნდა განათლულ-განწმენდილიყო.

XIX-XX ს.ს-ში ცხოვრობდნენ სახელიანი აქიმნი და მკურნალნი მგელიკა ლიქოკელი, ალეკა ოჩიაური, გუგუა ჯინჭარაული, მშაველათ გიგია, ლადო ძეძეურთელი, ვანო გველეთელი, მგელათ ბაბუა, ბეწინა არაბული, ბაძია შატილიონი... აქიმნი დადგენილი წესების მისდევით იღებდნენ საუფასურს. იყო შემთხვევებიც, როცა აქიმები განგებ აჭიანურებდნენ მკურნალობას, რათა მეტი ფასი აეღოთ.

აქიმთაგან განსაკუთრებით გაითქვა სახელი მგელიკა ლიქოკელმა (ბაძიურათ მგელიკამ). „იგი მუშაობდა, როგორც კარგად ნაწვრთნი ხელოსანი... მისთვის ნაცნობი იყო ყოველი ნაკეცი ტვინისა. საითგან? ქვეყნის მოწყვეტილ კუთხეში... იღგა ჩემს წინ ვითარ ლანდი პრეისტორიულ ხანიდან. მას ჰქონდა ცოდნა, რომელიც საუკუნეებს ვერ წაეშალა“. – წერს მასზე გრ. რობაქიძე.

ხოგაის მინდის ზღაპრული სახელიც, რომელსაც „ჟამიანობის“ დროს უცხოვრია, გრძნულ მედეას დარად, უთუოდ მკურნალის ცხოვრების რეალურ ფაქტებთან არის დაკავშირებული.

თემურ-ლენგი და მთიულეები. საქართველოში იწყება თემურ-ლენგის მარხრებელი ლაშქრობანი. მონღოლნი ფხოვამდეც აღწევდნენ და ანადგურებდნენ ადგილობრივ თუ იქ შეხიზნულ მოსახლეობას. თემურ-ლენგის საქართველოში შვიდგზის ლაშქრობას ხალხურმა მთქმელებმა მოგვიანებით დაუკავშირეს არაგვის ერისთავების ფშავ-ხევსურეთში „შვიდჯერ“ გამოლაშქრება.

მონღოლთა ცხენების ნადგომ ადგილებში სოფლებს გუდელასა და ჭივს „შვიდ წელს ცხენის ჩონჩირიკ იკვნოდავ“, – გაიხსენებს ხალხური მთქმელი, ხოლო ცხენების ფლოკებით გადათხრილ მიწაზე კარგა ხანს ბალახი არ ამოსულა.

თემურ-ლენგის უმთავრეს მიზანს ჩრდილოეთ კავკასიის გასასვლელი გზების ხელში ჩაგდება წარმოადგენდა. „თემურ ლენგი განსაკუთრებით გააფთრებით არაგვის ხეობის დაუფლებისათვის იბრძოდა, კერძოდ მესამე (1394 წ.) და მეხუთე (1400 წ.) ლაშქრობანი ძირითადად ამ ხეობის მიმართულებით წარიმართა. მისი მიზანი იყო, დარიალამდე მიეღწია და ქართველთა და ოქროს ურდოელთა დამაკავშირებელი ამ კარის ხელთ გდება, აგრეთვე შეხიზნული ქართველი მოსახლეობის გაუღებტა.“ (ნ. ასათიანი)

მთიელებმა თოხთამიშის დახმარებით დარიალთან დაამარცხეს თემურის ჯარი, მაგრამ მომდევნო ლაშქრობისას თემურ-ლენგმა შეძლო ქართველ მთიულთა მოკავშირის თოხთამიშის დამარცხება და მთიელებზეც სასტიკად იძია შური.

მთიელნი კლდე-ღრეში იყვნენ შეხიზნულნი და გამაგრებული ჰქონდათ არაგვის ხეობა. შეუვალი ადგილებიდან ისრებითა და საგორაევით მუსრს ავლებდნენ მონღოლ მოიერიშეებს. მაშინ თემურმა დააწვენიან დიდი კალათები, სათავიდან წამოუარა და მადლიდან ჩაუშვა კალათებში ჩასმული მეომრები. მთიელებმა ესეც მოიგერიეს და გამოქვაბულებს შეაფარეს თავი. მაშინ თემურმა ბრძანა, ისრის წვერებისთვის ნავთში ამოვლებული ძონძები დაეხეიათ და ცეცხლმოკიდებული გამოქვაბულში შეეტყორცნათ.

ამგვარად, მტრის მიერ მთიელთა ნაწილი კვამლში გამოიხრჩო, ნაწილი ისრებით ამოიხოცა.

თემურმა მოწინააღმდეგენი რომ გაანადგურა, შეესია სოფელ-სიმაგრეებს და დააქცია „... შეუხდა არაგუს, შემუსრნა სიმაგრენი და მოაოხრნა.“

მეფე გიორგი VIII რეზორმიზი და ხეშსურაძე. თემურ-ლენგის ლაშქრობების შემდეგ საქართველო ცალკეულ საფეოდალოებად იშლება. ყოველი თავადი ცდილობდა ამა თუ იმ თემის, თუ ხევის მიტაცებას და იქ გაბატონებას. „აქ არღა რა იცვლებოდა ერისთავნი და არც თავადნი, ყოველნივე ხევსა და სანახებსა და თემოა და ადგილთა მკვიდრ ქმნილიყვნენ.“

მეფე გიორგი VIII მოახერხა კახეთის ფეოდალების დამარცხება და იქ სამეფოს ჩამოყალიბება. ასე რომ, ერთიანი საქართველოს ყოფილ მეფეს კახეთიღა შემორჩა სამეფოდ.

თუშ-ფშავ-ხევსურეთი, რომლის მიტაცება და ხელში ჩაგდება ბევრ დიდსა თუ მცირე თავადს ჰქონდა გულში და ცდილობდა მის დამორჩილებას, კვლავ სამეფო ხელისუფლების გაუღუნის ქვეშ დარჩა. მაგანისძეთა შემდეგ მას ხან „ხევსურული წარმოშობის“ ჭავჭავაძენი, ხან ჩოლოყაშვილნი განაგებდნენ. შესაძლოა, როდესაც დევნილი დიდებული თორღუა პანკელი დამკვიდრდა ფხოვეში, მან თავისი ამაღაც გაიყოლა კახეთიდან, რომელთა შორის იყვნენ ჭავჭავაძე და ჩოლოყაშვილი. ისინი მაგანისძის სიკვდილის შემდეგ ხევსურეთში დარჩნენ, „გახევსურდნენ“. მხოლოდ მოგვიანებით დაბრუნდნენ უკან მათი შთამომავლები, რომელთაც კვლავ აღუდგინეს ძველი დიდება.

ერთხანს ხევსურნი განუდგებიან მეფე გიორგი VIII, მაგრამ მცირე ხნით. როგორც სავარაუდოა, მეფის უკმაყოფილო რომელიღაც თავადმა მოახერხა მთიელთა მეფისადმი დაპირისპირება.

გიორგი VIII კახეთის ფეოდალების დამორჩილების შემდეგ გააუქმა საერისთაოები და კახეთი სამოურავოებად დაჰყო. სამხედრო თვალსაზრისით კახეთი ოთხ სადროშოდ დაიყო. მეფემ სადროშოს წინამძღოლად ერისთავის ნაცვლად ეპისკოპოსი დააყენა, რადგან ეპისკოპოსნი უფრო მორჩილნი იყვნენ, ვიდრე გაძლიერების გზაზე შემდგარი ერისთავები, თანაც ეპისკოპოსობა მემკვიდრეობით არ გადადიოდა.

ხევსურეთი თიანეთის სამოურავოში შევიდა. მეფის მიერ გატარებული რეფორმები ხევსურეთსაც შეეხო და გავლენა იქონია მათ ყოფაზე. ხევისბრებმა, რომლებიც მანამდე საერო პირები იყვნენ, ხელში ჩაიგდეს ჯვრის დროშა და ხუცეს-დეკანოზებად იქცნენ.

ხევისბერს რელიგიური სამსახური სამეფო ხელისუფლებისა და ეკლესიის მხარდაჭერით უნდა მოეპოვებინა, რათა მთა მორჩილებაში ჰყოლოდათ. ამას კი ხევსურეთში თავდაპირველად უკმაყოფილება და ამბოხი მოჰყვა.

საეკლესიო იერარქიით ფხოვი ხარჭაშნელის სამწყსოში შედიოდა.

1479 წელს კონსტანტინე მეფე ებრძვის ალექსანდრე ბაგრატიონს და ცდილობს საქართველოს გაერთიანებას. დასავლეთ საქართველოს ამ ლაშქრობაში მეფეს სხვა მთიელებთან ერთად ხევსურებიც გამოჰყავს.

წმინდა აპოლონი და განდგომა. XV ს-ის მეორე ნახევარში, კახეთის მეფე გიორგი I დავითის ძის დროს, თუშ-ფშავ-ხევსურნი გამდგარან და ამბოხებულან. „... არ მორჩილებდნენ თუშნი და ფშავ-ხევსურნი“-ო, – ამბობს მემატინე. ფხოველთა ამბოხი და განდგომა თითქმის ასი წელი გრძელდებოდა. საქართველოში ფეოდალური მონარქიის დაცემისა და დაშლის ხანაში ფხოველთა განდგომის მიზეზი ზოგჯერ მათი მმართველი თავადები და მოურავები იყვნენ. მეფენი ცდილობდნენ მთიელთა დაშოშმინებას მეამბოხე მოხელის დასჯით, შეცვლითა და სხვა სახის გარიგებით, მაგრამ მცირე ხნით.

1522 წელს, როდესაც ქართლის მეფე დავითი და კახეთის ბატონი ლევანი შაჰ-ისმაილს ებრძვიან, ლაშქარში თუშ-ფშავ-ხევსურნიც გამოდიან.

წმინდა აპოლონი და განდგომა. XVI ს-ის პირველ ნახევარში ამბოხებული ხევსურნი უკვე შეტევაზე გადადიან და ქართლს ლაშქრავენ.

1500-იანი წლების პირველ ნახევარში ქართლის მეფეებსა და კახეთის მეფეთა შორის მტრობაა ჩამოვარდნილი. 1513 წელს დავით X ძმამ ბაგრატ მუხრანბატონმა დაატყვევა კახეთის მეფე გიორგი, რომელიც სისტემატიური ძარცვის მიზნით თავს ესზოდა ქართლის სოფლებს. მეფეთა ამ ურთიერთობას საბაბად იყენებდნენ ფხოველნი და მცხეთა-მუხრანის შემოგარენს ლაშქრავდნენ: „სისვურ-გიგაურები და ორნი ძმანი ბურდულნი, მცხეთას ჩაუსტეს ბატონსა, დააწყებინეს ძუნძული.“

ქართლის მეფემ მოახერხა კახეთის დამორჩილება და ქართლ-კახეთი მცირე ხნით გააერთიანა. კახეთის ფეოდალებმა კახეთი კვლავ ჩამოაშორეს ქართლს. „ამ ხანებში ქართველებს კიდევ ერთი საზრუნავი გაუჩნდათ, პირიქითა მთიელნი აშლილიყვნენ და ქართლის ველებს არბევდნენ.“ (დ. გვრიტიშვილი).

„ფხოვის მთებიდან“ მთიელები ჩამოიჭრნენ სოფლების საძარცვადად. ბაგრატ მუხრანბატონის ვაჟი აშოთან შეება ფხოველებს, მაგრამ თვითონვე დაეცა ბრძოლაში. მთიელები ნაძარცვით დატვირთულნი უვნებლად გაბრუნდნენ მთებში.“ (ლ. სანიკიძე).

ხევსურთა ამ ლაშქრობებში, რომელიც ბარისახოელი სანაგ სანაგისძე სისვაურის, გველეთელი გიგა გიგაურისა და აკუმელი შიო სამხარაულის წინამძღოლობით ეწყობა, ძირითადად ამ დროისთვის ხევსურეთში აღზევებული გვარები, ჯმალას ჯვრის ყმანი – ბარისახოელი სისვაურები, ლაშქარაულები, გველეთელ-დათვისელი გიგაურები და აკუმელი სამხარაულები, სერაულები... მონაწილეობდნენ, რომელთაც უერთდებიან გუდანის ჯვრის ყმანი და სხვა ხევსურული გვარები, მათ შორის ხახმატელი ფილაურები და ქმოსტელი ბურღვიაულები (ბურღულები).

ამ ხანებში ხევსურეთი ძლიერების მწვერვალზეა. უკვე ჩავლილია ფშავ-ხევსურთა მიერ „მაისტის ლაშქრობანი“ და პირიქითა ხევსურეთის (ფხოვის) ადგილების შემომტკიცება.

გაძლიერების გზაზე მდგარი გუდანის ჯვრის ყმებს, ჩრდილოელი ტომების დალაშქრა-გაბეგვრაში ეხმარებიან ჯმალას ჯვრის ყმანი, რის გამოც გველეთელ-დათვისელ გიგაურებს ბელლის კარს საკარგემო სკამს უღვამენ. ასეთივე სკამს იმსახურებენ გუდანის ჯვარში არდოტელები. „სამაგანსუროს ქისტეთ რო ულაშქრავ, გიგაისა და სანაგისად უთხოვავ ვარი. ქისტეთით რო ნავალ მაულავ, ბელლისკარ მაუტანავ. გიგაურისად მაშინ სკამ მიუცავ...“

მაშინდელ ხევსურთა ლაშქრობებს უკავშირდება ადგილთა სახელები: „სალაშქრო ჭალა“, „სანაგის საჯარე“, „სანაგის წყალნი“. და, რაც მთავარია, ხევსურებს გვერდით უღვანან ფშაველები და თუშნი: „თუშთა, მშაველთა, ჰევსურთა ლაშარს პირობა შაკრიან... ერთმანეთს ნუ კულალატებთ ჭდეებ დროშაზედ ჰყარიან...“ ფხოვის დაშლის პროცესში არის მცდელობა ფშავ-ხევსურთა გაერთიანებისა.

გადაწყვეტი ბრძოლა ქართლში მუხრანბატონებთან 1561 წელს მომხდარა. ამ ბრძოლაში ხევსურნი უკუქცეულან, თუმცა მათ მოუკლავთ ქართლელთა ჯარის სარდალი აშოთან მუხრანბატონის ძე. „იმავ ქორონიკონსავე მოუჭდნენ ფხოველები მუხრანს, ხოლო აშოთან ძემან მუხრანბატონისამან ბრძოლა უყო და მოსწყვიდნა იგინი და აოტნა, გარნა მოიკლა იგიცა მათ მიერ.“ („ქართლის ცხოვრება“).

ბრძოლაში დაიჭრა და მალე გარდაიცვალა სანაგ სანაგის ძე, რომელიც ასე დაუტირებიათ: „წაიქცნეს რიგნი ავორჩიგაო, სანაგის სანაგმ დაიძინაო, დროშათ ქვე ვინლა აგვიბომსაო, ჯმალას წითლისა ატლასისთაო, მუხრანს ქვე ვინლა გაღბეგრავსო, მინდორთა სისხლით შაღებილთაო...“

კახეთის მიჯნა იმორჩილებს სპასურაბს. კახეთის მეფე ლევან II-მ (1520-1574 წწ.) ფხოველთა დამორჩილების მშვიდობიანი გეგმა შეიმუშავა. მან მთიელთა განდგომისა და აშოხის ბრძოლით მოგვარებას ეკონომიკური გარიგება არჩია: „ამას წინათა კახთა მეფეთა არღა-რა მორჩილებდნენ ფშავ-ხევსურნი და თუშნი და ამან ლევან დაიპყრა არა ძალითა, არამედ აღუთქვა, რათა ცხოვარნი მათნი უვნოდ მხოვარ-იყონ კახეთს და მისცა შეწირულობა ლამას ჯურსა თიანეთსა შინა და მიერთგან მისცემენ ლაშქარსა და ბეგარსა.“

ლევან II მთიელთაღმი მიდგომა იყო მეფის მიერ სამომავლოდ ჭკვიანურად გაანგარიშებული გარიგება, რამაც მთიელნი სამუდამოდ დაუკავშირა ბარს და საყოფაცხოვრებო პირობების გაუმჯობესების მეტ-ნაკლები შესაძლებლობაც გაუჩნდა. მომავალში მთიელნი სამეფო ხელისუფლების წინააღმდეგ წასვლისა თუ აშოხის შემთხვევაში, მხოლოდ თავის საარსებო გზებს თუ გადაიკეტავდნენ.

მეფის საზამთრო საძოვრები ფშავლებისა და თუშებისთვის მიუცია, რადგან მეცხვარეობას ისინი მისდევდნენ, ხევსურებს კი ცხვარი არ ჰყავდათ. რა შეღავათები მიეცა ხევსურებს, შემატიანე არ ამბობს. ამ გარიგების საფუძველზე მუამბოხე ბუნების ხევსურნი მარტონი დარჩნენ. თუშნი და ფშაველნი ხელისუფლების წინააღმდეგ ბრძოლაში მათ გვერდით აღარ დაუდგებოდნენ და მეფის დავალებით ხევსურთა წინააღმდეგაც შეტრიალდებოდნენ.

ხევსურნი ამგვარი გარიგებით უკმაყოფილონი დარჩნენ და თუშ-ფშავ-ხევსურთა კავშირი რამდენადმე შეირყა. მართალია, ისინი საქართველოს მტრის წინააღმდეგ ერთიანი ძალით გამოდიან, მაგრამ საკუთარი დროშებით და მათ შორის ჯიბრი და ფარული მტრობა იჩენს თავს: „...დაირიდნიან ჳევსურნი, არ გვინდა თქვენი ჯარიო, უკანავ წაიყვანოდეთ თქვენი გუდანის ჯვარიო...“ – ეუბნებიან თუშნი და ფშაველნი ხევსურებს ერთ-ერთი ლაშქრობის წინ. ეს ურთიერთქიშპი და ჯიბრი კარგად მქლავნდება ბახტრიონის ბრძოლის ამსახველ გადმოცემებში.

მოგვიანებით არაგვის ერისთავების წინააღმდეგ ბრძოლებშიც არ ჩანს თუშ-ფშავ-ხევსურთა ერთიანობა. ფშაველნი და ხევსურნი ცალ-ცალკე ებრძვიან მთაში შემოჭრილ ფეოდალებს. თუშები კი საერთოდ არ ერევიან ბრძოლაში, უფრო შუამავლობენ და ერისთავის კაცებად გამოდიან.

თუშებისთვის მეფე ლევან II მიერ აღვანში ბოძებულმა მამულებმა XVIII ს-ის შუა ხანებში თუშებსა და მათ მოწილე მეზობლებს შორის შუღლი და მტრობა გამოიწვია. მეფე ერეკლემ საქმის გარჩევა თუშ-ფშავ-ხევსურთა მოურავს დაავალა. მაშინ აღვანში მამულები ხევსურებსაც დაუმტკიცდა, მაგრამ ამ მამულებით ხევსურებმა ბევრი ვერაფერი ისარგებლეს და ისევ სხვე-

ბის ხელში ჩავარდა, რაზედაც მელექსე საყვედურობს კიდევ ხევსურებს: „...ვერ ეპატრონეს ჰევსურნი თავის ალჯანის წილსაო.“

მეფე ლევან II მიერ მთიელებთან გარიგებამ და ამის შემდგომ მეურნეობის, ცხოვრების პირობების შედარებით გაუმჯობესებამ, მესაქონლეობისა და მეცხვარეობის ინტერესებმა განსაზღვრა ფშაველთა და თუშთა საბოლოო მორჩილება კახეთის ცენტრალური ხელისუფლებისთვის, რასაც იმ დროის ხევსურებზე ვერ ვიტყვი. ა. ზისერმანი, აღნიშნავდა რა მთიელთა ღირსებასა და ვაჟკაცობას, წერდა: „მაგრამ ამ საქმეში (საომარ საქმეში) ისინი ჩამორჩებიან ხევსურებს, რადგან დაკავებულნი არიან მეურნეობით და ვაჟკაცური სული მათში თანდათან სუსტდება.“ გაივლის კიდევ ასი წელი და იარაღყრილ ხევსურსაც ახალი დროება მეურნეობისთვის მოაკიდებინებს ხელს.

აახეთის მუჟიჟი ხეხსურეთის ბავლით გადიან რუსეთში. XVI ს-დან, როცა ირან-ოსმალთა წაქეზებით იწყება ჩრდილო-კავკასიელ მთიელთა განდგომა და თავდასხმები ქართველებზე, კახეთის მეფეთათვის, რომელნიც რუსეთთან ამყარებენ დიპლომატიურ ურთიერთობას, თუშ-ფშავ-ხევსურთა შემომტკიცებას დიდი მნიშვნელობა ჰქონდა, რადგან ესენი „ნაპირის ადგილზე“, ჩრდილოეთ საზღვარზე იდგნენ და იცავდნენ მას. ცდილობდა რა ხელისუფლება რუსეთში გასვლას, ეს მხარე, ძურძუკეთთან ერთად, მეფეთა მნიშვნელოვან ყურადღებას იმსახურებდა რადგან ერთ-ერთი საიდუმლო სამიმოსვლო გზა სწორედ თუშ-ფშავ-ხევსურეთზე გადიოდა.

გ. პოლიევქტოვის მიხედვით, XVII ს-ში რუსეთის ელჩობათა მარშრუტები ძირითადად თუშ-ფშავ-ხევსურეთზე გადიოდა, კახეთიდან მასარის უღელტეხილით ივრის ხეობაში გადადიოდა, იქიდან უკანაფშავში, უკანა-ფშავიდან არხოტის უღელტეხილზე გადადიოდა და ლარსის ბოლოში უერთდებოდა ცენტრალურ გზას. თუშ-ფშავ-ხევსურთა წარმომადგენლები მეგზურობდნენ და უზრუნველყოფდნენ მეფის ელჩების უსაფრთხოებას.

თუშ-ფშავ-ხევსურეთზე გზის დადებამ კახეთის მთიელნი კიდევ უფრო წარმოაჩინა და მათი ვინაობით, ყოფა-წარსულით თავად რუსთა ხელმწიფეც დაინტერესებულა. ამ კუთხეებს სპეციალურად იკვლევს და სწავლობს რუსეთის საგარეო საქმეთა საგანგო.

თუშ-ფშავ-ხევსურებსა და ჩრდილო კავკასიელ მთიელებზე კახეთის მეფეების გავლენას ისტორიული მასალებიც ადასტურებს. „ლეკს ზევით სხვა მთის კაცები იქ მოვიდიან, ვიმც მყმობდიან... ქისტი, ლლიღვი და ძურძუკი, ერთპირად ძღვენს შემამბღნობდენ...“ მათი მთაერები თუ ხევისბერნი თუშ-ფშავ-ხევსურეთის გზის გავლით თიანეთს ეახლებოდნენ მეფეს და შეუხებელნი იყვნენ. „დიდონი, თუშნი, ხევსურნი, ფშაველნი ვერ მეკობრეობდენ“, - ამბობს არჩილი მეფე.

შაჰ-აბასი აზოზანის წარს მუჰამ-ხემსურთა მოსაოხრებლად. კახეთის სამეფოს საგარე პოლიტიკით განაწყენებულმა სპარსეთის შაჰმა, რათა საქართველოს დიპლომატიურ მისიებს რუსეთის გზა დახშობოდა, ქართველ მთიელებს ჯერ ქისტები და ლეკები მიუსია, მერე კი თავადაც გააგზავნა ჯარი ფშავ-ხევსურთა დასასჯელად. „მაშინ შაჰ-აბას წარმოავლინა ტფილისიდან სპანი დიდნი ხერკსა და ერწო-თიანეთსა ზედა... მოსრნა, მოსტყვევნა და მოაოხრნა... არამედ ლეკთაცა უყვეს ეგრეთ, ვითარიცა აღუთქვეს შაჰ-აბასს.“

ვაჟა-ფშაველა წერს: „ვიწრო არაგვის გასასვლელში, ეგრეთ წოდებულ ნაწვეთარში, შეუკრეს გზა თათრის ბრბოს და მთლად მოსრეს.“ იგივე გადმოცემა მოჰყავს ს. მაკალათიასაც: „ხალხური გადმოცემებით, როდესაც შაჰ-აბასმა ქართლ-კახეთი მოაოხრა, მას განუზრახავს ფშაეის დაპყრობა და ლაშარის განძის ხელში ჩაგდება. შაჰს ერთი თავის ქვეშევრდომ ხანისათვის ჩაუბარებია დიდი ჯარი და ლაშარის დასარბევად გაუგზავნია. ფშავ-ხევსურეთს ეს გაუგია და სპარსელების ლაშქარს დახვედრიან არაგვის ვიწრო გასასვლელში ეგრეთ წოდებულ ნაწვეთარში შეუკრავს გზა და იქვე ამოუხოციათ.“

შაჰ-აბასის მიერ ქართლ-კახეთის აოხრებისა და ქართველობის გადაგვარება-გადაშენებისას თუშ-ფშავ-ხევსურეთი ქართველთა საიმედო ბურჯად იქცა: „რომელნიმე მორჩეს თუშეთს, ფშავსა და ხევსურეთს“, – წერდა მემატინაე. – „აღარა სადა იხსენებოდა სახელი ქრისტესი, თვინიერ მცირეთა ოდენ მთით კერძო თუშთა, ფშავთა და ხევსურთა შორის.“

მარსთაოზა ხემსურთაში. სპარსელთა ბატონობის შემდეგ ქართლ-კახეთში თანდათან აღზევდნენ სათავადოები, რომლებიც დამოუკიდებელ, ძლიერ საერისთაო-საფეოდალოებად იქცნენ. ხევსურთათვის განსაკუთრებით საშიში შეიქნა მათ მეზობლად წარმოქმნილი არაგვის საერისთაო, რომელსაც ცენტრი დუშეთ-ანანურში ჰქონდა.

არაგვის საერისთაომ „ძლიერების მწვერვალს... მიაღწია XVII ს., როდესაც მას სათავეში ედგნენ... ნუგზარ, ზურაბ და ზაალ... მათ დროს მნიშვნელოვნად გაფართოვდა საერისთაოს საზღვრები და მათ ფარგლებში მოექცა ერწო-თიანეთი, მთელი არაგვის მარცხენა სანაპირო, ფშავ-ხევსურეთი...“ (ზ. ხიდურელი).

არაგვის საერისთაოს შესახებ ცნობები შუასაუკუნეებიდანვე გვხვდება. დაახლოებით VIII ს-დან მას ძაგნაკორელნი განაგებდნენ.

ფშავ-ხევსურეთზე ბატონობის პრეტენზიები ჰქონდათ ძველ დროს ქსნის ერისთავებსაც. „მთა სახასო იყო, მაგრამ მეფის ხელისუფლების შესუსტების დროს გაძლიერებული ერისთავები არაფერს ერიდებოდნენ მთიელთა დასაპყრობად.“ (ა. ქალღანია).

კახეთის მეფეებმა ამ ხანებში უბოძეს ერწო-თიანეთი არაგვის ერისთავებს. სწორედ ეს გახდა მიზეზი თიანეთის სამოურავოში შემავალი თუშ-ფშავ-ხევსურეთის დასამორჩილებლად ბრძოლისა. ფშავ-ხევსურნი წინ აღუდგნენ ერისთავთა ბატონობას.

ფშავ-ხევსურეთში იწყება „სისხლის წვიმები“ და „ღვევების შემობრუნება“. (ზ. კიქნაძე). ნუგზარ ერისთავი სისხლითა და მახვილით იმორჩილებს მთიულ-გულამაყრელთა და მოხვევთ. ჯერი ფშავ-ხევსურეთზე ღდება.

არაგვის ერისთავებმა ჯერ ფშავ-ხევსურები გამოიყვანეს მთიულ-გულამაყრელთა წინააღმდეგ და საფასურად თავის საერისთაოში ბარის ადგილები უბოძეს. შემდეგ კი უკვე დამორჩილებული მთიულ-მოხვევნი აბრძოლეს ფშავ-ხევსურთა წინააღმდეგ და მეზობელი კუთხეები მოსისხლე მტრებად აქციეს.

არაგვის ერისთავების მხარდაჭერითა და წაქეზებით თარეშობდნენ აგრეთვე ფშავ-ხევსურეთში ლეკთა და ქისტთა ბელადები: ჩაგვირილა, უსუფი, გაგაის ძოძი, სულთი, ბათაკი...

არაგვის ერისთავების ხანგრძლივი ბრძოლა ფშავ-ხევსურთა დასამორჩილებლად, სახალხო მთქმელებმა დროთა განმავლობაში მხოლოდ ერთს, ყველაზე ძლიერსა და გამორჩეულს, ზურაბ ნუგზარის ძეს მიაწერეს (ფშავ-ხევსურეთის დასამორჩილებლად იბრძოდა 1618-1629 წლებში. მთმელებმა ზურაბ ერისთავის პიროვნებაში აურიეს არა მხოლოდ ძმანი ძისნი, არამედ თორღვა ძაგანისძის პიროვნებაც). თუმცა არაგვის ყველა ერისთავი, მეფე ერეკლეს დრომდე, ერთი მეორეზე მრისხანე იყო და იბრძოდა საერისთაოს ტერიტორიების გასაფართოვებლად. ასევე საშიშნი იყვნენ ქართლ-კახეთის მეფეთათვისაც და ისინიც ცდილობდნენ თავიდან მოეშორებინათ საშიში მეტოქენი. ამის გამო იყო, რომ არაგვის ერისთავთა ისტორიაში მხოლოდ სისხლი იღვრებოდა. მეფეთა წაქეზებით ერთმანეთს ხოცავდნენ. ჯილდოდ ერისთაობას მიიღებდნენ და კვლავ მეფეს აღუდგებოდნენ, თან ხევსურეთის ჯავრი სჭირდა ყველას, – წერს ო. ჩხეიძე, როცა ერისთავთა საბედისწერო ისტორიას ეხება და დასძენს: „ხევსურეთი, ჰო ყველას ყელზე ადგაო, ყველა ეპოტინებოდა, ყველა პირში ჩალაგამოვლებული რჩებოდა ხოლმე, ჰო ხევსურეთი ყველას ყელზე ადგაო, ყველა იქით მიიწევდაო...“

ყმად მამაცი, ბრძოლაში ერთგული ხევსურნი და მთის ღალა სჭირდებოდათ არაგვის ერისთავებს. თავად სიღამონისძეთა უკანონო ჩამომავალმა (ბაგრატიონთა მხრიდან?) ზურაბ ნუგზარის ძემ შეიდჯერ დალაშქრა ხევსურეთი. ოთხჯერ თავად წინამძღოლობდა ჯარს და ოთხივეჯერ სხვადასხვა გზით დაეცა ხევსურებს. მიაღწია კიდევ გამარჯვებას, ზავსა და ბეგარაზეც შეთანხმდნენ, მაგრამ სწორედ იმ ჟამს თეიმურაზ მეფემ ღალატით მოაკვ-

ლევინა ზურაბი, ტახტის მოცილე და ამავე დროს სიძე თავისი. მოერია ბაგრატიონის ხელი და დავლათი დაუმარცხებელ ერისთავს.

ხმისურთა მიზრატია. XVI-XVII სს. წარმოებს ფშავ-ხევსურთა მასობრივი ჩასახლება ქართლ-კახეთის ბარში. არაგვის ერისთავები ადგილიდან ჰყრიან მთიელებს და საქართველოს დაცარიელებულ ბარში, თავის საერისთაო მამულებში ასახლებენ.

ხევსურეთიდან აყრილი მოსახლეობის ნაწილი მკვიდრდება ერწო-თია-ნეთში, მთიულეთში (ჭართალში), გუდამაყარში, ხეეში, დუშეთ-ჟინვალის მახლობელ სოფელ-ადგილებში, თვალღვი-ზენამხარში, ქსნის ხეობასა და ნოსტე-ახალციხეში. მიედინებიან უფრო საარაგვოს თემის გვარები, ვმალას ჯვრის ყმანი, რომლებზედაც ერისთავმა გავლენა მოიპოვა.

ამაჲას ჯჳრის დაცხჳა. არაგვის ერისთავთა ხევსურეთში ლაშქრობის შემდეგ ეცემა ძლიერება „სეეტიცხოვლის მოძმე“ ვმალას მთავარანგელოზის ჯვრისა. იშლება მისი საყმო (სისვაურები, გიგაურები, ხოგაურები, სამხარაულეები, ლაშქარაულეები, პავლეურები, მარანაულეები...) და ნელ-ნელა ქრება მათი ხსოვნა ხევსურთა ყოფაში. ეს მიანიშნებს იმაზეც, რომ ვმალას ჯვრის ყმათა მეტი ნაწილი იყო მეფეების მიერ შეამბოხე ხევსურთა შორის ჩასახლებული გვარები, რომლებიც იცავდნენ და ამაგრებდნენ ვმალას ციხე-ეკლესიას და XVII ს-დან კვლავ უკან ბრუნდებიან.

ხევსურეთში უქმდება კიდევ ერთი სტრატეგიული დანიშნულების რეზიდენცია-სიმაგრე ვმალა — შურისციხე, რომელიც საქართველოს ძლიერების დროიდან მოყოლებული კეტავდა და აკონტროლებდა არაგვის ხეობას (ანალოგიური ცენტრები იყო მუცოში, ანატორსა და არხოტში — ორბეულთა).

ვალას ყმათა დასუსტების შედეგად შესაძლებელი ხდება გორშელმის ვიწრო ხეობებში ოდესღაც შეხიზნული სამაგანძუროს ხევსურების განსახლება საარაგვოზე — წინაპართა მიწაზე.

მრისთავის წინააღმდეგ მიზრატული ხმისურნი. რამდენადაც დიდი ბრძოლები წარმოაჩენენ გმირებს, სწორედ XVII ს-ის სახალხო გმირთა სახელები შემორჩა ყველაზე მეტად ხევსურთა ხსოვნას. ისინი თავგანწირვით ებრძოდნენ ერისთავებს, რომელნიც ხევსურთათვის პიროვნული თავისუფლების წართმევასა და ბატონყმობის უღლის დადებას ცდილობდნენ. თუმცა იგივე ხევსურნი ერისთავის გვერდით ებრძოდნენ ირანის შაჰს. ზურაბ და ზაალ ერისთავების ჯარში, დიდი მოურავის მხარდამხარ ებრძოდნენ ყიზილბაშებს ბლოელი ბერდია გიგაური (მამუკაური), ზეისტიჩოელი გოგოთურ არაბული (თემროზაული), ხახმატელი გახუა ჰეთეშაური, გურგენ ჯინჭარაული...

არაგვის ერისთავებმა ფშავ-ხევსურეთში ლაშქრობის წინ ხევსურთა თემები და გვარები ერთმანეთს გადაამტერეს. ზოგი სახელიანი ხევსურისა და

ჯვრის მსახურის მოსყიდვა-გადაბირებაც შემდეგ, ბარში სამოსახლო ადგილებისა და სამომავლო სამსახურის დაპირებით.

საარაგვოს თემის დამარცხება და ჯმალას ჯვრის დაცემა განაპირობა სისვაურ-გიგაურთა ძლიერი გვარების პასიურობამ და ერისთავების სამსახურში მათმა შესვლამ.

ბოლომდე ერისთავების შეურიგებელ მტრებად დარჩნენ ზეისტეჩოელი ჭირჩლა ბაბურაული (არაბული, თემროზაული), გუროელი მამუკა ქალუნდაური (გოგოჭური, ქაცუაური), ჭორმეშიონი მარტია მისურაული (გოგოჭური), ხახმატელი ალუდი ალექსაური და იმედა ფერაული, ქმოსტელი სამნა და სახონა ბურდვიაულები, ჯადუელი ღარაქიშისძე, ლულელი თვალაჯაისძე – არიშაული, ზენუბნელი ქიზბარაული, როშკიონი ჭრელა ნადირაშვილი, ჯურჯა თურმანაული და ლომნიაურისძე, უკანახოელი მიქა და თანგულა შარვანაულ-ბექაურები, ბურჯკურთელი ბურჯკურნი, ლიქოკელი სომეხა და მინდოდა ჩალხურისშვილნი, ვაჩიაური, ჩაბაკაური, ფიცხელაური, ბასხაჯაური ძიძისძენი, აკუმელი სამხარაულნი... რომელთაგან ზოგი შემორიგებულმა ერისთავმა თრუსოში მიიწვია, ალაშქრა, ანადიმა და სამოცი რჩეული ხევსური სუფრაზე ღალატით ამოხოცა.

არაგვის ერისთავების ხევსურეთში ლაშქრობების დროს ხევსურნი დაქსაქსულნი არიან და მტერს მხოლოდ ცალკეული თემები და გვარები ებრძვიან. მართალია, თითოეული ვაჟკაცურად იბრძვის, მაგრამ მარცხდება. ხევსურეთის ის ნაწილი, სადაც ერისთავი ჯერ კიდევ ვერ აღწევს, სრულ უმოქმედობას იჩენს და თითო-ოროლა მოხალისე თუ მოღის თანამობშეთა დასახმარებლად. ამაზე უნდა ამობდეს ხევსური მელექსე: „...წლით მოგვდიოდის ლაშქარი ძაღლისა ზურაბისაო, ეპოცილორთ სიუჭკოითა, ნეტამც ადგომა იყვაო.“

ჯმალა-შურისციხის დაცემამ ხევსურები მიახვედრა, რომ მარტოთგან ბრძოლა და ერთეულთა გონს გადასული ვაჟკაცობით ერისთავს ვერ დაამარცხებდნენ. საჭირო იყო ზურაბის „კმლის ნარჩომ“ ხევსურთა ფუტკრის გუნდით გაერთიანება და გადამწყვეტი ბრძოლის მიღება-გამართვა.

ხევსურები ჭირჩალა ბაბურაულის, მარტია მისურაულის და სხვა ჭკვიანთა ეკაცთა მეცადინეობით ერთიანდებიან.

ჭირჩალა ბაბურაულმა დაიზავა „გუდანის ჯვარის მტერი“ გვარები და დღეობის დროს ბელლისკარს დიდი კოცონის დანთება დაწესა. ეს ერთგვარი პროტესტიც იყო არაგვის ერისთავების წინააღმდეგ მიმართული, რომელნიც ხევსურეთში ქრისტიანობის განმტკიცებას ცდილობდნენ და ანგრევდნენ ადგილობრივ ჯვარ-სალოცაეებს.

ჭირჩალა ბაბურაული რეაბილიტაციას უკეთებს ღალატისთვის მოკვეთილ არიშაულების ძლიერ გვარს, რომელთაც ხევსურნი ლაშქარში ადარ

ირევდნენ (ბაბურაული საკარგემოზე უარს ამბობს თვალაჯაისძე-არიშაულის სასარგებლოდ. ლულელნი ძმად შეეყრებიან კიდევ სამაგანმუროს ხევსურებს და „გუდანის ჯვარის მტრების“, ოხერხეველი ბაღრიულების დამარცხებაში ეხმარებიან).

ჭირჩლა ბაბურაული აღადგენს კავშირს „სამაგანმუროს მოძმე, ერთის დროშაის ყმა“ (გუდანის ჯვარის) ლიქოკის ხეობის მკვიდრ გვარებთანაც (გელ-ღიაური, მარიამული, ჯოხილაური, ფიცხელაური, ყურაული...), რომელნიც კარატის ჯვრის ყმათაგან ძალამორეულნი იძულებულნი იყვნენ ან ადგილიდან აყრილიყვნენ, ან ძმად შეჰყროდნენ მათ.

ზურაბ ერისთავს იერიში მიაქვს გუდანის ჯვარზე, მაგრამ ჯარჯო-ბეგენ-გორის ბრძოლაში გაერთიანებული ხევსურნი: სამაგანმურო, წყალსიქითელნი, ლულელნი, მთასიქითელნი, არხოტიონნი – „უყმო ყმანი ნაპირის ადგილისანი“, ერთიანი ძალით წინ აღუდგებიან ერისთავს. ბეკი ბეკურაულს (გოგოჭური) ხევსურთა დასახმარებლად მოჰყავს ფშაველთა ლაშქარი.

როგორც ზემოთ აღვნიშნეთ, არაგვის ერისთავები ქართლ-კახეთის მთიანეთში ცდილობდნენ შერყეული ქრისტიანობის განმტკიცებასაც, რაზედაც ერისთავის შეწვევითა და ძალით იღვწის რომანოზ წილკნელი. ამიტომ არის, რომ ფშავ-ხევსურებმა დროთა განმავლობაში უძველესი დროის ლაშარის ჯვრის ბერძუნისა და ჯმალას ჯვრის წმინდა ალვის ხის მოჭრის ანდრეზები ზურაბ ერისთავის ხანას მიაწერეს.

ფშავ-ხევსურთ ორწყალში მოუკლავთ ხუცესი, ვინმე სარუმი, სასულიერო პირი, რომელიც ერისთავს ფშავ-ხევსურეთში ლაშქრობისას თან დაჰყვებოდა.

გვხვდება არაგვისა და ქსნის ერისთავების მთიელთა ნახევრად წარმართულ ჯვრებთან „დამძობილები“ მაგალითებიც, როდესაც ერისთავნი ნღობის მოსაპოვებლად ჯვრებს თას-განძსა და ზარებს სწირავენ. ერისთავების შემოწირული ზარი და დოკუმენტები დაცულიც იყო ლაშარის ჯვარში. ეს მას შემდეგ ხდება, როცა ერისთავმა დაარბია ლაშარის ჯვარი და დაიმორჩილა ფშაველნი.

თეიმურაზ მეფე და ხავერდის მთები. 1630-იანი წლების მეორე ნახევარში თეიმურაზ მეფე ხევსურთა დახმარებით ქისტეთს ლაშქრავს და უზრუნველყოფს კახეთ-რუსეთის დიპლომატიური მისიების უსაფრთხოებას. ამ ლაშქრობის შესახებ თეიმურაზ მეფე მოსკოვში რუსთ ხელმწიფეს წერს: თავად მე ჩემი ლაშქრით თქვენი დიდი სიყვარულისა და პატივისცემის გამო გავილაშქრე და გავხსენი გზა თუშეთის მთებიდან ფშავის, ხევსურეთისა და ქისტეთის მთებზე, რომელი გზითაც არც ელჩთა და არც ძველი იბერიის მეფეთ არ უვლიათ. ღვთის ძალითა და შეწვევით ამ მთათა მკვიდრნი მე დამემორჩილნენ, ბევრნი მოინათლნენ. ორი თვე მოვუნდი გზის გაწმენდას და მთიელთა

დამორჩილებას. ასე რომ, ისინი კვლავ ჩემი ყმანი გახდნენ, როგორც მეფე ლევანის დროს იყვნენ.

სწორედ ამ ხანებში მეფე თეიმურაზის მხარდაჭერით სარგებლობენ და ლაშქარავენ ხევსურნი ქისტთა თემებს. თუხაკ ჩუჩაყური, როსტომაული, კირჩლა ბაბურაული, ღარაქიშისძე, მარტია მისურაული, იმედა ფერაული ქისტთა ცალკეულ გეარებს ბეგარასაც ადებდნენ.

1648 წ. თეიმურაზ მეფესა და როსტომ ხანს შორის ატეხილ ბრძოლაში ხევსურნიც მონაწილეობენ. ისინი წინა წლებში ქართლ-კახეთის მეფეთა შორის წარმოებულ შინაომებშიც თეიმურაზის მხარეს იყვნენ. თეიმურაზ მეფე ბრძოლაში დამარცხდა და როსტომ ხანმა იგი კახეთიდან განდევნა. ერთ-ერთ ბრძოლაში მოკვლეს თეიმურაზის მემკვიდრე, ერთადერთი ვაჟი დათუნა (დავით), რომელმაც „საქრისტიანოს გულისად ამამღერა ხმალი“, და ხევსურებს მოუწოდა: „...ჰვესურებს გამიგებით, უნჯნ მამისჩემის ყმანო, – დათუნამ ბატონიშვილმა ჩაიცვა სამანქანო...“

ბახტრიონი. ბახტრიონის (კახეთის) აჯანყების წინ საქართველოში სავალალო მდგომარეობა შექმნილი, რაც მთამდეც აღწევს. განსაკუთრებით გაუჭირდათ თუშებსა და ფშავლებს, რომელთა ცხვარს კახეთის საძოვრებზე სამიმოსელო გზები ჩაეკეტა. ქართველნი ხსნის ყოველნაირ გზას ეძებენ. ჯერ კიდევ აჯანყებამდე ორი წლით ადრე, 1657 წელს, თუშ-ფშავ-ხევსურთა წარმომადგენლები რუსეთში მეფის ელჩებს მიჰყვებიან და რუსთ ხელმწიფეს წერილს გადასცემენ, რომელშიც ისინი ურჯულოთაგან დაცვას ითხოვენ. წერილში აღნიშნავენ: „... ჩვენ მაგარს ალაგას ვართ და არას კაცს შევეპუებით, ამდენი ხანი არის, საქართველოს ყანი ებრძვის და ჩვენ არც შემოგვიშვია ყანის კაცი და სადაც მოგვიხელებია მოგვიკლავს და მისი სარდარი გაგვიქცევია და ლაშქარი გაგვიწყვეტია...“

ეს წერილი-დოკუმენტი დაწერილია რუსეთის მეფის კარზე მყოფი კახთა ბატონის დავით თეიმურაზის ძის ქვრივის ელენესა და მისი შვილის ნიკოლოზის (შემდეგ ერეკლე I ნაზარ ალი ხანის) მეცადინეობით.

თუშ-ფშავ-ხევსურნი არ ცნობენ როსტომ ხანის მეფობას და აღნიშნავენ: „ჩვენ ერთი ღმერთი ვიცით და მეორე ხელმწიფე თეიმურაზ...“ ამასთანავე მთიელნი ელენეს დედოფლად, ხოლო ნიკოლოზს ტახტის მემკვიდრე ბატონიშვილად მიიჩნევენ.

ფრანცისკო პოინი თუშ-ფშავ-ხევსურთა ელჩობის შესახებ წერს: „შემდეგ (1657 წ.) თუშეთის მიწიდან რუსეთში გამოგზავნილ იქნენ ელჩები, ჩამოსულნი ქვეშევრდომობის სათხოვნელად და უკან გაბრუნდნენ წარუმატებლად. შემდეგ წელს კი (1658 წ.) თეიმურაზთან ერთად ჩამოსულები მიღებულ იქნენ ქვეშევრდომობაში და უკან დაბრუნებისას დაასაჩუქრეს.“

რუსეთი სამხედრო დახმარებისგან თავს იკავებს, მაშინ თუშ-ფშავ-ხევსურნი ქართლ-კახელებთან ერთად თავად ემზადებიან გადამწყვეტი ბრძოლისთვის.

კახეთის აჯანყებას წინ უძღოდა თუშ-ფშავ-ხევსურთა ცალკეული პარტიზანული ბრძოლები და თავდასხმები კახეთში ჩამდგარ ყიზილბაშებზე. ხევსურებს ნადირა ხოშურაული წინამძღოლობდა, თუშებს – ზეზუა გაფრინდაული, ფშავლებს – გოგოლაური. თუშ-ფშავ-ხევსურთა ბრძოლები ქაოსური იყო, მაგრამ მათმა აქტიურმა წინააღმდეგობამ ბიძგი მისცა კახელებს.

ბიძინა ჩოლოყაშვილმა ამხედრა კახელები, ფარულად დაუკავშირდა თავის სიმამრს, ზაალ არაგვის ერისთავს, რომელსაც მხარში დაუდგნენ შალვა და ელიზბარ ქსნის ერისთავები და თავისი ჯარებით კახეთში გადასვლას შეჰპირდნენ. ზაალ ერისთავს თავად ბრძოლაში მონაწილეობა არ მიუღია და ლაშქრის სარდლობა თავის ვაჟს, ზურაბს დააგალა. „ზაალ ერისთავმა შემოიფიცა საყმონი თვისნი და ფშავ-ხევსურ-თუშნი, წარუძღვანა ძე თვისი და მიუქდეს პირველად ბახტრიონს...“

ფშავ-ხევსურნი ბორბალოზე გადავიდნენ და ნაქერალზე შეუერთდნენ თუშებს. ხევსურებს აქ თუშებთან და ფშავლებთან უთანხმოება მოუვიდათ. უთანხმოების მიზეზი ის იყო, რომ ხევსურებმა უარი თქვეს საერთო წინამძღოლს დამორჩილებოდნენ: „როგორც რო ამბობს ზეზუაი, ჩვენ ეგრე არ გეწადიანო.“ თუშებს ხევსურთა უკან გაბრუნებაც კი მოუთხოვიათ: – ჯარს აგვირევენო. „სიტყვობდის გაფრინდაული: ჰევსურებ ნუ მადიანო, ჩადიან ალაბლობასა, ჯარს ეგენ გვირევედიანო.“

თუშებს ფშაველნიც მიემხრნენ და არც მათ ისურვეს ხევსურების „ჯარში გარევა“: „უარს ეტყოდნენ ფშაველნი, ჩვენ რა გვაქვს თქვენთან ზიარი.“

განაწყენდნენ ხევსურნი: „თუშად რა გვიქნავ ზიანი? თუშნ თუ არ გაგვიყოლებენ, ჩვენც ვიცით სად მიდიანო.“ ნადირა ხოშურაულმა ხევსურები ცალკე გაიყვანა და დააბანაკა. ისინი ნაქერალის გზით დაეცემოდნენ ბახტრიონს. თუშები კი პანკისის გზით.

ცალკე დაბანაკებულმა ხევსურებმა ციხის გალავნის ასაღებად ხის სოლები დამზადეს. შემდეგ ფიჩხის კონები შეკრეს, კოცონის ირგვლივ შემოაწყვეს, ზედ ნაბდები წაახურეს, ვითომ გვიძინავსო და შუალამისას სალაშქროდ გაიპარნენ: „რა ქნილა შუალამეი, ჰევსურებ დაპარულანო.“

ხევსურები ბახტრიონის ციხის გალავანზე გადავიდნენ და დაერივნენ თათრებს. ნადირა ხოშურაულმა ხმლით აჩეხა ხანის კარავი და მოწინააღმდეგის ბელადიც მოჰკლა. ამასობაში მოვიდნენ თუშნი და ფშაველნიც და ამოხოცეს ბახტრიონში მდგარი თათრები. ბახტრიონიდან თუშ-ფშავ-ხევსურნი ალაყერდსაც დაეცნენ და ქართლ-კახელებთან ერთად მთელი კახეთი

გაწმინდეს მტრისგან. „კახეთში თათარნი აღარსად იპოებოდნენო“, – წერს მემეტიანე. ხევსურებმა ნადირა ხოშურაულს ნადავლიდან „სამეტო“ საუკეთესო ხმალი არგუნეს.

კახეთის აჯანყებაში მონაწილეობისა და იქ გამოჩენილი მამაცობისთვის მეფემ ხევსურებს ახმეტაში მამულები უბოძა. „მთელი პანკისის ხეობა და მატან–მარალისის ადგილების ნახევარი ფშავ–ხევსურებისათვის არის ნაჩუქარი მეფისაგან, რადგანაც ბახტრიონის ალებით საქართველოს დიდი სამსახური გაუწიეს.“ (ვაჟა–ფშაველა). მაგრამ ხევსურებს იქ „ფაქტიური მფლობელობა ვერ განუხორციელებიათ“. მოგვიანებით კი მიწების თავისი წილი პანკისის ხეობაში მისცეს შამილის წინააღმდეგ ამბოხებულ ქისტებს, რომელნიც იძულებული იყვნენ თავისი სამშობლოდან აყრილიყვნენ.

იროსიქი I და ხამსირამი. ხევსურთა ელჩობა რუსეთში კახელებთან ერთად ბახტრიონის შემდეგაც გრძელდება. 1661 წელს რუსეთიდან ჩამოდის თეიმურაზ პირველის შვილიშვილი ნიკოლოზ (ერეკლე) დავითის ძე და თუშ–ფშავ–ხევსურთა დახმარებით ცდილობს კახეთის ტახტზე ასვლას, მაგრამ მარცხდება და კვლავ რუსეთში ბრუნდება.

იოანე ბატონიშვილის ცნობით, ამ დროს თუშ–ფშავ–ხევსურეთის მორავებად ჭავჭავაძენი არიან. ისინი ერეკლე ბატონს ეხმარებიან ტახტისთვის ბრძოლაში (ერეკლე პირველმა აზნაურებად მიიღო ხევსურული წარმოშობის ჭავჭავაძეები, რომელთაც თეიმურაზ მეორემ მოგვიანებით თავადობა უბოძა).

1664 წელს ერეკლე კვლავ ჩამოდის საქართველოში და მთიელთა დახმარებით ცდილობს ტახტის დაბრუნებას, მაგრამ კვლავ მარცხდება. „აქა ერეკლე მძიმის ლაშქრით ამა ორთა სახელოანთა მეფეთა (შაჰ ნავაზი და არჩილი) თავს დაესხა ჟამსა შუაღამისასა. იახლა თუში, დიდო, ღლიღვი, დურძუკი, ფშაველი და ხევსური, მაგრამ ქართველთაგან იძლივნეს...“ (ფეშანგი). ერეკლეს დასახმარებლად ლაშქარში არ გადიან ხევსურეთის ზოგიერთი თემები, ტახტზე ასვლის შემდეგ მეფე მათ წარმომადგენლებს დასჯის. მათ შორის უნდა ყოფილიყვნენ ორბელნი, რომელნიც საბოლოოდ აიყარნენ ხევსურეთიდან.

სხვადასხვა დროს ერეკლეს კვლავ უვ ზანიან კაცებს თუშ–ფშავ–ხევსურნი და ტახტზე ასვლას სთხოვენ, რათა მისი წინამძღოლობით ებრძოლონ სპარსელებს.

თუშეთში არის ასეთი გადმოცემა: სოფელ ჭეშოში ერეკლე I-ის ქალს ციხე აუგია, რომელიც ხევსურთათვის უბოძებია თავისი მამულით. ვინც ამ მამულით ისარგებლებდა ხახმატის ჯვარიონთათვის ორი აბაზი უნდა გადაეხადა.

1674 წელს ერეკლე ჩამოდის კახეთში, მაგრამ შაჰს იგი სპარსეთში მოჰყავს და მის ნაცვლად კახეთის მმართველად (ჯანიშინად) გამაჰმადიანებულ გორ-

ჯასპი კახაბრიშვილს ნიშნავს, კახეთს კი სპარსეთის პროვინციად და მის შემადგენელ ნაწილად აცხადებს.

1700-იანი წლების პირველ ნახევარში, მეფე დავით II იმამ-ყული-ხანის დროს, ხევსურები თუშებთან და ფშავლებთან ერთად ეხმარებიან კახელებს მოთარეშე ლეკ-ჭარელების წინააღმდეგ ბრძოლაში.

აბაშის ოში. 1724 წელს ხევსურები მონაწილეობას ღებულობენ ატენის ომში: „შეკრბენ ქართველნი, მოიყვანეს მაჰმად-ყული-ხანი კახით, თუშით, ფშავ-ხევსურითა.“

ეს იყო ყველაზე ტრაგიკული ლაშქრობა ხევსურთა ისტორიაში.

ატენის ომის წინ ქართლი ოსმალებს აქვთ დაპყრობილი, კახეთი ლეკებს. მეფე ვახტანგი და ბაქარ ბატონიშვილი, რომელნიც აქამდე ახერხებენ მტერთან გამკლავებას, რუსეთ-თურქეთის ხელშეკრულების შემდეგ რუსეთს გადაიხვეწნენ. ქართველნი უპატრონოდ არიან დარჩენილნი. კახთა მეფე ცოლ-შვილითა და ახლობლებით ფშავ-ხევსურეთშია გახიზნული და გაჭირვებულ მღვდმარეობაშია: „კახმა ბატონმა მიმართა ფშავ-ხევსურეთის კიდესა... რაც აქვდათ თვისი საუნჯე, სულ პურ-ღვინოზე ყიდეს.“ (დ. გურამიშვილი).

მუსულმანთა წინააღმდეგ ბრძოლას იწყებს გორის მოურავი გივი ამილახვარი, რომელმაც მიიმხრო ქსნის ერისთავი შანშე და არაგვის ერისთავი ოთარ. გივი ამილახვრის დასახმარებლად გადადის კახთ ბატონი კონსტანტინე (მაჰმად-ყული-ხანი) კახელებისა და თუშების ლაშქრით, რომელსაც ანანურში უერთდება ძმა, თეიმურაზი, ფშავლებითა და ხევსურებით.

ბრძოლა ატენის მახლობლად, ზედაველზე გაიმართა. „ქართლ-კახელთა და თუშ-ფშავ-ხევსურთა ლაშქარს გორის ციხეში გამაგრებული თურქთა ურდოს განადგურება ჰქონდა გულში... ზედაველზე გამართულ ბრძოლას უნდა გადაეწყვიტა ქართველთა ყოფნა-არყოფნის საკითხი.“ (გ. ნატროშვილი)

მტერს წინ იესე ბატონიშვილი და ერასტი ორბელიანი მიუძღოდნენ. ქართველებმა მხნედ შეუტეეს და გააბრუნეს მტერი, მაგრამ მოლაღალტე ქართველებმა კვლავ შემოაბრუნეს ოსმალები და ბრძოლა განაახლეს. მტრის ჯარს შემოუერთდა გორიდან წამოსული ოსმალთა მამველი ლაშქარიც.

უკან დაიხიეს ქართველებმა. გივი ამილახვარი გაიქცა და თან წაიყვანა კონსტანტინეც. ბრძოლის ველი მიატოვა ოთარ არაგვის ერისთავმაც თავისი ჯარით. ოსმალთა წინაშე მხოლოდ თუშ-ფშავ-ხევსურნი დარჩნენ. მეისტორიე იესე ტლაშაძე აღნიშნავს: „ათიოდ თუში გამაგრდა, გუფთას რომ ხიდის თავია, ვენახში მისცეს ზურგი ზურგს, იმათ გადადევს თავია...“

ფარ-ხმლით შეიარაღებულ ხევსურთ ვერ გაუძლეს თოფოსანი მტრის დაწოლას და მათი მარცხიც იმან განაპირობა. „...ვერ ვმარებაე წიქასა ჯორით ნაყიდი ჳმალთა, რაობით ვერ იჳმარება? — ტყვიამ არ მისცა ხანია.“

თუმ-ფშავ-ხევსურებმა მტერს ზურგი არ უჩვენეს, ნაბიჯიც არ მოიცი-
ვალეს და ყველანი სახელიანი სიკვდილით დაწყდნენ: „შეგვყარეს ჳიდის ყურ-
ზედა, ცხვრებულად დაგვჭრეს თავია“, – ამბობს ხევსური მოღვექსე.

დაერივნენ ოსმალები დაჭრილ-დახოცილ ქართველ მეომრებს, თავები
დააჭრეს, გოდრებში ჩაყარეს და ურმებით თბილისში მკვდომ ხანს გაუჭ ზაენეს.
„ტანთ მმარხველი არა ჳყავდა, მელა-ტურა გამოხვრიდნენ“, – წერს ამ ომის
მონაწილე, პოეტი დავით გურამიშვილი.

ატენის ბრძოლის ტრაგიკულ ამბავს რომ ჳყვება, იგივეს იმეორებს ხევ-
სური მელექსეც: „...უსაფლაოებ ჳევსურნი ყორნებს გააქვის მკვდარიო.“

ბრძოლაში მონაწილე ხევსურთაგან ხალხურმა მოქმელმა რამდენიმეს
სახელიც შემოგვინახა: ზეისტეჩროელი თათარა ბიჩინაგური, რომელსაც „ურ-
უმთა მეალმე“ მოუკლავს, ლიქოკელი ნავეგურა ჩალხური, ლაგაზა ბაცა-
ლიგველი, ვინმე ლუღელი მანგია, შატილონი ჯადაბაური.

ხევსურები ლაშქარში დახოცილ მეომართა პირით გუდანის ჯვრის ქა-
დაგს, იმედას სდებენ ბრალს. „იმედავ რად წამაგვასხენ, თუ არ წადინობდ
ჯვარიო.“ თუმცა მელექსე ამბობს: „სათავეს გვეჯდა იმედა, არ მაუვიდა ჯვა-
რიო“. რაც იმას მინიშნებს, რომ ლაშქრობის წინ ქადაგმა, რომელსაც „ჯვარი
არ მოუვიდა“, ხევსურთა მომავალი მარცხი განჭვრიტა და თავადაც ბრძო-
ლაში დაიღუპა: „იმედა აღარა გვეყანდა ბატონის გამძლობარიო.“ („ბატონში“
იგულისხმება ჯვარი და დროში).

იმ შემთხვევაში, როდესაც „ჯვარი ლაშქრობის ნებას არ იძლეოდა“, თა-
ვად ქადაგი მიუძღოდა ლაშქარს, რათა ხევსურებს მისთვის შიში არ დაებრა-
ლებინათ. „...აბა თუ შიშით ვქადაგებ, გექნებით წინამძღვარიო“, – ეუბნება
კიდევ ერთ-ერთი ლაშქრობის წინ ხევსურებს ქადაგი. ხევსურთა ლაშქრო-
ბების ისტორიაში ასე იყო ყოველთვის, თუ მტერზე გაიმარჯვებდნენ, გამარ-
ჯვებას ჯვარსა და ქადაგს მიაწერდნენ, თუ დამარცხდებოდნენ, ისიც ჯვრისა
და ქადაგის მიზეზით ხდებოდა.

კონსტანტინე კახთ მეფემ ატენის ომის შემდეგ თავი ჯერ ქსნის ხეობას,
შემდეგ კი ფშავ-ხევსურეთს შეაფარა.

ამავე ხანებში ფშავ-ხევსურეთის მთებში იხიზნება თეიმურაზ II თავისი
ოჯახით. აქ ეცნობა და უშეგობრდება უფლისწული ერეკლე – ჳატარა კახი
ფშაველებსა და ხევსურებს.

ზორის ბრძოლა. პატარა კახი და გუდანის ჯვარი. 1744 წელს
ხევსურები ქართლში კიდევ ერთ ბრძოლას გადაიხდიან. მეფე თეიმურაზ
მეორე ებრძვის გორის ციხეში გამაგრებულ უთუფ ფაშას, რომელსაც მხარში
უდგას ატენის ომის გმირი, ამჯერად მოღალატე გივი ამილახვარი.

ბრძოლა გორის ახლოს, რუისთან გაიმართა და ქართველებმა დაამარცხეს მტერი. ბრძოლაში სახელი მოიხვეჭეს ალუდაურ გაბუურმა, გაგა ბერდიშვილმა, ლომნი ბაცალიგველმა, ყარდანაულმა, თოთია გაიდაურმა, ბაიტურათ აბამ... რომლებმაც სხვა ხევსურებთან ერთად კიდევ ბევრ ბრძოლებში სახელები თავს.

გორის ბრძოლა ხევსურთათვის იმით არის მნიშვნელოვანი, რომ ამ ომში ხევსურნი კიდევ უფრო დაუახლოვდებიან პატარა კახს და პირველად იბრძვიან მის გვერდით.

ომის წინ „ნათათრალი“ ერეკლე ბატონიშვილი თავად აბრძანდა ხევსურეთში. გუდამაყრის ხეობით ფხიტუზე გადავიდა და სანეს დასცა კარავი. აქ დაიბარა მან სრულიად ხევსურნი. შემოიკრიბა „უნჯნი ყმანი“ და ილოცა გუდანის ჯვარი (ხევსურთა რწმენით მეფე ერეკლე ჯვრის დარბაზში შემოსულ მზის სხივზე გადაჰყენდა სამკადრეოს და პირადად ესაუბრებოდა გუდანის ჯვარს. „დარბაზშით საუბარი გამადილოდისაც“). „...ფხიტუს ღელეში შემავლა, პირწალმ ილოცა ჯვარია. სანეს დაიცა კარავი, შემაიხვიენა ყმანია... ქართლში ჩავიდათ ხევსურნო, ქალაქს ვინ შესდვა ზარია...“

მეფე ერეკლეს სანეს დაბანაკება ამ წმინდა ადგილს კიდევ უფრო პოპულარულს ხდის. ზოგი მებანდრეზე „სანეობას“ მეფე ერეკლეს მიერ დამკვიდრებულადაც კი მიიჩნევს. თუმცა იგი უფრო ძველი დროისაა და იქ სახალხორელიგიური რიტუალების გამართვა XVII ს-ის პირველ ნახევარშიც იხსენიება: „ბერდიაი და ჳირჩლაი სანეს შაყრილან სმაზედა“.

ანდრეზით მეფე ერეკლეს უთქვამს: აქ წმინდა ადგილი ყოფილა და ყოველწლიურად სანეს სამ-სამი ფეხი სანთელი დაანთეთო. ხევსურთაც დაუწესებიათ დღეობა „სანეობა“. მეორედ სანეს მთაზე ამოსულ მეფეს უთქვამს: „ჩემი მოძმე გუდანის ჯვარი ძალიან გაგიხახებიათ, სამი სამოცად გიქცევიათო.“

სანე ხდება ხევსურთა ძირითადი თავშეყრის ადგილი და საბოლოოდ უქმდება ღელისვაკის „ხთისკარი“, რომელიც თავისი ხასიათით უფრო წარმართული იყო.

მეფე ერეკლე უნათესავდება კიდევ ხევსურებს და ორმოცზე მეტ ხევსურს მონათლავს. მეფე ხევსურთა საკუთარი ხელით მონათვლით ცდილობს მთაში პრივილეგირებულ პირთა წარმოჩენას, მაგრამ ერეკლეს ნათლულები ხევსურთა თვალში ისეთივე ხევსურებად დარჩნენ, როგორებიც იყვნენ. მათი სახელები ხევსურთა მეხსიერებამ არც კი შემოინახა. ხევსურთათვის უმთავრესი ვაჟკაცობა იყო და არა ბატონისგან ბოძებული პატივი და დიდება.

ყველაზე მეტად ხევსურებზე იმან იმოქმედა, რომ მეფე ერეკლე „ემძო გუდანის ჯვარს“. მას წინამორბედი მეფეებივით არ დაურბევია მთიელთა გა-

წარმართებული სალოცავები. მეფემ შეიწყნარა ხევსურთა წარმართი რჯული, რომელშიც ჩაუქრობლად ღვივოდა ქრისტიანობის ნაპერწკალი და ურჯულოთა წინააღმდეგ ბრძოლის ჟამს აბრღევიალდებოდა ხოლმე. ეს დაინახა მეფე ერეკლემ და მისი მიდგომა ხევსურულ ჯვართან მნიშვნელოვანი მოვლენა იყო ფხოვის ისტორიაში.

არაბჰვის საჰრისთაოს ბაჰამიზა. 1743 წელს ამოხებულმა მთიელებმა მოკლეს ბეჰან არაგვის ერისთავი, მისი ბიძაშვილი ოტია და არაგვის ბატონად მეფე თეიმურაზ II მოიწვიეს. 1744 წელს ნადირ შაჰმა არაგვის საერისთაო ქართლთან და ქსნის საერისთაოსთან ერთად საბატონოდ გადასცა პატარა კახს. პატარა კახმა ეს მხარე ჩააბარა თუშ-ფშავ-ხევსურეთის მოურავს ჯიმშერ ჩოლოყაშვილს.

1757 წელს არაგვის საერისთაო და ფშავ-ხევსურეთი ერეკლემ თავის უფროს შვილს ვახტანგს უბოძა, მაგრამ ბატონიშვილის უწლოვანობის გამო, მმართველად კვლავ ჯიმშერ ჩოლოყაშვილი დარჩა, რომელიც უკმაყოფილო მთიელებმა მოკლეს: „ჩვენ ჩოლოყაშვილი რად გვინდოდა, ჩვენ ჩვენი ბატონი გვიბოძეო.“

მეფე ერეკლეს მეფობის ბოლო წლებიდან თუშ-ფშავ-ხევსურეთის მოურავებად უცვლელად იხსენიებიან ჩოლოყაშვილები. მეფემ პირაქეთი ხევსურეთი საუფლისწულოდ გამოაცხადა, პირიქითი – საღედოფლოდ.

„ხევსურული ჩამომავლობის“ ჩოლოყაშვილნი (ჩოლოყაშვილნი), ერთ დროს ხევსურეთში მდგარან. ციხე-ქალაქ მუცოში აღმართულ ერთ-ერთ გამორჩეულ, ცენტრალურ კოშკს დღესაც „ჩოლოყათ ციხეს“ ეძახიან.

არაგვის საერისთაოსა და თუშ-ფშავ-ხევსურეთის მონაცვლეობით მართავენ ვახტანგ ბატონიშვილი, ერეკლე მეფე, ქაიხოსრო ჩოლოყაშვილი, კვლავ ვახტანგ და ლევან ბატონიშვილები, რომელთაც 1780-იან წლებში ხევსურთათვის სპეციალური სამართალი შეუდგენიათ.

სამსსურული რჯული. დღევანდელ ხევსურეთში სჯული, რომელიც უძველესი დროიდან მომდინარეობს და „ხთის გაჩენილია“ („ღვთაებრივი წარმოშობის“. – „ღუთის სამართალი ვირწმუნოთ, ბექათგან გაჩენილია“, – ნათქვამია „შაჰ-ნავაზიანში“), ყველაზე ბოლოს მეფე ერეკლეს კარზე ხევსურ სჯულმდებელთა მიერ შეთანხმებულ მაშინდელ სამართალს მიჰყვება. ამ რჯულს ყველა ემორჩილებოდა. გადმოცემით მეფე ერეკლეს დაუწესებია „სანასკო“ (თუმცა იგი უფრო ძველი დროიდან უნდა მომდინარეობდეს), რომლის მიხედვითაც ურჩთა მიმართ რჯულის კაცთა გადაწყვეტილება საბოლოო იყო.

საქართველოს სამეფოს გაუქმების შემდეგ ეს რჯული ხევსურებს გუდანის ჯვარში რამდენიმეჯერ ხელახლა გადაუშუშავენიათ. ამასთანავე, ხევ-

სურეთის ზოგიერთ თემში ხდებოდა სამართლის ზოგიერთი მუხლის თავისებური „გარჯულება“. თუმცა, საბოლოოდ, მაინც საერთო რჯულით სარგებლობდნენ. ალ. ოჩიაური წერს: „არხოტში რომ ნარჯულავს რომელიმე მხარე არ დასჯერდებოდა, არ არის სწორე გარჯულვილიო, იტყოდნენ: „ხევსურები (იგულისხმებიან პირაქეთა ხევსურეთის მკვიდრნი – შ.ა.) მოვიყვანოთ, ხევსურას რჯულში მივიდეთ და ამათ ხომ კარგად იციან ხევსურეთის რჯულიო.“

„სხვადასხვა საყოფაცხოვრებო საკითხებში ყოველგვარი რჯული და წესი პირიქით ხევსურეთიდან გამოდის და თითქმის მთელ ხევსურეთში ტარდება. თუ რომელიმე საჭირბოროტო საქმე მოხდა არხოტში ან შატილში, ანუ მთელ პირიქით მთასიქით ხეობაზე, და ეს საქმე ადგილობრივი რჯულით ვერ გაარჩიეს, ისე როგორც მათ იციან, შუაკაცებმა და რჯულის კაცთ ვერ შეარიგეს მტრები, მაშინ, თუ ზაფხულია, პირაქეთ ხევსურეთში გაგზავნიან კაცს, იქ იკითხავენ წესს, ან რჯულში პირაქათელ კაცს წაიყვანენ. თუ ზამთარია, მაშინ ზაფხულამდე მოიცდიან. პირაქათელები კი პირიქითელებს ამისთანა რამეებს არა ჰკითხავენ, რადგან მათ რჯული კარგად იციან და ამით თავსაც იწონებენ. პირაქათელი ხალხი მტკიცედ ინახავს თავისი მამა-პაპის ზნე-ჩვეულებებს და ადათ-წესებს, ამიტომაც ადვილად ვერ ეგუება ცხოვრებაში მომხდარ ცვლილებებს, რაშიც არ უნდა გამოიხატებოდეს ეს – შინაური საქმე იქნება თუ მთავრობისა...“ (ნ. ბალიაური)

ხევსურ რჯულის კაცებს საძნელო საქმეების გადასაწყვეტად იწვევდნენ მეზობელ ტომებშიც, უფრო კი ქისტებში. ხდებოდა პირიქითაც.

ხევსურულ რჯულს საფუძვლად უდევს უძველესი ქართული სამართალი „სჯული“, ანუ „რწული“, რომელიც ვახტანგ მეექვსის თქმით, „ძველთაგან დადებულ არს“ და თვით მასაც სამართლის შედგენისას ხალხური წყაროებითაც უნდა ესარგებლა. უნდა აღინიშნოს ისიც, რომ ჩვენ დრომდე მოღწეულ ხევსურულ რჯულს, რამდენადაც უძველესი ჩვეულებითი სამართლის კანონების კრებულს წარმოადგენს, ნათესაობა აქვს წინა აზიის ხალხების „ღვთაებრივ სამართალთან“. ბაბილონის მეფე ხამურაბის კანონთა კრებული მთავრდება დარისხებით იმათ მიმართ, ვინც გაბედავდა და დაარღვევდა ამ კანონებს. ჯვრიდან გადმოსულ ხევსურულ რჯულს განამტკიცებდნენ ჯვარში სამანის ჩაგლებით და რჯულის გამტკეხის დარისხებით. ზოგჯერ ძნელად გადასაწყვეტი საქმის გარჯულება ჯვარში ქადაგის დასმითა და მისი საშუალებით წარმოებდა.

ხევსურულ რჯულს ემორჩილებოდა ხევსურეთის ტერიტორიაზე მცხოვრები თითოეული პირივნება, განურჩევლად მისი დამსახურებისა, სახელისა და ქონებრივი უპირატესობისა. ხევსურეთში დანაშაულის საქონლით ანაზღაურებას „დრამა“ ეწოდება („დრამა“ ძველად საეკლესიო გადასახადს ეწოდებოდა).

ლევან ბატონიშვილის სიკვდილი. ლევან ბატონიშვილის სიკვდილმა ხევსურებზე დიდად იმოქმედა. ხევსური მელექსე მეფე ერეკლეს პირით ამბობს: „ლევან ქიზიყში მამიკლეს, ხევსურნო, ბატონი თქვენო...“

ლევანის სიკვდილით გალაღებულ შოთარეშე ლეკებს ხევსურნი ასე შეუთვლიან: „...იქვე მთელია ლევანი, იქვე ბევრი სყავ ჯარია.“ ან „...ვინ მააქსენა ლეკებსა, სიკვდილი ლევანისაო?.. მტერი ვერ გაულადდება, ერეკლე ცხენსავ ზისაო!“

გუდანის ჯვარში ერთ წმინდა ადგილს – „ალაველ ვაკეს“, „ლევანის ვაკესაც“ ეძახიან.

თრუსოს ლაშქრობა. 1746 წელს მეფე ერეკლეს სხვა მთიელებთან ერთად ხევსურები გაჰყავს თრუსოსა და თერგის ხეობაში წარმოებულ ლაშქრობებში. მელექსე ხევსურებს ლაშქრობის წინ ათქმევინებს: „ოსების ჩვენც გვჭირს ზიან“–ო. აქ იგულისხმება, დაახლოებით ასი წლით ადრე თრუსოში არაგვის ერისთავის მიერ ხევსურების დალატით ამოხოცვა, რაშიც თრუსოელ ოსებს მიუღიათ მონაწილეობა.

ამ ლაშქრობაში იმდენად დიდი იყო ხევსურთა თავდადება და გამირობა, ერეკლე მეფის მიერ მათდამი განსაკუთრებული ყურადღება, რომ სამეფო ჯარში მყოფი სხვა მთიელების შური და წყენაც კი გამოიწვია: „ნეტავ არ ჩამასულიყვნეს, საერისთოელებს სწყინსაო“. „წყენა იმითია გამოწვეული, რომ ხევსურების მამაცობამ დაჩრდილა საერისთოელების სახელი“, – აღნიშნავს აკ. შანიძე.

ხევსურებმა შეუბრალებლად იძიეს შური ოდესღაც თრუსოში დახოცილი თავიანთი წინაპრების გამო. „თრუსო გაღწეწეს ხევსურთა, აისრ რო კალო ძნიანი.“ ბრძოლაში თავი ისახელეს გუდანელმა მედროშემ თამარისძემ, თოთია გაიდაურმა, ხიტალიონმა გახუა თადიაურმა, ხთისია ატაბიონმა, ნათელისძე ომაიშვილმა (?)..

ხაშსურთა ამბოხი მრამალე მუჟის დროს. 1750–იანი წლების შუა ხანებში ხევსურები გაუნაწყენდნენ მეფე ერეკლეს. განდგომა–წყრომის ერთ-ერთი მიზეზი იყო ის, რომ იმ ხანების ლაშქრობებში მეფემ უპირატესობა ჩერქეზ–ოკს მეომრებს მიანიჭა. მემატანიისგან კი ვიციით, რომ ხევსურებს მცირედი უყურადღებობაც კი სწყინდათ და თუ მეფე მათ არ მოუხმობდა, ლაშქარსა და დაცვაში სხვას ჩააყენებდა, „მსწრაფლ მიილტვოდნენ ამბოხისადმი“.

ხევსურთა შემოსარიგებლად შუაგულ ზამთარში თავად მეფე ერეკლე გაემართა მთაში და თან ლაშქარიც გაიყოლა, მაგრამ ხევსურებმა ბრძოლა არ ინებეს და მეფეს გზაში შუაკაცები მიაგებეს ძღვენითა და მძევლებით.

მემატიანე წერს: „ქორონიკონს უმგ (443)=1755 წ. ამა ხანთა შინა ხევსურის ქვეყანა აღარა დამორჩილდა კახს ბატონს და პირველისამებრ აღარ მო-

ნებდნენ. ჩამობრძანდა კახეთიდან კახი ბატონი ერეკლე და მოსთხოვა ფარვანი მამასა თვისისა... ინება ხევსურეთისა დალაშქვრა... ზამთარი იყო, თოვლი დიდი და გზა საჭირო. დაიქვეითეს ყოველთა, თვინიერ მეფისა და იმანაც ბევრჯერ იარის ქვეითად. მოვიდნენ ფშავნი, შიგებენენ, რაც იმ ქვეყანას გაეწყობოდა, მორათვეს მოსართმევი. ენებათ იქიდან გადასვლა ქვეყანასა ხევსურისასა: რა შეიტყვეს ხევსურთ, შემოეხვეწნენ ხევსურნი და ითხოვეს დანაშაულისა მიტევება. შეუნდო ცდობა მათი და შემოირიგა. იახლნენ უფროსნი კაცნი და მორათვეს ჯორნი, ძროხანი, ცხვარნი ფეშქაშად და დაიდვეს თავს სამსახური, რაცა ძველთაგან კახ ბატონისაგან სდებოდათ. გამოართო ბატონმა ძველები და განუტევა ხევსურნი მშვიდობით.“

ძველად აყვანილი ხევსურები ერეკლემ თავის პირად დაცვაში ჩააყენა, რომელნიც ბოლომდე ერთგულნი დარჩნენ მეფისა და თავიც ბევრჯერ ისახელეს.

„ჯუღესაც მეფემ „მორიგე ჯარი“ ჩამოაყალიბა, ამ ბეგრისგან ხევსურნი გაათავისუფლა, რადგან ისინი ისედაც იცავდნენ საზღვარს მოთარეშე მტრისგან („მორიგე ჯარში“, ჩვეულებრივ, მსახურობდნენ ბარში მცხოვრები ხევსურები).

„საჯულსჳდ წაჰმადარი“ ხივსურამბი და მრამაჳდ მამაჳ. რუსეთთან კახეთის მეფეთა მიმოწერა კვლავ გრძელდება. 1769 წელს მეფე ერეკლეს კარზე რუსეთში გასაგზავნად ასეთი შინაარსის ქაღალდი შეუდგენიათ: „...კიდევ თუშნი, დიდოეთი, ქისტეთი, ლლიღვი და ზურზუკი ლეკთაგან მიგუხმიან და გაუმაჰმადიანებიან, ეხლა ცდილობენ და სურთ, რომ თუშეთი და ხევსურფშავი და ჳევი, რომელიც რუსეთის სახელმწიფოისა და საქართველოს შემოსავალი და გზა არის, ესეც დაიპყრან და თავიანთ სარწმუნოებაზედ მიიზიდონ...“

თუშ-ფშავ-ხევსურნი, საეჭვოა, რომ ვინმეს დაეპყრო და მაჰმადიანობაზე მოექცია. ამგვარი შინაარსის წერილის დაწერას სხვა მიზანი ჰქონდა, მაგრამ ამ დროისთვის ხევსურეთში ქრისტიანული რჯული საკმაოდ შერყეული ყოფილა. 1770 წლის დოკუმენტში ვკითხულობთ: „მ: არს ჳევსურეთი, კერძო ქრისტიანე, ჩვენის მოუცლელობით და ჟამთ კითარებით სჯულზედ წამჳდარნი, კომლი ათას ორასი...“

საკვირველი არ არის, რომ ხევსურნი „სჯულზედ წამჳდარან“. საქართველოს ძლიერების ხანაში თვით დიდი მეფეებიც კი ძალითა და მუდმივი ზედამხედველობით იცავდნენ ქრისტიანობას ფხოვში. საქართველოს დაშლისა და დასუსტების ჟამს კი მართლაც რომ „აღარ ეცალა“ ხელისუფლებას მთიელებისთვის და ისინი თავიანთ ნებაზე იყვნენ მიშვებულნი. მღვდლებმა მი-

ატოვეს მთა, ეკლესიები დაიქცა და განადგურდა. თანაც კარგახნის განმავ-
ლობაში ქართველთ ქრისტიანული წესით ტახტზე ასული მეფე სანატრელი
ჰყავდათ. ხევსურებმა კვლავ გაიხსენეს თავიანთი ღვთაებები და კულტმსა-
ხურება, რომელში მაინც შემოინახა შერწყმული ადრექრისტიანული მსა-
ხურებისა და რწმენის კვალი.

მეფე ერეკლე კარგად ხედავდა ხევსურთა „სჯულზედ წაჯდომის“ მიზეზს
და სჯეროდა, რომ უსჯულოებს ხევსურნი ქედს არ მოუხრიდნენ. ამის გამო
იყო, რომ მეფემ შეიწმინა ხევსურთა ნახევრადქრისტიანული ჯვარი: „ეძმო
გულანის ჯვარს“, რითაც ხევსურთა თვალში კიდევ უფრო ამაღლდა ჯვარიც
და მეფეც (ასევე უნდა მოქცეულიყო თავის დროზე ვახტანგ გორგასალიც).
ხევსურული ანდრეზით, როცა წილი ყარეს, „ხთის ნასახთა ბატონობა გულა-
ნის ჯვარს ხვდა წილად, ხორციელთ ბატონობა და ქაჯთ ქალის ქმრობა —
ერეკლეს, მაგრამ მეფეს სხვა ქალი მოუყვანია და საქმეც უკულმა წასვლია.“

იმ ხანებში საქართველოს სამეფო კარმა გაააქტიურა ურთიერთობა მთი-
ელებთან და ზედიზედ გააგზავნა იქ უფლისწულები და საეკლესიო მოღვაწენი
საგანგებო დავალებებით.

1780 წელს დავით რექტორი ადის ფშავ-ხევსურეთში და აღწერს იქაურ
მღვდმარობას. იგი წერს: „...რადგან ამ ქართლის ცხოვრებასა და აღწერასა
შინა ქართლსა და კახეთში რაც სოფელია, შენი თუ უშენი, ყოველივე ეწერა და
ფშავ-ხევსურეთისა კი არ ეწერა, მე დავჰწერე, ვინც ნახოთ, მეც მომიგონეთ.“

1786 წელს ბატონიშვილი გიორგი ჟინვანის გზით ადის ფშავ-ხევსურეთში,
რათა შეისწავლოს ქართველ მთიელთა და მათი ჩრდილოელი მეზობლების ყოფა-
ცხოვრება, დაათვალიეროს იქ მდებარე ეკლესიები და სამლოცველოები.
„...ხევსურეთის საზღვარზედ მოგებნენ ქისტნი მრავლად ძღვენითა. ლამას ჯვარსა
მოართვა ვერცხლით მოჭედილი ხატი წმინდის გიორგისა.“ (პლ. იოსელიანი)

ორი წლის შემდეგ, 1788 წელს, ბატონიშვილი გიორგი კვლავ მოგზაუ-
რობს მთიანეთში ამბროსი წილკნელთან ერთად და „სადაცა იყოფოდა ეკლე-
სია შერყეული, აკურთხევდნენ...“ (პლ. იოსელიანი)

1789 წელს ბატონიშვილი დავითი მოგზაურობს ფშავ-ხევსურეთში და
აღწერს სოფლებს.

ამ პერიოდში დავით გარეჯის მონასტერში მოღვაწეობს ვინმე ილარიონი,
„ხევსურელი კაცი მართალი და წრფელი მღვდელ-მონაზონი.“

ხაშსურაბი მამა მარიალას მარაზი. მუდამ მზადყოფნაში და მოწინავედ
იღვნენ ხევსურები მეფე ერეკლეს ლაშქარში. არ არსებობდა მათთვის ღიდი
და მცირე ბრძოლა, ერთნაირი თავგანწირვით ებრძოდნენ მტერს, რასაც ერ-
ეკლეს ბრძოლების მეისტორიენიც აღნიშნავენ. მართალია, მოკლედ წერენ,

არ ასახელებენ სახალხო გმირებს. თვით ასპინძის ბრძოლის მემკვიდრე სიტყვატუნწობს „გაგრძელებისათვის დავიდუმო“, თუმცა „შვიდი ხევსურის“ თავგანწირვას, საგანგებოდ აღნიშნავს. არას ამბობენ მემკვიდრე იმ ხევსურებზეც, რომელთაც სხვადასხვა მნიშვნელოვანი საქმეების გამო სამეფო კარზე უხდებოდათ ყოფნა და ხმის უფლებაც პქონდა.

1765 წელს მეფე ერეკლეს წინააღმდეგ შეთქმულება მოაწყო დიდებულთა ერთმა ჯგუფმა, რომელნიც უარყოფდნენ „კახი“ ბაგრატიონების უფლებებს ქართლის ტახტზე და სურდათ აღედგინათ მუხრანელ ბაგრატიონთა ხელი-სუფლება. მეფე ერეკლემ შეთქმულთა გასასამართლებლად მოაწყო ღია სამსჯავრო, რომელსაც ესწრებოდნენ „გლეხნი“, „მოქალაქენი“ და „მთის პირველი კაცები“. ამ საჯარო „რჯულს“ ხევსურთა წარმომადგენლებიც დასწრებიან.

ხევსურები ესწრებოდნენ აგრეთვე მეფე ერეკლესა და ფშავლებს შორის გამართულ რჯულსაც (1750 წ.), როდესაც მეფემ თავისი სახლთუხუცესის გ. ჩოლოყაშვილის ხელყოფისთვის დიდი „დრამა“ „თოთხმეტჯერ თექვსმეტი ხარი“ დააკისრა ფშავლებს. „მეფე ერეკლე ქართლითა და კახეთით და ორსავე საერისთაოთი თუშეთს ამობრძანდნენ, სრულ ფშაველნი და ჳევსურნი იქ იყვნენ... ამაში გაეშველით.“

ხაჰსურაზი მყუხ პრამალუს ღაჰაალაზიტი მსმარაზიან კახსი და თუ-შაჰს შოთარაჰში ლამაზის წინააღმდეგ ბრძოლაში. ლევან ბატონიშვილის სიკვდილის შემდეგ „მორიგე ჯარი“, რომელიც მოთარეშე მტერს აკაეებდა და იგერიებდა, მოიშალა. გახარებულმა ლეკებმა კვლავ გააჩაღეს მარბიელი თავდასხმები ქართველ მოსახლეობაზე. ლეკიანობისგან კახთა და თუშთა დასახმარებლად მეფე ერეკლემ ფშავ-ხევსურებს მოუხმო.

1785 წელს მეფე ერეკლე ფშავ-ხევსურეთისა და თიანეთის მოურავს ქაიხოსრო ჩოლოყაშვილს სწერს: „...თუშ-ფშავ-ხევსურეთსაც წიგნი მისწერე, რომ როცა დაიბარონ, მამაცობრივ უნდა მიეშველონ... ფშავ-ხევსურეთს უნდა წახვიდე და იქაური ჯარი თუშებს მამაცობრივ უნდა მიაშველო...“ მეფის დავალებით მარბიელი მტრის წინააღმდეგ ბრძოლაში კახეთისკენ თუშ-ფშავ-ხევსურთა სალაშქროდ გაწვევას ხევსურული ლეკსებიც ისტორიული სიზუსტით გადმოგვცემენ: „ერეკლე დაუძახებდა არაგვის მოურავსაო: ცხენს შაჯექ ქაიხოსროვო, გამიგებოე ყმათაო...“ ან „ჯარს ეძახს ბატონიშვილი, ერეკლე თავის ყმათაო: „პირ ქენით მშაველ-ჳევსურნო, თუშებ აქ მიდგან მზასაო...“

ერეკლეს დროს თუშ-ფშავ-ხევსურთ მართლაც ერთი პირი აქვთ და ერთმანეთს უდგანან გვერდში. „შაყრილნი ფშავ-ხევსურნი ააქამც ჩამახვიენაო, ლეგები ფშავლის შვილები თოფებსამც ჩამახვიენაო, გულდიდებს ჳევსურთ შვილებსა ყაწიშებ დაუმდღეინაო...“ – ლოდინი აქვთ მტერთან ბრძოლის წინ თუშებს.

განსაკუთრებით გამწვავდა მდგომარეობა თუშეთში XVIII ს-ის ბოლოს, როდესაც ქისტების და ლეკების გაერთიანებულმა რაზმებმა ავარიის ხანის ომარის, ნუცალის, მურთაზისა და სხვათა ბელადობით რამდენიმეჯერ დალაშქრეს კახეთის რაიონები. ფშავ-ხევსურნი დაძაბებისთანავე ებმებიან ბრძოლაში თანამოსამეთა დასახმარებლად, ზოლო ლეკებისა და თუშების საზღვარზე თუშებთან ერთად ხევსურებიც დგებიან ვეშაგად. თუშეთის ბრძოლებში გაითქვა სახელი თავისი „ბაწარაულა“ ხმლით კარწაულთელმა აბა ჩალხურმა, აჭიონმა პოხილაურმა, ბლოელმა მოლოდინამ, ლულელმა ქისტაურებმა, რომელთაც საბოლოოდ იძიეს შური ლეკებზე ძველ დროს ლულის სიმაგრეში დატრიალებული ტრაგედიის გამო: „...შიგ სტანავ ორი ლულელი, ერთი ეძახდა სხვასაო: თითო შავსწირათ ოროლსა, სიმაგრეთ ნაჯოც მკედარსაო.“ „მაშინ თუშეთს ლეკის ჯარი შემოხვევია, იქით ხევსურნ მოსულან და დადრევიან ჯმლებით შიგ ლეკის ჯარს და გაუჭრავ თავები“, – წერს ერთ-ერთ ბრძოლაზე ივ. ბექურაული.

ხმსსურამბი ვრამაილე მფჳის ბრძოლაშჳში. 1749 წელს შაჰმად ხანი ერევანში შეიჭრა. სომხებმა დახმარება ერეკლეს სთხოვეს. „...მისვლისთანავე შეიქმნა ომი ფიცხელი. ხუთასი თუშ-ფშავ-ხევსურით მეწინავედ მივიდა ერეკლე და ეძგერა მტრის შუაგულს...“ ბრძოლის დამთავრების შემდეგ ნადავლი მეფემ ლაშქარს გაუნაწილა.

1750 წელს მეფე ერეკლეს ხევსურები სხვა მთიელებთან ერთად გამოჰყავს ფანა ხანის წინააღმდეგ ბრძოლაში, რომელიც ცდილობდა განჯის სახანოს მითვისებას. „...კახს ბატონს შემოეყარა კახნი, სრულიად თუშნი, ფშაენი, ხევსურნი და ლეკნი, რომელნიც მონებდნენ კახს ბატონს...“

ფანა ხანმა ერეკლესთან ბრძოლა არ ინება და გაიქცა. ორასი რჩეული თუშ-ფშავ-ხევსურითა და კახით დაწინაურდა ერეკლე, დაეწია მტერს და აიძულა ბრძოლა მიეღო. ბრძოლაში სასტიკად დამარცხდა ფანა ხანი და შემდეგ ერეკლემ არეზის ხეობაც დალაშქრა.

ხევსურები იბრძოდნენ მეფე ერეკლეს მოწინააღმდეგე გათათრებული ქართველის აბდულ ბეგის წინააღმდეგ. აბდულ ბეგი (არჩილ იესეს ძე) ირანის შაჰმა ქართლის მმართველად დანიშნა, რომელმაც თეიმურაზ მეორისა და ერეკლეს წინააღმდეგ ბრძოლა გააჩაღა ქართლის ტახტის ხელში ჩასაგდებად. მეფე ერეკლემ „...გააგ ზავნა კაცი ყოველგან და დაიბარა ჯარები. მოვიდა კახეთისა, თუშ-ფშავისა, ხევსურ-მოხვეისა ორსავე საერისთაოსი და ქართლისა...“ მეფემ მთიელთა დახმარებით დაამარცხა ტახტის მაძიებელი, აიღო თბილისის ციხე-სიმაგრენი: თაბორი, ნარიყალა, მეტეხი და გაანადგურა შიგ მდგარი სპარსული გარნიზონი.

1751 წელს ერეკლე 2 000-იანი მეომრით აზატ ხანის 18 000-იან ლაშქარს შეება. ბრძოლის წინ სარდლებმა ერეკლეს ბრძოლაზე უარის თქმა და უკან გაბრუნება ურჩიეს. მაშინ გამოვიდა ხევსურთა ლაშქრის ერთ-ერთი რიგითი მეომარი, ჯადუელი ღარაქიმთ ნანაისძე და განაცხადა: „დაშინებულხარ ბატონო, მაგ შიშით რა იქნებისა? თამაშას ვიქამ ვმლისასა, მტერ მაგით შაძვირდებისა.“ გლეხი მეომრის მეფესთან შეთამაშება დიდებულებმა იუკადრისეს, მაშინ სხვა ხევსურნიც წინ წამოდგნენ და ლაშქარს ბრძოლისკენ მოუწოდეს. (ეს ნანაისძე ქერაული, უკვე ხანში შესული ბერიკაცი, ოცი წლის შემდეგ გამოცხადდება ერეკლესთან ასპინძის ბრძოლაში და როგორც ბაჩანა აღნიშნავს, მაშინ უთქვამს ერეკლეს ზუმრობით: „ესეც საომრად მოსულაო!“).

ერეკლეს მოეწონა ხევსურის თამამი სიტყვა, „არცა რა შამასწყრა“ და ხევსურები დაამშვიდა. ჯარი საომრად განაწყო. ეს ხდება 1751 წლის 27 ივლისს ყირბულახთან, ერეენის ახლოს.

აზატ ხანმა ქართველებს ალყა შემოარტყა და ელოდა, როდის გამოცხადდებოდა მასთან ერეკლეს მოციქული მორჩილებისა და შემორიგების თხოვნით.

ერეკლემ ლაშქარს განუცხადა: მე თავად გაგიძღვებით ქვეითად, ცხენები ხელით წამოიყვანეთ და სანამ ჩემი თოფი არ გავარდება და ცხენზე არ ავმხედრდები, არც ტყვია გაისროლოთ და არც ცხენზე შეჯდეთო. მეფემ ხუთასი მეომარი ცალკე დააყენა, ათას ხუთასი კი თან გაიყოლა და მტრის ბანაკისკენ გასწია. მარცხენა ხელით ცხენები მიჰყავდათ, მარჯვენაში კი ყველას ჩახმახშემართული თოფი ეჭირა.

აზატ ხანი ნაადრევად ზეიმობდა გამარჯვებას. თავისი მხედრები მიაგება „იარალის დასაყრელად“ მისკენ მიმავალ ქართველთა მეფეს. უცებ იქუხა ერეკლეს თოფმა და მასთან ერთად ათას ხუთასმა სხვამ. მყის ცხენებს მოახტნენ ქართველნი, მიჰყვნენ წინ გაჭრილ მეფეს და ეკვეთნენ მტერს.

აზატ ხანმა ძლივს გაასწრო არეზზე.

ამ ბრძოლის გამოძახილია ხევსურული ლექსის ფრაგმენტი: „...კარგივ, კარგივ, იყვასავ ჰევსურნო, თოფივ წინ-წინ ჩემ გავარდებისავ. გავარდისავ ერეკლეს თოფი, ჰევსურებ გადმახყვებისავ. ვმღაით სციან ჰევსურთ შვილებმა, სისხლის გუბ-გუბი დგებისა.“

1752 წელს ერეკლე მეფეს ყაზახს-შამშადილის საზღვარზე გამოჰყავს „თუშ-ფშავნი, მოხვეე, ხევსურნი და ყოველნი მთის ჯარები“ და ამარცხებენ შაქი-შირვანის ხანის აჯი-ჩელებს ჯარებს.

ასპინძის ომში. ასპინძის ომის წინ თავად მეფე ერეკლე აბრძანდა ხევსურეთში სოფელ ღულზე გაიარა და გულანის ჯვარში მივიდა. ბელლისკარს

შეყრილი ხევესურები მეფემ სამხრეთ საქართველოს მომავალ ლაშქრობაში გაიწვია, შორეული, მთიელთათვის მომქანცველი გზის სიძნელეზედაც გადაუკრა სიტყვა: „შორაად სავალს აზობენ, ხევესურ ვერ გამადგებიან...“

მაშინ ასე მორიგებულან: „წილი გაყარან ახლებმა, ბებრებ იქ ვერა დისაო.“ მიუხედავად ამისა, ზოგი ახალ-წამოღეგა ხევესური უწილოდ გამოსულა (სუმბატ ლოხაურისძე). ზოგი ხანში შესული იარაღდადებული მოხუციც ვაკყოლია ლაშქარს (ღარაქიშთ ნანაისძე).

ერეკლე მეფის მიერ ასპინძის ომის წინ ხევესურეთში საგანგებოდ ასვლის და ჯარში რჩეული ხევესური მეომრების გაწვევის მიზეზი ის იყო, რომ მეფეს რუსი გენერლებისთვის ეჩვენებინა ქართველი ლაშქრის მამაცობა და შეუპოვრობა, მზადყოფნა ნებისმიერი ბრძოლის მისაღებად.

1770 წლის 18 აპრილს, გადაწვევითი ბრძოლის წინ, რუსებმა მეფე ერეკლეს უღალატეს და მოულოდნელად მიატოვეს ბრძოლის ველი: „ღაბრუნდა იარაღაი, მაგას რა მადეგვრებაო, შასწუხდა ბატონიშვილი, ჯარი სრუ გამიწყდებაო. მააჯსენებენ ვევესურნი: დღე ჩვენი გარდახდებაო...“, – ისტორიული სიზუსტით ამბობს ხევესური მელექსე.

რუსებმა იცოდნენ, რომ ქართლ-კახეთისა და იმერეთის სამეფოები ოსმალეთის იმპერიის წინააღმდეგ საბრძოლველად მზად არ იყვნენ. ტოტლებენის მიზანი იყო, წაეკეზებინა ქართველები ოსმალეთის წინააღმდეგ, ჩაება ისინი ომში რუსის ჯარის დახმარების იმედით, ხოლო შემდეგ კი დესტაბილიზაცია მოეხდინა თბილისსა და მთელ საქართველოში და კავკასიაში საქართველო, როგორც სახელმწიფო, მოესპო. ამ ომში რუსთა გეგმით ერეკლე უნდა დამარცხებულიყო. ტოტლებენი ქართლ-კახეთისა და თბილისის ციხესიმაგრეებს დაიკავებდა და თუ ერეკლე ბრძოლიდან ცოცხალი გამოაღწევდა, დააპატიმრებდა როგორც ურჩსა და მოღალატეს.

ერეკლემ აწყურის ციხეს ალყა მოხსნა და ლაშქარი წაიყვანა ასპინძისკენ, სადაც მტრის ძირითადი ძალა იდგა. აწყურის ციხიდან გამოსული მტერი ქართველებს უკან მიჰყვა და ზურგიდან დაჰკრა. დაფრთხნენ ქართველები. მაშინ შემოუტრიალდა მტერს ერეკლე თავისი ერთგული შინაყმებითა და ხევესურებით: „ოღეს იხილნა ირაკლი ეს ჯარები მიწვენილი, მაშინ თვით გამობრუნდა რაოდენითაჲ ჩინებულითა და შინაყმითა და შვიდითა ხევესურითა, განჰსწირა თავი თვისი და ეკვეთა ფიცხლად, ვიდრე სიკვდილამდე და იყვნენ ყოველნი მეფისა თანა მყოფნი ქართველ-კახნი მხნედ და უმეტეს შვილნი იგი ხევესურნი... გარნა გაგრძელებისათვის დავიდუმე, იქმნა ბრძოლა ძლიერი.“

მეფის თავგანწირვამ სძლია და უკუაგდო ოსმალები, რომელთაც კვლავ სიმაგრეს შეაფარეს თავი. მაგრამ მტერი იმდენად იყო დარწმუნებული თავის

სიძლიერეში, რომ ცალკეული რაზმებით თავს ესხმოდნენ ერეკლეს ლაშქარს და ფალავანთა რაინდულ შერკინებას ითხოვდნენ.

ერთ-ერთ ბრძოლაში გავიდა ხევსური გოლიათი აბა ბიტურას ძე გიგაური და სძლია კიდევ მოწინააღმდეგის ფალავანს.

ერეკლე ასპინძას გადავიდა და იქ დაბანაკდა. მტრის ძალებმაც ნელ-ნელა ასპინძის ხიდზე დაიწყო გადმოსვლა. ბრძოლის დაწყებას დაღამებამ შეუშალა ხელი.

ერთმანეთის პირისპირ დადგა 8 000 თურქ-ლექი და 3 000 ქართველი.

ხევსურთა ლაშქარი განცალკევებით, თურქთა სიახლოვეს დაბანაკდა და იმ ღამეს მეფის დარიგებით არნახული „ღრეობა“ გამართა.

კოკონი დაანთეს ხევსურებმა. ზღვენ-სამეშელოები შესწირეს თავიანთ მფარველ ღვთაებებს და გუდანის ჯვარს. მსხვერპლს გულ-ღვიძლი ამოარიდეს და უმად შეჭამეს. პირდაპირ სავსე ტიკებიდან სუამდნენ, სასმელი ზედ ჩამოსდიოდათ. ფანდური და სიმღერა გამართეს. გრძელ ყალიონებს აბოლებდნენ, თამბაქოს ცოხნიდნენ და იპურჭყებოდნენ მოურიდებლად. მღეროდნენ რიხიანად. უცებ გიუბივით წამოვარდნენ, გაივლეს ფარ-ხმალს ხელი და დაერივნენ ერთმანეთს. მათი სიჩაუქე, ხმალში გაწვრთნილობა, უშიშრობა დაჭრისა და სისხლისა საკვირველ იყო.

ბოლოს ფერხისა ჩააბეს და მხოლოდ შუალამისას მიწნარდნენ ხევსურნი, თუმცა კიდევ კარგა ხანს იბორიალეს მტრის სიახლოვეს და ზვერეს მიდამო. განსაკუთრებით გამოირჩეოდა ახოვანი აბა ბიტურასძე, რომლის გოლიათური სილუეტით მთასაკით წამოიმართებოდა და ხმა მისი ლომის ბრღლვინეას ემსგავსებოდა.

არ ეძინა ამის მნახველ ოსმალებს იმ ღამეს. არნახულმა სანახაობამ ძილი დაუფრთხო, შიში ჩაუყენა გულებში: ეს რა თავზეხელაღებული, ველური ხალხი ჩამოუყვანია ერეკლესო. მათმა ჯვრიანმა ტალავარმა და აღჭურვილობამ ჯვაროსნები და სისხლისმჭამელი ხაზარები მოაგონა.

გათენებისას, ჯარები ერთმანეთის პირისპირ რომ დადგა, ქართველთა ლაშქარს ხევსურებით გარშემორტყმული მეფე ერეკლე ედგა წინ.

დაიწყო ბრძოლაც. თავად ერეკლე ეკვეთა მტერს პირველი და მოკლა ლექთა ბელადი კოხტა მალაჩილა.

„ერეკლეს ხმაღამოღებულზე მისდევდნენ შვიდნი წინად ხსენებული სახელოვანნი მეომარი ხევსურნი“ და იბრძოდნენ „საარაკო სიმამაცით საყვარელი ხელმწიფის გვერდით.“ (ი. გოგებაშვილი)

„ჯარჩივით გამაერჩივნეს, ერეკლეს ჩაჰყვებიანო“, – ამბობს ხევსური მელექსე.

ასპინძის ბრძოლის ხევსური მეისტორიე, ბლოელი ბიტურა ამბობს: „არიქათ ჰვესურთ ვაებო, კმალი სისხლშია წვლდებო, წყალში ჩაყარეს

ლაშქარი, ჳიდი არ დაღნებდებო...“ – უკან დახეულ მტერს მტკვარზე ხიდი ანგრეული დახვდა და ქართველთა დაწოლით ერთიანად აღიდებულ მდინარეში ჩაიხრჩუნენ.

37 თურქილა გადარჩა ცოცხალი, 25 ქართველი დაეცა ბრძოლის ველზე, მათ შორის ლიქოკელი სუმატა ლოხაურისძე-ფიცხელაური, რომელმაც „ვეესურთა სანამეტნაოდ ვმალ მაიქნია ფხიანი“.

„შვიდნი ხმჳსურნი“. ვინ იყვნენ მემატინის მიერ მოხსენიებული „შვიდი ხევსურნი“? ესენი უნდა ყოფილიყვნენ ერეკლე მეფის დაცვაში მყოფი ხევსურები, რომლებიც შესაძლოა ხევსურეთში აღარც ცხოვრობდნენ და ხევსურთა საერთო ლაშქარშიც არ შედიოდნენ.

ა. შანიძემ მათი სახელების დადგენა ხალხური ლექსის მიხედვით სცადა, მაგრამ ასპინძის ბრძოლის ამსახველ ლექსში მოხსენიებული ხევსურები არა მეფესთან „თანამყოფნი“ „შვიდნი ხევსურნი“ უნდა იყვნენ, არამედ რიგითი მებრძოლები, რომლებიც ბრძოლის მონაწილე, თავისი შვილის, აბას ნაამზობის მიხედვით მოიხსენია მელექსე ბიტურამ: სუმატა და ბულეჯან ლოხაურისძენი – ლიქოკის სოფ. აჭეს მკვიდრნი (ძველი გვარი ფიცხელაური). სუმატა და ლერენა გუგუაისშვილნი – გუღანელი ჯინჭარაულები, აბა ბიტურასძე გიგაური – ბლოელი, ლომნი გაგაისშვილი – ბაცალიგველი, ყარდანაული – ქმოსტელი, არიშაული – ლულელი, კურდღელაურისძე – გუღანელი, ბია და ჯამშაისძე – გუღანელები, ივანური ჯანშათა (ჯამშაისძე და ივანური ჯანშათა ერთი და იგივე პიროვნება უნდა იყოს), ძაღლიკა ხიშიკაური ლიქოკის სოფ. აჭვდან.

მეფე მირიპალ აჯილქაიჩიხაზ ხმჳსურნიჲს. ამ ბრძოლის დროს მოსწონებია მეფე ერეკლეს ძაღლიკა ხიშიკაურის ხმალი. სხვა ხმალში გაუცვლია და სართი თოფიც მიუცია. ამის გარდა „სიგელი“ და მამულებიც უბოძებია ძაღლიკასთვის თიანეთის მხარეს.

ბრძოლის შემდეგ ხევსურებს მეფის კითხვაზე თუ რას ისურვებდნენ ჯილდოდ, უმეტესობას ნაღავლი თოფ-იარაღი უთხოვია. მაშინ გუღანელ კურდღელისძეს უთქვამს: „მე იარაღი არ მინდა, ქაღალდი და მამული მინდა“. მეფეს ხევსურებისთვის იარაღიც მიუცია და ახმეტას მამულებიც უბოძებია. გუღანის ჯვარში დაცულ მაშინდელ გრაგნილში აღნიშნულია მეფის მიერ ხევსურთათვის ახმეტაში ბოძებული მამულის საზღვრებიც.

მოგვიანებით კურდღელისძეთა შთამომავალს, სოფ. ჳიის მკვიდრს, ბია ჯინჭარაულს მის ოჯახში შემორჩენილი მეფეთაგან ბოძებული დოკუმენტები გუღანის ჯვარში მიუტანია, საიდანაც „გრაგნილების“ ნაწილი მოწმევალ ალბექათ გაუტანიათ და დაკარგულა. მოვიყვან კურდღელისძეთათვის ბოძებულ ერთ დოკუმენტს:

„პ. წყალობითა ღთისათა ჩვენ იესიან დავითიან სოლომო-
ნიან ბაგრატიონებან მეძეფებან სრულიად ქართლისა, კახეთისა
და სხვათამან გიორგიმ ესე წყალობის წიგნი დავიწერეთ და
გაბოძეთ შენ გუდანელს ჭინჭარაულს კურდღელისძეს მგელას,
როგორც კურთხეულს ბატონის მამის ჩვენისაგან. წყალობა
სჭირთ ჯამაგირისა სად ილას და ბუნ ჩუმას მამის წულს ბე-
კურს და ჩვენგანაც წყალობა მიეცით. ამ გვარად შენთვისაც წე-
ლიწადში ორმოცდაათი ტანი ფარჩა განგვიწესებია. რომ ეს ორ-
მოცდაათი ტანი ფარჩა ყოველს წელიწადს უკლებად ჩვენის
კარგ მოხელეებისაგან მოეცემა და რაც მოგებ...ება და შენც
ჩვენის სამსახურის ერთგულად მცდელე უნდა იყო. ფებერვალს...
ქვსუად...

მეფე სრულიად ქართლისა და კახეთისა
და სხვათა
გიორგი“

(დასმული აქვს ბეჭედი).

საქართველოს მეფეთაგან სხვადასხვა დროს ხევსურებისთვის ბოძებული
წყალობის წიგნები აღარ შემოინახა. ზოგი ხევსურეთში შემოსულ ხელი-
სუფლები მოხელეებს მიჰქონდა, ზოგს იპარავდნენ, რათა ისინი თავიანთ სა-
სარგებლოდ გამოეყენებინათ. აკ. შანიძე წერს: „ერთი ამისთანა წერილი (სა-
უბარია ალ. ბატონიშვილის მიერ ხევსურებისთვის ბოძებულ წერილზე – შ.ა.)
სხვა შატილელსაც ჰქონია, მაგრამ მოუპარავთ. მოპარვას აბრალებენ ერთ
ქისტს, რომელიც მეგობარი ყოფილა იმისა. ბრალდებას იმაზე ამყარებენ, რომ
ქისტმა ერთხელ ქალაქიდან საჩოხე მაუდი მოიტანა და მისი გასაწყობი სირ-
მებიო და თქვაო, რომ ალექსანდრეს მიერ ბოძებული წყალობის წიგნი მქონდა
მეცაო, ის ჩავუტანე ალექსანდრეს ჩამომავლობის კაცსა და ფულიც მარუქა
და მაუდიცაო. ის წიგნი ალბათ ჩვენი წიგნი იყოო, დასძინა ბაბო ჳირჩლასძე
ჯინჭარაულმა (ჯალაბაურმა). 1913 წ.“

ამას გარდა, თავად ხევსურნი „გუდანის ჯვარის მოძმე“ ბაგრატიონთაგან
ბოძებულ ძვირფასეულობასა და „ქალაღლებს“ სახლში იშვიათად ინახავდ-
ნენ, რადგან მათი წარმოდგენით მათ „ჯვარი ეპატრონებოდა“ და მაშინვე
ჯვარში მიჰქონდათ. ჯვარში მიტანილი დოკუმენტები კი დრო-ჟამისა და და-
უცველობის გამო ზიანდებოდა.

არწანისის ომში. კრწანისის საბედისწერო ომში პირნათლად გამო-
ცხადდნენ ხევსურები. მძიმე იყო მოხუცებული მეფე ერეკლეს მდგომარეობა
ბრძოლის წინ. სხვა სარდლებსა და თავადებზე რომ არაფერი ვთქვათ, საკუ-
თარი შვილებიც განუდგნენ და უარი თქვეს ბრძოლაზე. „შენ პაპაჩემო ერეკლე,

ვერ მოიფიქრე მალთა, არა გყავ თუში, ხევსური, არცა კახელი ჯარია...“ – ეუბნება ხელხურ ლექსში შვილიშვილი მეფე-პაპას. იგვიანებდა ვახტანგ ბატონიშვილიც არაგვის საერისთაოს ჯარით.

და მოადგნენ ცხენების დგრილით თბილის-ქალაქს მძიმედ შეეკავშნული ხევსურნი, გულანის ჯვრის საღაშქრო დროშით, რომელსაც ხევსურეთის თემთემის დროშანიც მოჰყვნენ. „...არ ჩანდნენ დანარჩენი ბატონიშვილებიც, მხოლოდ თუშ-ფშავ-ხევსურები გამოცხადდნენ პირნათლად.“ (ივ. შაიშველაშვილი)

კრწანისის ბრძოლის მომსწრე პოეტი შამში-მელქო წერს: „თავგანწირვის ფიცი დასდევს ხევსურმა და ჩარეკ-თუშმა, რომ გულმკერდით დაიცავდნენ ვით ლომები დედაქალაქს“.

ამჯერადაც ყველასგან გამორჩეულნი იყვნენ თუშ-ფშავ-ხევსურნი ისედაც მცირერიცხოვან ლაშქარში.

იმედი ჩაესახა მოხუცებულ მეფეს. წინასწარ ბრძანება გასცა დაესაჩუქრებინა ერთგული – „უნჯნი ყმანი“, ხევსურნი. იწყინეს ხევსურებმა მეფისგან სამშობლოს დასაცავად „თეთრის აღება“ და სასწრაფოდ კრწანისის ველზე „წადგომა“ ისურვეს.

„ამ მცირე ჯარში ერთი რაზმი იქცევედა განსაკუთრებულ ყურადღებას, ეს რაზმი შესდგებოდა მთლად გლეხებისაგან და განირჩეოდნენ სხვა ჯარისაგან პირველივე შეხედულებით. მაღალი და სწორი ტანი, განიერი მხარბეჭი, მამაცური შეხედულება, ვაჟკაცური მიხვრა-მოხვრა, ხმამაღალი ლაპარაკი, რკინის ჩაჩქანი ტანზე, აშკარად ხდიდნენ, რომ იგინი იყვნენ თავისუფალი მთის შვილები. ყველაზე მეტი იმედი ერეკლესა და ქართველობას ამ გლეხობისა ჰქონდათ... ესენი იყვნენ არაგვისპირელი მთიელნი და ფშავ-ხევსურნი.“ (ი. გოგებაშვილი)

დაიწყო უთანასწორო ბრძოლაც.

ხევსურები თავგანწირვით ეკვეთნენ მტერს. მათ გვერდით იღგა და სიმხნეს მატებდა მსახიობ მაჩაბლის გუნდი.

„...სამასნი ფშავ-ხევსურნი გაეკანენ ხმაღამოლებულნი, ეკვეთნენ მტერს და დაუწყეს ჩეხვა...“ (ი. გოგებაშვილი).

მტრის მეწინავე რიგები ჩაატყვის ხევსურებმა, გორებზე ჩასაფრებულ მეთოფეებს მიეტანნენ და უკუაგდეს.

„...ხოლო მხედრობათა მათთაგან აღერჩივნეს კაცნი მამაცნი ხიზიყელნი, არაგველნი და ფშავ-ხევსურნი. შეუხდნენ სპარსთა მხედრობასა, მაღალთა მათ კლდიერთა გორთა და მათზედა ბრძოდეს მათ ესრეთითა სიმხნითა, რომელ კინლა და მისდრეკს მხედრობანი სპარსთანი სივლტოდ.“ (თ. ბატონიშვილი)

ერთად შეიკრნენ მთიელნი. მაჩაბელი კვლავ მათ გვერდით იღგა. „და შეერთდა გუნდიცა ესე გუნდსა მას ფშავ-ხევსურთა, არაგველთა ქიზიყელთასა

და ჰყვეს ამათ ატაკა მტერთა მიმართ და მიიწივნეს ვიდრე დროშებამდე ალა-მაჰმად-ხანისა და მოსტაცენეს დროშანი რაოდენინივე მხედრობათა ალა-მაჰმად-ხანისასა და მრავალნი სპარსთაგანნი მოსწყვიტეს წინაშე მისისა.“ (თ. ბატონიშვილი)

დაწინაურდნენ ხევსურნი, მულამ თანამეოფნი მეფესთან, მისწყდნენ სპარსელთა დროშებს, აჩეხეს მედროშენი თავის დროშებიანად. „ძმად გაფიცული შვიდი ფშავ-ხევსურნი, სიცხისაგან გაღუქებულნი მიიწივედნენ წინ, აცვივდნენ მტრის სისქეში, მიატანეს ალა-მაჰმად-ხანს და დროშებს სტაცეს ხელი. ალა-მაჰმად-ხან შეკრთა, განცვიფრებას მიეცა, — ეს რა თავზუხელაღებული ხალხი ყოფილაო.“ (თ. ჟორდანიანი).

მაშინ წარმოთქვა ოთხმოცი წლის ალა-მაჰმად-ხანმან: „სიყრმითგან მთელი ჩემი სიცოცხლე ომებში გამიტარებია და აქამომდე არ მოვსწრებივარ მტერთაგან ვინმეს ჩემთვის ასეთი ბრძოლა გაემართოს.“

ბრძოლის მეოთხე დღე იღუოდა.

ბრძოლის ველი მიატოვა იმერთა ჯარმა და გაიქცა.

თუშ-ფშავ-ხევსურნი, ვახტანგ და იოანე ბატონიშვილნი, მუხრან ბატონი და ანდრონიკაშვილი შემორჩნენ თავიანთი მხედრობით მეფეს.

ბრძოლის ჟამს ცხენი წაექცა ერეკლეს. სპარსთა ლაშქარი მიეხვია, მაგრამ იმპლავრეს მეფის მცველმა ხევსურებმა, აჩეხეს სპარსელები. „ერეკლეს ცხენი ჩაიქცა, ყმანი სხვას მიღვერიდიანო, ცხენზე შასვიან მსახურთა, ავჟანტას უჭერდიანო.“

დამარცხდნენ ქართველები. ბატონიშვილებმა და ხევსურებმა ძალით გაიყვანეს ბრძოლის ველიდან ერეკლე მეფე, რომელიც კვლავ საომრად იწევდა და არ ნებდებოდა. მტერი კვალდაკვალ მიჰყვებოდა.

სისხლის უკანასკნელ წვეთამდე იბრძოდნენ უკანასკნელი არაგველნი. ბზარი შეპარვოდა ხმაში „გაუეკაურას“.

მეფე ერეკლემ მთიულეთს, „კაიშაურთ კარსა“ შეაფარა თავი.

თბილის-ქალაქში ალა-მაჰმად-ხანი შემოვიდა. დაწიოკებული მოსახლეობა ქალაქიდან მთებისკენ გარბოდა, რომელთაც გზადაგ ზა თავს ესხმოდნენ ყაჩაღ-ავაზაკნი და ძარცვავდნენ. „ჰქმნა უჯერო ერმან დუშეთისამან და მახლობელ მისსა მდგომმან, აკლებითა მრავალთა წარჩინებულთა გვაშია, ბარგისათა და ნივთთა ეკლესიისათა...“ (ი. ქართველიშვილი).

კრწანისის ველზე დარჩნენ საბუღამოდ ხევსურნი. გადარჩნენ ისინი, ვინც მეფე ერეკლე გამოიყვანეს ბრძოლის ველიდან. მძიმედ დაჭრილებმა ინა ქიჩბარაულმა და აბა ჯინჭარაულმა (კურდღელისძე) გუდანის ჯვრის სალაშქრო დროშა დაფლეთილი და სისხლიანი მაინც აიტანეს ხევსურეთში. არ დაანებეს

მტერს. კრწანისში მოკლეს კარატის ჯვრის მედროზე ბღარა ხახიკაური და კარატის ჯვრის სალაშქრო დროშაც იქ დაიკარგა.

სამასი ხმზსური შინვალში მბრომის საარსულთა ჯარს. კრწანისს შემდეგ, იმავე დღეებში კიდევ ერთი ბრძოლა გადაიხადეს ხევსურებმა და იძიეს შური მტერზე.

კრწანისის ბრძოლის წინ, ქულზე კაცის დამახებისას, მაშინვე დაიძრნენ ხევსურნი, როგორც ცხენოსანნი, ასევე ქვეითნი. ცხენოსნებმა ჩაასწრეს კრწანისს. ქვეითებს კი, რომელთაც პირიქითი ხევსურეთის სოფლებიდან გადმოსული ხევსურებიც შეუერთდნენ, დააგვიანდათ ბრძოლის ველზე.

ხევსურთა ეს, მეორე ლაშქარი სამასი კაცისგან შედგებოდა. მომხდარა ისეც, რომ ერთი ძმა წინა ლაშქარში წასულა, სხვა ძმა კი მეორე ლაშქარს გაჰყოლია. ახლად შეყრილი ხევსურნი მამუკა ხიტალიონს სთხოვენ წინამძღოლობას, რომლის ძმა ჯოყოლა უკვე იბრძვის კრწანისში. „ცხენს შაჯედ, მამუკიაო, ჯარ სიკვდილს მიუდისაო, თუ მიხოდ, მიდის ლაშქარი, თუ არა, ბრუნდებისაო.“

გულანდინ წამოსულ ლაშქარს ლიქოკისა და საარაგვოს თემის ხევსურნიც შეუერთდნენ, მათ შორის მოწმაველი ზონდაის ზონდა, რომელსაც ბრძოლის შემდეგ ანანურში მყოფი მეფე, სხვა ხევსურებთან ერთად, თოფით დააჯილდოებს.

ფეხოსან ხევსურთა ლაშქარს ჟინვალთან შემოხვდნენ მეფე ერეკლეს მომხრე, ლტოლვილი შამშადილეონი, რომელთაგანაც შეიტყვეს ქართველთა დამარცხების ამბავი. „ამ საუბრის დროს ხევსურებმა დაინახეს, რომ ჟინვანის ხიდან სპარსელების ჯარი გამოჩნდა. ხევსურები არ დაბნეულან და შამშადილელთა ბელადის ალი-სულთანისათვის მიუმართათ... „ჯერ ჩვენ შევებ-მით მტერს, უკუეაქცევთ და მერე შენ სდიე შენი მხედრობითო.“

შამშადილეონი თავისი ბელადის, ალი სულთანის წინამძღოლობით, რომელიც იყო „ერთგული დიდად მეფისა და მამულისა ჩვენისა“, საქონლითა და ოჯახებით გამოხიზნულიყვნენ ჟინვალის მიდამოებში.

აღა-მაჰმად-ხანმა სპარსელთა ოთხიათასიანი ჯარი საგანგებოდ გააგზავნა საქართველოს მთიანეთისკენ მოსახლეობის დასარბევად და მეფე ერეკლეს შესაპყრობად. სპარსელთ წინ მოუძღოდა ქალბ-ალი-ხანი.

„ალი სულთანს ხევსურების წინადადება მოსწონებია. ორასი ცხენოსანი მეომარი ალი სულთანს ჰყოლია. სამასი ხევსურითა და ამ ორასი შამშადილელი ცხენოსნით შეუტიეს ოთხი ათას სპარსელს და სასტიკად დაამარცხეს... გამარჯვებული შამშადილელები და ხევსურები დატყვევებული სპარსელებით ერეკლე მეფესთან გამოცხადდნენ. მეფემ ისინი დააჯილდოვა.“ (ი. ცინცაძე).

თეიმურაზ ბაგრატიონი ამ ამბავს ასე აღწერს: „მას ჟამსა შეემთხვა ბედნიერება ესე აღი სულთანს, რომელ სამასამდე ხევსურნი, ქვეითი კაცნი ხევსურეთით მომავალ იყვნენ თბილისად... მაშინ ერთობლივ რქვეს აღი სულთანსა, წამოვედ ჩვენთანა, ვითარცა მხედართ მძღვანი მეფისა ჩვენისა... ვებრძოდეთ მტერსა და წარვიქციოთ ივინი... სთნდა სიტყვა ესე სულთანსა და წარუძღვა მხნედ მათ ხევსურთა და ჰყვეს ბრძოლა ფიცხელი სპარსთა მიმართ. სპარსნი უკუე იყვნეს უმეტეს ოთხნი ათასისა. ხოლო ესენი არა უმეტეს ხუთასთა. სძლიეს, უკან აქცივნეს და იოტნეს სპარსნი და რომელნიმე მათთაგანი მოსრნეს და რომელნიმე შეიპყრეს და მიუძღვნეს მეფეს.“

მეფემ ხევსურებს „ანიჭნა ღირსნი ჯილდონი“-ო, წერს მემატინანე.

არ ჩააყოლეს ალა-მაჰმად-ხანის ჯავრი ხევსურებმა მეფე-ბატონს.

მეფე ირემალის სიმკვიდე. ასზე მეტი ღიდი და მცირე ბრძოლა გადაიხადა უკანასკნელმა ღიდმა ბაგრატიონმა და ყოველთვის მის გვერდით იდგნენ ხევსურნი. ჩაესვენა მზე ბაგრატიონთა საქართველოში და თითქოს დასრულდა აბჯაროსან ფხოველთა ისტორიაც.

„...აქხლა ყველა გაერუსდით: ...ტალაგარიც გამავიცვალეთ, გუნება, ხასიათიც. ქართველი რუს აღარაით გაერჩევის. ნეფე ერეკლე რო მაგვიკვდ, მაშინ წახდ ჩვენ საქმე: თავის გვარ-ძვალს ვყიდით, აღარ უაზრებთ ძველ გზას, ძველ მაკეთეს.“ – წერდა ფრონტიდან 1915 წელს ბესარიონ გაბური აკ. შანიძეს.

გულით დაიტირეს ხევსურმა თავისი ბატონი „ნეფე ერეკლე“. გვერდიდან არ მოსცილებიან მეფის ცხედარს და უკანასკნელ გზაზეც, თელავიდან მცხეთამდე, გაჰყვნენ.

მეფე ერეკლეს სიკვდილზე თუშ-ფშავ-ხევსურთა გლოვას უძღვნის ლექსს ერეკლეს ღროის პოეტი გოდერძი ფირალიშვილი სათაურით: „თუშთა, ფშავთა და ხევსურთაგან გლოვა ირაკლი მეორისა“. ლექსი ასე იწყება: „აღსდექ გმირთ-გმირო, ნუ გძინავს, მტერთა ისმიან ხმანია, გრძლად ძილის ჩვეულ როდი ხარ, მოგვიხმე უნჯნი ყმანია... ვართ ბრძოლად მათდა მოსრულნი, ზოგთაგან ოთხნი ძმანია...“

მემატინანე ისტორიკოსები საგანგებოდ აღნიშნავენ ვინმე ქიზიყელი დედაკაცისგან მეფის დატირებას. ჩვენის მხრიდან არ შეიძლება არ აღვნიშნოთ ხევსური მელექსის მიერ ერეკლეს სიკვდილზე ნათქვამი: „ვერ გაიგეთა ქართველნო, შეგუქსნათ რკინის კარია...“, რომელიც საუკეთესო ნიმუშია ხალხური პოეზიის (სწორედ ამ ლექსის საფუძველზე უნდა დაეწერა თავისი ლექსი გოდერძი ფირალიშვილს). ამ სიმღერას ხევსურები ჯვარში დღეობის დროს მღეროდნენ. ილია ჭავჭავაძე მას მწიგნობრულ ლექსზე მაღლა აყენებდა და ერის გულიდან ამოფეთქებულ თოფისწამალს უწოდებდა. გადმოცემით,

პოეტი „ილიაობაზე“ მოწვეულ ხევსურებს უეჭველად „ვერ გაიგეთა ქართველნი“-ს ამღერებდა. (დ. გოგოჭური).

ხევსურნი მეფე ერეკლეს სიკვდილსა მის შემდგომ მოვლენებს „ქმელეთის დაქცევას“ უწოდებენ და ძლიერ განიცდიან: „ღმერთო, რა დიდი ბრალთა არევა ქალაქისათა, დალევა ბაგრატიონთა, ჩარჩევა მას კვლავისათა. მეფის ერეკლეს სიკვდილი, დაქცევა ჯმელეთისათა“.

მეფე არაქაძის დროის სწავლისათვის. ერეკლეს მეფობის ხანა ხევსურთათვის ძლიერებისა და აღზევების ხანაა. ერეკლემ განსაკუთრებულად წარმოაჩინა, დაიახლოვა და შემოიმტკიცა ხევსურები თავის გვერდით. „ემპო“ მათ ნახევრადწარმართულ გუდანის ჯვარს, რომელიც ხევსურთა ცენტრალური სალოცავი და მოლაშქრე ხთვისშვილი იყო. ერეკლემ ისარგებლა ამ მომენტით და გუდანის ჯვრის ქურუმ-ხევისბერნი, რომელთაც ემორჩილებოდნენ მორწმუნე ხევსურნი, საქართველოს ძლიერების განმტკიცებისთვის სამსახურში ჩააყენა. აკ. შანიძე წერდა: „მოქნილი პოლიტიკის წყალობით ერეკლეს თავის გავლენის სფეროში მოუქცევია ხევსურები, როგორც ომში მეტად გამოსადეგი ხალხი.“

მეფემ იცოდა, რომ ხევსურთა თემებს შორის არ იყო მტკიცე კავშირი. ზოგიერთი თემი ცდილობდა საგვარეულო თუ სათემო ჯვრის დროშით ლაშქარში გასვლას და ერთმანეთზე ძალმომრეობდა, რაც ერთიანობის რღვევის უმთავრესი მიზეზი იყო. მეფემ მოახერხა ხევსურთა ძველი ერთიანობის აღდგენა ერთი ჯვრის დროშის ქვეშ. მან შეძლო არა მარტო ხევსურთა, არამედ მთლიანად აღმოსავლეთ საქართველოს მთიელთა გაერთიანება, ცდილობდა რა კავკასიის ქრისტიან ხალხთა ანტიმუსულმანური კოალიციის შექმნას.

ხევსურთა გასაერთიანებლად მეფე ეყრდნობოდა გუდანის ჯვრის ქადაგებსა და ხევისბერებს, რომელნიც ფარულად, მეფის კარნახით მოქმედებდნენ. განსაკუთრებით იღვწიან გუდანის ჯვრის ტახტის ყმანი თოთია გაიდაური, თამარისძე ჯინჭარაული, აბა და მგელა კურდღელისძენი (ჯინჭარაულები).

ერეკლე მეფე საბოლოოდ აუქიმებს სოფელ ღელისვაკეს „ხთისკრობას“ და ხევსურთა ძირითადი თავშეყრის ადგილი სანეს მთაზე გადააქვს.

ხევსურები ერთიანი ძალით ლაშქრავენ ჩრდილოეთ კავკასიელ მაჰმადიან მთიელებს და ცდილობენ აღიდგინონ ძველი დიდება-ძლიერებისა და მეზობლებზე გავლენის აღდგენას. მაგრამ ხევსურთა გადამწყვეტი ლაშქრობა მითხოს ხეობაში მარცხით მთავრდება.

გუდანის ჯვრის ყმანი თავის უპირატესობას თემობრივი ინტერესებისთვისაც იყენებენ. სამაგანძუროს ხევსურნი საბოლოოდ მკვიდრდებიან საარაგვოზე და ზოგი ადგილის უწინდელ მკვიდრ გვარებს „ადგილის ბეგარასაც“ შეუწყვეტენ. აკი XVIII ს-ში ხევსურეთიდან ჭართალსა და ქსნის ხეობაში

ჩასახლებული გიგანური ბატონიშვილთან ჩადიან: ფშავ-ხევსურეთში წინ-
კარსა და გვერეთ-დათვისში კუთვნილი მამულები წაგვერთვაო.

ბუღანის ჯარის ღარიუის კაწუ ხამსურთა გაართიანებას
არობლამამი. საქართველოს სამეფოს გაუქმების შემდეგ ხევსურების თემები
კვლავ ცალკეულ „სადროშოებად“ დაიშალა და ერთმანეთს განუღგა. გუღანის
ჯვრის მსახურნი ცდილობენ განამტკიცონ ჯვარიონთა ტრადიციული მსვლე-
ლობანი როგორც გუღანის ჯვრის საბეგრო ადგილებში, ასევე ხევსურეთის
სხვა დამოუკიდებელ თემებში, რომელთა მკვიდრნი სამეფო ხელისუფლების
დაკლებით გუღანის ჯვარს მორჩილებდნენ და ბეგარსაც იხდიდნენ. „ჯვარის
ბეგარი“ შეადგენდა დაახლოებით 3-5 ცხვარს სოფელზე და დამოკიდებული
იყო იმაზე, თუ რამდენი ჯვარი უნდა მოეხსენიებინათ ერთობლივი დღეობის
დროს. ეს ბეგარა უნდა დაეხვედრებინათ გუღანის ჯვარიონთათვის და დაიკ-
ლებოდა იქვე, იმავე თემის ჯვარში. ამას გარდა, იყო „საბალახე“ ბეგარა, რომ-
ელსაც იხდიდნენ ხევსურეთის მთებში მდგარი გუღამაყრელი, ფშაველი, ქის-
ტი და თუში მეცხვარეები. სწორედ ამ „საბალახე“ გადასახადის გაყოფის
გამო ვერ რიგდებოდნენ ხევსურები და ჰქონდათ ერთმანეთში დავა. ეს „საბა-
ლახე“ ბეგარა ძველად იყო ერთადერთი წყარო, რითაც ხევსურები ისტუმ-
რებდნენ სახელმწიფო ხარკს და თავადაც რჩებოდნენ მცირედი.

გადმოცემით, გუღანის ჯვარს „საბალახე“ ორას სულზე მეტი ცხვარი
მოუდიოდა ყოველწლიურად, რომელსაც საენკენიოდ გამორეკავდნენ გუღანის
ჯვრის მსახურნი არდოტიდან, წყალსიქითიდან, გუღამაყრიდან, ოხერხევი-
დან, არხოტიდან. ს. მაკალათიას ცნობით, არხოტიდან „საბალახე“ 80 სული
ცხვარი მოდიოდა, ამდენივე მოდიოდა არდოტიდან. ბეგრის ნაწილი ეგ ზავ-
ნებოდა მეფის მოურავს, როგორც სახელმწიფო გადასახადი, ნაწილი კი გი-
ორგობასა და წელწად დღეობას იკვლებოდა გუღანის ჯვარში („ბეგარკოცა“)
და მხოლოდ სამაგანშუროს სამ გვარზე ნაწილდებოდა თანაბრად. ცხადია,
გუღანის ჯვრის ყმათა ეს უპირატესობა სხვა ხევსურების უკმაყოფილებას
გამოიწვევდა.

ჯვარიონთა მსვლელობა სხვადასხვა თემებში ჯერ კიდევ უძველესი
დროიდან მომდინარეობდა და სახელმწიფო ინტერესებშიც შედიოდა, რო-
გორც მთიანეთში გადასახადის აკრეფის მოგვარებისა და სხვადასხვა ჯვრის
ყმათა ნებით თუ ძალით ერთი ჯვრის გაველენის ქვეშ მოქცევის ფაქტორი.

თუ ხანმატისა და კარატის ჯვრების დროშები მოგ ზაურობდა თუშეთში,
გუღამაყარში, ფშავში, დიდოეთსა და ძურბუკეთში, გუღანის ჯვარიონნი ხევ-
სურეთის შიგნითა თემებში მოძრაობდნენ. ამას გარდა, წყალსიქითის თემს,
დიდგორის ჯვრის ყმათ, მოჰყავდათ ბოღავის თეთრი გიორგის ჯვარი, რომე-
ლიც პირაქეთა ხევსურეთის სოფლებს მოივლიდა, როგორც დარ-ავდრისა და

მოსავლიანობის მფარველი ღვთაება. ღულელებს მოჰყავდათ შუაფხოს იახს-რის ჯვარი, ახვედრებდნენ ოთხრქა-ოთხყურა ცხვარს და იარაღში ჩამჯდარნი ერთიანი ძალით „ლაშქრავდნენ“ აბუდელაურის ტბაში ჩასულ ღვე-კერპთ.

ჯვარიონთა ეს მსვლელობები დიდად მნიშვნელოვანი იყო ორივე მხრის-თვის. მორაული ჯვრის ყმანი მფარველობდნენ და იცავდნენ მოძმეებს მტრისა თუ ყაჩაღისგან. მათ დასახმარებლად ლაშქარიც გაჰყავდათ.

საქართველოს სამეფოს გაუქმების შემდეგ ჯვარიონთა მსვლელობას თანდათანობით წინ აღუდგნენ სხვადასხვა ჯვრის ყმანი და სამღვდელოება. ზოგი იარაღითაც დასვდა გუდანის ჯვრის მსახურთ და დახოცეს. ზოგმა კი მთავრობაში დაიწყო ჩივილი – გუდანის ჯვარს ჩვენი მამულები აქვს მითვისებული.

ხელისუფლება კი, იმის მაგივრად, რომ შეერიგებინა და შეეკავშირებინა ხევსურეთის თემ-სოფლები, თავად უწყობდა ხელს მტრობის გაღვივებას – არ აწყობდა მემბოზე მთიელთა ერთიანობა. თეიმურაზ ბაგრატიონი უკვე აღ-ექსანდრე ბატონიშვილის დროის ხევსურეთზე წერს: „სოფელთა და სოფელ-თა აქუნდათ ურთიერთარს მტერებაი.“

ასე ნელ-ნელა დაიშალნენ ერთი ჯვრის დროშის ქვეშ გაერთიანებული ხევსურნი. მეფე აღარ ეძახოდა ხევსურთა ლაშქარს და აღარც გუდანის სა-ლაშქრო დროშა აერთიანებდა ხევსურებს. გუდანის ჯვარმა, როგორც მო-ლაშქრე ღვათებამ, ფუნქცია დაკარგა. გვიანობამდე ერთიანი ხევსურეთი მხო-ლოდ გუდანის ჯვარში დადებულ რჯულს ემორჩილებოდა. XX ს-ის პირველ ნახევარში ეს ტრადიციაც დაირღვა, როდესაც ერთ-ერთმა თემმა, თავისი ინტერესებიდან გამომდინარე, სისხლ-მესისხლეობის ახალი რჯული მიიღო.

„პაღალის არმია“. ნიახურას ომი. ერეკლე მეფის სიკვდილის შემდგომ წლებს ხევსურნი „ქალაქის არევას“ უწოდებენ. შემოვიდა რუსი. ატყდა ბა-ტონიშვილებს შორის ბრძოლა.

1800 წელს, ნიახურას ომის წინ, თითოეული ბატონიშვილი ცალკე უგ-ზავნის კაცებს ხევსურებს და მხარდაჭერას სთხოვს.

აღექსანდრე ბატონიშვილი ლექთა ჯარით იოანე, ბაგრატ და გიორგი ბატონიშვილებს შეება: „გავარდა აღექსანდრეი: ჯარ მინდა დალისტნისაო, ჰვესურეთ კაცი გააგდა: თავი დამჭირდა ყმისაო“.

მეფე გიორგიმაც ხევსურებს მოუწოდა: „ჰვესურებ ჩამამვიდან, თორ ქალაქ წამერთმისაო.“

ხევსურები ორად გაიყვნენ. ძალიან უკვირს ძმათა ომი, რომელთაც შუამავლად რუსი ჰყავთ: „პირდაპირ ერთუცს დაუღვა, ჯარი ორისა ძმისაო... ორისა ძმისა ომობა ანდრეზად არ მადისაო.“

არხოტის თემის სოფელ ამლის პეტრე მოციქულის ჯვარში არსებულ ერთ-ერთ ზარს აქვს ასეთი წარწერა: „ძ. ესე ზარი შევსწირეთ სამწყალო-

ბელთა ჩვენ ქარჩანი შვილნი ბაფიამ მორე ძმა უთურგიამ და იმათი ბიძა- შვილები ჭრელია და ბეწუნა ამ ნიშნით რომ რუსი დაამარცხა ომარ ხანს და მრავალი ლეკი დაიხოცა და ჩვენი ძმა ელგუჯანი იქ მოკვდა. ქ. კს. უ. პ. თ. "წარ- წერა 1801 წელსაა შესრულებული და ნიახურას ომი უნდა იგულისხმებოდეს.

რუსიების შემოსვლა საქართველოში და ხევსურეთში. საქართველოში რუსების შემოსვლის პირველი დღეებიდანვე ფშავ-ხევსურნი დედოფალს თავისი ოჯახით მთაში გახიზვნას სთხოვენ და ქალაქშიც ჩამოდიან მათ წასაყვანად. მაგრამ კალატოზიშვილმა „გასცა დედოფალი, რომელსაც უნებდა გაქცევა ქალაქიდან თუშეთისა ანუ ფშავ-ხევსურეთისა.“ (პლ. იოსელიანი). ამ საქმის მოთავე ფშავ-ხევსურთა თავკაცებიც, ვინმე „გორდილას“ ხელმძღვანელობით, თბილისში ჩასვლისთანავე დააპატიმრეს.

საქართველოს რუსეთთან შეერთების პირველ წლებში, რუსები თუშ-ფშავ-ხევსურთათვის აწესებენ სამოურავოს, რომელსაც ცენტრი თიანეთში აქვს. მოურავს უნდა ჰყოლოდა თანამემწედ რუსი მოხელე, რომელმაც რა თქმა უნდა, ქართული ენა არ იცოდა. მოურავის თანამდებობა იგივე იყო, რაც სამაზრო პოლიციის უფროსი (ბოქაული, პრისტავი).

საქართველოში გამწესებულ მარკიზ პაულუჩჩის და საერთოდ რუს ხელისუფალთ, რომელთაც საგანგებოდ ჰქონდათ შესწავლილი საქართველოს მთიანეთი, სურდათ თიანეთისა და თუშ-ფშავ-ხევსურეთის მოურავი ჩოლოყაშვილთა გვარი, რომელიც ამ მხარეს თითქმის ხუთი საუკუნე განაგებდა, როგორც რუსთათვის არასაიმედო, თავიდან მოეშორებინა და სამოურავო რუსეთის ერთგული კაცისთვის გადაეცა. ასეთი პიროვნებაც გამოიძებნა – მაყაშვილი. მაგრამ უკმაყოფილო თუშ-ფშავ-ხევსურნი აღდგნენ და მაყაშვილს, რომელიც კარგად იცნობდა მთიელებს, არც უცდია ამ თანამდებობაზე სამსახური, უარი სთქვა.

თუშ-ფშავ-ხევსურეთის მოურავად რუსების მიერ დანიშნული დიმიტრი ჩოლოყაშვილი იმავე წლებში მოკლეს მთიელებმა. შემდეგ მოურავად ინიშნება ივანე ჩოლოყაშვილი. მისი სიკვდილის შემდეგ კი მთიელთა მოთხოვნით – გრიგოლ ჩოლოყაშვილი (მონაწილეობა მიიღო ამბოხებულ მთიელთა წინააღმდეგ ბრძოლაში. „გრიგოლო ჩოლოყაშვილო წინ-წინ დალატი შენიო, შენ შემეყარე ლაშქარი, მთის ხალხი დასწვი ჩემიო.“).

პაულუჩჩის შემდეგ მოსულმა რტიშჩევმა მოურავობა გააუქმა და მის ნაცვლად ბოქაულობა შემოიღო. ფშავ-ხევსურეთის მთავარ ბოქაულად ინიშნება ევგენი ქობულაშვილი – 1812 წლის აჯანყების ჩამხშობი.

თუშ-ფშავ-ხევსურთათვის რუსთა ბატონობის პირველ წლებში, საქართველოს სხვა მხარეებისგან განსხვავებული ადმინისტრაციული ერთეულის – მოურავობის დაწესება იმით იყო გამოწვეული, რომ მუამბოხე

მთიულთაგან მოსალოდნელი უკმაყოფილებანი და მღელვარებანი თავიდან ყოფილიყო აცილებული. მართალია, თუშ-ფშავ-ხევსურთა მოურავად ქართველი თავადი დანიშნეს, მაგრამ საქმეს მათი რუსი თანაშემწეები წარმართავდნენ, რომლებმაც ენა და მთის ტრადიციები არ იცოდნენ და ყველაფერს თავისი საზომით უდგებოდნენ.

1803 წელს მეფე ერეკლეს დროის სახელმწიფო ტერიტორიულ-ადმინისტრაციული ერთეულები საბოლოოდ დაიშალა, მათი სამფლობელოები აღწერეს და რუსეთის იმპერიის სახაზინო საკუთრებად გამოაცხადეს.

1804 წლის აპრილის 12-ს იმპერატორმა პავლემ მთიულეთ-გუდამაყარი, რომელზედაც გადიოდა საქართველოს სამხედრო გზა, რუსთა თვითნებობითა და უსამართლობით შევიწროვებული 1804 წელს იარაღით ხელში გამოვიდა. მთიულეებმა დახმარება ხევსურებს სთხოვეს. მართალია ხევსურეთს რუსი ვერ სწვდებოდა და სამხედრო გზიდანაც შორს იდგნენ, მაგრამ „ხევსურეთი ცნობილი იყო თავისი გულადობით და შეამბოხენი ფიქრობდნენ ხევსურების მომხრობით რუსის ჯარის დამარცხებას.“ (ს. მაკალათია).

მთიულ-გუდამაყრელთა ამბოხი მთელ აღმოსავლეთ საქართველოს მთიანეთს მოედო. თიანეთის მოურავი ჩოლოყაშვილი ვოლკონსკის წერს: „ხევსურები და ფშავლები აჯანყებას აპირებენ, არ მიგონებენ და არ ვიცი როგორ მოვიქცეო.“

სალაშქროდ გამზადებული ხევსურებიც გაურკვეველ მდგომარეობაში არიან. ცალკე შეამბოხე ბატონიშვილები და მთიულ-გუდამაყრელნი სთხოვენ დახმარებას, ცალკე მთაში გაელენიანი კაცი, რუსთა მოხელე გაბრიელ ყაზბეგი და მეფისნაცვალის უფროსი შაჰნაზი კაცებს საჩუქრებით და ბრძოლაზე ხელის აღებას სთხოვენ, ემუქრებიან კიდევ: „...დადექით, თორემ ქვას ქვაზე არ დავტოვებთო!“

გაბრიელ ყაზბეგმა, რომელსაც ერთ ხანს ამბოხებულებმა მეფობაც კი შესთავაზეს, მნიშვნელოვანი როლი შეასრულა აჯანყების ჩახშობასა და მთიულთა დამორჩილება-დაშოშმინებაში, მის ესოდენ ერთგულებას იმპერატორის მიმართ „ნამესტნიკიც“ კი გაცემბაში მოჰყავდა. ხევსური მთქმელი ამბობს: „ანდრეზად არ მადიოდა, რაიც გაბრიელ ქნისაო, დალივნა ბაგრატიონნი, თაოდ ბატონად ზისაო.“

გაბრიელ ყაზბეგმა მოახერხა თუშებისა და ფშავლებისგან აჯანყებაში ჩაურევლობის გარანტიის მიღება. გადაიბირა ზოგი ხევსური თავკაციც, თუშცა მას ხევსურთა საბრძოლო განწყობილებაზე დიდად არ უმოქმედია. ფშავლებმა და თუშებმა ამბოხებაში ჩაურევლობა თავის სასარგებლოდ გამოიყენეს. მათ ვოლკონსკის თავისთვის ცალკე მოურავების დანიშვნა და ცხვრის საძოვრებზე უსაფრთხოდ მიმოსვლის გარანტია მოსთხოვეს.

11 ივლისს გუდანის ჯვარში ათასამდე მოლაშქრე ხევსური შეიკრიბა და თავკაცებმა ბჭობა გამართეს. ქადაგიც დასვეს, უკვე ხანში შესული, მონაწილე ასპინძისა და კრწანისის ბრძოლებისა – თოთია გაიდაური (ჯინჭარაული). „ხალხს ეხლაცა სწამს, რომ რუსის ლაშქარი დარიალში ვერ შემოვიდოდა, გუდანის ბორაყს ვერ გაუმაგრებოდა, თოთია გაიდაურს რომ არ ეღალატნა და ფულით მოსყიდული ვიღაცა ყაზბეგისაგან უკან არ დაბრუნებულყო – ხატი ლაშქრობას არ ყაბულობსო.“ წერდა გასულ საუკუნეში ნ. ხიზანიშვილი (ურბნელი).

საქართველოს სამეფოს გაუქმებამ, საქართველოში რუსების შემოსვლამ და არეულობებმა მთიელებზე დიდი ზემოქმედება მოახდინა. მათ ვერ წარმოედგინათ საქართველო ბაგრატიონი მეფეების გარეშე. ეს მოვლენები ღვთისაგან დროებით მოვლენილად მიაჩნდათ და ქადაგს ქადაგზე სევამდნენ, რათა მოესმინათ ღვთის ნება. ქადაგ-ქურუმნიც „ბაგრატიონთა დაღვევას“, „ქორჩიანთ (რუსთა) კელმწიფის დაველათის გამარჯვებას“, „სისხლის წვიმებს“, „ცულის ყუობასა“ და „ხმლის ქარქაშობას“ (უპურობა-შიმშილობას) იძახოდნენ, თუმცა „ვადით ვადამდე“ (დროებით). როგორც ჩანს, ქადაგთა ნაწილი ხელისუფლების მიერაც იყო მოსყიდული და მთიელებს მორჩილები-სკენ მოუწოდებდნენ, რის შესახებაც წერს ვაჟა-ფშაველა ლექსში „ხატმა გვიბრძანა“: ფშაველთა ამბოხებაში ჩაურევლობის ერთ-ერთი მიზეზი ლაშა-რის ჯვრის ქადაგი ყოფილა.

ხევსურებმა მეფისნაცვალს თვალთმაქცურად მორჩილების წერილები გაუგზავნეს, „...ჩვენ გუდანის, ღულისა და ბლოს ხევსურნი ვიქნებით ერთგულნი ყოვლად მოწყალე კელმწიფისა... თავდებად გაძლევთ გუდანის ჯვარს...“ თავად კი სალაშქროდ გავიდნენ. ხევსურთა ეს თემები თავლებში აძლევენ მათურლებისა და ნამხაძეების გვარებსაც. ასეთივე შინაარსის წერილი გაუგზავნიან ბისოელ-ხახმატელებსაც, რომელნიც თავად ვოლკონსკის, ნიშნად ერთგულებისა, თავდებად აძლევენ „თავიანთ ნათესავ“ თავად ჭავჭავაძეთა გვარს.

შვიდასი ხევსური მოლაშქრე ფხიტუს უღელტეხილთან მთიულეთში გადავიდა და ამბოხებულებს შეუერთდა. ამბოხებულებმა ამბოხოცეს რუსთა მეფის მოხელეები, გაანადგურეს საგუშაგო კაიშურში, ჩახერგეს გზები, დაეცნენ ანანურს და ღუშეთ-ანანურიდან სტეფანწმინდამდე თავად დააწესეს კონტროლი. ამბოხებულთა გეგმა, აეღოთ ღუშეთი და იქ მდგომი რუსის ჯარი ამოეწვეიათ, ამბოხების ხელმძღვანელთა დაკავლებით შეიცვალა.

რუსთაგან საომარ ოპერაციებს ხელმძღვანელობდა გენერალი ტალიზინი. ბრძოლები გაიმართა ანანურთან და ლომისასთან, სადაც ამბოხებულებმა დაამარცხეს მათორი შამკოვიჩი და მათორი მელლა.

14 ივლისს ხევსურები მთიულეთიდან ხევში გადავიდნენ და სნოს დაბანაკდნენ. ამით შეუერთდნენ საქმელეზე გადმოსული სხვა ხევსურებიც. ამოხებულითა მთავარი მიზანი იყო რუსებისგან დარიალის ხეობის გაწმენდა.

დამფრთხალმა ყაზბეგმა კვლავ მიუგზაუნა კაცები ხევსურებს: „ნუ გასტეხთ ერთგულების ფიცს და ჩემს მტრებს ნუ მიემხრობითო.“ ხევსურებმა შუაკაცები უარით გააბრუნეს და აჯანყებულებთან ერთად სტეფანწმინდის ციხე აიღეს.

გატყდა რუსთა წინააღმდეგობა, დარიალის ხეობაში მდგარი რუსული გარნიზონიც განადგურებული იქნა.

სტეფანწმინდის ციხის აღების შემდეგ ხევსურებმა ამოხებულებთან ერთად გადაწყვიტეს ანანურის ციხის აღება და ქსნის ხეობით ქართლში შეჭრა, რაც უკვე საქართველოში რუსთა ბატონობის დასასრულს ნიშნავდა.

მეფისნაცვალი ქსნის ერისთავებს საერისთაოს აღდგენას შეპირდა, თუ ისინი ამოხებულებს გზას გადაუკეტავდნენ და ბატონიშვილებს არ მიემხრობოდნენ. ქსნის ერისთავებმა რუსთა მხარე დაიჭირეს.

ამოხებულმა თავაურებმა, ხევსურებმა, მთიულებმა და გუდამაყრელებმა ნადავლი თანაბრად გაინაწილეს. გაბრიელ ყაზბეგის თხოვნით ტყვედ ჩავარდნილი რუსები ხევსურებმა ჩაიბარეს, რათა შურისმაძიებელ მთიულთაგან მათი უსაფრთხოება დაეცვა და გადაერეკა ისინი საქართველოს საზღვარს იქით, რუსთა უახლოეს საგუშაგომდე. ზოგ ხევსურს ტყვე რუსი ხევსურეთშიც წამოუყვანია „წყემსმუშაად“. აქტებშიც არის აღნიშნული, ბუნტის დროს ქართველებმა ზოგი რუსი ტყვე მონებად გაიხადესო.

ხევსურებმა აჯანყება დამათვრებულად ჩათვალეს და საათენგენოდ უკან გაბრუნდნენ.

აჯანყებულთა დასასჯელად სასწრაფოდ გამოემართნენ რუსეთის არმიის ნაწილები ერევნიდან და რუსეთიდან.

მთიულებმა კვლავ ხევსურეთში გაგზავენეს კაცი. ამავე დროს ხევსურეთს ეწვივნენ მეფისნაცვლის ელჩები – თავადი მაყაშვილი და ქობულაშვილი, რომლებიც საჩუქრებითა და დაპირებებით ცდილობენ დაიფოლიონ მეამოხენი და ხელი ააღებინონ ბრძოლაზე.

30 ივლისს მაყაშვილი და ქობულაშვილი ვოლკონსკის მოახსენებენ: „1000 ხევსური მთიულებთან რომ მიდიოდნენ, ჩამოვაშორეთო.“ თუმცა 3 აგვისტოს ხუთასი ხევსური კვლავ მთიულ-გუდამაყრელთა გვერდით დგას.

გადამწყვეტი ბრძოლა სოფელ სიონთან გაიმართა. ჩრდილოეთიდან წამოსულმა გენერლებმა გლაზუნაძემ და ნასვეტაევმა, ხოლო სამხრეთიდან მოსულმა გენერალმა ციციანოვმა და რუსეთის ერთგულმა ქართველმა დიდებულებმა აჯანყებულები ამოწყვიტეს და დაამარცხეს.

მთიულთა ამბოხი, რომელმაც სერიოზულად შეაფოთა რუსეთი, მარცხით დამთავრდა. ფარნაოზ ბატონიშვილმა ერთ ხანს ხევსურეთს შეაფარა თავი, მაგრამ მალე ისიც და მისი მეამბოხე ძმებიც ქართველ ღიღებულთა შინაგამცემლობით ტყვედ იგდეს რუსებმა. ფარნაოზ ბატონიშვილთან ერთად ხევსურეთს თავს აფარებდნენ 18 წლის ალექსანდრე ჭავჭავაძეც – მთიულეთის ამბოხების მონაწილე. ალექსანდრე ბატონიშვილი დალესტანს გადავიდა, მაგრამ ქართველ მთიელებთან კავშირი არ გაუწყვეტია და მიმოწერას აწარმოებდა.

1805 წლის იანვარში ბატონიშვილისგან საგანგებო დავალებით ჯერ კაწალხევს, შემდეგ კი ხევსურეთში ფარულად ადის გორჯასპი ნათალიშვილი, რომელიც ალექსანდრესა და ბაბახანის წერილებს გადასცემს მთიელებს. ხევსურეთიდან გორჯასპი ბატონიშვილის დავალებითა და საჩუქრებით გადადის დუღარუკოსთან.

1812 წლის ქახეთის ამბოხება და ხმასურიზი. 1812 წელს კვლავ აღსდგნენ ქართველნი. ამჯერად ახმეტელნი და თიანელნი გამოვიდნენ: „ვერ მოითმინეს თიანეთელთა ესე ვითარი სირცხვილი და იქმნა შფოთი რუსთა და ქართველთა.“ (დავით ბატონიშვილი).

1811-1812 წლებში საქართველოში შიმშილობა ჩამოვარდა და ხელისუფლებამ მოსახლეობას პური შეაწერა. თიანეთის მოურავმა ივანე ჩოლოყაშვილმა თიანეთელებსა და ფშავ-ხევსურებს, რომლებიც ისედაც შიმშილობდნენ პური არ გამოართვა და მის ნაცვლად 600 მანეთი თეთრი აკრიფა – „გაწერილ პურს ხაზინა აღარ მოგთხოვით.“ მაგრამ მალე თიანეთის მაზრაში საეგზეკუციო რაზმი ჩააყენეს პურის ასაკრეფად. მთიელებმა პურის ამკრეფნი ამოხოცეს. მათ გვერდში დაუდგნენ ახმეტელები, მატნელები, თიანელნი და ფშავ-ხევსურნი, რომელთაც 2 თებერვალს გაანადგურეს საეგზეკუციო რაზმები და თიანეთის სამოურავოში ჩაყენებული მეციხოვნე ჯარი.

თიანეთელებმა მხარდაჭერა მთიულ-გუდამაყრელებსაც სთხოვეს და შეუთვალეს, ჩაეკეტათ სამხედრო გზა. მთიულ-გუდამაყრელებმა ფასანაურის საგუშაგოზე მდგარი რუსები ამოხოცეს და ანანურისა და ღარათისკარის ციხეში მდგარ რუსებს ალყა შემოარტყეს.

აჯანყება მალე მთელ კახეთსა და ქიზიყს მოედო და 12 თებერვლისთვის იგი თითქმის გაიწმინდა რუსთა ჯარისგან.

აჯანყებულებს სათავეში უდგას და ხელმძღვანელობს გრიგოლ ბატონიშვილი, რომელიც საქართველოს მეფედაც კი იქნა გამოცხადებული. ამასთანავე, თიანელთ და ფშავ-ხევსურთ ერევიდან მოიწვიეს ალექსანდრე ბატონიშვილი და „... აღუთქვეს პირი მტკიცე“.

ალექსანდრე ბატონიშვილი წერილს სწერს გაბრიელ ყაზბეგს: „...გზა გააფუჭე და რუსობას ნულარ გამოატარებ მაგ გზით. მხარი დაუჭირე ფშავ-ხევსურებს, ეგენი ხომ შენი სისხლი და ხორცია...“ გირჩევნია, მიენდო მეფე

ერეკლეს შვილს, ვიდრე რუსეთის სიტყვა-წყალობას, რომელიც წარმატა-
ლიაო, – დასძენს ალექსანდრე.

ბატონიშვილმა ფშავ-ხევსურნი გაამხნევა: „...როგორც ლომურად ყო-
ფილხარო, ისე ლომურად გაისარჯუნით, ბაგრატიონთა და ლაშარის ჯვარისა
და გულანის ჯვარისა, მოძმის სამეფო ოჯახის მტრის...“ სისხლის ასაღებადო.

„ფშავ-ხევსურნი თავისუფლად დათარეშობდნენ თიანეთის სამოურა-
ვოში, გადადიოდნენ ანანურის მაზრაში და ანანურიდან მოკიდებული ღარის-
კარამდე მგზავრებს თავს ესხმოდნენ და ძარცვავდნენ. ფშავლებსა და ხევ-
სურებს მხარი დაუჭირეს ანანურელებმაც...“ (ალ. ფრონელი).

მთიულ-გულამაყრელებმა არაგვის ერისთავის ჩამომავლის – იოსებ სი-
დამონიძის ხელმძღვანელობით დაიკავეს ღუშეთი, ანანური და ფასანაური.
მათ საწინააღმდეგოდ გამოილაშქრა დიმიტრი ორბელიანმა (ყაფლანისშვილ-
მა) და არ მისცა კახელ ამოხებულებთან შეერთების საშუალება.

ფშავ-ხევსურნი თიანეთში დგანან და ქსნელ ოსებთან ერთად ომან ჩო-
ლოყაშვილის ხელმძღვანელობით თელავ-თიანეთის გზებს კეტავენ.

19 თებერვალს ბრძოლები ზაშთან გაიმართა, სადაც იყვნენ „თუშნი, ფშავნი,
ხევსურნი და თელავის მახლობელ სოფლები“. პოლკონიკმა ტიხონოვსკიმ
მეამოხენი უკუაქცია და რამდენიმე ფშაველი და ხევსური ტყვედ ჩაიგდო.

თუ კახეთში ამოხებულებმა პირველ ხანებში გაიმარჯვეს და მტრის
წინააღმდეგ ერთი პირით გამოვიდნენ, მეფეც კი დასვეს, ქართლში ასე არ
მონდა. საბრძოლველად გამოსულ მთიულ-გულამაყრელებს მხოლოდ ორი
თავადიშვილი იოსებ ერისთავი და სიმონ მაჩაბელი დაუდგნენ მხარში. მთი-
ულ-გულამაყრელებმა გაბრძოლეს ყაზბეგს მიუგზავნეს კაცები თხოვნით: განდ-
გომოდა რუსებს და თავი მეფედ გამოეცხადებინა. მაგრამ ყაზბეგი ბოლომდე
ერთგული დარჩა რუსთა ხელმწიფისა და მისი ხელშეწყობით მაიორმა უშა-
კოვმა ამოხებულები დაამარცხა. მთიულ-გულამაყრელთა თავკაცებმა, წე-
სისამებრ, კისერზე ხმლები ჩამოიკიდეს და ისე წარუდგნენ რუს სარდალს.

მარტის ბოლომდე ებრძოდა მეფე გრიგოლ იოანეს ძე რუსთა ჯარს, მაგ-
რამ შინაურთა განდგომით, რუსთა მაშველი ძალების მოსვლით, კახეთის
აჯანყება დამარცხდა. მეფე გრიგოლი, რომელმაც მხოლოდ ერთი თვე იმეფა,
რუსებმა მოტყუებით ხელში ჩაიგდეს და პეტერბურგის ციხეში გამოამწყვ-
დიეს. გრიგოლის რუსეთში გადახვეწით საქართველოში ბაგრატიონთა გვარი
სამუდამოდ ამოვარდა.

სექტემბრის პირველ რიცხვებში თიანეთში ჩამოვიდა ალექსანდრე ბატო-
ნიშვილი და „შეკრიბა მუნ სპანი ფშავთა, ხევსურთა, თუშთა...“ გარდა ამისა,
ალექსანდრესთან გამოცხადდა სამი ათასი ლეკით ომარ ხან ავარიელის ნათე-
სავი აღისკანტი.

თიანეთიდან ბატონიშვილი თავისი ჯარით შუაგულ კახეთში გადავიდა. სამ კვირას ებრძოდნენ ქართველები პოლკოვნიკ ტიხონოვსკის და ყვარელთან სძლიეს კიდეც. „მუნ მოერიენენ ფშავ-ხევსურნი და კახთ თავადნი სრულიად და გლეხნი შთავიდა მატანს, მუნით შთავიდა შილდას. მუნ მოერთო სრულიად გაღმა მხარნი და ანწუხელნი ლეკნი და ქიზიყელნიცა სრულიად. იქნა ბრძოლა ძლიერი, იძლიენეს რუსნი და მოსწყდნენ ორასამდე საღლათნი.“ (დ. ბაგრატიონი).

კვლავ ამოქმედდნენ მეფისნაცვლის ელჩები და ქრთამ-დაპირებით მეამბოხე ფშაველები დააშოშმინეს. „ნამესტნიკი“ რტიშჩევი ფშაველთა თავკაცებს სწერს: „თქვენ განდებით ფშაველი ხალხის ჭეშმარიტი გამათავისუფლებელი და ბევრსაც მოიგებთ... დავაჯილდოვებ თქვენს ყველა თანამემშენს და დამხმარეს, ავაყვავებთ ფშაველ ხალხს.“ ზოგჯერ ემუქრება და აფრთხილებს კიდეც ფშაველებს: „მე მაქვს სარწმუნო ცნობები, რომ თქვენ კავშირს არ წყვეტთ გაქცეულ ალექსანდრე ბატონიშვილთან, მისგან ჯაშუშებს იღებთ. ჩემს რისხვას ვერ გადაურჩებით, ქვას ქვაზე არ დავტოვებ, სახლ-კარს გადაგიწვავთ, ხმლით აგჩეხავთ“.

რუსები ფშაველებს ავალებენ, რომ ხევსურეთიდან კახეთისკენ მიმავალი მოლაშქრენი ფშავის ხეობაზე არ გაატარონ და წინ აღუდგნენ.

გენერალმა დიმიტრი ორბელიანმა თუშებსა და ფშაველებს თავდებად ბარის საზამთრო საძოვრები ჩამოართვა და მიმოსვლაც აუკრძალა. ამასთანავე, რტიშჩევის ბრძანებით ფშაველების ორმოცი ათასი სული ცხვარი ამანათში აიყვანეს, ვიდრე ისინი ალექსანდრე ბატონიშვილს სელისუფლებას არ ჩააბარებდნენ.

1813 წლის სემსურამთის ამჟღახება. კახეთის ამბოხების ჩახშობის შემდეგ ალექსანდრე ბატონიშვილმა ხევსურეთს შეაფარა თავი და იქ შვიდი თვე გაატარა. ხევსურებმა ქისტებთან და ლეკებთან შეკრეს კავშირი. შეიქმნა კიდეც ერთი კერა ამბოხებისა.

რტიშჩევი ალექსანდრე პირველს ამცნობს: „...ხევსურებმა გადაიბირეს თავიანთი ქისტი მეზობლები, ჩენები, ყაბარდოელები და სხვა მთიელი ხალხი. ჩააგონეს მათ მისი უდიდებულესობის ჯარების სიძულვილი. მოუწოდეს, გამოზაფხულებისთანავე გამოსულიყვნენ მთებიდან, გამოჰყოლოდნენ ხეობებს, გაენადგურებინათ რუსული საგუმგოები, რომლებიც საქართველოს სამხედრო გზას იცავენ, დაენგრიათ ხიდეები, „კავკასიის ხაზიდან“ მომავალი გზები, გაერეკათ რუსები, როცა ამას მორჩებოდნენ, მოეწვიათ ალექსანდრე ბატონიშვილი მეფედ...“

შეშინებული რტიშჩევი იმპერატორს წერს: „მივიღე თუ არა ჩემს მიერ ხევსურეთში გაგზავნილ ჯაშუშთა ცნობები, დავრწმუნდი, რომ მთის ხალხებში სულ უფრო ღვივდება საქართველოს წინააღმდეგ მიმართული შეთქმუ-

ლება... გადავწყვიტე... ჯარები შევიყვანო ხევსურეთში... ეს საშუალებას მოგვცემს თავი დავაღწიოთ ხევსურთა ბოროტებებს, რომლებმაც ყოველგვარ ზომებს გადააჭარბა... ეს მაგალითი უნდა გახდეს, როგორც მათთვის, ისე სხვა ხალხებისათვის...”

რტიშჩევი იმპერატორისადმი მიწერილ წერილებში ასე ახასიათებს ხევსურებს: „თითქმის კერპთმსახურნი არიან, ვაჟკაცი და მეომარი ხალხია, ნაწილი ხევსურეთისა სრულებით არ ემორჩილება ჩვენს მთავრობას, ხოლო მეორე ნაწილი, მართალია ექვემდებარება საქართველოს, მაგრამ რა მორჩილება... აი ეს ხევსურები გაუმაძინებლდნენ გაქცეულ ბატონიშვილს და ბინა გაუჩინეს.“

ხევსურეთის ამბებმა ხელმწიფე-იმპერატორი ძალზედ შეაშფოთა. „ნამესტნიკს“ უბრძანა, დაუყოვნებლივ შეეყვანა სადამსჯელო ჯარები ხევსურეთში და დედაბუდიანად მოესპო ეს ხალხი.

აღექსანდრე ბატონიშვილი გრძნობს მოსალოდნელ საშიშროებას, ამარებს სოფლებს, აიარაღებს ხევსურებს, აჯილდოვებს მარილით, სპილენძითა და ქსოვილებით, რომელსაც მუსულმანი ხანები უგზავნიან. წყალობის სიგელებსაც არ იშურებს. ხაზმატელთათვის ერთიანად ასეთი სიგელი უბოძებია: „...ჩვენს ხევსურეთში ყოფნაში დიდად ერთგულად გვემსახურეთ... ჩვენგანაც წყალობა დაგემართებათ და კიდევაც გათარხნებთ.“

სიგელები და სხვადასხვა ფასეული საჩუქრები უბოძა ბატონიშვილმა ერთგულ შატილიენებსაც. ს. მაკალათიას მიხედვით, აღექსანდრე შატილში მდგარა ბაბლია ჯინჭარაულის ქეთიკირში. ხოლო ნანაისძე თოთიას ძე ჯინჭარაულის ოჯახში შემონახული ჰქონიათ აღ. ბატონიშვილის ბოძებული სიგელი: „მ. ჩვენ სულ საქართველოს მეფის ძემ აღექსანდრე ესე წყალობის წერილი გიბოძეთ შენ განას შვილს განას და შვილსა შენსა ბათაკას და აბულეთს, ასე რომ ჩვენს შადილს ყოფნაში დიდად ერთგულად გვემსახურე... ღთით ჩვენს ქვეყანაში შესვლა რომ გვეღირსება, მაშინ სამს ლიტრას გაკეთებულს სპილენძს ყოველ წელიწადს გიბოძებთ და ხუთს ტანს ფართალს. და ჩვენს საბრძანებელში ყველგან გვევლებოდეს: ქართლში, კახეთში და ქალაქში რჯულიანში და ურჯულოში, რომ ვერავინ დაგვიშალოს და ვერცავინ გისაყვედუროს და არც შენის სავაჭროს ბაჟი გეთხოვებოდეს. გქონდეს და ღმერთმა ჩვენს ერთგულებაში მოგახმაროს. თებერვალს კ ღ (25) ქ კს ფა (501)=1813 წ. აზის ბეჭედი აღექსანდრე.“

ასეთივე წერილები ჰქონდათ ვირჩალა და ვაჟია ჯალაბაურებსაც.

„ქალაქ თუ მე დავიჭირე, მერე მე ვიცი თქვენიო“, – ეუბნება აღექსანდრე ხევსურებს.

თავად ხევსურები ფიქრობენ, რომ რუსის ჯარი ხევსურეთში ვერ შევა. „გაბრიელ ჰევსურთ ვერ შახვ, ტყვიას აგასხმენ წერილსაო.“

ალექსანდრე ბატონიშვილის შესაპრობად და ხევსურთა დასასჯელად 3200-კაციანი ჯარი შევიდა ხევსურეთში, რომლებსაც ოთხი გენერალი სტალი, სიმონოვიჩი, ტიხონოვსკი და ორბელიანი შემოუძღვნენ სამი სხვადასხვა მხრიდან: ფშავის ხეობიდან, ფხიტუსა და აწუნთის უღელტეხილებიდან. ამათ კვალდაკვალ მოჰყვა საძელეს უღელტეხილზე გადმოსული პოლკოვნიკი ყაზბეგი მარბიელ მთიელთა ასულით.

ფშავლებმა და თუშებმა, რომელთა კახეთში მდგარი ცხვარი ხელისუფლებას ამანათში ჰყავთ აყვანილი, რუსთა ჯარს ხევსურეთისკენ მიმავალი გზები გაუხსნეს და მეგზურებადაც კი გაჰყვინენ რუსთა მხედრობას. „...გაგონით არავისა ჰქონდა გაგონილი, რომ თავხელი მტერი ოდესმე შეჰსეოდეს ამ უგზო-უკვლო და მამაცი ხალხით დასახლებულ ქვეყანას... ხევსურები სახტად დარჩნენ და კარგა ხანს ვერ გადაეწვევითათ — ვესროლოთ თოფი ამ ეშმას კერძებს, თუ არაო.“ (ვაჟა-ფშაველა).

რუსების ჯარი ნიჟეგოროდის დარაგუნთა პოლკის ჯარისკაცებისგან შედგებოდა, რომელიც მაშინ თიანეთსა და ყარაღაჯში იდგა. მას გენერალი სტალი სარდლობდა. ეს პოლკი თავად პეტრე პირველის ინიციატივით შეიქმნა და ყოველთვის პასუხსაგები დავალების შესასრულებლად იგზავნებოდა.

რუსეთის იმპერიის ისტორიაში ხევსურეთის ლაშქრობა „დამსჯელი ექსპედიციის“ სახელწოდებითაა ცნობილი და რუსთა მეისტორიენი კავკასიაში რუსული იარაღის გამარჯვებას სიამაყით ღაღადებენ. საქართველოს ისტორიაში კი ეს ტრაგიკული ამბავი და მოოხრება უდანაშაულო მოსახლეობისა ნაკლებადაა ცნობილი. თ. ბაგრატიონი თავის „ახალ ისტორიაში“ ერთგან მოკლედ აღნიშნავს: „ოდეს წავიდა რა ალექსანდრე ფშავსა, უკანა გავედენენ ღენერალი სიმონოვიჩი და სტალი ძლიერი მხედრობითა. აღვიდნენ ფშავსა. მით რამეთუ ფშავნი არა წინ აღუდგნენ და თუშებითურთ გარდაუძღვნენ მხედრობათა რუსთასა ხევსურეთს და წარატყვევნინეს ვიდრე კისტანამდე. ხევსურთა ვერა იკადრეს ბრძოლა მათი, ვინათგან სოფელთა და სოფელთა აქუნდათ ურთიერთ არს მტერობაი, ოდეს დაბრუნდა მუნით რუსთა მხედრობა, მოასწრეს წყალ-წყალში ხევსურთა, იძლიენეს რუსნი და მოკულა უმრავლეს ხუთასისა და დასჭრეს მუნ ყაფლანიშვილი ყაფლან მაიორი.“

„მე ოთხი მხრიდან ვუტევე ხევსურებს, რათა სამაგალითოდ დაესაჯო ისინი და სხვა მთიელებიც მოვაჭკვიანო.“ „ეს არის უმაგალითო ექსპედიცია, რომლის მსგავსი ქვეყნიერებამ ჯერ არ იცის.“ — პატაკს პატაკზე უგზავნის დამსჯელი ექსპედიციის უშუალო ხელმძღვანელი, გენერალი რტიშჩევი იმპერატორს, რომელიც გაღვიძებისთანავე პირველ რიგში ხევსურეთის ამბებს კითხულობს.

გენერალი სტალი გუდამაყრის გამოვლით ფხიტუს უღელტეხილზე გადმოვიდა, სადაც უკანახოვლების მცირე რაზმი შეება რუსებს. „დღეს ჩემი რაზ-

მით აქ თოვლიან მთასთან მოვედი, რომელიც გულამაყარსა და ხევსურეთს ერთმანეთისაგან ჰყოფს. აქაურ დეკანოზებს მოეთხოვე გადმოეცათ ბატონიშვილი ალექსანდრე. მათ ყოყმანით მიპასუხეს... მე უმაღ გზის ნაპირზე ჩასაფრებულ რაზმებს შევეუტიე...“

სტალმა სოფელი უკანასო გადაწვა და „ნამესტნიკს“ აცნობა: „ხევსურებმა დიდი წინააღმდეგობა გაამიწიეს, ბრძოლა ორ საათს გაგრძელდა...ერთი მოკლული და სამი დაჭრილი დარჩათ...“

სტალმა გზადაგზა სხვა სოფლებიც გადაწვა და ხანმატში ორბელიანს შეუერთდა. მოაოხრეს და დაანგრის ბისო-ხანმატი, ჭორმეშაევი, გუდანი და 23 მაისს ლეზაისკარში გადავიდნენ, სადაც გენერალი სიმონოვიჩი იდგა.

ალექსანდრე ბატონიშვილმა განსაკუთრებით გაამაგრა სოფლები – გურო და შატილი, სადაც მოხალისე ქისტები მებრძოლებიც გამოცხადდნენ.

რუსებმა მოლაპარაკება და ბატონიშვილის გადაცემა მოინდომეს, მაგრამ სიმონოვიჩის გაგზავნილი ელჩი ხევსურებმა გზაშივე მოკლეს და მოწინააღმდეგეს პასუხიც არ დაუბრუნეს.

რუსებმა ძლიერი ცეცხლი გაუხსნეს გუროსა და შატილს და იერიშზე გადავიდნენ. მოსახლეობა ტყე-ღრეში იყო გახიზნული. კოშკებიდან და სახიზრებიდან ცეცხლითვე უპასუხეს ხევსურებმა, მაგრამ ძალამ და მომხედურის სიმრავლემ თავისი გაიტანა. „ჩაწვა, ჩადაგა შატილი, ალ ზეცას, ღმერთს მისწვდებისა. გუროს სიმაგრეს მიუდგეს, ვაჟებ შიგ შაუდგებისა. გამოდის ბუჩასეული, მკვდარ კლდეზე გადიყრებისა.“

რუსის ჯარმა გურო და შატილი გადაწვა. ბრძოლაში ორივე მხრიდან 1100 კაცი დაიღუპა. დევნილი ბატონიშვილი შატილიდან ანწუხს გადავიდა. გენერალი ტიხონოვსკი შატილიდან ქისტეთში შევიდა და მითხოვ თემში კიდევ თორმეტი სოფელი გადასწვა.

15 ივლისს რუსთა ჯარი უკან გამობრუნდა და იმით განაწყენებულებმა, რომ ბატონიშვილი ხელთ ვერ იგდეს, თუ სადმე სიცოცხლის რაიმე ნიშანი კიდევ იყო, გაანადგურეს. მარტო გენერალმა სიმონოვიჩმა, რომლის რაზმები თუშეთიდან და ფშავის ხეობიდან შემოვიდა, ხევსურეთის 22 სოფელი გადაწვა. ცეცხლს უკიდებდნენ პურის ყანებსაც. მიწასთან გაასწორეს არაგვის ერისთავებისგან აულეხელი ციხეები და სიმაგრეები, მათ შორის ჭორმეშაევის სიმაგრეები, ქუდნისლას თხრილიანი კოშკები, ბისო-ხანმატისა და ლიქოკის ხეობის ციხე-კოშკები.

საბოლოოდ მოისპო ნიშანი ჯმალას ციხესიმაგრის არსებობისა, რომლის ადგილას რუსებმა მოგვიანებით მცირე ეკლესია ააგეს.

ბრძოლის შემდეგ „ნამესტნიკი“, ინფანტერიის გენერალი რტიშჩევი იმპერატორს ატყობინებს: „მოვსპეთ მათი სახლ-კარი, გადაეწვიოთ, დავანგ-

რიეთ, სულიერი არ გაგვიშვია, არაფერი არ დაგვიტოვებია: არც სულიერი, არც უსულო, ეს არის ლეგენდარული ექსპედიცია, რომელმაც შესძრა კავკასია, დასცა მისი სიამაყე.“

სამი თვე დასჭირდა რუსთა მხედრობას ხევსურთა დასასჯელად. ხუთი სარდალი (ერთ-ერთი პოლკოვნიკი ყაზბეგი იყო) ებრძოდა თავისუფალ, უდანაშაულო ხევსურებს, რომელთაც ბრალად ედებოდათ დევნილი ბატონიშვილისთვის თავშესაფრის მიცემა და საქართველოს დამოუკიდებლობის სურვილი.

ხევსურეთის ლაშქრობაში მონაწილეობდნენ ბოროდინოს ბრძოლის მონაწილეები და ის რუსი ჯარისკაცები, რომლებიც სუკოროვს ახლდნენ აღაპების გადალახვის დროს. მათი თქმით, ხევსურეთის ბრძოლები და მათი წინააღმდეგობა ბევრად აღემატებოდა ევროპის მთიანეთში გადატანილ ლაშქრობებს.

ა.ი.უშინს ბრძოლა. სანამ რუსთა ჯარი გურო-მატილში იბრძოდა, მცირე ჯგუფებად გაერთიანებული პირაქეთა ხევსურები არაგვის ხეობებში გამაგრდნენ, რათა უკან მობრუნებულ რუსებს დახვედროდნენ. მაგრამ რუსთა ჯარი ხანმატიდან არაგვის ხეობის გზით კი არ წამოვიდა, არამედ ლიქოკის ღელე გადმოლახა, დაარბია ლიქოკის ხეობის სოფლები და კეო-ქებულოს გზით აკუშოსკენ გაემართა. „...ამანდით გამაბრუნვილი ჯევსურეთს ჩამადგებისა. ჯევსურეთ დაწვა, დადაგა, ცოდო-ბრალ დიდი დგებისა. კეოს დაბრუნდა ლაშქარი, ქობულოს გამაჯდებისა. მამუკა ჯელმოკლიათა ვეფხვი სამორად ჯდებისა, აკუშოს ჩავა ლაშქარი, მღევარი ჩამახყეებისა...“

რუსებისგან აკუშოს დალაშქერის მიზანი იყო ხევსურ მეამბოხეთა თავკაცების, ალექსანდრე ბატონიშვილის ძმობილების, სუმბატა და ბაბუა მგელაის შვილების შეპყრობა და დასჯა.

როდესაც რუსთა ჯარმა ბარისახოს გვერდი აუარა და ქობულოსკენ გაემართა, აიყარნენ ჩასაფრებული ხევსურებიც, ნაწილმა მალრანის მოკლე ასავლელით აასწრო რუსებს და აკუშოს ღელეში გაემართა საყუჩი, ნაწილი კი არაგვს დაჰყვა, რათა მტრისთვის აკუშოს ჭალა შეეკრა.

ეს ბრძოლა „აკუშოს ბრძოლის“ სახელით არის ცნობილი. ხევსურებმა მალრანის გზით აასწრეს რუსებს და მოხერხებულ აღვილას გამაგრდნენ. დააცადეს მტერს აკუშოს ღელის გადალახვა და დაემუნენ თუ არა თავქვე სოფლისკენ რუსები, ხევსურებმა ცეცხლი გაუხსნეს ზურგიდან. „ჩაიძახნინავ მგელაიშვილთ თოფის ბოლნიოდ, აყეფდიანავ ძალღნიცავ.“

რუსებმა ცეცხლი წაუკიდეს სოფელს და ჭალაში დაიწყეს დაშვება. მამუკა და ჯოყოლა რკინაულები პირველები სმილდახმალ ჩავიდნენ მტერზე, მიჰყვნენ სხვებიც. „...ოროლთა ჯელმოკლიათა დაიდვეს სინისფერიო, მამუკამა და ჯოყოლამ გაივლეს ჯმლებსა ჯელიო. აკუშოს მგელაის შვილნიო დედა

ვაცხოვნე თქვენიო. არვინ ყოფილა თქვენფერი, საქართველოზე ჩემიო. მე ვგრე მომაჯსენებენ, ბევრა უკოცავ მტერიო... ქალაქ თუ მე დავიჭირე, მემრე მე ვიცი თქვენიო...“ ხელწართულ ბრძოლაში ხმალი გადაუტყდა ჭილჭათ კვირიას. აკუმელმა პასუხამ სასიკვდილოდ დაჭრა ყაფლან ყაფლანიშვილი. „თოფს დახკრავს ყაფლანისშვილსა, სახელ შორს გაევარდებისა.“

ხევსურებმა ჭალაში ჩაყარეს მტერი. აქ უკვე იდგნენ სხვა ხევსურები და უმეტეს დათვისელი ურჯუკა გორელაური. „აკუმოს ჭალას ომია, სისხლსა წვიმს, ზეით დარიო. ომობდა გორელაური, ყმაწვილი უმეცარიო...“ მტერს ხმლებით ისე აურჩხავს გორელაური, რომ ჭირისუფლებს თითზე ნადები ბეჭდითლა ამოუცვნიათ.

აკუმოს ვიწრო ჭალა ძველთაგანვე ცნობილი იყო ხევსურთათვის. აქ დახოცეს მათ ზურაბის აზნაურები, ამჯერადაც მწარე სადილი აჭამეს მტერს. „...მოასწრეს წყალ-წყულში ხევსურთა, იძლივნეს რუსნი და მოკულა უმრავლეს ხუთასისა,“ – დასძენს თეიმურაზ ბაგრატიონი.

ხეშსურთა ამბოხების შემდეგ. ხევსურთა მიერ ალექსანდრე ბატონიშვილის მხარდაჭერა და მასპინძლობა მათი სრული დამარცხებით დამთავრდა. გადაიწვა სოფლები, დაინგრა ციხე-კოშკები, გაიძარცვა ჯვარ-სალოცავეები. ამას დართო მოუსავლიანობა, საშინელი შიმშილობა ჩამოვარდა და ამოწყდა ხალხი. იმ დროინდელია გამოთქმები „ცულის ყუობა“ და „ხმლის ქარქაშობა“, როდესაც ხორბალს ცულის ყუითა და ხმლის ქარქაშით წყავდნენ. „ეგ მაშინ იყო, როცა რუსი გადმოვიდა პირველად.“ (აქ. შანიძე)

ხევსურეთიდან გატაცებულ ძვირფასეულობას ნიჟეგოროდის დრაგუნთა პოლკის ოფიცრები და ჯარისკაცები სთავაზობდნენ უცხოელ მოგზაურებსა და მკვლევარებს. ასე მოხდა უცხოეთში შუა საუკუნეების დროინდელი აბჯარ-ალჭურვილობა, როგორც მხედრის, ასევე ცხენის. ნიაველებოდა ქართველ მეფეთა მიერ ხევსურეთის სალოცავეებისთვის შეწირული ოქროვერცხლი, თას-განძი, ჯვარ-ხატები და სიგელები, ხევსურთა მიერ შორეულ ლაშქრობებში მოპოვებული ნადავლი, იარაღი.

ხევსურთა დამარცხებით გახარებული რტიშჩივი იმპერატორს ამცნობს: „ეჩქარობ და ჩემს თავს ბედნიერად ვთვლი, გაცნობოთ, რომ ეს ომი რუსეთის იარაღის დიდებით დაგვირგვინდა... საუკუნეთა მანძილზე ამ ქვეყანაში არცერთ დამპყრობელს ფესი არ დაუდგამს, არც სპარსელს, არც ბერძნებს, არც რომაელებს, იგი თვით ბუნებას უქცევია აუღებელ ციხესიმაგრედ. გიგზავნით ხევსურეთის საბრძოლო მოქმედებათა რუკებს, იმ ადგილების მითითებით, სადაც ისტორიული გამარჯვებები მოვიპოვეთ...“

„ამაყმა ხევსურეთმა პირველად იგრძნო დამარცხებისა და იმედის გაცრუების მთელი ტრაგედია. მან თვითმპყრობელობას მორჩილება გამოუცხადა.“ (ს. მაკალათია)

რუსეთის სამხედრო ისტორიაში გენერალმა სტალმა ხევსურეთში ბრძოლით დიდად მოიხვეჭა სახელი. „სტალს დიდი ლაშქრობა ჰქონდა ხევსურეთში, რამაც ძლიერი შთაბეჭდილება მოახდინა მთიელებზე და ლეკებიც თითქოს მიწყნარდნენ.“ (გ. იარალოვი)

ხევსურეთის ლაშქრობაში ასევე იავე გამოიჩინა მაიორმა ა. სალიკოვმა, რომელმაც შემდეგ გენერალი სტალი შეცვალა კავკასიაში.

რუსებმა ხევსურთა ამბოხის ჩახშობის შემდეგ რამდენიმე ხევსური მეამბოხე გაასამართლეს და გადაასახლეს. რ. სურმანიძეს მოჰყავს სერგო კლდიაშვილის ცნობა იმის შესახებ, რომ ცნობილი თვალის ექიმის, პროფესორ ალექსანდრე შატილოვის წინაპარი 1813 წლის ამბების გამო რუსეთში გადაუსახლებიათ. „როცა საქმე სოფელ შატილის დამორჩილებაზე მიდგა, მოსახლეობა თავგანწირვით შეებრძოლა მომხვედურებს. მოთავეების ნაწილი დაიღუპა, ნაწილი კი რუსეთის გუბერნიებში გადაასახლეს. ერთი ასეთთაგანი იყო ალექსანდრე შატილოვის პაპა.“ ს. კლდიაშვილის თქმით, ალ. შატილოვი აცხადებდა: „ჩემში ხევსურის სისხლი ჩქეფს“–ო.

რუსთა ხელისუფალნი ხაჰსურაიუს იზოლაციაში აპაჰჰან. მთიელთა ამბოხების შემდეგ ხევსურეთს რუსების თვალში „სახელი გაუტყდა“ და მეფისნაცვლები ყოველნაირად ცდილობდნენ ხევსურები სრულ იზოლაციაში ჰყოლოდათ, ჩაეკლათ მათში მემორული სული. ჯერ კიდევ მთავარსარდლის მოადგილე, მინისტრი ვოლკონსკი აღნიშნავდა: „თუშები და ფშაველები სრულიად საიმედონი იყვნენ, ხევსურები მათ ბევრად ჩამორჩებოდნენ ჩვენს ერთგულებაში.“ ხევსურები მათ მიაჩნდათ და გამოჰყავდათ, როგორც ველური, წარმართი და მეამბოხე ტომი, რომელიც უნდა მომკვდარიყო.

ბაგრატიონნი აღარ იყვნენ და „ნამესტნიკს“ თუ მეფის მოხელე ქართველ დიდებულებს აღარ ესაჭიროებოდათ ხევსურთა ლაშქარი. „მეფის ხელისუფლება ხევსურებზე არ ზრუნავდა და როცა ჩვენში დიდი მთავრები და ახალი მეფისნაცვლები ჩამოვიდოდნენ, ქართველ თავადაზნაურობას ხევსურები მაშინ მოაგონებოდათ და აღლუმების დასამშვენებლად, როგორც უცხო სანახაობა, დაჯავშნული ხევსურები გამოჰყავდათ.“ (ს. მაკალათია)

თუ მანამდე ხევსური მოლაშქრე სპარსეთ-ოსმალეთს იქით გადიოდა, ახლა გიგაურთის ველამდე ვეღარ ჩადის. იმის იქით უკვე სხვა ქვეყანა იწყება, რომელიც ხევსურისთვის უცხოა თავისი კანონებით, ჩინოფიკ-პრისტაჟებით, კინტო-თაღლითებით. ხევსურიც პროტესტის ნიშნად უარს აცხადებს რუსთა დაწესებულ კანონებსა თუ სახაზინო გადასახადებზე. განსაკუთრებით გამწვავდა მიწის საკითხი. ხევსურებმა, რომლებიც მიწის თითოეულ ნაკვეთს მტკაცველით ზომავდნენ და მოაპოვებდნენ, უარი თქვეს მიწის გადასახადზე. გადასახადით დაინტერესებული ხელისუფლება შეეცადა ხევსურეთში მიწების პერიოდული

სისტემის გატარებას. ახალი კანონი მიწის შესახებ მხოლოდ არხოტის თემმა მიიღო. პირაქეთა ხევსურეთმა, რომელმაც მიწის ტრადიციული კერძო საკუთრება მტკიცედ დაიცვა, უარი თქვა ახალი კანონის შემოღებაზე.

„...რუსეთის თვითმპყრობელობის უხეშმა ძალამ ხევსურები დააფრთხო და ისინიც თავიანთ მთებში ჩაიკეტნენ. მეფის ხელისუფლება იქ არავითარ კულტურულ მუშაობას არ ეწეოდა. ხევსურეთი ბედის ანაბარა იყო მიტოვებული... სამაგვიეროდ კავკასიაში ქრისტიანობის აღმდგენელი საზოგადოება ხევსურეთში აგზავნიდა „ურწმუნო“ ხევსურების გასაქრისტიანებლად სამღვდელობას და ეკლესიებსაც აშენებდა. სამღვდელობას მოჰყვა მეფის ერთგული მოხელეები ზისერმანი, რადე, უვაროვები, რომლებიც გამოკვლევის მიზნით, პოლიციის თანხლებით ხევსურეთში შედიოდნენ და მოსახლეობას აფორი-აქებდნენ... უცხოეთის მუზეუმებისათვის აგროვებდნენ ნივთიერი კულტურის ნაშთებს, ძარცვავდნენ ხატ-სამლოცველოებს...“ (ს. მაკალათია)

ხაჰსჰარი ბჰნაშას ღა ხასიამთს იცაჰაის. ხევსურეთში ძალის დატანებით თუ ნებით ნელ-ნელა დაიწყო დამკვიდრება ცხოვრების ახალმა წესმა. „როგორც ცნობილია, არც ფშავლებსა და არც ხევსურებს ბატონყმობის უღელი არ უტარებიათ, მათ ბოლომდე შეინარჩუნეს თემური თავისუფლება, მიუხედავად იმ მძაფრი იერიშებისა, რომელნიც მათ წინააღმდეგ დროგამოშვებით ქართულ ფეოდალიზმს მიჰქონდა, მაგრამ ფშავ-ხევსურეთის თემმა, რომელმაც უკუ აქცია ფეოდალიზმის იერიშები, ნაკლები წინააღმდეგობის უნარი გამოიჩინა ბურჟუაზიისა და ბიუროკრატიული სახელმწიფო აპარატის შემოტევის წინააღმდეგ და რღვევის პროცესი განიცადა XIX საუკუნეში. განსაკუთრებით ფშავში გაჩნდა მსხვილი მესაქონლეობა და ჩარჩული კაპიტალის ელემენტები.“ (გ. ქიქოძე). ყოველივე ამან იმოქმედა მთიელი კაცის პიროვნებისა და ხასიათის გადასხვაფერებაზე. თუ ძველად მტრისგან მუდმივი საფრთხე და საზღვრის სიახლოვე მთიელს აიძულებდა უფრო ბეჯითად ეზრუნა საბრძოლო მზადყოფნაზე, ვიდრე მეურნეობისა და საქონლის გაძლოლაზე, XIX ს-ში ა. ზისერმანი და ალ. ყაზბეგი აღნიშნავდნენ, რომ საომარ საქმეში მეზობელი მთიულები ხევსურებს უკვე ჩამორჩებოდნენ, „რადგან დაკავებულნი არიან მეურნეობითა და ვაჭკაცური სული მთაში თანდათან სუსტდება“-ო.

„... უკვე მე-17-18 საუკუნეებში ფშავის ცხოვრების ეკონომიკური პირობები მნიშვნელოვნად განსხვავდებოდა ხევსურეთის პირობებისაგან, რაც საფუძველი უნდა გამხდარიყო საზოგადოებრივი ურთიერთობის, მსოფლმხედველობის და სულიერი კულტურის შემდგომი განვითარებისა. მე-19 საუკუნეში კი ფშავი კაპიტალისტური ურთიერთობის სფეროში მოექცა. მეცხვარეობას საწარმოო დანიშნულება მიეცა, რამაც გამოიწვია მოსახლეობის სწრაფი დიფერენციაცია, გვარების ერთიანობის დაშლა და პიროვნების დამოუკიდებლობა. ამას დაერთო მმართველობის ახალი სისტემის შემოღება.

თემური ადათების ნაცვლად აღამიანთა ურთიერთობაში სახელმწიფო სამართალი და მართლმსაჯულება გაბატონდა. ზოგ ადგილებში მიწაზე საგვარეულო საკუთრება გაუქმდა და დაიწყო მისი პერიოდული დანაწილება სოფლის მოსახლეობას შორის.

ასეთი მკვეთრი ეკონომიკური და სოციალური ცვლილება ხევესურთა ცხოვრებაში არ მომხდარა. ხევესურეთი საბჭოთა ხელისუფლების დამყარებამდე კარჩაკეტილი, ნატურალური მეურნეობითა და თემური ადათებით ცხოვრობდა.“ (გ. არაბული)

ვ.ი. ლენინი წერდა: „ბატონი კუპონი დაუნდობლად ხდის ამაყ მთიელს პოეტურ ნაციონალურ კოსტუმს.“ XX ს-ის დასაწყისიდან ხევესურეთში თანდათან შემოდის ფული. ხოლო ხევესურთა მიგრაციის შედეგად ადგილზე დარჩენილთა ხელში მოექცა სახნავ-სათიბი და საძოვარი მამულები, რამაც ხელი შეუწყო საქონლის მომრავლებასა და ხევესურის „გაფულიანებას“. ხევესური დაუახლოვდა სამომხმარებლო ბაზარს. უეცარმა ეკონომიკურმა შემოსავალმა გამოიწვია ხევესურის სულიერი გაღარიბება. უმეზობლოდ, მთებში მარტოდ დარჩენილი ხევესური ჩაიკეტა საკუთარ ნატყუჭში და მისი მსოფლმხედველობაც დავიწროვდა.

სამსუარიის ეცნობა საზოგადოება, ანუ მისი აღმოჩენა. 1824 წელს იქმნება „მთიელი ხალხის მართვის ორგანიზაცია“, რომელშიც თუშებთან და ფშაველებთან ერთად აერთიანებენ ხევესურებსაც. 1842 წელს იგი გადაკეთდა „თუშ-ფშავე-ხევესურეთის ოკრუგად“, რომელსაც მთისა (ქსნის ხეობა, მთიულეთი, ხევი) და ოსეთის ოკრუგთან ერთად მართავს „მთის ოკრუგის უფროსი“, 1843 წლიდან – „მთის ხალხთა მართვის უფროსი.“

თავად ხევესურეთი ადმინისტრაციულად რამდენიმე თემად (საზოგადოებად) დაიყო: ბარისასოს თემი, ღულის თემი, ბაცალიგოს თემი, როშკის თემი, შატილის თემი, არდოტის თემი, არხოტის თემი. თემებს ხევესური მამასახლისები უძღვებოდნენ, რომელთაც საკუთარი, მრგვალი, რუსულწარწერიანი ბეჭდები ჰქონდათ. ბაცალიგოს თემის ბეჭედი შედარებით დიდი იყო და ცენტრში ევროპული რაინდული ჯვარი ჰქონდა გამოსახული. მამასახლისთა უმეტესობამ წერა-კითხვა არც იცოდა. ხევესურთა თემები და მომიჯნავე რამდენიმე ქისტური თემი იმ დროისთვის თიანეთის უეზლში შედიოდა.

ამ ხანებში თუშ-ფშავე-ხევესურეთის ოკრუგის მილიციის უფროსის მოადგილედ მუშაობს თუში ეთნოგრაფი, მკვლევარი ივანე ცისკარიშვილი.

1844 წლიდან თუშ-ფშავე-ხევესურეთის ოკრუგში ოლქის უფროსის თანაშემწედ და საქმის მწარმოებლად ინიშნება არნოლდ ზისერმანი, რომელიც სწავლობს და ეცნობა მთიელთა ყოფას, მათ ზნე-ჩვეულებებს, წერს წერილებს მათ შესახებ და აქვეყნებს „კავკაზში“.

1844-1846 წლებში თუშ-ფშავ-ხევსურეთის საოლქო სამმართველოში თარჯიმნად მუშაობს პოეტი ერისთავი, რომელიც ყველაზე სწორ ცნობებს პირველი გვაწვდის თუშ-ფშავ-ხევსურთა ყოფაზე.

1876 წელს ხევსურეთში მოგზაურობს გუსტავ რადე და შემდეგ გერმანიაში გამოსცემს წიგნს ხევსურებზე.

XIX საუკუნის 80-იანი წლებიდან აღ. ყაზბეგი და ვაჟა-ფშაველა აქვეყნებენ წერილებს ხევსურეთზე, სადაც ობიექტურადაა წარმორჩენილი ხევსურთა ყოფა-ცხოვრება და გაკრიტიკებულია სხვადასხვა ავტორთა მცდარი შეხედულებები. ამავე ხანებში პეტრე უმიკაშვილი ხევსურეთში აგროვებს ზეპირსიტყვიერების მასალებს.

სხვადასხვა დროს ხევსურეთზე წერენ ნ. ხიზანიშვილი (ურბნელი), რომელიც თიანეთის მაზრაში გამოძიებლად მუშაობდა და ხევსურნი „გამომჩხრუკელს“ ეძახდნენ, ხუდადოვი, მაჩაბელი, კოჯალევესკი, უვაროვი, მარცბახერი, ბუში, განი, ნიორაძე, შკლოვსკი, გ. თედორაძე, ს. მაკალათია, ა. ყამარაული, გ. ჩიტაია, ვ. ბარდაველიძე, აკ. შანიძე, ზ. კიკნაძე... თავად ხევსურნი თ. ოჩიაური, დ. გოგოჭური, ა. ჭინჭარაული... ხევსურთა ყოფა-ცხოვრებისა და ისტორიის უნიკალური მასალები შეაგროვეს და აღწერეს აღ. ოჩიაურმა და ნ. ბალაურმა.

ილია ჭავჭავაძე განსაკუთრებულ ინტერესს იჩენდა ხევსურთა მიმართ, იწვევდა მათ საგურამოში, იწერდა ხევსურულ ლექსებს და ორჯერ ხევსურეთშიც ყოფილა: „დღუშეთში რომ ვმუშაობდი, იმ დროს ორჯერ ვიყავი ფშავ-ხევსურეთში, მაშინ კარგი ლუდის დაყენება და სიმღერები იცოდნენ“, — უთქვამს ილიას.

„**შამილი და ხევისურები.** კავკასიაში იწყება შამილის მრავალწლიანი ომი რუსეთის იმპერიის წინააღმდეგ. ამჯერად დააგვიანდათ დიდოელებს, დამპყრობელი უკვე მტკიცედ დგას საქართველოში. ქართველნი, რომელნიც 1804, 1812, 1832 წლის ამბოხება-შეთქმულებებს აწყობენ, უკვე რუსთა სამსახურში დგანან და თავად ებრძვიან მეამბოხე შამილს — ლეკებთან ბრძოლით წინაპართა სისხლს ეძიებენ.

ვოლკონსკი ქართველ მთიელებზე და მათ შორის ხევსურებზე აღნიშნავს: „მთის ხალხი გაურკვეველ მდგომარეობაში იყო... უფრო კი შამილის კენ იწვედა.“ ხელისუფლებამ ფართო სააგიტაციო მუშაობა გასწია, რათა ქართველი მთიელნი შამილს არ მიმხრობოდნენ.

როდესაც შამილმა ხევსურთა მეზობელი ინგუშების გამუსულმანება დაიწყო, ამით ხევსურთა უკმაყოფილება დაიმსახურა. თუ აქამდე ერთი სარწმუნოების მქონე ხევსურებსა და ქისტებს საერთო, მონათესავე სალოცავები ჰყავდათ, ამჯერად მათი რელიგიური დაპირისპირება მოხდა. (თუშცა გვიანობამდე, რო-

• გორც ხევასურებმა ქრისტეს რჯული, ასევე ინგუშებმაც მაჰმადიანობა ბოლომდე ვერ მიიღეს და კვლავ ძველ რწმენაზე დარჩნენ.)

შამილმა ხევასურები თავის სამსახურში რომ ვერ ჩააყენა, მეზობელი ჩიჩნები და დიდოელები აუშხედრ-გადაამტერა. „ქისტები და ხევასურები ერთმანეთთან სრულის თანხმობით სცხოვრობდნენ... დროებამ გაიარა, ხალხი და იმათი მდგომარეობა გამოიცვალა, გამოვიდა შამილი, იმის დროს სხვადასხვა რჯულისა და ქვეყნის ხალხი გამოეკიდა სხვადასხვა ინტერესებს და ამან წაჰკიდა სამწუხაროდ ხევასურები და ქისტები ერთმანეთს და ერთმანეთის მოსიხსნელ მტრებად აქცია.“ (აღ. ყაზბეგი)

1841 წელს შამილი ქისტებისგან ადგენს სპეციალურ ჯარს, რომელსაც ევალება თუშ-ფშავ-ხევასურეთში თარეში, მათზე კონტროლის დაწესება, რათა რუსებს არ შეეკრან. მოთარეშე ქისტ-ლექები ხშირად ესხმიან თავს თუშ-ფშავ-ხევასურეთის განაპირა თემებს, მიჰყავთ ტყვეები და ცხვარ-საქონელი.

შამილი ხევასურეთში აგ ზაენის შუამავლებს, რათა მხარი დაუჭირონ ლექებს რუსების წინააღმდეგ ბრძოლაში. ხევასურები უარით ისტუმრებენ შამილის ელჩებს. საპასუხოდ შამილის მარბიელი რაზმები სამჯერ ლაშქრავენ შატილის თემს. მომხვდურისგან შეწუხებული შატილის თემი მთავრობას სთხოვს დახმარებას: „შატილის საფეხვონშია დიდი დგას საუბარია... უნდა მივსწეროთ ქალაქი, სადაც ველმწიფე არია: გთხოვთა, რო გამაგვიგ ზაენოთ სალდათ, ყაზახის ჯარია...“ შატილივები მოუწოდებენ ფშავ-ხევასურთა, რათა ერთიანი ძალით დალაშქრონ ქისტები და აღკვეთონ მათი თარეში: „კუბარებთ ფშაველ-ქვესურთა: ხალხნო გვიჭირეთ მხარია, ჩავიდეთ ჯარეგოშია, საც ქისტის სოფელ არია...“

ანალოგიური მდგომარეობა არხოტის თემშიც. არხოტივები თოფითა და ხმლით იცავენ თავიანთ მიწას.

შამილი მაინც არ კარგავს იმედს შემოიერთოს ხევასურები და თუშებთან ერთად გამოიყვანოს რუსების წინააღმდეგ და ამათ ხეობებზე უვნებლად გაატაროს ჯარი, რათა შეუერთდეს თურქებსა და ინგლისელებს, რომლებიც რუსეთთან ომის სამზადისში არიან. მოლაპარაკება თუშებმა ჩაშალეს, მათ არ ისურვეს თავიანთ ძველ მტრებთან, ლექებთან კავშირის შეკვრა, ხევასურებმაც თავი შეიკავეს.

საპასუხოდ შამილი თუშეთში მარბიელ რაზმებს აგ ზაენის და მოსახლეობას აწიოკებს. ჯერ ხათილ მახამა ესხმის თავს სოფლებს ხისოსა და ქუმელაურთას. შემდეგ აღლამის 10000-იანი ლაშქარი დაეცემა თუშებს და ააოხრებს დიკლოსა და შენაქოს.

თუშების დასახმარებლად გადადიან ფშავ-ხევასურნი, მაგრამ მარცხდებიან და თუშები იძულებულნი ხდებიან ბეგარა, კომლზე ათი შაური აძლიონ შამილს.

შამილი კვლავ აგზავნის კაცებს ხევსურეთში და სთხოვს მისი ჯარი მშვიდობიანად გაატარონ საქართველოსკენ. პირობას აძლევს, რომ ხევსურებისგან არც რაიმეს საზაოს აიღებს და არც ბეგარას. ხევსურები არ ენდობიან ურჯულოს, მაგრამ არც საბოლოო პასუხს აძლევენ.

შამილის ლაშქარი შატლიში. 1843 წლის ივნისში შამილი თავის გამორჩეულ სარდალს, სახელიან ახვერდი მახმადს ატანს ხუთათასიან ჯარს და ხევსურეთის გზით საქართველოს ბარისკენ აგზავნის. მანამდე შატლიში ფარულად შემოდის მაისტელი ქისტის ჯოჯოლა ნაციშვილი-დარქიზანიშვილი თავისი ხალხით და ხევსურების გვერდით ღებება.

რადგანაც კავკასიონის ვიწრო ხეობები და ბლიკები რიცხვმრავალი ჯარისთვის ძნელი გასავლელი იქნებოდა, ქისტ-ლეკები სამი მხრიდან – არღუნის ხეობით, მითხულის ხეობითა და ბატეხის გადასასვლელით შემოვიდნენ შატლიში და გაერთიანდნენ.

მიუხედავად მშვიდობიანი პირობებისა, შატლიელები ციხე-კოშკებში გამაგრდნენ. ახვერდი მახმადმა ხევსურებთან მოლაპარაკება გამართა. მოლაპარაკება კარგახანს გაგრძელდა. შატლიელებმა უარი შეუთვალეს მეგზურობასა და შუამავლობაზე ფშავ-ხევსურეთის თემ-სოფლებთან. მაშინ ახვერდი მახმადმა შატლიონი შუაკაცები მძევლებად აიყვანა და დაემუქრა ხევსურებს. ამ ამბავმა შატლიელები აღაშფოთა და მოლაპარაკება შეწყვიტეს. ეს უკვე ნიშანი იყო იმისა, რომ მტერს უბრძოლველად არ გაატარებდნენ.

შატლიელებმა კოშკებიდან პირდაპირი დამიზნებით ცეცხლი გაუხსნეს მომხდურს და სუბბატა სისვარუბა სასიკვდილოდ დაჭრა მოწინააღმდეგის სარდალი ახვერდი მახმადი.

მტერმა რამდენჯერმე იერიშით სცადა შატლის კოშკების აღება, მაგრამ ვერ შეძლო და მესამე დღეს იძულებული გახდა გასცლოდა ხევსურეთს. თან წაიყვანეს ტყვე ხევსურები (ორი კაცი) და დაჭრილი ნაიბი, რომელიც გზაში გარდაიცვალა. ტყვე ხევსურები ურჯულოებმა ნაიბის საფლავზე დაკლეს.

შატლიონთა ამ გამარჯვებას უდიდესი მნიშვნელობა ჰქონდა იმპერატორისთვის. გახარებულმა მეფისნაცვალმა ხელმწიფის ბრძანებით შატლიელებს წმ. გიორგის ჯვარ-მედლები, სამასი ჩარეჟი პური, ხუთი ფუთი თოფის წამალი და ათი ფუთი ტყვია უბოძა. ამას გარდა, შატლიში ეკლესია ააგო და ციხე-სოფელს ქვის გალავანი შემოატარა, რომელშიც ორენოვანი წარწერიანი ქვაც ჩაატანა: „უმაღლესისა ბრძანებისამებრ ჯილდოდ შატლიელთად დამარცხებისათვის ახვერდი მახმადისა და მისთა შეყრილთა ჯართასა. ჩყმბ (1843) წელსა შინა. აღშენებულ არს განკარგულებითა კნიაზისა ნამესტნიკისა ჩყმთ (1849) წელსა.“

ფაქტობრივად რუსებმა შატილში აღადგინეს ის, რაც მისმა ჯარმა 1813 წელს მიწასთან გაასწორა.

თსოტაჰის ბაღასიჰა პანასისის ხაიზაში. 1850 წელს შამილის წინააღმდეგ აზოხდა მაისტის თემის ქისტობა. ერთი წლის შემდეგ აზოხებულ ქისტთა ბელადი ჯოყოლა იძულებული ხდება თანამემამულეებთან ერთად აიყაროს ადგილიდან. იგი ხევსურების თანხლებით გადადის ბორბალოს მთაზე. ხევსურები შეამდგომლობენ თუშეთის მოურავ ცისკარიშვილთან და ხელისუფლება ქისტეთიდან აყრილ მოსახლეობას პანკისის ხეობაში, ძველად მეფეთაგან მთიელებისთვის ბოძებულ ადგილებში ასახლებს, სადაც უკვე იდგა რამდენიმე წლის წინ მაისტიდან გადმოსული ქისტობა დუი ციცხაშვილი-ხანგოშვილის თაოსნობით. პირველ ქისტურ სოფლებს ეწოდა „დუისი“ და „ჯოყოლო“, მათი დამაარსებლების სახელების პატივსაცემად. (თავად ჯოყოლას ტყვედ ჩაიგდებენ და შამილის შვილი თავს მოჰკვეთს.)

ხაჰსურაჰი ბაჰაჰაჰი რუსის ჯარში. შატილიონთა შამილთან ბრძოლის შემდეგ ხევსურებს „ნამესტნიკმა“ ნდობა გამოუცხადა. დამარცხდა შამილი. ალექსანდრე მეორემ საგანგებო მედლები გამოუშვა წარწერით: „ჩენეთისა და დაღესტნის დამორჩილებისათვის. 1857, 1858, 1859 წ.წ.“ ამ მედლებით ხევსურებიც დააჯილდოვეს.

დაიწყო ხევსურთა მეფის არმიაში გაწვევა. „1853 წლის 4 ნოემბერს ოფიციალურად გამოცხადდა მეფის მანიფესტი ფურქეთთან ომის შესახებ. ამ ცნობამ განსაკუთრებით გამოცოცხლება გამოიწვია თბილისში. ქურები ხალხით აივსო. გუგუნებდა სამხედროების დოლი და მუსიკა. მეომართა შორის თვალს იტაცებდა ხევსურების ასეული და მისი მხნე სიმღერა.“ (შ. მეგრელიძე). ხევსურნი რუსთა ჯარის სამსახურში დგებიან და XIX-XX ს.ს-ში რუსეთის მიერ წარმოებულ ყველა ბრძოლაში ღებულობენ მონაწილეობას.

ჯარში (საღდათში) გაწვევას ხევსურნი სხვადასხვანაირად მიუდგნენ. ხევსურ მამასახლისებს ჯარში სამ-სამი წვევამდელი უნდა გაეყვანა წილისყრით. ხევსურთა უმეტესობა ჯარში სამსახურის წინააღმდეგი იყო. მამასახლისებსაც ემძიმებოდათ ეს საქმე, რადგან ჯარში დაკარგულთა მეპატრონენი მათ სდებდნენ ბრალს. ერთ-ერთ მამასახლისის ჯარში სხვათა მაგივრად, უწილოდ, თავისი შვილებიც კი გაუგზავნია. ზოგი მამასახლისი კი ზედმეტ აქტიურობას იჩენდა და ძალით გაჰყავდა წვევამდელები არმიაში. იყვნენ ხევსურები, რომლებიც მოხალისედ მიდიოდნენ არმიაში.

ხაჰსურაჰი რუსეთ-თურქეთის ომში. 1854 წელს ჩოლოქთან სელიმ ფაშას წინააღმდეგ გამართულ ბრძოლაში თუშ-ფშავ-ხევსურთა ლაშქარი ცალკე იბრძვის და სხვა მოლაშქრეთაგან გამოირჩევა თავისი ნიშნით: შავი ქულებითა და შავი ფარებით.

1877-1878 წლების რუსეთ-თურქეთის ომში ხევსურები მონაწილეობდაც კი წასულან. განსაკუთრებით გამოირჩევა ლუღელი სუმატა ქისტაური. „სუმატა არის ხევსური სოფ. ლუღიდან, გვარად ქისტაური, რომელიც წავიდა ვოლონტიერად.“ (ვაჟა-ფშაველა). ხევსური მთქმელი ამბობს: „ბარაქელ სუმატურაო! გუნება გელვა ჩქარიო, ა იქ კი წახვედ ვაჟაკო, სად სახელობდეს სხვანიო. ზოგთა თქვეს: – მერდალ მაუა, ზოგ-ზოგებმ – სისხლის ჯვარიო. ზოგებმ ეგვრაც იუბნეს: – ზეპირ დარჩების მკვდარიო.“

რუსეთ-თურქეთის ომის მეისტორიენი განსაკუთრებით აღნიშნავენ თიანეთის რაზმების მამაცობას, რომლებიც თუშ-ფშავ-ხევსურებისგან შედგებოდა.

ხმამსური კჳალი და ახალი ღროის შმასახჳ. ხევსურები ნელ-ნელა კვლავ უკავშირდებიან ბარს და მკვიდრდებიან კიდევ ერწო-თიანეთსა და კახეთში, მეფეთაგან ოდესღაც ბოძებულ ადგილებში, სხვა მთიელებთან ერთად ღღესასწაულობენ ალავერდობასა და მცხეთობას. მონაწილეობენ საგურამოში პოეტის პატივსაცემად გამართულ „ილიაობაზე“. „ას კაცზე მეტი მარტო ხევსურები მოდიოდნენ ხოლმე ილიაობას... ხევსურებთანაც ყოფნა ძალიან უყვარდა, სუფრაზე ხევსურების სიმღერა.“ (დ. გოგოჭური). პოეტი თავის შორეულ ნათესავ ხევსურებს საგანგებოდ იწვევდა საგურამოში და მასპინძლობდა. ერთ-ერთ ჭავჭავაძეს კი თიანეთის სოფელ გონდაურაში, თავის მამულში ჩაუსახლებია კიდევ ხევსურები. ამას გარდა, მას ბისოელი ქეთელაურებისთვის ოქროთი საესე ქუდიც უსახსოვრებია.

„ძველი დრო ჯობია თუ ახლანდელიო?“ – ჰკითხავს ერთხელ ილია ხევსურებს.

„რა სათქმელია: გარეთ ვერ გამოვდიოდით, სოფელს რომ გავცილებულიყავით ან ლეკი დაგვიხვდებოდა, ან შინაური ავი კაცი, სისხლი იღვრებოდა, მოსვენება არ გექონდა, შველა არსაიდან იყო. აი, დალოცოს ღმერთმა რუსის ხელმწიფე: ეხლა არა გვიშავს, აი, თქვენთანაც ჩამოვდივართ სამუშაოდ, ქალაქშიც დავიარებით, თუ რამ გასაყიდი ან საყიდელი გვაქვს, ხელს ვიძმართავთ, გზაში ხელს არავინ გვახლებს.“ (ი. მანსვეტაშვილი), ასე მსჯელობს ახალი დროის ხევსური, რომელმაც „ჩვენს კნაზებს ეწყინებათო“, მეფე ერეკლეს სიკვდილზე ნათქვამი ლექსიდან ამოაგდო სიტყვები: „...ეხლა იმისა გცხვენოდესთ, ვის გერტყათ ჩემი ხმალია, სარუსოდ რაად გახვადეთ ქალაქის მოედანიო.“

საფშხინო – ხმამსური და სიოლა. „შესანიშნავია მათი სპარტანულად შვილების აღზრდა და მათი სპარტანულივე ცხოვრება.“ (ალ. ყაზბეგი)

„...ბიჭებს კი საკაცო საქმე უნდა ეკეთებინათ – მეურნეობის გაძღოლა, სტუმარ-მასპინძლობის წესი, საბრძოლო მომზადება, მტერ-მოყვრის ცნობა-დახვედრა, ფარ-ხმლის მოხმარების წესი და სხვა.“ (ც. ბეზარაშვილი, გ. ჯალაბაძე)

8-10 წლის წლის ასაკში ხევსური მოზარდი უკვე ყველა სადილო საქმიანობას იცნობდა და მხარში ედგა უფროსებს. ვაუებს სპარტანული სულისკვეთებით ზრდიდნენ. ბავშვობიდანვე ხდებოდა მათი მამაკაცად ჩამოყალიბება.

„აქ ვერ იპოვით ქართლის განათლებას, მაგრამ ბევრს ისეთს რასმე შეხვდებით, რომელსაც განათლებული ქართლელი შურის თვალით დაუწყებს ცქერას. ბუნება, ეს უდიდესი ქარხანა კაცობრიობისა, აქ სრული მფლობელი და მზრდნებელია.“ (6. ხიზანიშვილი)

ხევსურეთის პირქვეში ბუნება, ხალხის თავისუფლებისმოყვარეობა და ხევსურის პატრიარქალური ყოფა, თავად იყო სკოლა უფროსისთვისაც და უმცროსისთვისაც. გეოგრაფიული მდებარეობა და სოციალური თავისუფლება აიძულებდათ ჰყოლოდათ საკუთარი მებისტორიე-მეანდრეზენი, ხუცეს-დეკანოზნი ჯგარისა და სულისა, რჯულმდებელნი და კითხულნი კაცნი, ქურუმ-ქადაგნი, მესულთანენი და ჳმით მატირალნი-მგოსანნი გლოვის, ვაჟკაცობისა და მუშაკობისა, ოსტატნი ხისა და ვერცხლისა, მჭედელნი „ქაჯისთმინი“ ხმლეუბისა, ხურონი ციხე-კოშკთა, ხელოვანნი და მხატვარნი ნაჭრელა-ტალავარისა, მკურნალნი და დასტაქარნი, ოსტატნი თოფისწამლისა და ტყვიისა, მარილისა, ტყავისა და ჯამბარისა და სხვანი და სხვანი. ყოველივე ზემოთ ჩამოთვლილი, ერთ სახელმძღვანელოდ შეკრული, სოფლის უმაღლეს სკოლაში – „საფეხვნოში“ „ჯარზე“ მსხდართ გადაეცემოდა თაობიდან თაობამდე. ხევსური ერთდროულად იყო მასწავლებელიც და მოსწავლევც, მმართველი ბუნების მკაცრი წესრიგისა.

„საფეხვნო“ („ფეხონი“) წარმოადგენდა მამაკაცთა საკრებულოს. იგი გამართული იყო სოფლისთვის მოხერხებულ, გამოსაჩენ ადგილას – სოფელზე გამაველ გზაზე, გორაზე, საგანგებოდ მოწყობილ ადგილზე. ფეხონი იმართებოდა თავისუფალ დროს, უქმე დღეებში, გრძელი ზამთრის პერიოდში, უამინდობისას. ფეხონში თავმეყრილი ხევსურები ჰყვებოდნენ გარდასულ ამბებს. მსჯელობდნენ იმ დროის ისტორიული მოვლენების, ომების, ჳრა-ჳრილობების და რჯულ-სამართლის, მზე-მთვარის, ამინდისა და ნადირ-მენადირის შესახებ. ფანდურზე მღეროდნენ ძველ თუ ახალ საგმირო სიმღერებს. პარალელურად ხელსაქმობდნენ. საფეხვნო ერთგვარი სახელოსნოც იყო. აქ გრეხდნენ თოკს, ხელდნენ ტყავს, ასხამდნენ ჯღან-ქაღბანს, ნაყავდნენ თოფისწამალს, თლიდნენ უღელ-მარხილს, შეაკეთებდნენ და აფხავებდნენ სამეურნეო თუ საბრძოლო იარაღს. სმა და ქეიფი საფეხვნოში მიუღებელი იყო.

მოზარდები თვალყურს ადევნებდნენ, ყურს უგდებდნენ, იმახსოვრებდნენ მთხრობელთა საუბარს, რათა თავადაც გამოეყენებინათ და გადაეცათ შთამომავლობისთვის. ეწყობოდა სპორტული შეჯიბრებანი. ყოველ საფეხვნოში

იღო საჯილდაო ქვა, რომელიც ზოგჯერ თოფისწამლის სანაყსაც წარმოადგენდა. უფროსთა მეთვალყურეობით მოზარდები ეუფლებოდნენ ფარიკაობასა და მშვილდოსნობას.

„ფეხონში მსხდარი ჭაბუკები აქ სწავლობდნენ თავანთი კუთხის წესსა და ადათს. უფროსებისაგან ისმენდნენ ამბებს წინაპართა საგმირო საქმეებზე, სახელ-სირცხვილზე, მტერსა და მოყვარეზე, ამიტომ იყო, რომ ახალგაზრდობას დაეწიებული არ ჰქონდა თავისი კუთხის ზნე და ადათი, ანდრეზი თუ ლექს-სიმღერები, ყველაფერი ის, რაც მკვლევართათვის ახლა სანთლით საძებარია, განსაკუთრებით ბარის რაინებში.“ (თ. ოჩიაური)

ფეხონში „ჯვარზე“ ხდებოდა თემ-სოფლის მოლალატის, უზნეთა და დამნაშავეთა საჯარო გასამართლება „კალთის მოჭრიდან სამძახის დაკვეთამდე“, რის შემდეგაც კალთამოჭრილი „ჯვარზე“, ხალხში ველარ გაერეოდა.

ქალების ყოფნა საფეხნოში იკრძალებოდა. მათ მამაკაცებთან შედარებით უფრო მკაცრად ჩამოყალიბებული ცხოვრების წესი ჰქონდათ. ქალ-ვაჟთა ერთად ყოფნა მიუღებელი იყო. ჯვარში დღეობების დროს, ჭირ-ლხინში, ტაბლაზე... ქალები ყოველთვის განცალკევებით იდგნენ და ისე შექყურებდნენ მამაკაცებს.

წიგნი და „ქაღალდი“ ხმავსურიში. თითქმის XIX ს-ის ბოლომდე სკოლა – განათლება სრულიად უცხო იყო ხევსურისთვის. თავად მთავრობის სამსახურში მდგარ მამასახლისებსაც კი უჭირდათ წერა-კითხვა. წიგნი და ქაღალდი ძნელად საშოვარი იყო ხევსურისთვის და ერთგვარ საკრალურ საგნებსაც კი წარმოადგენდა. (ხევსურთაგან რა გასაკვირია, როცა ევროპაშიც კი გვიანობამდე წიგნი და ქაღალდი ღვთაებრივ რელიქვიად მიაჩნდათ, მისადმი ცრუმორწმუნეობრივი შიშით იმსჯვლებოდნენ და მხოლოდ ღვთისმსახურების დროს ხედავდნენ ეკლესიებში.)

ქაღალდს ხევსურები „ატრატს“ ეძახდნენ. ერთ ამლიონ კაცს ქაღალდი პირველად რომ უნახავს, უთქვამს: „...არაი ყოფილავ ატრატაივ. რუსმა უკენითი ამისვა, გადააგლო. ავიღე, დავღუენე და გაწმენდაში გაიხივაო.“ (ნ. ბალიაური). მაგრამ სწორედ არხოტმა გაიკაფა პირველმა გზა წიგნისკენ: „შეიძლება ამას ხელს უწყობდა არხოტის სიახლოვე ყაზბეგთანა და კაკაკთან.“ (გ. ჩიტაია)

XIX საუკუნის 50-იან წლებში ა. ზისერმანი წერდა: „ხევსურები იმყოფებიან სრულს უეიცობაში და განათლებისკენ იოტისოდენა მიდრეკილებასაც არ ამქლავნებენ, პირიქით, მათ სძულთ განათლება და საზოგადოდ ყველაფერი, რაც იარაღს, ომს, ნადირობას და მეზობელ მტრებთან ფიცხელ შეხლა-შემოხლას არ ეხება.“

უცხოელ ავტორებს, რომელნიც არ იცნობდნენ ხევსურთა წარსულს, მათ ტრადიციებს, მითოლოგიასა და პოეზიას, მხოლოდ ზედაპირული შეხედულებებით იფარგლებოდნენ და ხევსურები უკულტურო ტომად გამოჰყავდათ.

საოლა ხმისპრიმითი. ხევსურებს სურდათ სწავლა, მაგრამ ცხოვრების პირობები ამის საშუალებას არ იძლეოდა. მხოლოდ ბარში ჩასახლებულნი თუ ახერხებდნენ განათლების მიღებას. დუშეთის მაზრაში გახსნილ პირველ სასწავლებელში 1873 წელს უსწავლია I ხევსურს. 1876 წელს „სასოფლო გაზეთი“ წერს: „სოფელ ხახმატში წიგნის მცოდნე ერთი კაცი ყოფილა ბერდია გამდიკარაული. ორ-სამ წელიწადში ამას კითხვა უსწავლებია თექვსმეტის ყმაწვილისთვის და ამათში ხუთმა წერაც იცისო.. საკითხავი არ ჰქონიათ. ბერდიამ ქალაქიდან რამდენიმე ახლად დაბეჭდილი წიგნები წაიღო. სიბრძნე სიცრუისა წიგნი, ლექსები სახალხო, არსენას ლექსი და სხვა ამგვარები. მცოდნე ყმაწვილებმა რომ ამის კითხვა დაიწყეს, უცოდინარებმა მოსვენება აღარ მისცეს, სანამ იმათაც არ ასწავლა...“

XIX საუკუნის ბოლოს დგება საკითხი ხევსურეთში სკოლის გახსნის თაობაზე. გაზეთი „მოამბე“ 1890 წელს წერს: „სკოლებზე და წიგნსაცავზე ხევსურეთში ჯერ-ჯერობით სიტყვა არ ითქმის. იმისათვის, რომ ხალხი უნდა მომზადდეს... რომელნიც უყურებს განათლებას, როგორც მავნე სენს, მისულს არ ენდობიან, თვით ხევსური კი, რომელიც მასწავლებლად გამოდგება, არ არის.“

1890 წელს მამა ლეონიდის თაოსნობითა და მონდომებით ბარისახოში იხსნება სკოლა. პირველი მასწავლებელია ბაჩანა. სწავლა რუსულ ენაზე მიმდინარეობს. ხშირად მოწაფეები სკოლაში ჩაფრების საშუალებით მოჰყავთ. (ბაჩანამ პირველმა შემოიტანა ხევსურეთში კომპოსტო, ჭარხალი, მწვანელი, კაკლისა და სხვადასხვა ხილის ნერგები. ასწავლა ხევსურებს მცნობა და ა.შ.)

„გზის მახლობლად დავაკებულ ფერდობს ამშვენებს ქვითკირის კარგა მოზრდილი შენობა. სკოლა კავკასიაში ქრისტიანობის აღმდგენელი საზოგადოების მიერ არის აქ დაარსებული. ეს არის ერთადერთი სკოლა მთელს ხევსურეთისათვის და ორი არაგვის ხეობაზე მღებარე ფშაველთა საზოგადოებისათვისაც...“ („მოამბე“, 1898 წ.)

ბუნებით კონსერვატორი ხევსური ყოველივე ახალს ეჭვის თვალით უყურებს და ბუზღუნებს: „...ჯერ ერთი სკოლის შენობა იყო და ის არ გვეჭვდინებოდა, ეხლა მეორეც წამოიჭიმა და ისიც სადა და... დიდის ბერბაადურის გუდანის ჯვრის სახატო მაძულზედა!“ „...ლამის ბაღლები სუ თავისკენ გადაიბიროს და უუნცროსებო დაგვწიროს თავის ბუნაგებში: ან შეშას აღარ

უნდა კარით შინ „შამაღებანი“, ან საქონისად ჭერხოდან საჭმლის „ჩამაყრაი“, ან „ნაკერს“ მანაყაიდ მაღებანი...“ (ვაჟა-ფშაველა)

„ჯერ გაგვიმართვენ სკოლასა, მერე წაგვართმენ შვილსაო“, – ამბობს ხევსური მთქმელი.

ღარიბი ხევსურები ჩივიან სკოლის გადასახელზეც

იმავე ხანებში, ვაჟა-ფშაველა უსმენს რა გულგატეხილი ძმის საუბარს, წერს: „...დაიცა ხევსურები სწავლას მოისურვებენ, თვითონ მოსძებნიან სკოლას თუ არაო... დღემდის 7-8 მეტი არც კი ჰყავს ჩაწერილი... სამი მათგანი მესამე ღლესვე გაიყვანეს, ხატი გაჯავრდა, არ მოგვიხდინაო.“ „...ბევრის ხევსურისგან მსმენია: „ნეტავ ვინ ძალით კი წაგვართომდნენ სასკოლადვე შვილებსა: მაშინ ხატისა და ქვეყნის მუნათშიც და პირშით გამოსულები ვიქნებოდით.“ (ვაჟა-ფშაველა)

„1905-1907 წლების რევოლუციამ ძველ სკოლებს აურია ჟამ-კარი, დაუბნია დავთრები, ორად-ორი სკოლა გვქონდა და ისიც ლამის ხელიდან გამოგვეცალოს. რაღა ლამის, ხევსურეთში ბარისახოს სკოლა მოისპო, რადგან ამ ორის წლის წინათ შენობა დაიწვა და ეს სკოლა სხვაგან (უცხო მხარეს) იქნა გადატანილი.“ (ვაჟა-ფშაველა)

1912 წელს ეპისკოპოსი მამა ანტონი მოგზაურობს ხევსურეთში და წერს: „თავისი სიბნელის შესახებ მე ყველგან შემომჩიოდნენ. ბავშვები მე ერთხმად მთხოვდნენ სკოლაზე... ყოველივე ამასთან ფშავ-ხევსურეთში ამ მუშარადის, ფარისა და შუბის ქვეყანაში არის ერთი სკოლა და საკუთარი ბინის გარეშე.“

„აღარცა რა თქვენმა სწავლამ ქნა, ისწავლეთავ, სუ იმას გვირჩევთ ჩვენაც. რაად გვინდა სწავლაი, რო აღარ გაუღის აღარც ჩვენს ჭკვასა და აღარც სწავლას“, – შესჩივის უსამართლობით, რევოლუციებითა და არეულობებით დაღონებული ხევსური ვაჟა-ფშაველას.

იმ დროს ხევსურის აზრით: „სწავლით ხევსური ვერ იცხოვრებს და ოჯახს ვერ შეინახავს, ამიტომ ხევსურისთვის საკმაოა ხელის მოწერა და ცოტაოდენი ანგარიშის ცოდნაო.“ (ს. მაკალათია)

ვაჟა მაინც ცდილობს და იღვწის ხევსურთათვის: „ერთი ხევსურის ბაღლი წიქა, სწავლის სურვილით გატაცებული... გაზაფხულზე მივიყვანე ქართულ გიმნაზიაში და ვუშუამდგომლე მიეღოთ, გამოეზარდათ უპატრონო ქვეყნის შვილი, ერთადერთი მთის კაცი, მაგრამ სკოლის უფროსისაგან ცივი უარი მივიღე... სასარგებლო არ იქნებოდა ერთი ხევსური გამოგვეზარდა... ქართველ მეფეებს ამაღა ჰყავდათ ხევსურებისგან შემდგარი... თუ „ხევსურობით“ მეფენი არ იწუნებდნენ ხევსურებს, ჩვენ რატომ არ უნდა შევიგუოთ ისინი? არ დავეხმაროთ, არ გავეუხსნათ გზა სინათლისკენ... როგორ არ უნდა

გვესმოდეს, რომ ამით ჩვენს თავს ვარგებთ, ჩვენს ქვეყანას ძალას შევმატებთ...“ (ვაჟა-ფშაველა)

გასაბჭოებისა და ქაქუცა ჩოლოყაშვილის ხევსურეთში შემოსვლის შემდგომმა მოვლენებმა კვლავ არია სკოლა-მასწავლებელთა საქმე. ხელისუფლება სკოლებში აგზავნიდა მასწავლებლებს, რომელთაც პარალელურად სხვა დაუალელებსაც აძლევდა. ზოგ სოფელს უკანაც გაუბრუნებია და არ მიუღია მასწავლებელი იმ მიზეზით, რომ იგი შესაძლოა ხელისუფლების მოგზავნილი აგენტი იყოსო.

მაგრამ ხევსურთა სწრაფვა განათლების მიღებისკენ უკვე დიდი იყო, ამიტომ ყოველ ღონეს ხმარობდნენ სკოლის შესანარჩუნებლად: „...ჩვენი მიზანი იყო გახსნილიყო პანსიონის მსგავსი სასწავლებელი. ამ მიზნით წაველ ისევე დედაქალაქს, ბევრჯერ ვესტუმრე ფილიპე მახარაძეს, მთიელთა კულტ-საზოგადოებაში ალექსი ყამარაულს, ვიყავი საშა გეგეჭკორთან, ვთხოვე სკოლის გახსნა... ააშენა ღმერთმა, პანსიონი დაგვიმტკიცეს, ფარჩა და მკერავი მოგვცეს, ბავშვებს ტანსაცმელი აქვე შეეუკერეთ, უფასო კვება მიეცით...“ (ადით ჩაჩაურის ნაამბობი. ა. თომაძე)

1925 წელს ბარისახოში აშენდა ორსართულიანი შენობა, რომელშიც განთავსდა ოთხწლიანი ინტერნატი. ამ სკოლაში ხევსურთა გვერდით ღვანდ. პავლიაშვილი, ნ. ჭონქაძე-გალაშვილი, გ. ამერეჯიბი, შ. თვალაყაძე... რომელთა სახელი და ღვაწლი დიდხანს გაპყვება მთიელთა ხსოვნას.

ბარისახოს საშუალო სკოლა-ინტერნატში აღიზარდა დღევანდელი ხევსურეთის ახალგაზრდობა და ძველგაზრდობა. ეს სკოლა იყო „თავის დროზე სახელმწიფოსაგან ხევსურთათვის ბოძებული ყველაზე დიდი ჯილდო, ახალ დროებს ხევსურეთში ფაქტობრივად ამ სკოლამ ჩაუყარა საფუძველი...“ (კ. არაბული, ა. არაბული)

მიზრაცია. ხევსურთა მიგრაცია მეტად მტკივნეული საკითხია. ისტორიული მოვლენები, სახნავ-სათესი მიწის სიმცირე, მკაცრი ბუნებრივი პირობები, სისხლ-მესისხლეობა და ა. შ. ძველი დროიდანვე აიძულებდა ხევსურებს შედარებით იოლად საცხოვრებელ ადგილებში გადასახლებულიყვნენ. თითქმის ყველა დროს ხდებოდა ხევსურეთის ჭარბი მოსახლეობის ჯგუფური თუ ნაწილობრივი განსახლება საქართველოს მეფეთა მიერ ბოძებულ მამულებში, უფრო კახეთის ბარსა და მთისწინეთში, ვინაიდან ხევსურეთი კახეთის სამეფოში შედიოდა.

ყველაზე ადრეულ ხანაში ფხოველთა მასობრივი გადასახლება საქართველოში ქრისტიანობის გავრცელების საწყის პერიოდში მომხდარა. დიდი მიგრაციები იყო აგრეთვე დემეტრე II, გიორგი V და ლევან II მეფობის დროსაც.

ხევესურთა ბარში დასახლება უმთავრესად ხდებოდა მეფის ან საეკლესიო მიწებზე. როდესაც „საეკლესიო და სახასო მიწები დასახლებული იქნა, მათ დაიწყეს თავადთა მიწებზე დაფუძნება.“ (რ. ჩოფი, კაშვილი)

ბარში ჩასახლება და იქ დამკვიდრება, იქაურ გარემოსთან შეგუება თავისუფლებისმოყვარე და უბატონო ხევესურებს ძლიერ უჭირდათ. ისინი ძალაუნებურად საბატონო უღელში ებმებოდნენ. თუ უკიდურესი გაჭირვება არა, ხევესური იშვიათად აიყრებოდა ადგილიდან. ამიტომ იყო, რომ მათთვის მეფეების მიერ ბოძებული მამულები აუსთვისებელი რჩებოდა, რაც კარგად გამოიყენეს ფშავლებმა და თუშებმა. ამის გამო საყვედურობს ხევესური მთქმელი: „ვერ ეპატრონნეს ხევესურნი თავის ალვანის წილსაო.“

დიდი გადასახლება მოხდა XVII ს-ში, როცა არაგვის ერისთავები ხევესურეთიდან აყრილ მოსახლეობას ძალდატანებით ასახლებდნენ თავის საერისთაოს მიწებზე. იმ ხანებში სპარსელთაგან აოხრებული, დაცარიელებული ქართლ-კახეთის სოფლების შევსება სწორედ მთიელების ხარჯზე ხდებოდა.

XIX ს-დან შედარებით გაადვილდა და გახშირდა ხევესურთა ბარში ჩასახლება. ამჯერად ხევესურები, რომლებსაც ვაჟა-ფშაველა ეხმარება და მფარველობს, თავად მისწრაფვიან ბარისკენ. განსაკუთრებით გამწვავდა შირაქის საკითხი, სადაც სახელმწიფო მოხელეებთან ბრძოლაში მთიელები ვაჟამ დაიცვა. რ. სურმანიძის ცნობით, XIX ს-ის ბოლოს ბათუმის სასამართლოში აჭარა-შავეთის იალაღებზე ფშავ-ხევესური მწყემსების მოსარჩლელაც ვაჟა გამოსულა.

ვაჟა-ფშაველა შუამდგომლობს ჩირდილელ-ბუჩუკურთელ ხევესურებს, რომლებიც აქია გოგოჭურის თაოსნობით სეროდანში (კახეთი) საადგილმამულო მიწის მისაღებად იბრძვიან. ბლოელ გიგაურებს ერწო-თიანეთში საცხოვრებელი ადგილების მოპოვებისთვის ეხმარება ხელისუფლების მოხელე აბა გიგაური.

ხევესურთა ჩასახლება მოხდა 1940-იან წლებში ჩრდილოეთ კავკასიაში, ხელისუფლების მიერ ადგილიდან აყრილი ინგუშების სოფლებში. როდესაც რეაბილიტირებული ინგუშები უკან დაბრუნდნენ, ხევესურებმა დაუბრუნეს ქისტებს მათი ნამოსახლარები, თავად კი ბარის რაიონებში ჩასახლდნენ.

1950-იანი წლებიდან იწყება ხევესურეთის საბოლოო დაცლა. ამის მიზეზი, მიგრაციის გარდა, იყო შემდეგი: ბარისახოს საშუალო სკოლადმთავრებული ახალგაზრდობა სწავლის გასაგრძელებლად ქალაქში მიდიოდა და იქვე იწყებდა სამსახურს, რადგან მათი დასაქმება ხევესურეთში შეუძლებელი იყო.

1950-იანი წლებიდან ხელისუფლების მიერ ხევესურთა ბარში ჩასახლება მათთვის პირობების გაუმჯობესების, ბარში შეურნეობის გამსხვილებისა და

გიგანტური სამრეწველო საწარმოების მშენებლობის მიზნით ხორციელდებოდა.

1970-იანი წლებისთვის ხევსურეთი თითქმის დაცარიელდა. „...სადღა იყო ხალხით სავსე სოფელი, მოვლილი სახლ-კარი, სოფლის შუაზე სუფთა შარაგ ზა. ჩაქცეულ ნასახლარებს შორის აქა-იქ თუ ამოდიოდა კვალი... არც მობიბინე ლურჯი ყანები, ჯვარ-ჯვარისკარი შაბით შეჭმული.“ (თ. ოჩიაური)

შუამნაპალობანი და ბაილობანი კიბანი ხმსურეთში. XIX ს-ის ბოლოს ხელისუფლებამ ხევსურეთში მშენებლობები წამოიწყო. გაწარმართებულ ხევსურეთში ჯერ მცირე ეკლესიები ააგეს. „ორ წელ ას სამ საყდარ აშენდ ხევსურეთში, დავსწყვიტეთ წელებ ჯორ-ულაყო მასალაის ზიდვანი...“ (ვაჟა-ფშაველა)

ამავე ხანებში ფშავ-ხევსურეთში სარკინოვ ზო მაგისტრალის მშენებლობის დაგეგმვა დაიწყო. ხევსურები ამ მშენებლობებს და სიახლეებს ეჭვის თვალით უყურებდნენ: „მაშ ამა ზედაც თუ შამაჩინდების ხევსურეთის გამამცხვირავ „ბარახოტი“ ბაბანით ოდიგრობით?... იმით მაიგონეს ეგ, ხევსურეთის გამამცხვირვა სწადიათო.“ (ვაჟა-ფშაველა)

ხევსურეთის წიაღისეულით არიან დაინტერესებულნი რუსი და უცხოელი მკვლევარები. სხვადასხვა სახის საველე სამუშაოებს აწარმოებენ. ხელშეკრულებებს დებენ ხევსურებთან, იჯარით იღებენ მათ მიწებს, ეძიებენ ვერცხლს, სპილენძს, ოქროს, სწავლობენ მინერალური წყლების შემადგენლობას. „ზმა დავარდა: ოქრო უნდა აღმოაჩინონო და გზის გასაყვანად არხოტის მთა უნდა გახვიტონო. ხევსურების წარმოდგენით კი ბურღი ვინმე ღონიერ კაცს ხელით უნდა ეტრიალებინა.“ (ალ. ოჩიაური)

„რად გი რვალი? ეშმაის მაგონილ ას. ქალაქჩი გაიგებენ და ამოვლენ... შიშის მიზეზს უმალვე მიეუხვდი: ის ქვეყანა ამ ქვეყანაში შემოიჭრება, გზა გაიკაფება, მავთული გაიბმება, მილიცია მოვა და ხელისუფლება, სამართალი, გადასახადი, მანქანა, ორთქლი, ელექტრონი და ათასი ეშმაკეული გაჩნდება.“ (მ. ჯავახიშვილი)

„1922 წელს ხევსურეთში, კერძოდ ბარისახოში გაჩნდა პირველი ბორბლებიანი ტრანსპორტი „ტაკკა“, რომელსაც ცხენი ეზიდებოდა. იგი ემსახურებოდა საავადმყოფოს მშენებლობას. ბარისახოს ტალიდან ქვიშასა და ქვას ეზიდებოდნენ.“ (გ. ჩიტაია)

1934 წლის მაისში იწყება ჟინვალ-ბარისახოს საავტომობილო გზის მშენებლობა და შვიდ თვეში (!) წერაქეთა და ნიჩბით გაყვანილ იქნა 54 კმ სიგრძის გზა. არაგვზე აიგო 10 ხიდი და ორსართულიანი შენობა ორწყალში. პარალელურად ბარისახოში დასრულდა ელექტროსადგურის, საბჭოს, საავად-

მყოფოს და სკოლის კაპიტალური შენობები. 1934 წლის 25 ნოემბერს ბარისახოში შედის პირველი ავტომანქანა, რომელსაც მართავს ლევენდარული ინჟინერი და მუშაკაცი ვანო გეჯაძე. (სოფელ შატილში პირველი ავტომობილი 1970 წელს შედის.) ამ ღირსშესანიშნავი მოვლენების გამო სოფელ ბარისახოში იმართება დიდი ზეიმი. ზეიმს ესწრება თავად ლ. ბერია.

ხევსურები მაშინ საავტომობილო გზის წინააღმდეგნიც ყოფილან: „გზა რომ მოვა, მას ჩეკა მოჰყვება და ხევსურეთი თავის უფლებას დაჰკარგავს.“ (გ. ჩიტია) დროის მსვლელობას წინ ვერავითარი ძალა ვერ დაუდგება, ვერ შეაჩერებს და ყოველივე ახალი ზეავივით უცებ შეიჭრა ხევსურეთში. შეიჭრა ბრძაღ და მოულოდნელად, შეუმზადებლად, ისე, რომ ხევსურებმა გამოფხიზლებაც ვერ მოასწრეს.

1900-იანი ფლავის რევილუციონი და ხეშსურეთი. (ვაჟა-ფშაველას მოღვაწეობა). ვაჟა-ფშაველა, ატყობს რა დროის ცვალებადობასა და მოსალოდნენ გარდაქმნებს, ცდილობს კვლავ გააღვივოს მთიელებში მეომრული სული. მას ალა-მაჰმად-ხანის მიერ თბილისის აოხრების ასი წლისთავისთვის გადახდილ ჰარაკლისზე სამასი აბჯარასხმული ხევსური ჩაჰყავს დედაქალაქში.

XX საუკუნის პირველივე წლებიდან დაწყებული არეულობისა და რევოლუციების ცეცხლი მთასაც მოედო. კვლავ წამოიძარტნენ ერთხანს მიძინებული ხევსურები და ფარ-ხმალი შეაჟღერიალეს. „აჩინდეს ბუნტოვნიკები... გაჩინდა ერთობის ხალხი, ერთუცის მხრის დამჭერია,“ – ახალი თემა შევიდა ხევსურთა პოეზიაში.

1905-1907 წლების რევოლუციური გამოსვლების დროს „ვაჟას უნდოდა ფშავ-ხევსურთა დახმარებით შეიარაღებული აჯანყება მოეწყო მთიდან, შემდეგ გადაეტანა მთელ საქართველოში... მოვიწვიეთ მთელი ხევსურეთის კრება, მოწოდება ვაჟამ შეადგინა. დანიშნულ დღეს მოვიდნენ ხევსურეთის შვილები, თავით ფეხებამდე შეიარაღებულნი, მოგროვდნენ ბარისახოში და დასდეს ფიცი, რომ უკანასკნელი სისხლის წვეთამდე იბრძოლებდნენ თავისუფლებისათვის. ეს ფიცის ფურცელიც ვაჟამ შეადგინა.“ (ი. ლოლაშვილი)

„...ვაჟავ, – ეუბნებოდნენ ხევსურის შვილები, – ჩვენ დაუხავსდით, ჩვენს იარაღს ობი და ჟანგი მოეკიდა, იარაღს გაპრიალება უნდა და სად უნდა გავაპრიალოთ ეს იარაღი, თუ არა თავისუფლებისათვის ბრძოლაში?“ (ს. ყუბანეიშვილი)

„ვაჟა-ფშაველამ გვემაც კი შეადგინა, რომლის მიხედვით არაგვის ვიწროებში აპირებდა ქვის საგორავების მოწყობას დამსჯელი ჯარის ამოსაწყვეტად.“ (კ. სიხარულიძე)

ვაჟა-ფშაველასა და „ბუნტოშიკი“ ნიკო ტლაშაძეს განსაკუთრებულ დახმარებას უწევდნენ ბუნუკურთელი მამუკა გოგოჭური, ბარისახოელი სა-
დარა არაბული, გოგოთურ ჯინჭარაული, მოწმაველი ბათირა არაბული...
„ხალხია აღელვებული, თან რეულობის ფერიო, მოვიდეს ბუნტოშიკები, მოგ-
ვაწერიეს ხელიო, რაზიკათ ღუკამ შაყარა საზოგადოი ჩვენო.“

1905 წლის არეულობების დროს, ნასაკირალთან ბრძოლის შემდეგ, ვაჟა-
ფშაველა ილია ჭავჭავაძის შეგულიანებით ცდილობს გურიასი დამსჯელი
ჯარის წინააღმდეგ საბრძოლველად ორასი შეიარაღებული ხევსურის
ჩაყვანას, – გადმოგვცემს რ. სურმანიძე.

1906 წელს ვაჟა-ფშაველა პირდაპირ საქმეზე გადავიდა და ფშავ-ხევ-
სურეთის დეკლარაცია“ შეადგინა, რომელშიც პოლიტიკური და ეკონომი-
კურ-სამართლებრივი საკითხებია დაყენებული. დეკლარაცია 20 მუხლის-
გან შედგება და ასახავს ფშავ-ხევსურთა და მათი კუთხის საჭირობოროტო
საკითხებს.

„...იმ დროს გაფიცულნი ვიყავით. ვაჟა და ნიკო ტლაშაძე, რომელსაც
„ბუნტოვიშკის“ ეძახდნენ, ჩვენთან მოვიდნენ და წმინდა გიორგის ეკლესიაში
ხალხი დაიბარეს. ყველამ დავიფიცეთ რევოლუციის ერთგულებაზე. მახ-
სოვს, მაშინ მამასახლისებს და სხვა ჩინოსნებს ნიშნები აჰყარეს. მერე ყაზა-
ხები დაგვეცნენ და ხალხი ააწიოკეს.“ (ბ. ბადრიშვილის ნაამბობი. ა.თომაძე)

მაგრამ რევოლუციის დამარცხებამ, იმედების არგამართლებამ, ინდი-
ვიდუალურმა ყაჩაღურმა ტერორმა, „გამომჟღავნებულმა სილატაკემ, მო-
უშაღებლობამ და ხალხის სიბნელემ“ ვაჟა ჩამოაშორა რევოლუციურ ხალ-
ხონებსა და პოლიტიკას. მაშინ ხევსურმა „ბუნტოვიშკიებმა“ მთელ ფშავ-
ხევსურეთში ერთადერთი ბარისახოს სკოლაც კი დაწვეს, თითქოს ამით
ხელისუფლებას ზიანს მიაყენებდნენ.

„ფშავ-ხევსურეთში რევოლუციური მოძრაობა და ... ვაჟა-ფშაველას
მოღვაწეობა შესწავლილი ყოფილა სპეციალური დავალებით მოვლინებული
კავკასიის რკინიგზის პირველი ბატალიონის კაპიტნის, სემიონოვის მიერ
და ამ საკითხზე მას მოხსენება წარუდგენია ჟანდარმერიის პოლკოვნიკ ბა-
ბუშკინისათვის.“ (ვ. ჟვანია)

მეამბოხე ფშავ-ხევსურებს ხელისუფლებამ დაუწყო დევნა. სოფლებში
ჩააყენეს საეგზეკუციო რაზმები. დევნილები იძულებულნი გახდნენ ყაჩაღად
გასულიყვნენ ტყეში. უმეტესობამ ტრაგიკულად დაასრულა სიცოცხლე. მო-
ტყუებით შეიპყრეს შემოსარიგებლად წასული სადარა არაბული და საჯა-
როდ ჩამოახრჩეს, ხოლო მამუკა გოგოჭური იძულებული გახდა იმ დროს
სახელიან აბრავ ქისტთან, ზელიძხან გუშმაზუკოსთან გადასულიყო, მაგრამ

ისიც, თერგის ხეობაში მიმავალი, მოღალატემ გაცადა და ყაზახებმა საგუშაგოზე მოკლეს.

„პოლიციის რაზმები გამუდმებით იგზავნებოდნენ ხევსურეთში ყაჩაღების შესაპყრობად. არბევდნენ მერცხლების ბუდესავით კლდეებში მიმაღულ სოფლებს... „ვაინი მამასახლისის“ – სამსონ ლუხუმიშვილის ხელმძღვანელობით მრავალი ხევსური დააპატიმრეს...“ (ალ. სანადირაძე)

ახალი ღრთივა ხმსურაში. ხევსურეთს თუ აქამდე სახელი და დედა არ აკლდა, XIX ს-დან იგი აღარავის სჭირდება. თავად ხევსური კი თავისი გარეგნობითა (შუა საუკუნეების აღჭურვილობა და ჩაცმულობა) და ყოფით დაცინვის საგანი ხდება. „კარებში შემოყუდებულიყო მაღალ-მაღალი, წითლად და ყვითლად აყვავებული ხევსური. ხომ კარგად იცით, უფარუხმლოდ არ იქნებოდა, ცალ მხარხედ ეკიდა შეჭვარტლული, გაშაკებული ფარი, მეორეხედ თითბრით შემოსალტული ხმალი“, – წერდა ირონიულად 1881 წელს „დროება“. ქალაქი უკვე ამინებს („ცდის“, „აავადებს“) ხევსურს. ხელისუფლების მოხელე ნაჩაღნიკ-პრისტავი, ჩაფარ-აბეშიკი, სავაჭრო კაპიტალიზმს თან მოყოლილი ათასი ჯურის ჩარჩ-ვაჭარი და კინტოთაღლითი აბუჩად იგდებს და ატყუებს ხევსურს. ხდება ხევსურის გაუცხოება, მისი დრო წასულა. ხევსურეთი კარგავს თავისუფლებას, რაც იწვევს სრულ უწესრიგობას მთაში.

აღარ „გაუდის“ ხევსურის ფარ-ხმალს, სხვა ხელისუფლება და კანონო გამეფებულა. თუ აქამდე მეფის გვერდით იდგნენ და ხმის უფლებაც კქონდათ („ორი შენ ბრძანე მეფეო, მესამე მე გამიგონეო“), დღეს თიანეთის მაზრის უფროსს, ვინმე ოზიაშვილს („ოზიო პრისტავი“) მორჩილებენ ხევსურნი. ზოგს მისი მწვავე სილა – „პრისტავულიც“ უწენევია. მართალია, ძვლებურად მზირ-მეკოპარის და მტრის შიში აღარ აქვთ, მაგრამ ქალაქში მგზავრობა აღარ სწადიათ. „პაპაჩვენს კი ქაჯი ჰყოლია დაჭერილი და როცა თბილისს ქალაქს მიდენილა, ის უვლევია თან. მომკვდარა ისიც, ქაჯიც სადღაც გადაქაჯულა და ჩვენ კი დღეს ქალაქს აღარ ჩაგვესვლება.“ (ვაჟა-ფშაველა)

ხევსურებს, რომლებისთვისაც ფული უცხო იყო, სხვადასხვა ხასიათის კანონიერი თუ უკანონო გადასახადები დააკისრეს და პოლიციის თანხლებით მოედნენ ხევსურეთის სოფლებს „ნალოგის“ ამკრეფნი. „...ფშაჲ-ხევსურნი უიმისოდაც შეწუხებულნი არიან სხვადასხვა...გადასახადისგან... განა სამძიმო არ არის ხალხისთვის, რომ რამდენმა ჩაფარმა და მოხელემ უნდა გაიაროს, ყველამ უფასოდ დღეში თითო საკლავი მოითხოვოს?...“ – წერდა ვაჟა-ფშაველა. „ეს „ბწკლიანნი ვეფხენი“ კმაყოფილებითა და უშფოთველობით რომ ცხოვრობდნენ“... აფორიაქდნენ. ჯერ ქორწინებამ გამოჰყო ხევსურების ნიადაგზედ თავი: მას აქეთ აქციზმა, ქვაბების საქმემ, რაც იმათ დააკლეს, ის სალდათობამ მოუსართა.“ (ვაჟა-ფშაველა)

ახლად მოვლენილი ბატონები, რომელთაც უიარაღოდ დაიპყრეს ხევ-სურეთი, არც ბარში ასვენებენ მათ თანამოძმეთ, რომელთაც მიწა თავის დროზე შეფეებისგან ჰქონდათ ბოძებული. „ბოლო დროს ხიმშიაშვილს, ორმოცი ვერსის სიშორეზე დუშეთში სუნი სცემია იმ ადგილებისა... რასაკვირველია, ამგვარ ხალხს, როგორიც ხევსურებია, ბრწყინვალე თავადი, გინდ აღმა უზამდა თავს, გინდ დაღმა.“ (ვაჟა-ფშაველა)

საქმე ის გახლავთ, რომ ერწოს გამოღმა მხარე, საეკლესიო მამულები ხევსურებს ჰქონდათ დაკავებული და საეკლესიო ბეგარასაც იხდიდნენ. შემდგომ ეს ადგილები არაგვისპირელმა თავადმა ხიმშიაშვილმა მიითვისა და ხევსურები შეაეწიროვა. ამ ხიმშიაშვილის ცხვარს ხევსური მწყემსები აჭარაში (ბეშუმში, არსიანი, ჩირუხი), აჭარის მმართველი ბეგების (აბდულ, სელიმ, ახმედ) სამფლობელოებში აბალახებდნენ. ვაჟა-ფშაველა ცდილობს ერწოელი ხევსურების დაცვას და სამართლიანობის აღდგენას. ვაჟა აჭარაშიც კი ჩადის და იქაც ცდილობს გამოექომაგოს ხევსურებს, რომელთაც ადგილობრივი ხემშილები უჩივიან. ხულოს მაზრის გამომხიებელი ვ.ნ. სტრუვე, შეიტყობს რა, რომ მის წინაშე მდგომი „მწყემსი“ ვაჟა-ფშაველაა, საქმეს ყოველგვარი ძიების გარეშე შეწყვეტს ხევსურების სასარგებლოდ. (რ. სურმანიძე)

ერთი მხრივ შემამულეები ავიწროვებდნენ ხევსურებს, მეორე მხრივ ვაჭრები და გადაძვირელები ატყავებდნენ: „გარმოგვესივა სომეხი ჩვენ ოფლის წყალში მყრელია. თავადებ გვეუბნებიან: თქვენ ადგილებ ზო ჩვენია.“

რევოლუციებმა და არეულობებმა ხომ სულ ამოაგდო ხევსურეთი: „ნელ-ნელა ჩვენს ხეობაში შემოჰყვეს ცხვირი ბოქაულ-სტრაჟნიკებმა. ბოქაულმა... შემოიარა მთელი ფშავ-ხევსურეთი და შემდეგ დაბრუნდა... თიანეთში. ის დღე იყო და დაიწყო კიდევ ავმა ქარმა ქროლვა. შიგდაშიგ კაცებმაც იწყეს დენა თიანეთში ბოქაულთან, მაზრის უფროსთან და სხვა მოხელეებთან. აირია მონასტერი...“ (ვაჟა-ფშაველა)

„... ეხლა კიდევ ტყეებ შავგვერ: ჩვენ ადგილ ღნახას კაცმა, ჩვენებ ტყე-ებ. იმათ სალესნიშნიჩოდ გაჯდ. განა შენ თავად არ იცი, კომლეურად გვაქვის და გვექონდ გაყოფილ ტყეები, თითო კომდ-ს ოც ძირ ხე არ შახვდების, აიმათ გვედგ სული კაცსა და საქონელსაც, აისიც წავგივიდ ხელით, რამად შავგინახას, რამად გვაცსოვრას? არ გიკვირსა, ეს რა ამბავ ჩვენს თავს?! ბეჯითად გამაცხვირვას უპირებენ ხევსურეთს...“ შესჩივის ხევსური თავიანთ ქომაგს ვაჟა-ფშაველას, რომელთანაც ხმალი მიუტანია დასაგირავებლად, მაგრამ ხედავს რა პოეტის მასავით სიღარიბეს და უმწეობას, დანალვლიანებული ბრუნდება უკან.

„საღმადმობა“ ღა ოში. პირველ მსოფლიო ომში ხევესურები მობი-
ლიზაციის წესით იქნენ გაწვეული. „ქულზე გაღალეს საღდათი, ყანას დე-
ღანი მკიანო...“ „ნუ გასტყდებით! ომში წასვლა ვაუკაცს ქორწილ უნდა ეგ-
ონას.“ – ასე არიგებენ ბებერი ხევესურები ახალწვეულებს. გაგახსენდებათ
მემატიანის სიტყვები: „ასრე სიხარულით მივდიოდით, ვითარცა ქორწილს
შინა წვეულ ვყოფილიყავთ...“

მნელი იყო შეგუებოდა მთიელი კაცი „საღდათის“ რეჟიმს. ხევესურები
ქმნიან სიმღერების პოეტურ ციკლს, რომელიც ხევესური ჯარისკაცის მღგო-
მარეობას ასახავს. „მსოფლიო ომის საშინელებანი ისეთი სიმკვეთრითაა
გადმოცემული, რომ მსგავსი რამ მე არაფერი ვიცი ქართულ ლიტერატუ-
რაში. არც გასაკვირია: ლექსების ავტორები უშუალო მონაწილენი იყვნენ
ომისა და თავისი თვალთ ხედავენ ომის მიერ თავს დატეხილ უბედურებას
და განადგურებას...“ (ა.კ. შანიძე)

ბეკრი ხევესური დაიკარგა პირველ მსოფლიო ომში. განსაკუთრებული
ტკივილი გამოიწვია პირველი ხევესური ოფიცრის კობა ცისკარაულის სიკვ-
დილმა, რომელიც ოცი წლისა გერმანიის ფრონტზე მოკლეს.

იცის ხევესურმა, რომ „რუსის შამრევი“ არავინ არის, „ნიკალას ფათოლ-
თოდენი“ ჯარი ჰყავს, მაგრამ ეს „რაღაც იაპონია...საკვირველ საქმეს შერე-
ბის“. „ღრუბლით ომობს...“, „სასწაულობით, მახერხებით“ სჭარბობს რუ-
სებს. „იღუპების, იღვეის რუსის ჯარი... ყველაღი კი ვადით ას: ვაუკაცობაი,
სიმდიდრეი, გაუე ყავლი – ერთიე მარჩების, მეორეიე. რუსს ყავლ გაუვიდ
საღამ. იაპონიაჩი ერთს ერეკლეთასაც ბაგრატიონს ამბობენ გადასულს...
შამაუთვლავ ჩვენის წემწიფისად, ქართველს ნუ მაომებავ... აქამდი ვაძ-
ლევედით საღდათს, ეხლა აღარ მივცემთ... იქ რა უნდა იაპონიაჩი ჩვენს
შვილებს, აქდღეს თუ ხვალ ლეკი, ქისტი, ჩაჩანი მზას არიან ჩვენს ასაკლე-
ბად. მეომარ უფრო აქ გვიჭირს. არ გვაქონებებებს იარაღს. რაით შაუქციოთ
მტერს ხელი... ნეტარ ჩვენ რუსის ხელჩი დავრჩებითა თუ იაპონიისა?“ (ვაჟა-
ფშაველა). ასე მსჯელობდა ხევესური საუკუნის დასაწყისში, მას შემდეგ
ბეკრი წყალი ჩაივლის და საუკუნის დასასრულს კიდევ იკითხავს ხევესური:
– ნეტა ჩვენ რუსის ხელჩი დავრჩებითა თუ ამერიკისა?

ნი.ო.ო.ო.ო.ო.ო. II-ს ტახტიღან ჩამოგდება. 1900-იანი წლების დასაწყის-
ის არეულობებმა და მსოფლიო ომმა ხევესურები მიახვედრა, რომ თვითმპყ-
რობელობას ბოლო ეღებოდა. იმ ხანებში ხევესურები საქართველოში რუსის
შემოსვლიდან ასი წლისა და მათი საქართველოში ყოფნა-არყოფნის სა-
კითხზედაც მსჯელობდნენ, მთავრობაში თავისი დებუტატებიც კი ჰყოლიათ
გაგზავნილი და სიტყვითაც გამოსულან.

ხელისუფლების სამსახურში მდგარი მამასახლისები ცდილობენ მოსახლეობის დამშვიდებას და რუსეთის იმპერიის ძლიერებას ქადაგებენ. ეს საუბრები და მსჯელობა – კამათი ჩვეულებრივ საფეხნოებში მიმდინარეობს. და რაც მთავარია, მსჯელობენ იმ დროის ქურუმ-ქადაგისა და წინასწარმეტყველის, ბურჯკურთელი თარხანათ გაგას ნამახინრებზე, რომელიც აცხადებს, „რუსთ ხელმწიფეს ყავლი გაუვიდაო.“ „არ დაიჯეროთ, რუსთ ხელმწიფეს რა მოერევა, ფათოლოთოდენი ჯარი ჰყავსო,“ – ამბობს გაგას მეზობელი, მამასახლისი შაბურათ აფშინა. „მე მჯერა მაგ კაცისა,“ – ეპასუხება ბაჯალათ ბალათერა და ოქროს თუმნიანზე ენიძლავება მამასახლისს. გამოხდება ხანი და ბალათერა თურმე სზირად შეასხენებდა წაგებულ თუმნიანს შაბურათ აფშინას... მეღექსე მინდიათ ახლა კი ალექსებს იმპერატორს და ქალის ხელს სთხოვს, რის გამოც „დასაჭერად სღვენიდნენ ხელმწიფის შურაცხყოფისათვისო.“ (აკ. შანიძე)

ნიკოლოზ II-ს ტახტიდან ჩამოგდების შემდეგ ხევსურები აქტიურად მონაწილეობენ თბილისში და საქართველოში მიმდინარე პროცესებში. ოთხმოცი ხევსური გოგოთურ ჯინჯარაულის ხელმძღვანელობით ღვება დროებითი მთავრობის სამსახურში, რომელთაც აიღეს უმნიშვნელოვანესი სტრატეგიული პუნქტი – არსენალი, შემდეგ დაიკავეს რკინიგზის მაგისტრალი ავჭალიდან ნავთლულამდე და თავადვე დააწესეს კონტროლი. (დ. ვაჩნაძე)

ვ. ჯუღელმა და ა. დგებუაძემ არსენალის აღება ვ. გოგუაძეს დაავალეს. მან 50-მდე თბილისელ მოხალისეს მოუყარა თავი. ამათ შეუერთდა თბილისში საგანგებოდ ჩამოსული ხევსურთა ოთხმოცკაციანი რაზმი და 130-მა კაცმა თოფხანას ალყა შემოარტყეს. „...მთელი ქალაქი გულისფანცქალით ელოდა, რა მოხდებოდა. ერთი დღე-ღამის გახურებული ბრძოლის შემდეგ გვარდია მთელი თოფხანა აიღო. ეს იყო სამშობლოს გათავისუფლებისა და დემოკრატიისათვის აშკარა ბრძოლის დასაწყისი.“ – წერდა იმ დღეებში პრესა.

„...თუშნო, ჰევსურნო, ქართველნო გავლა გმართებდეთ გზისაო, წავიდეთ ქალაქისაკენ, შველა იქ უნდა ძმებსაო... საზღვრით მუქარა მოვიდა: ოსმალ აგროვებს ჯარსაო...“ და ხევსურები მონაწილეობენ ახალი საქართველოს პირველი მტრების – ოსმალებისა და სომხების წინააღმდეგ გამართულ ბრძოლებში. ამ ხანებში ფშავე-ხევსურეთის კომისრად მუშაობს თომა ბალიაური.

იმპერატორის ტახტიდან ჩამოგდება მ ხევსურეთში დიდი არეულობა შეიტანა. ერთმანეთს გაუსხენეს ძველი მტრობა-ვალი, ხელისუფლების წარმომადგენლები და საეკლესიო პირები გაყარეს ხევსურეთიდან, დაარბიეს ეკლესიები და მეზობელ კუთხეებსაც გადასწვდნენ: „აღელდეს ერეკლეს ყმა-

ნი, ღუნია დააღონესა, გასცილდეს საქართველოსა, სათათრეთ ააფროლესა, დაჯოცეს ბოლშევიკები, ძალღებს აჭმევდეს მზორებსა, ღმერთთან მევენე სჭირდების, მღდელიც ზედ მიაყოლესა...”

კომისარკაი სპისსრაშის ბაჰლით ჩადიან თბილისში. 1919 წლის ზამთარში საქართველოში ფარულად შემოსვლას ცდილობენ „თერგის საბჭოთა რესპუბლიკის“ წარმომადგენლები და წითელი კომისრები. საქართველოში შემომავალი გზები საიმედოდ არის შეკრული. დარიალის ხეობაში საზღვარს იცავს პოლკოვნიკი წერეთელი. რჩება ერთადერთი, მაგრამ იმ დროისათვის გაუკალი და თოვლით დაფარული ხევსურეთის უღელტეხილები და ხეობები, სადაც ჩიტიც კი ვერ გადაფრინდება. ს. ორჯონიკიძის დავალებით ბოლშევიკების ერთი ჯგუფი (ფ. მახარაძე, მ. ორახელაშვილი, ს. გეგეჭკორის მეუღლე...) ჩეჩნეთიდან არღუნის ხეობის გავლით სოფელ შატილში შემოდიან. ისინი ერთხანს შატილში ჩერდებიან, სადაც ტიფით ავადმყოფ ფ. მახარაძეს ხევსურები უვლიან.

ს. ორჯონიკიძე და სხვა კომისრები კი ცდილობენ ინგუშეთიდან ასას ხეობის გამოვლით არხოტში შემოსვლას, მაგრამ ქართველი მესაზღვრეები მათ შეიპყრობენ და თერგის რესპუბლიკაში შემოსულ ღენიკინელებს გადასცემენ. ს. ორჯონიკიძე, კიროვი, დიაკოვი და ბუტირინი გაქცევას ახერხებენ და „ემშაკის ხიდიდან“ მდინარე თერგში გადასტებიან. გაქცეულები ტყვიების წვიმას თავს კლდეებს აფარებენ და სამშვიდობოს გადიან. მძიმედ არის დაჭრილი „დიდი კომისარი“ ბუტირინი, მაგრამ გზას მაინც განაგრძობს. კომისრები არხოტში შედიან, სადაც დაჭრილი ბუტირინი კვდება. ორჯონიკიძე ერთხანს არხოტში რჩება.

მახარაძესა და ორჯონიკიძეს ხევსურები პატრონობენ და უვლიან, მათთვის ისინი რიგითი სტუმრები და მგზავრები არიან. გაიხსნება თუ არ გზები, ხევსურებივე მეგზურობენ და აცილებენ მათ ღედაქალაქამდე. „...ალბათ ესეც იყო მთავარი მიზეზი იმისა, რომ ფილიპე მახარაძე კეთილად იხსენებდა ხევსურებს და სიკვდილამდე მათთვის ყურადღება არ მოუკლია, ასევე გულთბილად იგონებდა ხევსურებს სერგო ორჯონიკიძე.“ (ს. დოლიძე)

მისტი მოთარამშენი. რუსეთის რევოლუციისა და მომდევნო წლებში შექმნილი არეულობებითა და იმითაც, რომ ხევსური ახალგაზრდობა მსოფლიო ომში გაიწვიეს, საქართველოს ჩრდილოეთი საზღვარი დაუცველი რჩება. ამით სარგებლობენ ქისტები და ფშავ-ხევსურეთში ქურდობა-ავაჯაკობას მიჰყოფენ ხელს. „ქუღზე გალაღეს სალდათი, ყანას ღედანი მკიანო, გაუგავ ქისტის შვილებსა – ხევსურეთ გადმადიანო, მანდით გალაღეს ხარები, მიუდის, არ იშლიანო...“ განსაკუთრებით გამოირჩევიან მითხოელი ქისტები – ბავი და ანდარუყო თავისი მოთარეშე რაზმებით. ამ ქისტებმა ფშავლებს

კაცი მიუგზავნეს და მოსთხოვეს თორღვა ძაგანისძის ღროინდელი ბეგარის განახლება, ოღონდ საისრე „ბორაის მხრის“ ნაცვლად ცხვარი უნდა ეძლიათ.

მოთარეშე ქისტების წინააღმდეგ ბრძოლას სათავეში ჩაუდგნენ თიანეთის მაზრის ხელისუფლების წარმომადგენელი, გიორგის ჯერის კავალრები, ხევსური ოფიცრები აბა გიგაური და ახულეთ ალუდაური. და გაერთიანებული ძალებით ფშავ-ხევსურნი, რომლებთანაც არის ქართული მილიციის ოფიცერი, ვაჟა-ფშაველას შვილი ლევანი, ბოლოს უღებენ ქისტების თარეშს.

იმავე წლებში მილიციის ფორმაში გადაცმული ქისტების რაზმი ელიმარძის წინამძღოლობით თავს ესხმის არხოტის თემს. „...გამოწვეული ყოფილა იმით, რომ ამდღელებს ქისტების ცხვარი გადმოურეკიათ იმაზე წინადა ქისტებს სამაგიეროს გადახდა მოუნდომებიათ... გაურეკავთ თავისი ცხვარი, მიუყოლებიათ არხოტელების საქონელი და ნივთებიც... ამღას მოუკლავთ ოთხი პირი და წასულან.“ (აკ. შანიძე)

როგორც ჩანს, თარეშში არც ხევსურები ჩამორჩებოდნენ მეზობლებს. რამდენადმე გამწვავდა ურთიერთობა ფშაველებსა და ხევსურებს შორისაც. ხევსურები ფშაველებს „ადგილის ბეგარს“ სთხოვენ და ედავებიან ჩარგლისა და მაშარა-უბისთავის მამულებს. ჯადუელმა შიშია ქერაულმა ამ მიზეზით ჩარგლელების საქონელი გამორეკა კიდევ, ხოლო როშკის მამასახლისმა თათარა წიკლაურმა მაშარაზე დავის გამო მოკლა ფშაველი ხევსურა ქისტაური, რასაც მეორე მკვლელობაც მოჰყვა. უძილაურთის ფშაველები თავის მხრივ სოფელ აკუშოს მამულებს ითხოვდნენ.

შეიტაკება ჯარაბოში. 1918 წელს მენშევიკური საქართველოს წარმომადგენლები, სხვადასხვა პოლიტიკური საკითხების მოსაგვარებლად, ხევსურეთის გზით ქისტეთში გადადიან. მათ თან გაჰყვნენ თუშ-ფშავ-ხევსური მეგზურები და მოხალისენი. ჯარეგოსთან ქისტებსა და ქართველებს შორის მოხდა შეტაკება, რის დროსაც სამოცზე მეტი კაცი დაიღუპა. მათ შორის უმეტესობა თუში და ფშაველი იყო. „არ ვის გაკსონთა ვაჟებო, ჯარეგოს რა დღე გათინდა, ჩაჯოცეს თუში, მშაველი, მკვდარი შაყარეს მკვდარზედა.“ ქისტების ნასროლი ტყვია მარტო ხევსურულ ჩოხიანებს არ ხვდებოდა. თუშებს, ფშაველებსა და ხელისუფლების წარმომადგენლებს კი ერთნაირი ტალავარი ეცვათ და მათი გამორჩევა ძნელი იყო. შეტაკების დროს სამი ხევსურიც მოკლეს პირადი მტრობის საფუძველზე. ქისტებმა დახოცილთა გვაშები არღუნის ხეობაში ჩაყარეს და ჭირისუფლებს მათ გადასვენებაში გამოსასყიდს ართმევდნენ.

ხაშსურაშის ბრძოლა წითელი არმიის წინააღმდეგ. ბოლშევიკებისა და წითელი არმიის აგრესიის მოლოდინში დამფუძნებელი კრების წევრს შალვა ქარუმიძეს იარაღი შეაქვს ხევსურეთში და ხევსურების ერთი ჯგუფი

თბილისშიც ჩაჰყავს. მათ საგანგებო დავალებას აძლევს: იმ შემთხვევაში თუ მთავრობამ საქართველოს განძის გატანა ვერ მოახერხა, წაიღონ ის ხევსურებმა და მთებში გადამალონ.

მალე სხვა ხევსურებიც ჩადიან თბილისში თხოვნით, ჩარიცხონ ისინი ეროვნულ გეარდიაში. მაგრამ მთავრობის მოხელეებმა კარგახანს ალოდინეს, ატარეს აქთ-იქით დაპირებებით და ქართულ ჯვარში მინც არ ჩარიცხეს. მოხალისე ხევსურებს საგზალი რომ გამოეღიათ და დაიმშენენ, უკან გაბრუნდნენ. ზოგს ქუნთრუშა შეყვია და ლაზარეთში მოხვედრილა.

1921 წლის თებერვალში ცხენოსან ხევსურთა ერთი რაზმი, რომელსაც შალვა ქარუმიძე მეთაურობს, კოჯჯრის მიდამოებში წითელი არმიის ნაწილებს ებრძვის.

„...ყველანი აივანზე ვიყავით, როცა ხევსურებმა ჩაიარეს, ოცამდე კაცი იქნებოდა, ჯვრებამოქარგულ ტანსაცმელში იყვნენ გამოწყობილი, ზოგ მათგანს კაჟიანი თოფი ეკიდა, სხვებს ხმალ-ხანჯალი და შუა საუკუნეების დროინდელი ფარი აესხა.“ (ო. ჩიჯავაძე)

სიხსურიაში და უშავალოში არაშალოზის ღროს. ჯერ კიდევ 1900-იანი წლების დასაწყისში, როდესაც რუსეთის იმპერიაში დაწყებული არეულობანი საქართველოსაც მოედო, მთიელებმა იარაღს მოჰკიდეს ხელი. ხელისუფლებამ მათ დასაშოშმინებლად ნაცად ხერხს მიმართა: მთიელები ერთმანეთს მიუსია და თემებს შორის შუღლი გააჩაღა, რათა შემდეგ იქრებრეისები განეხორციელებინა.

მთიელი თემების ცალკეულ გვარებს შორის შუღლი ყოველთვის იყო, მაგრამ იგი მუდამ ადამიბრივი სამართლით რეგულირდებოდა და სხვა გვარებზე არ ვრცელდებოდა. ვაჟა-ფშაველა, ხელავდა რა ხელისულების მზაკვრულ მიზან-გეგმებს, სინანულით წერდა: „საკვირველი ის არის, რომ წინათ ეს ამბები არ მომხდარა არას დროს. ეს ერთი. მეორე, თემთა შორის ითესება სისხლის ძიების ღვარძლი... საგულისხმო ის არის, რომ ეს მკვლელობები გარკვეული გეგმით ხდება, – თვითეულ ფშავლის საზოგადოების დაპირისპირებით ხევსურეთის საზოგადოებასთან, რათა ერთი-მეორესთან ჰქონდეს საბუთი დაჯახებისა. ბოქაულ-სტრაჟნიკების მოსვლის შემდეგ ხევსურებმა დაიწყეს ფშავში თარეში, იმათ ფეხის ხმას აჰყვნენ ქისტები...“

ფშავსიხითილნი და შუაშსილნი. ფშავ-ხევსურთა მტრობა იმდენად ხელოვნური იყო, რომ მასზე ანეკდოტური ანდრეზიც კი შეითხზა: ერთხელ ხევსურებს ცხენ-ჯორებით მიჰქონდათ მარილი, ორწყალში ამ „ქარავანს“ ხიდი ჩაუტყდა და წყალში ჩაცვივდა. დაიღუპა ძვირფასი მარილი, დაზარალდნენ ხევსურები, მაგრამ მოიგეს ფშაველებმა: მათი ნახირი ხევსურების მარილით შეზავებულ წყალს სვამდა და სუქდებოდა. ხევსურები ფშავ-

ლებს ამ სარგებლიდან წილს სთხოვდნენ, სამართალშიც უჩიოდნენ და მათი მტრობაც აქედან იღებს სათავესო. (ალ. ჭინჭარაული)

ძველი გადმოცემებით ხევსურეთის სოფ. რომკის მკვიდრთა ნაწილი ოდესღაც ფშავში, მაშარას და უბისთავს მდგარა, სადაც გვიანობამდე ბოსლებიც კი ჰქონიათ. იმჟამად ის მამულები უკვე ფშავლების საკუთრებას წარმოადგენდა. ეს შიშიმზეზეს ხევსურებმა და აუხირდნენ ფშავლებს. რომკის მამასახლისმა თათარა ბურღულმა ხანჯლით მოკლა შუაფხოელი ხევსურა ქისტაური და აპყარა თოფ-იარაღი. თათარა არ დაუსჯიათ. ვაჟა-ფშაველა წერს ამის შესახებ და აქეყნებს ლექსს, რომელიც ხევსურა ქისტაურის სიკვდილზეა ნათქვამი: „...გლოვით აცხადებს არაგვი უბედობასა მთისასა, ფშავლების დამარცხებასა, გამარჯვებასა მტრისასა, ჩამდინარ მგზავრებს უამობს სიკვდილსა კაის ყმისასა...“ თავად ხევსური კი ცინიკურად ამბობს: „...გამამძიებელ მკითხავდა: – ეს ხანჯარ იყო, თათარა? – ეს ის არ არის, უფროსო, ის სულ სხვა იყო, შავტარა.“

სამწუხარო კიდევ ის იყო, რომ იმ ამბავმა ხევსურეთის სოფ. ღულის მკვიდრ ქისტაურებსაც მისცა ხმლის ტრიალის საბაბი. ქმოსტელ-როშკივნებს მოსდეს შარი: – ჩვენი მოძმე ფშაველი რატომ მოჰკალითო და გადაემტერნენ.

აადუსულნი და ჩარბაილნი. ხადუელმა შიშია ქერაულმა ჩარგლელ ფშავლებს მოუღო შარი: „...ჩარგალში მაქვს მამული, სამოცდასამი ჯარისა“-ო. და ამ მამულების სანაცვლოდ 60 ძროხა მოითხოვა. ფშავლები, რა თქმა უნდა, არაფრის მიმცემი არ იყვნენ. მაშინ ქერაულები თავს დაესხნენ ჩარგლელ მწყემსებს, მოკლეს გორმაზაული და გარეკეს საქონელი, მაგრამ პოლიცია დაედევნა და ხევსურებმა მხოლოდ სამი ცხენის გატაცება შეძლეს.

ფშავლებმა არაგვის ხეობაზე გზები შეკრეს და დაიწყეს მგზავრ ხევსურებზე ნადირობა. ვაჟა-ფშაველა წერდა: მოხდა რამდენიმე მკვლევლობა, მაგრამ ამ მკვლევლობებს არაერთარი საერთო არ აქვს ჩარგლელთა და ჯადუელთა მტრობისათვის, მას მხოლოდ საბაბად იყენებენო. მტრობა დაახლოებით 20 წელი გრძელდებოდა და ნიკოლოზ II ტახტიდან ჩამოგდების შემდეგ კიდევ უფრო გამწვავდა. 1922 წელს ხევსურები თავს დაესხნენ ჩარგლელებს, შემოარტყეს ალყა და სროლა აუტეხეს, შემდეგ შევიდნენ სოფელში და ფშავლებს თივა-ძნები დაუშალეს.

ფშავლებმა ხელისუფლებას მოსთხოვეს წესრიგის აღდგენა. თიანეთის მაზრის ხელმძღვანელობამ ფშავ-ხევსურეთში მიმდინარე მოვლენები კიდევ უფრო გააზვიადა და მთავრობას მოსთხოვა ხევსურეთში შეიარაღებული ძალის შეყვანა: „ხევსურთა წინააღმდეგ მათი აღვირახსნილობის ასალაგ-

მაკად. “ ეს იმ ხანებში ხდება, როდესაც ხევსურეთში ქაქუცა ჩოლოყაშვილი შედის და მთიელთა ამბოხი მზადდება.

თიანეთის მაზრის მილიციის უფროსი მოხსენებით ბარათში წერდა: „...განსაკუთრებით დიდ ზიანს აყენებს ფშაველებს სოფ. ხადუს მცხოვრები ხევსურები... გარდა ამისა, თუ კი ოდესმე ფშაველს ხევსურეთისთვის ერთი ქათამი მაინც მოუკლავს, ახლა ხევსურები ამის შურსაც კი იძიებენ და მთელს ჯოგებს სტაკებენ ფშაველებს. აგრეთვე თუ კი დრო იშოვებს, მუდამ მიუღიოთ არა მარტო ჯოგები, არამედ თვით ხალხიც კი და მერმე ფშაველებს ამ ხალხის გამოსყიდვა დიდ ფასად უჯდებათ. მაგალითად ამ ერთი თვის წინათ ხევსურებმა შეიპყრეს უმიზეზოდ ფშაველი მწარია სარკიაშვილი და თხოულობდნენ იმის გამოსყიდვას, რის გამოც მთელი სოფელი იძულებული იყო შეესრულებინათ ეს მოთხოვნილება და ძროხებითა და ცხენებით გამოესყიდათ მოტაცებული სარკიაშვილი.

დღესაც ყავთ მათ მოტაცებული ძროხები, ცხვრები, ცხენები და უკან არ იძლევიან. ამისთანა მდგომარეობის გამო ფშაველები გამწარებული არიან ხევსურების წინააღმდეგ და ამ ორთა თემთა შორის დიდი სისხლისღვრა და შეტაკება მოხდება. ამასთან ფშაველები და ხევსურები, როგორც ერთი კაცი საუკეთესო იარაღში სხედან და ხევსურებს აქვთ ტყვიამფრქვევებიც კი.“

მოხსენებითი ბარათის უმთავრესი მიზანია არა კონკრეტულ დამნაშავეთა მხილება და დასჯა, არამედ მთელ ფშავ-ხევსურეთში სადამსჯელო აქციების ჩატარება. ეს არცაა გასაკვირი, საბჭოთა ხელისუფლება ახალი დამყარებულია, ხევსურები კი ჩოლოყაშვილის მხარეს დგანან.

ხაშისურიანის აჯანყება. „ჯაროშა ვაშლი“. 1922-1924 წლებში, როდესაც საქართველოში საყოველთაო აჯანყება იგეგმება, ხევსურები აქტიურად მონაწილეობენ მის მომზადებაში. საერთო გეგმით, თავიდან აჯანყება ხევსურეთში უნდა დაწყებულიყო 1922 წელს, რომელსაც დააკვირვებინებდა 1924 წლის აგვისტო. ამოხებულ მთიელებს და კახელებს კათალიკოსი ამბროსი გამოუძღვებოდა ჯვრით ხელში, რომელიც ამ მისიის შესასრულებლად უკვე კახეთში იყო გამგზავრებული.

ქაქუცა ჩოლოყაშვილი კახეთიდან თავისი რაზმით ხევსურეთში გადადის და დიმიტრი ცინკარაულის, თომა ბალიაურის, აბიკა გიგაურის, გოგოთურ და აბიკა ჯინჭარაულების დახმარებით კავშირს ამყარებს როგორც ბარის, ასევე მთის ხევსურებთან. ა. ჭინჭარაული (ხოსროთ აბიკა), როგორც ჩოლოყაშვილის მრჩეველი, მის წარმომადგენლებს ქისტეთის თემებში მიჰყვება შუამავლად.

„ჩოლოყაშვილის ხევსურეთში გამოჩენისთანავე ხალხის ძარღვებში დაიძრა მამაპაპისეული სისხლი ბრძოლის მამაცური შემართებისა. მაშინათვე

აისხეს იარაღი და ძველი ჩვეულებისდა მიხედვით — ბერმა ჭინჭარაულმა ფიცი დაადებინა სამშობლოსათვის თავდასადებად.“ (მ. ლაშქარაშვილი)

ამავე დროს ხევსურეთში შემოდის ნიკოლოზ ზანდუკელის რაზმი, რომელიც ჩოლოყაშვილს უერთდება. „დუშეთის მაზრაში, კერძოდ ფშავ-ხევსურეთში მოქმედებს ნიკოლოზ ზანდუკელის ბანდა, რომელიც ეწევა ანტი-საბჭოთა აგიტაცია-პროპაგანდას და ემზადება შეიარაღებული გამოსვლებისათვის“, — იუწყებიან შინსახკომის აგენტები.

ხელისუფლება მაშინვე შეუდგა ამოხებულ ხევსურთა წინააღმდეგ ოპერაციების განხორციელებას. კავკასიის წითელი არმიის სარდალმა ეგოროვმა, შტაბის უფროსმა პუგაჩოვმა და ორჯონიკიძემ მიიწვიეს საქართველოში საბჭოთა ჯარების შტაბის უფროსი რ. მუსხელიშვილი და დასახეს ხევსურეთში მსხვილი სამხედრო შენაერთებით შეჭრის, აჯანყების უმოკლეს ვადაში ჩახშობისა და მისი აღმოსავლეთით გავრცელების შესაძლებლობის აღკვეთის გზები.

ხევსურეთზე საიერიშოდ გამოიყო სამი კოლონა — 2000-მდე ჯარისკაცი, ოთხი ზარბაზანი, კავკასიის კავალერიის ნაკრები ესკადრონი, დამოუკიდებელ მსროლელთა და საინჟინრო ოცეულები. ამას გარდა, ყაზბეგსა და კარკუჩაში იდგნენ სამხედრო დანაყოფები ჯავშნიანი ავტომობილებით ჩენების მხრიდან აჯანყებულებისადმი მოსალოდნელი დახმარების მოსაგერიებლად. ხევსურეთის ცაზე დაფრინავდნენ თვითმფრინავები, რომლებიც აკონტროლებდნენ აჯანყებულთა და საბჭოთა ჯარების დაჯგუფება-გადაადგილებას. ხევსურების აზრით კი ეს თვითმფრინავები „საზღვარგარეთიდან ქარუმიძე შალვაის გამოგზავნილი იყო“ მათ დასახმარებლად.

გენერალ დ. ვანნაძის მიხედვით, 1922 წლის აჯანყება, რომელიც როსტომ მუსხელიშვილმა დაგეგმა, უნდა დაყრდნობოდა თავის „ისტორიულ ბაზას — ხევსურეთის მთებს.“ გენერალი აღნიშნავს: ხევსურეთს ეკავა შუაგული კავკასიისა და იჭერდა კავკასიის უღელტეხილს. იგი საქართველო-ჩრდილოეთ კავკასიის მთიელთა შორის საკავშირო ხიდად იყო გადაებული. უძველესი დროიდან ხევსურეთის მდებარეობა იშვიათ, მომგებიან ციტადელად ითვლებოდა და ამიტომ საქართველოს მეფენი მუდამ თავის მთავარ ბურჯად სთვლიდნენ. ჯერ კიდევ მეფის რუსეთის შემოსვლის ხანაში ყველაზე ღიდი წინააღმდეგობა ხევსურებმა და აქ ქართლ-კახეთიდან თავმოყრილმა აჯანყებულებმა გაუწიეს. „სანამ ხევსურეთის ციხეს არ დავანგრევთ, თბილისში არ ხეინად ვერ დავიძინებთ“, — სწერდა იმ დროის გენერალი პეტერბურგში. ქართველ მეფეებს ხევსურები ყოველთვის თან ახლდნენ და ისინი გამოირჩეოდნენ არა მხოლოდ მამაცობით, არამედ იმითაც, რომ დაძახებისთანავე ჩამორბოდნენ მთებიდან და თბილისის კარიბჭეებს იჭერდნენ და ამაგრებდნენ.

მუსხელიშვილის გეგმით, ხევსურეთის ასალებად არაგვის ხეობაში შესული ბოლშევიკებისთვის ჯერ ზურგიდან უნდა დაერტყათ და ამოეხოცათ, შემდეგ კი ხევსურეთიდან დაეშვებოდნენ და კ. აბხაზისა და ალ. ანდრონიკაშვილის სარდლობით თბილისს აიღებდნენ. ამას გარდა, ჩოლოყაშვილს ფშავის მილიციის უფროსისთვის ლევან რაზიკაშვილისთვის დავალებული ჰქონდა, როდესაც წითელი ჯარი ხევსურეთში შევიდოდა, უკნიდან ფშავლებს დაერტყათ და უკან დასახევი გზებიც შეეკრათ. მაგრამ ლევანი მიხვდა, რომ აჯანყება განწირული იყო და ფშავლები ამზობებაში არ ჩააბა.

წარმატების შემთხვევაში ხევსურეთიდან ამზობებულებს გამოუძღვებოდნენ ჩოლოყაშვილი, ფალავანდიშვილი და ლაშქარაშვილი. ამ დროს შალვა ქარუმიძე მოლაპარაკებას აწარმოებს ოსმალეთთან. ოსმალეთის მთავრობა დათანხმდა იარაღითა და ჯარით დახმარებას, ოღონდ თავისი პირობები წამოაყენა, რაც ქართველებმა არ მიიღეს და საკუთარი ძალებით ბრძოლა ამჟობინეს.

წითელი არმიის მოლოდინში ხევსურებმა ჩაკეტეს უმთავრესი გზები „ლაშიანაის ხიდთან“, „გიგაურთის ველში“ და ფხიტუს უღელტეხილზე. „ლაშიანაის ხიდთან“ ღვანან გორშელმის ხევსურნი, იკურაისშვილნი სულხანაურ და ბეწი, რომელთაც სხვა ფშავ-ხევსურნიც უერთდებიან. გიგაურთის ველში ღვანან საგაღმოს ხევსურნი და ლიქოკელნი. ფხიტუს უღელტეხილს იცავს ბუნჯუურთელი შაბურათ აფინა თანასოფლელებითა და ჩირდილელ-უკანახოვლებით, რომელთაც უერთდებიან როშკიონი, არხოტელი და მთასიქითელი ხევსურები.

ქაქუცა ჩოლოყაშვილი 70 კაცით მაღაროსკარში ღვას. მას უერთდებიან ხევსურეთიდან ჩასული მიხა ხელაშვილი, დათვია ლიქოკელი, თომა ბაღიაური, მგელიკა არაბული, ტუნა ჭინჭარაული, მიხა ქერაული და იმედა გოგოჭური. ამავე დროს, ქაქუცას მხარეს გადადის ხევსურეთის მილიციის რაზმი. ამზობებულებმა იცინან, რომ ჯარი ფშავის არაგვის ხეობით შევა და მთელი ყურადღება იქით აქვთ გადატანილი. პირველი შეტაკება ჯერ ჟინვალთან, შემდეგ მაღაროსკარში ხდება.

მაღაროსკარში ამზობებულთა წინააღმდეგ იბრძვის სამა გეგეჭკორი. ამზობებულებმა 250 კაცი განაიარაღეს, მათ შორის 40-ზე მეტი მოკლეს.

აჯანყებულთა წინააღმდეგ თიანეთიდან გადმოდის მაზრის უფროსი სურგულაძე, რომელიც ორწყალში დაბანაკდება და ფშავის მილიციის უფროსს ლევან რაზიკაშვილს უბარებს, თავისი რაზმით მთის ბილიკებით მასთან გამოცხადდეს. რაზიკაშვილი არა შემოვლით, არამედ არაგვის ხეობით მიემართება და სოფელ ხომში ჩოლოყაშვილთან მიდის, სურგულაძეს კი ატყობინებს, რომ იგი ჩოლოყაშვილმა დაატყვევა.

ამოხებულებს 150 კაცით უერთდება გვერდწითელი, რომელიც ცდილობდა დუშეთის მაზრის დაკავებას, მაგრამ წითელი არმიის ნაწილებმა დაასწრეს და თავად დაიკავეს დუშეთი.

ამოხებულთა გასანადგურებლად დამატებით სასწრაფოდ გამოემართნენ გროზნოში მდგარი წითელი არმიის ნაწილები.

ამოხებულები სამი დღე უმკლავდებიან არაგვის ხეობაში შემოსულ მტერს. გეგეჭკორისა და სურგულაძის მეზობლების განადგურების შემდეგ ნელ-ნელა უკან იხევენ. მათ უკან მიჰყვება წითელი ჯარი, რომელსაც მეთაურობს ამოხებულთ ფარული თავკაცი და ორგანიზატორი, იმჟამად წითელი დივიზიის მეთაური როსტომ მუსხელიშვილი.

არ გამართლდა აჯანყების ხელმძღვანელთა გეგმა: არაგვის ხეობაში შემოსული ჯარს უკნიდან არ დაარტყეს ხანდაკის ხეობაში თავმოყრილმა მემოხებებმა. აღმოჩნდა, რომ „ხევსურეთის აჯანყება“ სხვადასხვა პარტიათა ხელმძღვანელების შეუთანხმებლობის გამო გაუშართლებლად და ნაჩქარევად იქნა მიჩნეული. „მიღებულ იქნას ყველა ზომები, რომ ნადრევი გამოსვლები არ მოხდეს. ეს დადგენილება პარტიამ ყველა პროვინციებს აცნობა.“ (ს. ზადლასტანიშვილი). ი. ცინცაძემ მუსხელიშვილს წინადადება მისცა, მთელი შესაძლებლობებით დაეცვა ხევსურები და თავიდან აეცილებინა მსხვერპლი.

ამოხებულთა ხელმძღვანელები ბარისახოში შევიდნენ. ჩოლოყაშვილმა უჭკუათ გოგოთურის სახლში გამართა შტაბი. ხევსურებმა ბრძოლა გააგრძელეს.

მუსხელიშვილმა შეცვალა აჯანყების გეგმა, რათა ხევსურების ნადრევი გამოსვლის გამო ბარში პარტიზანული მოძრაობა არ დაქსაქსულიყო და რუსის ჯარი თავის თოფ-ზარბაზნებით არაგვის გაუკვალ ხეობებში შეიყვანა, სადაც ჩასაფრებული ხევსურები მუსრს ავლებდნენ. ხევსურეთიდან მღვდელმა მარიამისძემ საგანგებო დავალებით გააპარა ფავლენიშვილი, რომელიც საშაბუროში ჩავიდა და იქიდან შეუდგა ამოხებულთა მობილიზაციას.

ფავლენიშვილი ქართლში ძმებს ჩივაძეებს დაუკავშირდა და ლაშქარაშვილს აცნობა: „მუსხელიშვილმა რუსების ჯარი მთლიანად სულ 6000 ჯარისკაცი სტრატეგიული მოსაზრებით შეგ ზავნა არაგვის ხეობაში. ჩოლოყაშვილი თავისი რაზმით და ხევსურებით პირისპირ ებრძვიან. ჩვენი ამოცანა არის, ზურგიდან დავარტყათ რუსის ჯარს... მე და საშა ხიმშიაშვილი გელოდებით დუშეთის გვერდით ტყეში... დაიძარ შენი რაზმით, იჩქარე, იჩქარე, დრო არ ითმენს. რუსები წინ მიიწევენ ხევსურეთისაკენ.“

ლაშქარაშვილმა, რომელსაც შეუერთდნენ ფარნაოზ ყარალაშვილი და ალექსანდრე მდივანი, ჯარი შეკრიბა, მაგრამ შტაბიდან სხვა ბრძანება მო-

ვიდა. როგორც აღვნიშნეთ, დამკომმა და ზოგიერთმა პარტიამ უარყო ნაადრევ მოძრაობაში მონაწილეობის მიღება და ეს შეხედულებანი თავიანთ რაზმელებს შეატყობინეს. დუშეთში მიახლოებული რაზმები შ. ფალავანდიშვილის, მ. ლაშქარაშვილისა და როტმისტრ ბაგრატიონ-მუხრანელის მეთაურობით დაიშალნენ და სახლში დაბრუნდნენ.

ხევსურები მარტონი აღმოჩნდნენ მტრის წინაშე. არაგვის ხეობიდან ხევსურეთის სოფლებს რიცხვმრავალი, დამშეული ჯარი შეესია. ამავე დროს, გუდამაყრის ხეობის გამოვლით, ფხიტუს უღელტეხილზე გადმოვიდნენ დამხმარე წითელი ჯარისკაცები სამთო ზარბაზნებით და ზურგიდან დაჰკრეს ხევსურებს. (ასრულდა უსინათლო ქერუმის თარხანთ გაგას ნამახინარი: ჯარი ფხიტუდან გადმოვა, მე კი ცეცხლში ვიწვებო.) „მაღლა შაკრეს ფხიტუს თავი, დაბლა – ორწყლით მაღალი. ქუხდა რუსის ზარბაზანი, სრუ იძროდა მთა-ბარიო...“

მოსახლეობა ტყე-ღრეში გაიხიზნა. „ბარმა გვიღალატა, ზურგში რომ უნდა დაერტყათ რუსებისთვის, აღარ დაარტყეს.“ (ალ. სულხანიშვილი)

ფხიტუს უღელტეხილიდან სეტყვასავით წამოსული ტყვიისა და ზარბაზნის ორი-სამი გასროლის შემდეგ, ხევსურებმა უკან დაიხიეს. წითლებმა დაიკავეს სოფელი უკანახო, გამართეს იქ შტაბი და სატელეფონო მავთული გააბეს ბარისახოში შემოსულ ბოლშევიკებთან, გაძარცვეს და გადაწვეს ხევსურთა სოფლები. განსაკუთრებულ სისასტიკეს იჩენს ცნობილი წითელი ტერორისტი ობოლამე.

წითელი არმიის ნაწილებს თან შემოჰყვნენ მოხალისე მთიულ-გუდამაყრელნი და ფშაველნი, რომელნიც ჯარისკაცებთან ერთად შეესივნენ ხევსურთა დაცარიელებულ სოფლებს და პირწმინდად გაძარცვეს. „ცეცხლის ალში გაგვახვიეს, შამაგვინთეს ხანძარიო: გაგვიღალეს საქონელი, არ გაღურჩათ ქვაბ-რვალიო...“

ხევსურ ამბოხებულთა წინააღმდეგ წითელ ჯართან ერთად იბრძვის და იწრთობა „ქართული გაერთიანებული სამხედრო სკოლის“ ჯარი, რომლის უფროსი იყო ტალახაძე, პოლიტკომისარი ბ. ძნელაძე.

ქართველმა კურსანტებმა ქვედანაყოფის მეთაურის კ. ლესელიძის მეთაურობით შეუტყის ხევსურთა უკანასკნელ გამაგრებულ პუნქტს – სოფელ აკუშოს. (ამავე რაზმში იმყოფება მომავალი ქართველი გენერალი პ. ჩანჩიბაძე)

ხევსურები „განუწყვეტლივ უშენდნენ ტყვიას შეტევაზე გადასულ საბჭოთა დანაყოფებს... გაჭირვებიდან ლესელიძემ ჰპოვა გამოსავალი. მან დაშალა სამთო ქვემეხი და გადააზიდინა მებრძოლებს ზოგი ნაწილი ზურგით, ზოგიც თრევით... ზარბაზანი ტაქტიკურად ხელსაყრელ ადგილას გადაიტანეს და ცეცხლის საფარქვეშ სამხედრო სკოლის კურსანტები შეტევაზე გადავიდნენ...“

აკუმო აღებულ იქნა, მაგრამ არმეილები აკუმოში რომ შევიდნენ, იქ არცერთი კაცი აღარ დახვდათ, ყველამ მოასწრო გასვლა და მიუკვლავ ხევებს შეაფარა თავი.

ჩოლოყაშვილმა იარაღი დაყარა: „ჩენი საქმე წასულიაო.“ ღულისთავიდან ორწყლამდე ღამით მიაცილეს ხევსურებმა იგი, სადაც ლევან რაზიკაშვილი დახვდა. ლევანმა ჩარგალზე გავლით არტანის თემის სოფ. სოფლიონში გადაიყვანა და პანკისის ხეობაში დაშორდა, მიუხედავად იმისა, რომ მას ჩოლოყაშვილის დატყვევება ან მოკვლა ჰქონდა ნაბრძანები.

„ხევსურეთის აჯანყების“ ჩახშობისთვის მთავრობამ წითელი დროშის ორდენებით დააჯილდოვა საექსპედიციო ჯარის მეთაური ს. ლევქთაძე, სამხედრო სკოლის უფროსი ი. ტალახაძე ამავე სკოლის კომისარი ბ. ძნელაძე.

სამსუბრეთი აჯანყების შედეგად. ხევსურთა აჯანყების წელი – 1922 ხევსურთა ხსოვნაში ცნობილია „ჯაროვა წლის“ სახელწოდებით. იგი იმდენად მნიშვნელოვანი იყო, რომ ხევსურები რომელიმე ისტორიულ მოვლენას თუ თავიანთ ასაკს 1922 წლიდან აითვლიდნენ: „ჯაროვა წელს დავბადებულვარ“, „ჯაროვა წელს ათი წლისა ვიყავი...“

ხევსურეთის აჯანყების ჩახშობის შემდეგ დაიწყო შეამბოხეთა თავკაცების ღებვა. ბევრი დააპატიმრეს კიდევ. რამდენიმე დახვრიტეს, ნაწილი კი ორჯონიკიძემ და მახარაძემ შეიწყალეს.

ხევსურეთში რთული სიტუაცია შეიქმნა. ხალხი ორ ბანაკად გაიყო – ძველი და ახალი მთავრობის მომხრეებად. ბევრი ყაჩაღად გავიდა. დაიწყო ხელისუფლების მოხელეების მიერ ხევსურთა რეპრესიები და ერთმანეთისთვის გადამტერება, რასაც სისხლ-მისისხლეობა მოჰყვა და კარგა ხანს გაგრძელდა. „აბიკა, ქაქუცა ჩოლოყაშვილის ხევსურეთში ყოფნის დროს, მისი ხელშემწყობი, საბჭოს წევრი და მრჩეველი იყო. დააბეზლა იდიათ იდიამ დათვისელმა, დაჭერინა ბოლშევიკებს და მეტეხის ციხეში მოკვდა. გადუამ ჰკრა თოფი იდიას და მოკლა. იმის სახლის კაცი იყო ჯუთელი შიშიათ გიორგი, იმან კიდევ გადუა დაჭრა.“ (ნ. ბალიაური). ასეთი ამბები ძლიერ გახშირდა.

„ბოლშევიკები რომ შემოვიდნენ, თავისი კანონები შემოიტანეს, მაგრამ ხევსურები ყურს არ უგდებდნენ არც ხელისუფლების მიერ დანიშნულ აქაურებს და არც მოსულებს. თუ გაიგებდნენ რომელიმე ხევსურზე – ბოლშევიკების „შპიონიო“, ისინი, ვის გვარსაც ბოლშევიკების საწინააღმდეგო რამე ჰქონოდა ჩადენილი (აკრძალულ იარაღს ატარებდა ან ბოლშევიკი ჰყავდა მოკლულად), კაცს მიუგზავნიდნენ „შპიონის“ გვარს: – თუ ჩვენ თქვენი ენით რამე მოგვივიდა, თავს არ აგაცილებთო... ხუთი, საქადაგებლად მოსული კომუნისტები ახოს მოკლეს. აიშალნენ ხევსურნი და რაც უნდოდათ, იმას აკეთებდნენ...“ (ნ. ბალიაური)

ახალი კაზრამბი. გასაბჭოების შემდეგ ხევსურეთი დუშეთის რაიონში შევიდა. საბჭოთა ხელისუფლების დამყარების პირველ წლებში თიანეთში, დუშეთსა და საერთოდ აღმოსავლეთ საქართველოს რაიონების სამაზრო ორგანოებში უნდობლობას უცხადებდნენ ადგილობრივ კადრებს და სხვა რეგიონებიდან მოჰყავდათ მორჩილი და ტლანქი შემსრულებლები. მაგ., თიანეთში – სურგულაძე, რულოფანოვი, შაიშვილი, ჭურღულია, დუშეთში – ბ. ძნელაძე, ხუხუა, ხეცურიანი, ჩიქოვანი, თელავში – ცინცაბაძე, მხეიძე, თოდუა და ა.შ.

მკაცრმა რეჟიმმა თანდათან ყველაფერი კალაპოტში ჩააყენა. აირჩიეს ადგილობრივი თემ-აღმასკომები, რომელთა თავმჯდომარეებად დანიშნეს მცირედ წერა-კითხვის მცოდნე ხევსურები, რომელნიც ასეთ ცნობას აძლევდნენ ხევსურეთიდან სავაჭროდ თუ სხვა პირად საქმეზე გასულ ხევსურებს: ესა და ეს კაცი პატროსანი და სვინდის-ნაძუსიანი მდიის ქალაქში საქმეზე. ხელი არავინ ახლოს. – დაარტყამდნენ ბეჭვეს და ეს ქალაქი იყო პასპორტიც, პირადობის მოწმობაც და მგზავრობის საბუთიც. (პასპორტი ხევსურებს 60-იან წლებამდე არც ჰქონიათ და არც სჭირდებოდათ.)

იმედი ბაზრატიონთა ღაბრუნებისა. ბაგრატიონთა დაბრუნების იმედი ხევსურებს რატომღაც ყოველთვის ჰქონდათ, 1813 წელსაც, პირველი მსოფლიო ომის დროსაც და გასაბჭოების შემდეგაც.

„გვეჯერა ისიც, რომ თამარ დედოფალი არ მომკვდარა, რომ იმას უხვედრ ალაგს ანგელოზებთან ოქროს კუბოში სძინავს, რადგანაც მეფობის ვადა, ლეთის განგებით ჯერხნობით სხვას არ გასვლია. მაგრამ დრო მოვა და ისევ გაიღვიძებს. ეს მაშინ მოხდება, როცა ხალხი მეტის-მეტად შეწუხდება და ცხოვრების ილაჯი გაუწყდება.“ (ვაჟა-ფშაველა)

„– მოვას!..

– იგვირგვინებს!..

– მკვდრებით აღდგების თამარ ნუფეი!“ (მ. ჯავახიშვილი)

„ხალხს სწამს, რომ მეფე ერეკლე და თამარ მეფე ცოცხლები არიან ღმერთთან და როცა გაუჭირდება საქართველოს მიემშველებიანო...“ (აკ. შანიძე)

„შეიყრებოდნენ ჯვარში ღლეობის დროს, დასვამდნენ ქადაგს და ისიც იძახდა. როშკის ხელოსანი (ხევისხერი) კიბალაურთ ბეწინტური ქადაგებდა: – ღიდგორის ჯვარი ამბობს: ისევ ბაგრატიონი უნდა იყოს მეფეო. ვლუმათ მინდიაც ბაგრატიონების დაბრუნებას ამბობდა, – კიდევ არის ნაპერწკალიო. გუდანის ქადაგები კი ამბობდნენ: – ლეთისგან არიან (ბოლშევიკები), ჩვენ ლეთი-შვილთ მორიგე ღმერთისაგან ჯერ ნება არა გვაქვს, ყმათ რამე გავაგებინოთ.“ (ნ. ბალიაური)

რადიოსიგნიფიკანტური 1937 წელს ხევსურეთში საგანგებოდ შეგზავნილმა პროვოკატორმა, ვინმე ქვლივიძემ, რომელსაც ერთი ქალიც ახლდა, მოსახლეობას თავი „დამკომის“ წევრებად გააცნეს, რომლებიც თითქოს ამერიკიდან ჩამოვიდნენ ხევსურეთში გეოლოგიური სამუშაოების ჩასატარებლად. მათ თარჯიმნად აიყვანეს ნასალდათარი ღერენა ბენასძე ლიქოკელი, დაიარეს სოფლები, ჩაატარეს კრებები და ხევსურებს საიდუმლოდ გაუმხილეს: „საბჭოთა ხელისუფლების დასამხობად უცხოეთიდან დასახმარებლად მოდიან, კვლავ ბაგრატიონები გამეფდებიან და ხევსურეთიც თავისუფალი იქნებაო“. ხევსურებმა დაწერეს წერილები ამერიკის, საფრანგეთის და გაერმანიის მთავრობების სახელზე, რომელშიც დახმარებას სთხოვდნენ. პროვოკატორებმა შეადგინეს ხევსურ თავკაცთა სიები და მათი წარმომადგენლები ქალაქში „იარალის მისაღებადაც“ დაიბარეს. იარალის მოყვარული ხევსურები მართლაც ჩავიდნენ ქალაქში, მაგრამ იქიდან აღარ დაბრუნებულან.

ცოტა ხანში ხევსურეთს მილიციის რაზმები შეესია და დააპატიმრეს დანარჩენი მემბროხე ხევსურებიც, რომელთაც მათი ახლო ნათესავებიც ზედ მიაყოლეს. თუმცა ეს უკანასკნელნი მალე გაათავისუფლეს.

ხევსურეთი მემბროხეებისგან რომ გაწმინდეს, მერე დანარჩენ მოსახლეობას მიადგნენ და თუ ხევსურეთში რაიმე იარალი იყო, ტრადიციული ხმალ-ხანჯალიც კი, ერთიანად წამოკრიფეს და საბარგო მანქანებით ქალაქში წაიღეს.

ხევსურთა რეპრესიები 1940-იან წლებშიც გრძელდებოდა. მეორე მსოფლიო ომის პერიოდში დააპატიმრეს და გადაასახლეს უნივერსიტეტის სტუდენტები: ლადო ბალიაური, მამუკა წიკლაური, ირაკლი გიგაური. ომის დამთავრების შემდეგ ტყეში გასული ხევსურები მთავრობამ შემოირიგა და აპატია დანაშაული.

დაახლოებით 30 ხევსურის სიცოცხლე შეეწირა რეპრესიებს. მათგან ზოგი დახვრიტეს, ზოგი გადასახლებაში დაიღუპა. ვინც ვერ შეიპყრეს, ერთმანეთი დააზოცინეს.

მეორე მსოფლიო ომი და ხევსურეთი. მეორე მსოფლიო ომმა ხევსურეთისთვის თითქმის უმტკივნეულოდ ჩაიარა. „მაშინ რადიოებ იყვის გუდელას, სრუ ომისას ამბობდინ, არცა იქნ აი ომ ქვე?“

მიუხედავად იმისა, რომ ხევსურებზე სპეციალური ბრძანება გამოიცა, რომ ისინი ჯარში არ გაეწვიათ და მათი დახმარებით კავკასიონის უღელტეხილები გაემაგრებინათ, ბევრი ხევსური მოხალისედ წავიდა ფრონტზე, ზოგს ჯარში სამსახურისას მოუსწრო ომმა და შინ ველარ დაბრუნდა.

ხევსურები ომის დროს ხელისუფლებას „ბეგარაზე გაჰყავდა“. მათ

ჩრდილოეთ კავკასიაში მდგარი სამხედრო ნაწილებისთვის უღელტეხილებზე ტყვია-წამალი და სურსათი გადაჰქონდათ.

ხევისპირაში მდებარე ალმოდენა. ჩოლოყაშვილის გამოსვლების შემდეგ, მიწწარდა რა შეაბოხე ხევსურეთი, მთისკენ გზა გაეხსნა კულტურის მუშაკებსა ინტელიგენციის წარმომადგენლებს, რომელთაც ვერ კიდევ ვაჟა-ფშაველამ, ალ. ყაზბეგმა, პეტრე უმიკაშვილმა, აკ. შანიძემ და სხვა ერთუზიანტმა ერისკაცებმა გაუკვალეს გზა. 1900-იანი წლების დასაწყისში ახალგაზრდა აკ. შანიძე ხევსურეთიდან პეტერბურგში ნიკო მარს წერდა: „თამამად შეიძლება ითქვას, რომ აქ პოეზიის სამეფოა.“

ყველაზე პირველნი, ვინც გასაბჭოების შემდეგ ხევსურეთისკენ მოუწოდეს ინტელიგენციას და ხელისუფლებას აგრძნობინეს, რომ მთიელებში „წითელი ეშმას“, მილიციის რაზმებისა და ხიშტის შეტანის ნაცვლად წიგნისა და განათლების შეტანა იყო აუცილებელი, ზოლო მთიელებიდან და მთის სიღრმეებიდან იქ საუკუნეების მანძილზე დაღუპილი და ჩათვლებილი უძველესი ცივილიზაციისა და კულტურული ფენების საქვეყნოდ გამომხეურება იყო საჭირო, იყვნენ გრ. რობაქიძე, მ. ჯავახიშვილი და კ. გამსახურდია.

და დაიძრნენ ხევსურეთისკენ ათასგვარი მაძიებელნი, ზოგი სულიერი ფასეულობის, ზოგიც ეგზოტიკის. მათ შორის ქვაბ-ავაზაკიც იყვნენ. ხევსურთა გაბრიყვებით გამოჰქონდათ მატერიალური ფასეულობანი: ვერცხლი, იარაღი, ტალავარი. უმრავლესობამ კი მართლაც ბევრი სასიკეთო რამ გააკეთა ხევსურეთისთვის: დაინახა, წარმოაჩინა, დაწერა და ხელიც გაუშართა ხევსურებს. იყვნენ ისეთებიც, რომელთაც არც არა შეუტანიათ, არც არა გამოუტანიათ და არც არა დაუნახავთ მთიელებში სიღარიბის, მჭვარტლისა და ნაკელის მეტი. (მაშინ ახალგაზრდა, შემდგომში ერთმა სახელოვანმა პოეტმა ფშავე-ხევსურეთში „დამპალი ყველი“, „ერბოში გაბანილი ხევსური“, „მყრალი პურ-არაყი“ დაინახა და ხევსურული სოფელი „კლდეზე ჩამოსკინტულს“ შეადარა.)

იქმნება „საქართველოს მთიელთა კულტურული საზოგადოება“, რომლის თავმჯდომარეა სანდრო ყაპარაული. იგი ქართულ და რუსულ ენებზე გამოსცემს წიგნებს ხევსურეთზე. საზოგადოება სხვადასხვა სახის ექსპედიციებს აგზავნის ხევსურეთში, აარსებს ქოხ-სამკითხველოებს, დაწყებით სკოლებს, სამედიცინო პუნქტებს. 1925 წელს ბარისახოში შენდება საავადმყოფოს შენობა, სადაც მუშაობას იწყებს პირველი ხევსური ექიმი ერასტი ბალიაური. საზოგადოება ხელშეკრულებას დებს მოსკოვის „კინოფილმ“-ის არტელთან და 1928 წელს ეწყობა პირველი კინო-ექსპედიცია კავკასიაში, რომლის დროსაც პოლონელი კინორეჟისორი კაზიმეჟ ჰერტელი კინოფორზე აღბეჭდავს ხევსურეთს.

1929 წელს მთიელთა საზოგადოება ხევსურეთში აწყობს კულტურულ ლაშქრობებს ნიკო ხეთაგურის ხელმძღვანელობით.

1933 წელს საქართველოს გეოგრაფიული საზოგადოება ხევსურეთში გზავნის ექსპედიციას ს. მაკალათიას ხელმძღვანელობით. (ს. მაკალათია გამოსცემს წიგნს ხევსურეთზე)

ხევსურეთზე თავის მოგონებებში წერენ ყველა იქ მოგზაური, მომსახურე, მასწავლებელი, ექიმი, კინომოღვაწე, მხატვარი... რომელთა შორის აღსანიშნავია ექიმ გ. თედორაძის ორი წიგნი: „ხუთი წელი ფშავ-ხევსურეთში“.

1947 წელს ხევსურეთზე დოკუმენტურ ფილმს იღებს ლენინგრადელი სობოლი, რომელსაც ფილმის ნაწყვეტები 1974 წელს ხევსურეთშიც ჩამოაქვს.

ხევსურეთსა და ხევსურებზე მხატვრულ ნაწარმოებებს ქმნიან: გრ. რობაქიძე – „ენგადი“; მ. ჯავახიშვილი – „თეთრი საყელო“; კ. გამსახურდია – „ხოგაის მინდი“; პელენა ბობინსკა – „ქაბუნაურთა შთამომავლის შურისძიება“; ა. ბელიაშვილი – „ვეფხია ხალიბაური“; მ. ჩიქოვანი – „დათვია არაბული“; ს. მანველიანი – „ლიქოკელი“; გ. რჩეულიშვილი – „ბათარეკა ჭინჭარაული“; თ. ნატროშვილი – „ხვალ დოღი იქნება ხეობაში“... პოეტები ს. ჩიქოვანი, გ. ლეონიძე, ა. გომიაშვილი, ა. კალანდაძე, შ. ნიშნიანიძე... კინორეჟისორები ს. დოლიძე – „უკანასკნელი ჯვაროსნები“; შ. მანაგაძე – „ხევსურული ბალადა“; თ. აბულაძე – „ვედრება“... მხატვრები გ. გაბაშვილი, შ. ქიქოძე, ვ. სიღამონ-ერისთავი, კ. სანაძე...

მნიშვნელოვანი ნაშრომები აქვთ გამოცემული ხევსურეთზე გ. ჩიტაიას, ვ. ბარდაველიძეს, რ. ხარაძეს, უ. ერიაშვილს, ც. ბეზარაშვილს, თ. ოჩიაურს, ზ. კიკნაძეს, დ. გოგოჭურს, ალ. ჭინჭარაულს, მ. მაკალათიას, ბ. გამყრელიძეს, ა. ქალდანს, რ. თოფჩიშვილს...

1960-1990-იან წლებში ხევსურეთში მუშაობს საქართველოს სახელმწიფო მუზეუმის ექსპედიცია მ. ხუციშვილისა და გ. ჯალაბაძის ხელმძღვანელობით, რომელიც იღებს ხევსურულ რელიგიურ დღესასწაულებსა და ხევსურთა ყოფის სხვა დეტალებს. ამ მასალების მიხედვით რეჟისორები ვ. ზუბაშვილი და კ. მელითაური 1997 წელს იღებენ დოკუმენტურ ფილმს „ხევსურები“.

1930-იანი წლებიდან საზოგადოებრივ და კულტურულ ასპარეზზე გამოდიან ხევსური ინტელიგენციის წარმომადგენლები. (მხატვარი ვ. სიღამონ-ერისთავი თავის მოგონებებში წერს იმ წლებში ხარკოვის უნივერსიტეტში მოღვაწე პროფესორ ლიქოკელის შესახებ.) იმ პერიოდის ქართულ ლიტერატურაზე თავის სიტყვა სთქვეს ლადო ბალიაურმა (ჯერ კიდევ ახალგაზრდა გადასახლებაში დაიღუპა) და გაბრიელ ჯაბუშანურმა, რომელიც არეულმა ცხოვრებამ და ბედის უკუღმართობამ აღმა-დაღმა ატარა.

ამ ხანებიდან ცოდნის მაძიებელ ხევსურ ახალგაზრდებს დიდად ეხმა-
რებიან და ქომაგობენ მ. ზანდუკელი, ნ. კეცხოველი და გ. ლეონიძე.

ბრძოლა ძმებსა და ახალს შორის. გასაბჭოების შემდეგ მთიელმა აქტივისტებმა ხელისუფლებას აუბეს მხარი და მათ საამებლად მუშაობა გა-
აჩაღეს ხევსურეთში. თავდაპირველად ჩოლოყაშვილის თანამებრძოლების
დაბეზლებით დაიწყეს, შემდეგ ბრძოლა რელიგიურ გადმონაშთებსა და ცრუ-
რწმენებს გამოუცხადეს. თავად ხელისუფლების მიერ ხევსურეთში გაგზავ-
ნილი მოხელეების უმთავრესი ყურადღება ხევსურთა ანტისაბჭოურ განწყო-
ბილებასა და სისხლის სამართლის დანაშაულზე (ჭრა-ჭრილობა, ქურდობა,
იარაღის ტარება) იყო მიპყრობილი, დანარჩენი „საქმეები“ ხევსურ აქტივის-
ტებს მიანდეს.

ხელისუფლების მოხელეებისა და თვით ხელისუფლებისთვის იმდენად
უცნობი იყო ხევსურეთი, რომ შეცდომას შეცდომაზე უმკებდნენ, ანგრევდნენ
მთას და ხშირად თავსაც იმასხარაეებდნენ. „ახალი მთავრობა ხშირად შეც-
დომებს უშვებდა ხევსურების მიმართ. მაგალითად, ხევსურებს შეაწერეს
რამდენიმე ტონა ღორის ხორცი, მაშინ, როცა ისინი მელიორუობას არ მისდე-
ვენ და ღორის ხორცს საერთოდ არ ეკარებიან.“ (გ. ჩიტაია)

როდესაც ქალაქიდან ხევსურეთში ავიდნენ ათეისტთა პროპაგანდისტები,
რომელთაც ხევსურთა რწმენა-წარმოდგენების არაფერი გაეგებოდათ და იქ
არცერთი ეკლესია არ დახვდათ, რელიგიური გადმონაშთები ასი პროცენტით
აღმოფხვრილად ჩათვალეს და კმაყოფილები გაბრუნდნენ უკან. ხევსურმა აქ-
ტივისტებმა კი, ავალებდა ვინმე თუ არ ავალებდა, ბრძოლა ხევსურთა ჯვარ-
სალოცავეებსა და მათ მსახურებს გამოუცხადეს. კრძალავდნენ ჯვარიონთა
მსვლელობებს, უკრავდნენ მათ გზას, ჭრიდნენ ჯვრის წმინდა ხეებს, მოსახ-
ლეობას აიძულებდნენ ემუშავათ უქმე დღეებში, არ ელოცათ ჯვარი და ა.შ.

შემდეგ ქალის მამაკაცთან გათანაბრების კამპანია გააჩაღეს და სამრევ-
ლოების ნგრევა დაიწყეს. 1939 წელს გახეთი „სტალინური გზით“ წერდა:
„...კრებაზე ახსნა-განმარტება იქნა ჩატარებული თუ როგორ უნდა ვებრძო-
ლოთ ძველ ზნე-ჩვეულებებს და ამასთან ერთად წაკითხულ იქნა ახალგაზრ-
და ქალების განცხადება. ხალხი კომკავშირელებისა და კავშირგარეშე ახ-
ალგაზრდა ქალების საერთო განცხადებას აღტაცებული შეხვდა. კრებაზე
შემოიყვანეს სამრევლოში ნამყოფი კომკავშირელი ქალი მარიამ ბურდული.
სამრევლოში მყოფი ქალის კრებაზე გამოჩინას დამსწრენი ტამისცემით
შეხედნენ. როშკის კომკავშირის ორგანიზაციის სახელით ძილა წიკლაურმა
ითხოვა, რომ სოფელ როშკაშიც ჩატარებულიყო ასეთი კრება სათანადო
ახსნა-განმარტებით. ამ საქმეში ენერგიულ მუშაობას და საჭირო ახსნა-

განმარტებას ატარებდა ლენინური კომკავშირის წევრი, ქმოსტის მოზარდთა სკოლის მასწავლებელი თამარა გაგნიძე.“

იმ ხანებში ხევისურეთის სოფლების დაწყებით სკოლებში, სამედიცინო პუნქტებსა და სამკითხველოებში მოვიდნენ სხვადასხვა პოლიტიკური შეხედულების ადამიანები, რომელთაგან ბევრი გამოერიდა ქალაქს და ხევისურებს შეაღია სიცოცხლე. ბევრს კი თავად ხელისუფლება აგზავნიდა და ძირითადი საქმიანობის გარდა სხვადასხვა სახის დავალებებსაც აძლევდა. ზოგმა სოფელმა მისული მასწავლებელი არც მიიღო: – აგენტი იქნებაო.

ამ ურთიერთჭიდილსა და ხელივნურ გარემოში ყალიბდებოდა დღევანდელი ხევისურის ყოფა და ხასიათი, განუკითხავად ინგრეოდა ძველი, ავიც და კარგიც, თუმცა „ბრძოლის ამგვარ მეთოდებს მიმბაძველი არ აღმოაჩნდა და საერთოდ მას არავითარი ნაყოფი არ გამოუღია.“ (თ. ოჩიაური). ძნელი აღმოჩნდა საუკუნეებით დამკვიდრებული ტრადიციებისა და ჩვეულებების რღვევა ხელის ერთი მოსმით, ძალადობითა და კრებებით. გამოხდა ხანი და ბევრი რამ დრომ თავად უარყო.

ომის წლებში ხევისურებისთვის არავის ეცალა. 1950-იანი წლებიდან მთავრობაში კვლავ დღის წესრიგში დადგა ხევისურეთის საკითხი და დაიწყო ხევისურთა მასობრივი ჩასახლება შირაქსა და სამგორში. ძნელი იყო ლალი მთიელისთვის მზით გადახრუკულ ბარის მიწასთან შეგუება, ზოგი უკანვე გაბრუნდა. ხევისური დამქაშებით ზურგმომავრებული მილიცია და სატყეო ყველანაირად ავიწროვებდა მამა-პაპის კერიაზე დარჩენილ მოსახლეობას. თვითნებური „ობისკებით“ ძარცვავდნენ ხევისურებს, „აბეშიკები“ კი სახსნა-ვებში ნაძვნარის გამალებულ გაშენებას აწარმოებდნენ და ტყიდან ჯოხის გამოტანასაც კი კრძალავდნენ. ყველაფერ ამას თავკაცობდნენ მილიციონერი ვ. კუცია და მეტყვეე ტ. ფშეშინი. ხევისურთა მამულები სხვადასხვა კოლმეურნეობათა ცხვარმა და საქონელმა დაიკავა. თავად ხევისურებს კი განსაზღვრულ რაოდენობაზე მეტი საქონლის ყოლა ეკრძალებოდათ.

სამსუიროების მუხომამაში მისტების მასახლეობა. 1944 წელს ხევისურეთის მომიჯნავე ტერიტორიებზე განსახლებული ქისტები სპეციალური ბრძანებით „ოცდაოთხ საათში“ აპყარეს და შუა აზიაში გადასახლეს. გაუკაცრიელებულ სოფლებში მეორე დღეს მხოლოდ ძაღლები და ყმონდნენ. ქისტების ნაწილი ყაჩაღად გავიდა და კავშირი შეკრა გერმანელებთან.

ქისტების დაცარიელებული სოფლები დროებით დაიკავეს ხევისურებმა და სხვა მეზობელმა მთიელებმა. 1956 წელს ქისტების ნაწილი კვლავ თავის სამშობლოში დაბრუნდა. ხევისურებმა მათ მოვლილი სახლ-კარი დაახვედრეს, მადლობის ნიშნად თითო სული ძროხა და რამდენიმე ხნის სამყოფი სურსათ-სანოვაგე დაუტოვეს და საქართველოს ბარს მიაშურეს.

ომის დამთავრების შემდეგ აღმოსავლეთ საქართველოს მთიანეთში მოქმედებს 1944 წელს ტყეში გასული ქისტების რამდენიმე შეიარაღებული რაზმი. მათ სალიკვიდაციოდ იგზავნება ოპერატიული ჯგუფები, რომლებიც ხანგრძლივი ბრძოლის შემდეგ ხევსურეთში, შუაგულ ზამთარში ანადგურებენ ყაჩაღებს.

ახალი მშენებლობანი სკვსპრამში. 1970 წელს დასრულდა ბარისახო-შატილის საავტომობილო გზის მშენებლობა. ბებერმა პირიქითელმა ხევსურებმა მაშინ პირველად ნახეს „მაშინა“.

სწავი ტემპებით დაიწყო დროის შემობრუნება. თუ მანამდე მთიელთა ბარში დაბინავებას უკრავდნენ ტაშს, ახლა „მთას დაუბრუნდა მთიელის“ კამპანია გაჩაღდა. მაგრამ ამაოდ... უკვე ბარს შეგუებული ხევსურისთვის ძნელი აღმოჩნდა კლდე-ჭიუხებთან, ხარ-გუთანთან და მამა-პაპურ თიბემკასთან დაბრუნება.

1970-იანი წლებიდან ხევსურეთში არქიტექტორ ი. მარგიშვილის პროექტით შენდება სოფლები გუდანი და შატილი. პარალელურად მიმდინარეობს შატილის დაქცეული კოშკების რესტავრაცია.

ხევსურეთში ხევსურთა დამაგრებისა და მოსახლეობის კვლავ უკან დაბრუნების მიზნით ტარდება სხვადასხვა უთავბოლო ექსპერიმენტი. ბარისახოსა და შატილში ყალიბდება კოოპერატიული, უსაქონლო მეურნეობები. ხაზმატში, გიგაურთის ველზე, ჩირდილის ჭალაში, გიორგწმიდის ჭალაში, შატილში შენდება სხვადასხვა სახის კაპიტალური ნაგებობები და პავლიონები, რომლებიც მალევე ინგრევა და პარტახდება.

და, რაც მთავარია, ე. შევარდნაძის თაოსნობით ტარდება ყოველწლიური სამთავრობო დღესასწაული „შატილობა“, რომელზეც უფრო მოსული, ბარელი სტუმრები მოილხენენ, ვიდრე თავად ხევსურები. „შატილობას“ აქვს შეფარული მიზანი: ახლოვდება საბჭოთა იმპერიის რღვევა, „შატილობა“ კი აჩვენებს, რომ აქ, საქართველოს უკიდურეს ჩრდილოეთში, კავკასიონის გადმოდმა ქართველები კვლავ დგანან.

1982 წელს ხევსურეთში დაიდგა სატელევიზიო ანძა.

იწყება ხევსურეთზე გამავალი ტრანსკავკასიის სარკინოგზო მაგისტრალის მშენებლობა, რამაც ხევსურეთში უამრავ ხალხს მოუყარა თავი. მიმდინარეობს სხვა დიდი მშენებლობებიც, მაგრამ 1985 წელს დაწყებულმა „პერესტროიკამ“, შემდგომ კი საბჭოთა იმპერიის დაწვრთვამ კვლავ შეაჩერა ეს მშენებლობები.

პროინფორმაციის მოძრაობა და სკვსპრამში. საქართველოში ეროვნული მოძრაობისა და გამოსვლების დროს ხევსურეთში რაიმე მნიშვნელოვანი არ

მომხდარა. ხევსურები არ მიმხრობიან რომელიმე პარტიას და არც სამოქალაქო ომში მიუღიათ მონაწილეობა. თუმცა იყო და ახლაც ხდება, რომ ესა თუ ის მმართველი და ოპოზიციური პარტიები ცდილობენ თავიანთ სასარგებლოდ გადაიბირონ ხევსურეთის მოსახლეობა.

1990 წელს ხევსურეთში ექსპერიმენტის სახით ჩამოყალიბდა „ხევსურეთის თემთა საბჭო“, რომელმაც გააუქმა ბარისახოს, გუდანისა და შატილის სასოფლო საბჭოები. კომუნისტურ პარტიას ხევსურეთისთვის აღარ ეცალა და ხევსურები თავის ნებაზე მიუშვა. ჩატარდა „ხევსურეთის თემთა საბჭოს“ არჩევნები. აირჩიეს თავმჯდომარე და გამგეობა. მაგრამ ზ. გამსახურდიას ხელისუფლების მოსყლის შემდეგ, ჩატარდა თუ არა ახალი საკრებულოს არჩევნები, „ხევსურეთის თემთა საბჭო“ ფაქტობრივად გაუქმებული აღმოჩნდა, ანუ რიგით საკრებულოდ იქცა.

სურვილი იმისა, რომ მთიან მხარეებს (თუშეთი, ფშავ-ხევსურეთი, მთიულეთ-გუდამაყარი) პარლამენტში ჰყოლოდა თავისი დეპუტატი, ხელისუფლების მიერ მიღებული არ იქნა.

1996 წელს საქართველოს ჩრდილოეთ საზღვარზე, ხევსურეთის მონაკვეთზე, დგება სასაზღვრო ჯარი. ხევსურეთს თითქოს უბრუნდება თავისი ძველთაძველი ფუნქცია საზღვრის დამცველისა.

1997 წელს დგება საკითხი ხევსურეთზე ჩეჩნეთ-საქართველოს საავტომობილო გზის მშენებლობისა და ჩეჩნები შემოდიან კიდეც შატილში.

ბოლო წლებში ხევსურეთი მიტოვებულ-მივიწყებულ იქნა. არჩევნების დროს თუ გაახსენდებათ იგი.

„სხვად ხევსურეთი ისევ ისეა, როგორც უწინ გინახავთ, უფრო ჩამობღარულ-ჩამოკაწრული და ჩასაცოდავებული...“ (ვაჟა-ფშაველა)

წინათქმა	5
რა ვიცი ფსოველთა შესახებ	8
ფხოველთა სოციალური წყობა	10
ვინ მართაუდა ფხოვეს	10
მთის როლი სახელმწიფოსთვის	11
ქველი ცნობები იბერიის მთიელების შესახებ	11
ვინ იყვნენ ფხოველნი	12
ფხოვის საზღვრები	12
ხევსურთა ნათესაე-წინაპარნი	13
ხთიშვილნი და დეე-კერპნი	14
ხმეს ურეთის აღმოჩენა XIX საუკუნეში	15
ხევსური – „ხევის ურია“	16
ანდრეზი ხევსურეთის დაარსების შესახებ. გუდანი	16
სახელწოდება „ხევსურეთი“	16
რატომ არ მოიხსენიება „ხევსურეთი“ ძველ წყაროებში	17
ხევსურეთი და ხევსურები	17
სამაგანძუროს ხევსურნი	17
საათაბაგურო	18
მაგანძურთა მოძვე გვარები	18
ხევსურული გვარები	19
ჯიშინი და უჯიშო გვარები	19
როგორ გაძლიერდა გუდანის ჯგარი	20
ხევსურეთის თემები	20
გორშელმა	21
საარაგო	22
ლიქოკი	22
ღულელნი	23
წყალსიქითი	23
ბისოელ-ხახმატელნი და ჭორამეშინნი	24
მთასიქითი	24
მიღმახევი	25
არხოტი	26
ბაკურხევი	26
ჯუთა და ართხმო	26
ურთიერთდამოკიდებულება ხევსურეთის თემებს შორის	26
როგორ ვალ იბღებოდა ხმეს ურეთი და ფშავი	27
ფხოველნი ჯვარის მსახურნი	28
ხევსურების ჯვარი და ფშაველების ხატი	29

ფხოველთა უმთავრესი სალოცაი	29
ხთისკარი	30
მორიგე	31
კვირაე	31
„ადგილის დედა“, ანუ ხთიშობელი	31
წმინდა გიორგი	32
ხეცსურთა ზიგიერთი რელიგიური წარმოდგენები	32
დეე-კერპთა წინააღმდეგ მებრძოლი ხთიშვილნი	33
ხეცსურთა უქმეები	35
ბუნება ხმესურათისა	36
სახლ-კარი ხეცსურისა	38
ტალავარი ხეცსურისა	41
საომარი აღჭურვილობა ხეცსურისა	43
თავად ხეცსური (პორტრეტი)	45
ხეცსურის ქონება და სიმდიდრე	50
პოეზია და სიმღერე ხეცსურისა	52
ხეცსურული დიალექტი	54
სწორფრობა	54
მიჯნურობა	55
ჭრა-ჭრილობანი და მკვლელობა	55
„კარახტინი“	57
შემწყნარებლობა ხეცსურისა	57
მტრისთვის მარჯვენას მოჭრაზე	58
ვაჟიშვილის (შემკვიდრის) შესახებ	58
ხეცსურული ლუდი	58
„დიდი ლუდი“	59
მკედრის კულტი ხეცსურეთში	59
დამარხვის წესი	60
ხმესურები და მათი მუჯობლები	61
ხეცსურები და ქისტები	62
ხეცსურები და თუშები	64
ხეცსურები და გუდამაყრელნი	65
ხეცსურები და მოხევეები	65
ხეცსურები და ფშაველები	66
ხმესურები მორჩილ ებან მსოლოდ მუჟეს	66
ხეცსურთა ლაშქრის წინამძღვარი	67
ქადაგი – შუამავალი ღვთაებასა და საძმოს შორის	68
მისნობა ცხოველთა ორგანოებზე	69
ხეცსურთა დროშა	69
ლაშქრობა-მეკობრობა	70

ნადავლის განაწილება და ჯილდოები	71
სახელმწიფო ბეგარა-გადასახადი	72
მეფე თარნავაზი და უსოველნი	73
ფარნავაზის დროის ღვთაებანი ფხოვეში	74
ფხოველთა ლაშქრობანი სამხრეთ-დასავლეთ საქართველოში („ქაჯავეთის ლაშქრობა“)	75
ქაჯავეთური განძი	76
მეფე საურმაგი და ფხოველნი (კავკასიანების ჩამოსახლება)	76
მირვან მეფე დევნის კავკასიანებს და იმორჩილებს კავკასიის მთიელებს	77
ფხოვი ექცევა მეფის გავლენის ქვეშ	78
ფხოველნი – კავკასიის კარის მცველნი	78
ფხოველები და პომპეუსი	79
ძარისტიანობის ბავრცულება უსოვეში	79
ხთიშვილნი და დეე-კერპნი ქრისტიანობის გაერცელების ხანაში	81
ქრისტიანული მშენებლობა ფხოვეში	82
მაზღეიზმი ფხოვეში	84
ტოტემიზმი ფხოვეში	85
ვახტანგ გორგასალი და ფხოველები	85
სპარსელები და ფხოვი	86
ჰერაკლე კეისარი, ხაზარები და ფხოვი	87
არაბობა და ფხოვის წანარები	87
ბრძოლა საქართველოს ბაგრტიანებისათვის	89
„დიდი თურქობა“ და ფხოვი	89
დავით აღმაშენებელი და ფხოველნი	90
მჭედლობის მესაიდუმლე გვარების (დეე-კერპთა) აყრა ფხოვიდან	91
განძის მოტანის ანდრეუზი	92
ორბელთა ამბოხი და ფხოველნი	92
ჯვაროსნები და ფხოველნი	93
ფხოველთა ამბოხება თამარ მეფის დროს	94
წმინდა ხეთა კულტი ფხოვეში	96
ფხოველთა ამბოხის შემდეგ	97
თამარ მეფე ხევსურთა გადმოცემებში	98
შინაომები ფხოვეში	99
ხვარაზმელები და მონღოლები	100
თორღუა პანკელი და ფხოველთა ამბოხი	100
მონღოლები და ფხოველნი	102
გუდანის ჯვარი – „ბერი ბაადური	102
მონღოლთა ბატონობის შემდეგ	103
არეულობანი მთიანეთში. „ძეგლის დადება“	103

გიორგი V ბრწყინვალე და ხევსურები	104
ხევსურეთი თორღვა ძაგანისძის დროს	105
„უამნი“ ხევსურეთში	106
ხევსური აქიმ-მკურნალნი	107
თემურ-ლენგი და მთიელები	108
მეფე გიორგი VIII რეფორმები და ხევსურები	109
ფხოველთა ამბოხი და განდგომა	110
ფხოველნი ლაშქარეუნი მუხრანბატონებს	110
კახეთის მეფე იმორჩილებს ხევსურებს	112
კახეთის მეფეები ხევსურეთის გავლით გადიან რუსეთში	113
შაჰ-აბასი აგზავნის ჯარს ფშავ-ხევსურთა მოსაოხრებლად	114
ერისთავთა ხევსურეთში	114
ხევსურთა მიგრაცია	116
ემალას ჯვარის დაცემა	116
ერისთავის წინააღმდეგ მებრძოლი ხევსურნი	116
თეიმურაზ მეფე და ხევსურები	118
ბატონი	119
ერეკლე I და ხევსურები	121
ატენის ომი	122
გორის ბრძოლა. პატარა კახი და გუდანის ჯვარი	123
არაგვის საერისთავოს გაუქმება	125
ხევსურული რჯული	125
ლევან ბატონიშვილის სიკვდილი	127
თრუსოს ლაშქრობა	127
ხევსურთა ამბოხი ერეკლე მეფის დროს	127
სჯულზედ წამყდარი ხევსურები და ერეკლე მეფე	128
ხევსურები მეფე ერეკლეს კარზე	129
ხევსურები მეფე ერეკლეს დავალებით ეხმარებიან კახთა და თუშებს მოთარეშე ლეკების წინააღმდეგ ბრძოლებში	130
ხევსურები ერეკლე მეფის ბრძოლებში	131
ასპინძის ომი	132
„შვიდი ხევსური“	135
მეფე ერეკლე აჯილდოვებს ხევსურებს	135
კრწანისის ომი	136
სამასი ხევსური ჟინვალში ებრძვის სპარსელთა ჯარს	139
მეფე ერეკლეს სიკვდილი	140
მეფე ერეკლეს დროის ხევსურეთი	141
გუდანის ჯვარის დროშის ქვეშ	
ხევსურთა გაერთიანების პრობლემები	142
„ქალაქის არევა“. ნიახურას ომი	145

რუსების შემოსვლა საქართველოში და ხევსურეთი	144
1804 წლის ამბოხება და ხევსურები	145
1812 წლის კახეთის ამბოხება და ხევსურები	148
1813 წლის ხევსურეთის ამბოხება	150
აკუმოს ბრძოლა	154
ხევსურთა ამბოხების შემდეგ	155
რუსთა ხელისუფალნი ხევსურეთს იზოლაციაში აქცევენ	156
ხევსური ბუნებას და ხასიათს იცვლის	157
ხევსურეთს ეცნობა საზოგადოება, ანუ მისი აღმოჩენა	158
შამილი და ხევსურები	159
შამილის ლაშქრობა რუსეთში	161
ქისტების გადასვლა პანკისის ხეობაში	162
ხევსურები გაჰყავთ რუსის ჯარში	162
ხევსურები რუსეთ-თურქეთის ომში	162
ხევსური ძველი და ახალი დროის შესახებ	163
საფეხენო – ხევსურთა სკოლა	163
წიგნი და „ქალაღლი“ ხევსურეთში	165
სკოლა ხევსურეთში	166
მიგრაცია	168
მშენებლობანი და გეოლოგიური ძიებანი ხევსურეთში	170
1900-იანი წლების რევოლუციები და ხევსურეთი	171
ახალი დროება ხევსურეთში	173
„საღდათობა“ და ომი	175
ნიკოლოზ II – ს ტახტიდან ჩამოგდება	175
კომისრები ხევსურეთის გავლით ჩადიან თბილისში	177
ქისტის მოთარეშენი	177
შეტაკება ჯარეგოში	178
ხევსურების ბრძოლა წითელი არმიის წინააღმდეგ	178
ხევსურები და ფშაველები არეულობის დროს	179
წყალსიქითელნი და შუაფხოელნი	179
კადუელნი და ჩარგლელნი	180
ხევსურეთის აჯანყება. „ჯაროვა წელი“	181
ხევსურეთი აჯანყების შემდეგ	186
იმედი ბაგრატიონთა დაბრუნებისა	187
რეპრესიები ხევსურეთში	188
მეორე მსოფლიო ომი და ხევსურეთი	188
ხევსურეთის მეორედ აღმოჩენა	189
ბრძოლა ძველსა და ახალს შორის	191
ხევსურების მეზობელი ქისტების გასახლება	192
მშენებლობანი ხევსურეთში	193
ეროვნული მოძრაობა და ხევსურეთი	193

შოთა არაბული
ისტორიული თავგადასავალი სექსურთა

თბილისი
2005

აიწყო და დაკაბადონდა გამომცემლობა „ცოდნა“-ში
რედაქტორი შინანა უკლებია,
კომპიუტერული უზრუნველყოფა თაქარ ბუჯააშვილის